

甲寅存稿自序

民國七年春。友人李君守常大鈞。李君革癡泰榮等。及愚妻吳弱男。勸愚彙刻文稿。免致散佚。意甚勤厚。商務印書館亦願任刊布之役。愚乃檢點舊作。續續付手。民擬自癸卯以迄當時。擇其差可取者。都爲一冊。是年秋。甲寅雜誌及甲寅日刊之文。大半排就。愚忽悔之。停稿未發。因閣滯者兩年餘。以凡所作。大抵候蟲時鳥之爲。義不足存。文亦大反時尚。徒殃梨棗。甚無謂也。願已排之稿。紙型累累。損何從償。且守常革癡及弱男等。慙慙仍未有已。而弱男檢校尤勤至。則亦姑且隨緣。足成甲寅一部。任其流行而已。顏曰甲寅存稿。昭其實也。十年一月 日章士釗

甲寅雜誌存稿卷上目錄

社說

頁數

政本	一
國家與責任	二六
政力向背論	六一
調和立國論	九六
政治與社會	一四一
復辟平議	一八四
共和平議	二一一
帝政駁議	二四二
民國本計論	二八六
自覺	三〇九

時局痛言·····	三二〇
國民心理之反常·····	三三一
國家與我·····	三三八
說憲·····	三三三
愛國儲金·····	三六二
評梁任公之國體論·····	三七一
讀嚴幾道民約平議·····	三七七
附甲寅日刊存稿	

發端·····	一
論通信祕密·····	七
國教問題·····	一〇
一院制之主張·····	一二
理想之一院制·····	一六

議會之品格·····	一二二
議會減少名額之主張·····	一二三
論解散權與不信任投票·····	一二七
國務總理之任免與副署問題·····	一三三
論行政裁判·····	一三五
論同意權·····	一四一
憲法問題·····	一四三
加入歐戰問題之意見·····	一四六
反對政府外交政策者應有之覺悟·····	一四九
臨崖勒馬之外交·····	一五〇
愚之外交政策觀·····	一五二
外交問題·····	一五四
約法上宣戰問題之解釋·····	一五六

論段總理辭職事·····	五八
段總理應取之態度·····	六〇
創設特別國務會議增造不管部之國務員議·····	六三

甲寅雜誌存稿

社說

政本 民國三年五月

爲政有本。本何在。曰在有容。何謂有容。曰不好同。惡異。欲得是說。最宜將當今時局。不安人心。惶惑之象。爬羅而剔抉之。如剝蕉然。剝至終層。將有見也。

往者清鼎既移。黨人驟起。其所以用事。束縛馳驟。鹵莽滅裂之弊。隨處皆有。國人乃皇皇然憂。以謂暴民終不足言治。羣相結合。肆其觝排。有力者利之。從而構煽。鬼蜮萬狀。莫可究窮。黨人不勝其憤。暴起而蹶。如黔之驢。卒爲眈眈者斷喉盡肉以去。由今計之。國中不見黨人之迹。幾一年矣。此其得失功罪。自非今日所能論定。惟前之所銜於黨人。而以爲暴者。至今宜無有反之所屬。望於黨人以外。而以爲治者。至此宜稍稍見端倪焉。此吾人應有之覺心也。而今何如者。

一年以前。似聞人之恆言曰。有強國之憲法。有弱國之憲法。有亡國之憲法。所謂亡國

憲法。卽指臨時約法而言。當時四方之所爭執者。在總統大權一點。右之者以爲總統而有。大權。國卽強。否則弱。且亡。愚爲平情論之。謂彼以大權與強國。併作一詞。意在權朝至而國將夕治。此亦必無之理想。特曰權者爲所以強國必由之道耳。然邇者國會滅。憲法草案消。約法之効力久停。今且一如政府之意。以增以削。是元首大權。全然無礙。已非一朝一夕。所謂強國。其效果何如者。雖曰元氣過傷。百端待理。昔年三月。斷難有成。然君子之觀國也。不於其治。而於其意。一載以還。風聲所播。大略可見。今不言效。果而言希望。又何如者。且漫云強國。妄人猶病。其誇矣。卽自保其弱。懦夫且嫌。其難今。祇求其僅免於亡止矣。盡矣。則又何如者。

興言至此。最易流於悲觀。發爲過激之論。愚且極力自鎮。除客氣。務盡而唯質。之內。籍歸納之方。事實旣詳。然後著爲概說。夫夙昔以爲憂者。非外力之深入乎。而今則有加。無已也。有加無已。而吾惟解所以媚之。於是媚外之道。亦與之繼長而增高。前清之外務部。宜望塵而莫之及也。夙昔以爲憂者。非財力之困乏乎。而今則有加無已也。有加無已。而吾惟知借債以彌縫之。愈彌縫而愈困。乏而愈不得。不彌縫。坐是外人。

益益持。吾短長國款。日見押。國產。日見消。路鑛。日見失。甚且土地。日見蹙也。夙昔以爲憂者。非人民生命財產之危險乎。而今則黃河以南。長江以北。數千里之地。悉蹂躪於豕狼焚燒淫掠。無所不至。政府傾南北勁旅數萬衆。以合圍之。卒莫能克。不僅不能克。時乃兵匪交通。共肆荼毒也。前者南京不毀於所謂亂黨。而毀於所謂國軍。而今則西北之元。元困於匪。而又困於兵也。夙昔以爲憂者。非行政不能統一乎。而今則內而部自爲政。加甚也。外而省自爲政。加甚也。地方財政之不可理加甚也。(一)人民之感其痛苦。又加甚也。夙昔以爲憂者。非革命之子。起自田間。粗鄙近利。不解政治乎。而今則方鎮大員。莫或識丁。清流之士。四方屏迹。其他販夫走卒。刁生惡胥。革員廢吏之蠅集蟻附。儼然操數萬萬人之生命於其手。而惟所欲割其勢。日進而未有已也。夙昔以爲憂者。非天下不定。商工失所乎。而今則『兵亂日聞於郡縣。盜賊徧擾於城鄉。商賈不行。農機停業。』(二)又烈於前也。而且武夫屠伯。奸紳猾吏。日借法律以爲殺人之具。人

(一)廣東兵費之繁。過於胡陳時代。梁啓超梁士貽兩君電粵民政長言之。
(二)此不忍雜誌。所以罵倒黨人者。

不自保。何意謀生因之。企業愈停滯。利子愈下落。誠不知伊於胡底也。夙昔以爲憂者。非黨禍之烈乎。而今則無京。無外。暗鬪彌厲。掌政權者。非某派。不能掌兵權者。非某系。莫可大派之中。又含小派。正系之內。復分旁系。派派相牽。卽系系相舐。恍若國家可亡。派若系。不可亂見象之惡。又非可以言語形容也。凡此種種。隨筆所之。已至滿幅。讀者試思之。此其爲說。容有未然者乎。

以是之故。社會心理。乃隨其人之賢否。心之冷熱。力之大小。位之高下。應於時勢。以呈其印象。分而驗之。可得言焉。一派。則不賢而得勢者也。此將充其慾心。與強權之所至。以腴民膏脂。而自肥。國家之危亡。彼果知之與否。乃視其不賢之限度。以爲衡。大凡不賢之尤者。其知之彌真切焉。是故不知者。僅以經常之貪量。肆其所圖。而知者。轉以猶太富人之思。堅其倒行逆施之志。一派。則賢而依勢者也。茲所謂賢。亦有數等。其上自審其政略。不能見容。而又不欲遽舍政權。免至時會之來。無能驟進。以故虛與委蛇。俟時而動。此自其光明面言之者也。若黑暗面。則明知天下將亂之機。終不以易其目前榮樂之計。強暴之爲。以法律文之。立乎公廷。居然以之指導天下。私居論議。則又抱頭。

太息痛陳其不得已以冀收清議於無形其在習爲奸智者流則又造作語言舐排異己回護亂政矜爲通識舉凡貪勢近賄縱欲敗度一切之計幾無不可張皇粉飾以號於衆謂從政亂邦在理宜然相習成風了無媿畏（一）一派則不賢而失勢者也此其設心與不賢得勢者了無以異今雖失之而終日蠅營狗苟正謀所以復之而倏得倏失又小人之所恆有也又一派則賢而無勢者也此其人一旦得勢其行徑亦將與前所謂賢者宜無不同然以其失意也所以昏其智者不烈而夜氣之存較多見夫政治污穢道德淪喪外禍環迫武夫橫行其不持消極之見以爲中國必亡必亡而已得過且過者又十無一二也之四派者雖不足以盡天下人之心而以概政治上之人倫大

（一）此四種人前者可求之姚姒傳李斯論後者可求之歐陽永叔與高若誦書姚之言曰「小人之仕也無論所學識非也即有學識甚當見其君國行事悖謬無義疾首頓蹙於私家之居而矜夸導譽於朝廷之上知其不義而勸爲之者謂天下將諒我之無可奈何於吾君而不吾罪也知其將喪國家而爲之者謂當吾身容可以免也且夫小人雖明知世之將亂而終不以易目前之富貴而以富貴之謀貽天下之亂固有終身安享榮樂禍遺後人而彼晏然無與者矣一歐之言曰一足下家有老母身惜官位懼飢寒而顧利祿不敢一忤宰相以近利禍此庸人之常情不過作一不才諫官雖朝廷君子亦將閱足下之不能而不責以必能也今乃不然反昂然自得丁無媿畏便毀其賢以爲當罰一指范希立貶官事一庶乎飾己不言之過夫力所不敢爲乃愚者之不達以爲文其過此君子之誠也」愚讀此文至於垂涕泣矣

抵不甚相遠。就中不肖而冥頑全不知國家爲何物者。不計祇求其有猶太富人之思想。以上則無論賢愚。智鈍窮通。上下又有一共通之覺念。主於其中。是何也。卽莫明其故。認認然常恐天下之久不安。以爲變亂之至。無方無時。吾人既求所以治其國。而不得其次之所當爲者。亦惟全吾軀。保吾妻子。豔吾姬妾。華吾輿馬。樂吾擣蒲。縱吾酒食。並充其力之所能。至以攫其所萬不應得之財。預爲亡國後之生活計而已也。

夫至全國人舉爲亡國之預備。是其國有亡徵。無可疑也。所謂亡徵者何也。亦如前言外患益迫。財政益窮。盜賊益橫行。地方政治益紊亂。工商業益衰敗。官僚私鬪益急。激是已。夫國之盛衰。古今時有。轉危爲安。例亦不鮮。如是種種。竟釀成國亡無日之通感焉。抑又何也。此童子可得而答曰。爲國如爲醫。然得其方。則治。否則亡。今茲國有亡聲。必也。未得其方也。惟治道百端。覲縷莫盡。所謂方者。又何方也。自愚觀之。爲政在人人存。而政卽舉。政治之得失。無不視人才之得失。爲比例。差故政治爲枝葉。而人才始爲本根。今曰爲政。未得其方。亦以用才未得其方。一語概之足矣。

愚今言用才。所謂用者。易生誤解。今請以說明之。用人曰用。自用亦曰用。天之生才。而

適有相當之職分以發展之舉曰用才云者乃盡天下之才隨其偏正高下所宜無不各如其量以獻於國。非必一人居高臨下以黜陟之也。人恆曰吾國人才消乏。是則然矣。然愚謂苟悉其消乏之量以致於用國事斷非不可爲此本論之前提也。昔者英儒穆勒嘗以人才譬之貨棧。必使一國之才盡趨於棧。則棧力厚。否則貧。意謂國有一分之才。卽當使之自覓其途以入於政而政始良也。此在人才最富之英倫。其學者猶以爲言才難之國如吾。又焉待論。夫吾國史家最惡奸佞而奸佞之著首在蔽賢。反之君子登朝。其所急務乃在進賢而退不肖。而賢才之一進一退。恆不必有時地之不同。往往今日權奸當國而羣賢退。明日儒臣在位而羣賢復進。人才不出此數而一爲翻覆。政之清濁形焉。是可知用才不得其方云者。易詞言之。人才不得所之謂也。不得所有二象。一用事者失其才。一不用事者失其才。用事者之才其義古不用事者之才其義今用事者之才譬之於人爲魄。不用事者之才譬之於人爲魂。用事者云云。意至明了。無待申說。不用事者首推議會。議會者以監督行政爲務。監督行政雖不與於行政之事。而政府以此無敢失職。其有功於政治與用事者固無殊也。故兩部者有

若輔車相依。爲命一部。喪其德。病在麻木。兩部喪其德。立得死亡。今吾人日聞呻吟之聲。其或將至死亡之候乎。然前言之矣。無才云者。乃比較之詞。非絕對之義。一國之才不足治一國之事者。世固有之。而吾尙不欲以此自呪。惟語有之。繩之絕也。必有絕處。吾今困頓至此。其受病處。究安在乎。愚嘗爲徬徨而求之。得四字焉。曰好同惡異。

好同惡異者。披其根而尋之。獸性也。治生物學者。言鴻荒之初。萬物俱生。以同殘異。漸遺今數。故生物爭存。律曰同化。讀者亦知前此張勳縱兵南京。今者白狼橫行西北。遇物輒掠。遇屋輒焚。遇女輒淫。遇人輒創。千年以前。歐洲異族相殘之所。不忍爲者。而吾之兵若匪悍然爲之。是何故耶。此無他。好同而惡異也。惡人之財產。身不與己同。必毀滅之。使盡同於己。而後快也。此以知吾之野性。至今未除。顯之則用於兵戈。隱之則施之政治學術。而數千年治亂循環。社會機能。卒無一日可以發達。如歐美今日者。皆爲此野性所縛之故。讀者其勿駭吾言也。前世紀中葉。英儒梅因以研求古法。有重名。曾謂印度未逾宗法社會一步。而吾國剛逾一步。遂乃永遠不進。因斷定『社會沈滯不動。本人種之通則。而奮發前邁。乃其例外』(一)夫通則者。何同也。例外者。何異也。

社會化同以迎異。則進剋異以存同。則是故哥白尼之言天。奈端之言動。達爾文之言天演。歐人迎之。遂成爲新舊世界相嬗之樞機。當時立說之不合於羣衆心理。殆過於爲我無君兼愛無父之說。倘歐人視若洪水猛獸。亦如吾之所以排楊墨者而排之。則歐洲之文化。至今無過於吾可也。間嘗論之。吾之學術。莫盛於周末。西方幾何邏輯以及其物質之學。爲諸子發其萌芽者。不少概見。苟能適如原量布於人。實善用其攻乎異端斯害也已之術。不以利祿之途迫人。尊孔則以吾東方神明之胃推尋。籀證至於二千餘年之久。而不羣制高華國力膨脹。與今日歐美諸邦齊驅而并進焉。愚未敢信也。而不幸苟簡之思。單一之性。牢固而不可破。遂凌夷至今。莫可救藥。推原其朔。則此種苟簡之思。單一之性。乃自原始社會迤演遞嬗而來。無他好同惡異之野性也。其在政治。尤有甚焉。專制者何。強人之同於己也。人莫不欲人之同於己。卽莫不樂專制。(二) 故專制者。獸欲也。遏此獸欲。使不得充其量。以爲害於人。羣必賴有他力以抗。

(1) Maine Ancient Law 118 頁。

(二) 孟德斯鳩曰：「夫專制之國。其性質恆喜同而惡異。彼以爲異者。亂之媒也。」一見嚴譯法意。卷二十五十六頁。彼雖指宗教言。然專制與喜同相連。到處可通。

之。其在君、主、獨裁之國。抗之以變。則爲革命。抗之以常。則爲立憲。抗之於無可抗。則爲諫諍。由三代以迄前清。立憲之義。非吾所有。有之亦惟革命與諫諍已矣。歐人之言革命者。咸信革命一度。人民之政治力。必增一度。盧梭之流。信之尤篤。而吾乃不然。吾歷史上之革命。非能有良政略。必掎其惡者而代之。非能創一主義。必革其無者而以行之。徒以暴政之所驅。飢寒之所迫。甚且陰謀僭志之所誘。遂出於斬木揭竿之舉。以遂其稱王稱帝之謀。其成也。彼乃復爲專制如故。不成則前之專制者。又特加甚。首難者死。餘戢戢如犬羊。伏不敢動。惟所踐踏。舉數千年之政爭。不出成王敗寇一語。其中更無餘地。可使心平。政治者在國法範圍之中。從容出其所見。各各相衡。各各相軋。因取其長而致於用。以安其國。以和其人。無他。專制好同之弊中之也。各方意見。旣無法自由表示。以施於政事。而於無可如何之中。微有鬱而必發之象。則於諫諍見焉。諫諍者亦隱消同勢所由生。非專制之所欲也。於是諫諍與專制其勢力相與消長。而吾之學者。每以君能納諫與否。卜世運之隆污。稱美重臣。每曰正色立朝。指斥姦佞。則曰阿諛取容。伊尹周公。諫其君者。言至深而事至迫。存之於書。以著太甲成王爲賢君。而伊尹

周公爲良相，卽漢高唐太，號稱英主，亦不能有違於張良、魏徵之言。桀紂幽厲、始皇之亡，其臣之諫詞無見焉。非其史之遺，乃天下不敢言而然也。夫諫者，何不肯苟同於君之謂也？是故有時天子與宰相辨可否。天子曰：「不可。」宰相曰：「可。」天子曰：「然。」宰相曰：「不然。」有時諫官與天子爭是非。天子曰：「是。」諫官曰：「非。」天子曰：「必行。」諫官曰：「必不可行。」（一）甚且檻可以折，麻可以壞，簿函可以遮，中使可以殺，幸則受者改容而遷，善不幸則施者浴血而陳，尸皆無非一同一異之辨也。其在歐洲，則進而言立憲，立憲云者，以法律遏君之欲，使不得爲同以亂政也。英倫千二百十五年之大憲章，爲條六十有三，是乃民與君約。此六十三事者，有如此書，自非然者，爾不得強吾同於爾也。千六百八十九年之人權宣言書，兩部共爲條二十五，是亦民與君約。此二十五事者，有如此書，自非然者，爾不得強吾同於爾也。英人於世界民族中，誠不媿爲先覺。彼既認明王權不當絕對，卽創爲根本大法，使國中賢智得所準據，以發抒其意氣。而若政若法之因，仍變化舉在種種。意氣相劑，相質之中，而極端之民政，轉得養成於君政之下，且爲他共和國。

所莫能及。非偶然也。今人豔稱英之內閣政治矣。亦知此制胡自而生乎。白芝浩曠世寡儔之政論家也。嘗著眼於巴力門論鋒之烈。謂英倫政治實先天下而以評政爲政。其所以致此。則以內閣政治之故。(一)愚謂白氏此言。微有倒果爲因之弊。蓋必國家先容有反對者之發生。而後有內閣政治。斷非異軍蒼頭特起創造一內閣政治以期反對者潛滋暗長於其中也。要之英倫政治之成功。其因在反對者之得力。無可疑者。其政府黨在政治用語曰『王之僕』。在野黨曰『王之反對黨』。(二)以王爲標準而反對之。是以王當天下之衝。與君主不能爲惡之原則。不期而相叛。故此語初出人頗駭之。而英人卒奉爲科律。用臻上理。梅依曰『政黨之德首在聽反對黨之意。見流行』。穆勒曰『一國之政論必待異黨相督而後有執中之美』。又曰『二黨之爲用也。其一之所以宜存。卽以其一之有所不及。而其所以利國。卽在此相攻而不相得。乃有以制用事者之威力。使之常循理而惺惺』。(三)皆此物。此志也。

(一) 見拙譯白芝浩內閣論。

(二) 王之僕 King's servants. 王之反對黨 King's opposition.

(三) 嚴譯羣己權界論六八頁。

由是觀之。好同惡異之爲賊於政治。可以明其故矣。今更略而言之。專制之國。君誠至尊。而亦專欲難成。衆怒莫犯。其能持盈保泰。不至隕越者。亦必首有立朝侃侃之臣。次有敢諫直言之士。以折其同而表其異。以言立憲。則最初嚴制其君。使不得爲同。次由一黨代君以執政。而所以摧其同者。亦主於一黨。堂堂正正交綏於議會之中。此外新聞著述。又各以自由而爲同異。此所以爲政治之大觀也。讀者明辨乎此。可以進語共和政治矣。

昔者法儒奢呂著『民政與法蘭西』一書。(一)倡言君政民政之分。不在精神而在形式。英儒梅因和之稱其所言爲政治學上一大進步。就此細論。本篇實無餘幅。惟愚敢言曰。奢呂之說。實爲精確無倫。今依彼立言共和之與他國體異其形式者。不外元首之不由世襲。元首既不由世襲。則凡歷史所傳民之以革命以立憲。或以諫諍謀制其君之同勢者。至此舉無有。在法宜若國中各方面之勢力。最易尋其邏輯上之途徑。充類至盡。以達於政治。而孰知證之事實。竟有大謬不然者。大凡共和之成。每由革命。

舊制初覆首難者。即欲出其理想上之組織。施之國家。勢將與國中舊有之利益。方方衝突。於斯時也。一國最強之權。握於少數之主動者。彼恆易濫用其權。強人就己。殊不知物之不齊。乃物之情。獨裁無上之君。且不能執一以馭萬。何況以共和之名。相號召乎。其極也。必至反動。大起國本。以搖時則。反對中之強者。又每能收拾人心。翻而覆之。一國高權。收於其手。以理言之。彼目覩前用事者之失敗。宜力反其所爲。而急以調和。情感爲務。而史證相告。則殊未然。彼之逼拶國人。使之附己。較之彼所受於前用事者。必且逾烈。其極也。遇反動而取滅亡。又與前同。如是展轉如環。無端民不堪其擾。國不勝其憊。而人之視共和。遂若蝮蛇之不可近。法蘭西革命史。其所以詔吾以茲爲最有益之教訓。千八百七十一年。所謂第三共和。其不復返於君主。蓋亦僅矣。(一) 其所以致此者。無他。皆好同惡異之一念誤之也。

滿清乍倒。愚執筆於上海民立報。見夫舉國若狂。一往莫復。曾將奢呂梅因之說。反復說明。意在促革命者之注意。使不懷極端之見。視政質爲前清所有者。悉毀之而不顧。

人物爲前清所重者。悉拒之而不接。以致釀成反響。更生政變。由今觀之。吾說未嘗有
力於當時。可以想見。雖黨人失敗。是否全由新舊社會之不相容。尙待推論。而彼未能
注意於利益不同之點。極力爲之調融。且挾其成見。出其全力。以強人同己。使天下人
才盡出己黨而後快。又其中有所謂暴烈分子者。全然不負責任。肆口謾罵。用力擠排。
語若村嫗。行同無賴。因之社會之情。以傷。陰謀之局。以起。則事實具陳。無可掩也。黨人
既敗而敗之者。又惟恐。歷史其或欺予。謹循前例。而加甚焉。宋教仁演說於南中。斥及
中央之失政。此在歐洲特尋常之尋常。而樞要以之通電天下。指爲奸國盜賊。乘之以
喪其身。國卒以亂。夫暴徒誠可以除。而議會中反對借款。質問俄約之爲。既曰議政。亦
安能免。而亦稱爲斷送國家殘民以逞。列於文告。聲罪致討。政無古今。中外斷未有百
賢在位。中無一佞。滿清季年。江春霖胡思敬之流。嚴劾權貴。揚其直聲。而民國三年。民
直蕩盡。獨吾家太炎一建議屏四凶。則中央鉗其自由。舉世目爲狂易。近且滅議會。禁
黨派。廢自治機關。用純乎政府系之議員。以修訂大法。一載以還。清議絕滅。正氣銷亡。
遊探滿街。道路以目。新聞之中。至數十日不著議論。有亦祇談游觀玩好無關宏旨之

事。或則滿載。陳篇說帖。塵羹土飯之文。猶且禁錮記者。頒訂條例。既嚴。誹謗復重。檢閱歐洲中古之所未聞。滿洲親貴之所憚。發毀及鄉校智下於子產。禁至腹誹。計踵乎祖龍。自古爲同斯誠。觀止則又暴民專制之所不致。爲而今之君子以爲安國至計者也。惟防民之口。甚於防川。其抑之也。至則其暴發也愈烈。望前路之茫茫。曷隱憂其有極。愚書至此。蓋已爲擲筆三歎。流涕而被面矣。不圖爲同之弊。乃至於此。

愚之草爲此論。非敢有一毫成見也。說者謂國基未穩。民志未安。政府所爲。縱越平常軌以外。而爲國家計。似未能責之過苛。是誠然也。蓋共和之名。非國莫傳。國如不存。體於何有。是政府所爲。苟可以由之而國固。而民安。雖無當於共和之道。吾又何求。無如以愚觀之。正如孟氏所言。以若所爲。求若所欲。猶緣木而求魚也。此泛覽乎古今治體而可知也。論治之家。所以深惡夫同者。非於同而必有所惡也。惡夫同之不足爲治也。苟足爲治。則專制政體。至今可留於歐美。彼中人士決無取流血斷脰以求去之前舉。穆勒之論二黨曰。其一之所以宜存。卽以其一之有所不及。此不啻曰。異之所以宜存。卽以同之有所不及。惟不及云者。人皆以謂同之爲物。本質未良。愚則退一步言之。同

而失其爲同。斯爲不及質之良否。暫不計焉。何以言之。凡爲同者。非一手一足之事也。是必託乎朋類。而朋類以恃其爲同之故。恆從其意而不從其令。語云。其父殺人報仇。其子必且行劫。倡爲同者。本不喜法度。則爲之子者。宜惡法度也。尤甚至。是而欲以令齊之。此必不可得之數。是將有暴戾恣睢。壞法亂紀。而以其爲同也。主者莫能問之者矣。夫至國有暴戾恣睢。壞法亂紀者。而莫能問他。非愚所知。以云爲同。已不能副其實矣。凡爲同者。所隸之人材。必也君子少而小人多。君子之同。蓋同其道。小人之同。則同其利。同其道者。以同而異。同其利者。以異而同。夫至有小人。之異伏於

(一) 「人臣事君之常情。不從其令。而從其意。今朝廷之意好動而惡靜。好同而惡異。指趣所在。誰敢不從。」見蘇子瞻上神宗皇帝書。

(二) 「大凡君子與君子。以同道爲朋。小人與小人。以同利爲朋。此自然之理也。然臣謂小人無朋。惟君子則有之。其故何哉。小人所好者。祿利也。所貪者。財貨也。當其同利之時。暫相黨引。以爲朋者。僞也。及其見利而爭先。或利盡而交疎。則反相賊害。雖其兄弟親戚。不能相保。故臣謂小人無朋。其暫爲朋者。僞也。」見歐陽永叔朋黨論。

(三) 「君子和而不同。小人同而不和。和如和羹。同如濟水。故孫賓有言。周公大聖。召公大賢。猶不相悅。著於經典。兩不相損。晉之王導。可謂元臣。每與客言。舉坐稱善。而王述不悅。以爲人非堯舜。安得每事盡善。導亦斂衽謝之。」見蘇子瞻上神宗書。又歐陽永叔論杜衍范仲淹等罷政事狀有曰。『昔年仲淹。初以忠言論聞於中外。天下賢士。爭相稱慕。當時姦臣。』

其所以爲同。則奸悍傾巧。相賊相害。無所不恣。無所不至。主者將坐視其威福。下移而莫如何。至是能爲同者。亦罕矣。又凡爲同者。其必至之勢。首爲蒙蔽。故古之善爲同者。莫如始皇。而李斯趙高二賢子耳。足以持而舞之。蒙恬將兵三十萬。扶蘇以太子之貴。親監其軍。斯高矯詔殺之。彼乃不敢復請。何也。懾於始皇之同也。趙高陳鹿於廷。強指爲馬。羣臣莫不馬之。何也。懾於秦廷之同也。蒙蔽至此。必非爲同者之本心矣。由此而言。同且莫達於眞同之域。遑問良否。蘇子瞻曰。『天之亡人國。其禍敗必出於智所不及。聖人爲天下不恃智以防亂。恃吾無致亂之道耳。』此誠深通治道之言。所謂恃智猶言恃同。智有所不及。卽同有所不及也。

作朋黨論雖辨明。自近日陛下擢此數人。並在兩府。察其臨事。可見其不爲朋黨也。蓋行爲人清慎。而謹守規矩。仲淹則恢廓自信。而不疑瑣則純信而質直。獨則明敏而果銳。四人爲性既各不同。雖皆歸於盡忠。而其所見各異。故於臨事。多不相從。至如杜衍欲深罪宗諫。仲淹則力爭而寬之。仲淹謂契丹必攻河東。請急修邊備。富弼料以九事力言。契丹必不來。至如尹洙亦號仲淹之黨。及爭水洛城事。韓琦則是尹洙而非劉滙。仲淹則是劉滙而非尹洙。此數事尤彰著。陛下素已知者。此四人者可謂天下至公之賢也。平日問居。則相稱美之不暇。爲國議事。則公言廷諍而不私。以此而實。臣見衍等眞得漢史所謂忠臣有不和之節。而小人謾爲朋黨。可謂誣矣。」

此觀於吾之外交而可知也。前清之末當局無能。識者訛其媚外。攻之特甚。而吾權利之未盡喪於滿清之手。未始非輿論之功。又當時封疆大吏。率多老成。與滿廷旨趣。不必劃一。每當國有大計。機至迫切。頗能逕出所見。慷慨上爭。與朝旨忤。所不計也。滿洲末運。賴此而維持者不少。庚子之役。劉張二督之保衛東南。今總統袁公之遮蔽齊魯。明明與政府立異。而舉國食其賜。其大證也。而今又何如矣。愚知外人之敢於要求。遠過於前。政府之畫諾唯恐或後。亦遠過乎前。至輿論何在。則轉飄忽一無所聞。夫清政府以鐵道國有政策。釀起人民之抗爭。以取覆亡。由今思之。國有云者。猶唐虞三代之治耳。乃前則張脈債興。今而奄奄欲死。雖曰彼此時有未同。而性與習移。亦不至如此其速。此得毋風塵瀕洞之秋。國中有大力者。方負國民而趨使其耳目無自而彰也耶。夫民氣囂張。誠不可尙。而正當有力之公論。亦大足爲國際談判之後援。政府不知所以用之。而日以抑之爲得計。是不謂之政治自殺焉。可得乎。今既議會消矣。新聞死矣。所謂封疆之吏。政府皆視同鷹犬。有事需其口舌。則嗾之言之。又安敢望其抗議。而吾國人無遠識。無毅力。薄於愛國心。加以貪鄙近利。敢爲小人無忌憚之事。倘外交當局。

不得其人。全國之生命財產。不難於冥冥之中斷送。於一二李完用。其人之手。國人至死且莫知其病症。讀者其勿以愚言爲過激也。國政至專出一門。小人敢於買怨於國人。其術必足以彌縫於首長。同僚知其隱者。其貪勢嗜利之心。大抵相同。又各有以關其口而奪之氣。事勢至此。彼果胡所憚而不爲。孫子曰。善用兵者。無赫赫之功。愚爲此論。雖逆探未然。而以爲必然。亦誠不願。而言中。然縱覽古今。橫觀中外。此種傾向。息息而來。告實迫。愚不得不表而出之。以警其國人。嗚呼。其所以有此傾向者。何也。則好同惡異之一念。釀之也。

此又觀於人心而可知也。昔者國人惟以黨人爲憂。以爲黨人不亡。中國卽不可治。於是踴躍奮迅。聯爲一氣。以排之。愚知贛甯不亂。黨人亦將無側足之地。何也。千人所指。無病而死。一國之人共厭此物。則其物必無法以自存也。今黨人已星散矣。則國人之所當務。在仍然踴躍奮迅。聯爲一氣。移其對待暴民之心。以整理國事。此應有之心理。亦當然之邏輯也。夫吾夙昔理想中之中華民國。非革命後國人共矢其天良。同排其客氣。無新無舊。無高無下。無老無壯。無賢無不肖。悉出其聰明才智之量。投之總貨棧。

如穆勒所言。以安而邦。以定而法乎。今既不可得。革命黨以不勝其排而去矣。然國家者。非革命黨之國家也。革命黨可去。國家終不可去。雖曰國中一部分之聰明才智。勢將隨革命黨以出。吾棧。但若其餘者共矢其天良。同排其客氣。如上云云。而進行焉。國事亦奚不足爲理。無如政象之來。又與吾人以反感也。蓋前之排革命黨者。乃集合無數互相排之人。羣排一共通之大敵。公仇未消。私鬪自己。迄大敵去。而其互相排之局立成。數月以來。政情紛擾。大率由此。夫人而至於相排。有天演之公例。運乎其中焉。是乃新進孤立者常去。竊用威福者常留。不然。則前者被吸於後者也。潔廉自好者常去。頑鈍無恥者常留。不然。則前者依違於後者也。爲政有方者常去。黷貨亂政者常留。不然。則前者軟化於後者也。而竊用威福。頑鈍無恥。黷貨亂政者之中。其勢力資望。又各有其等差。自茲以往。少竊用威福者常去。尤竊用威福者常留。不然。則前者被吸於後者也。少頑鈍無恥者常去。尤頑鈍無恥者常留。不然。則前者依違於後者也。少黷貨亂政者常去。尤黷貨亂政者常留。不然。則前者軟化於後者也。展轉相排。展轉相勝。最後而國家賴以支柱者。亦惟此竊用威福。頑鈍無恥。黷貨亂政。醇乎醇者數輩而已。國政

既出於彼。彼乃推類引朋。綦布而星羅。四周於天下。其竊用威福。頑鈍無恥。贖貨亂政之質。有一不肖己者。則陶而冶之。使之悉合。於是據天下之公家機關。以臨吾民者。無往而非所謂醇乎醇者而已。讀者又勿以愚言爲滑稽也。以達爾文之說。施之政治。其例未可逃也。至吾國人相排之局。已至何級。尙非吾人所忍細認。其秉國成者。卽當日爲竊用威福。頑鈍無恥。贖貨亂政與否。亦屬問題。然政之所出。確係數頭。餘則被吸者。依違者。軟化者。與夫爲其陶冶者而已。無可疑也。若而輩者。相與爲容頭過身。仰事俯蓄之計。亦食其祿。不忠於事。設官千萬。悉同廢料。此外之受排者。憤國事之無可爲。又多出於消極自暴之想。美人醇酒。輿服賭博之好。與日而俱增。綱紀益墜。道德日腐。父兄不能約束其子弟。師長不能導領其生徒。非惟不能抑。又不欲髣髴已入於日莫途遠之境。祇得共爲其倒行逆施之謀。加以外交無能。利權盡喪。債如山積。而政府舍其飲酖自殺之圖。別無他計。步武埃及。胡以爲國。雖至愚者。亦能數日而知死所矣。以是不平之聲。滿乎天下。亡國之歎。聞於街衢。而又盜賊橫行。饑饉薦至。商工廢業。物價踴騰。不逞之徒。至死於炮烙。(一) 九空之室。更燬於官兵。新聞指斥武夫。則記者橫被。

桎梏行軍。一遇工廠。則傭女悉被姦淫。(三)觸目皆可傷心。無往而非戾氣。而黨人之遠矚於海外。潛伏於田間。撫髀而太息。乘間而卽發者。尙不計焉。以是種種。凡居國中者。終日皇皇。不知禍變。將以何時而至。斯誠亂亡之象也。其所以致此者。無他。蘇子瞻之所謂智勇辯力。未得其養也。智勇辯力。未得其養。以相排者衆也。然相排者。其初又非敢直以己意爲之。必其國有可依之法律。有可承之意旨。然後因緣爲奸。相與劫持而出。於是。是又無他政治。所從出之地。有以好同惡異之術。操縱天下者也。語曰。涓涓不壅。終爲江河。不圖一術之差。爲害竟至於此。

凡右所陳。乃在證明爲同之弊。果爲同也。有國會。不足以爲治。無國會。亦不足以爲治。有約法。不足以爲治。無約法。亦不足以爲治。易而言之。立憲既非所期。專制亦無能爲役。其極也。國不能保。民卽於死而已。身若子孫。亦或與之俱殉焉。甚矣術之不可不慎也。有疑愚言者曰。國勢至此。非人力所可挽回。子言誠是。然悉如子意。而矯其弊。吾亦

(一) 各省訊供。聞用燒油。香跪火煉。藤鞭馬棒。諸刑。異常慘酷。

(二) 大漢報記者胡石庵。記征狼軍之不力。被鄂督段芝貴所違。龍濟光軍至。猶從一絲竅工。太數百人。盡被淫污。

未見其可。愚曰：不然。蓋國勢至此者，必有所致之者也。苟吾一旦見其真因而芟夷之，則其目前之效縱不能挽現狀而進於良，亦必能障之使不更趨於惡。於是集天下之聰明才力大公而至正戮力而同心以謀所以救弊而補偏焉。謂國事終無可爲未必然也。蓋國中無一有大力者欲以其術一天下，因舉天下之人才而鉗束之困毀之，則賢者無同流合污之嫌而用其愧怍，智者無逢君張寵之目而勞其粉飾。凡所謂才必能自覓其經常正當之徑途以入乎政事，向之新進孤立者，潔廉自好者爲政，有方者將不至受人之排以去，且君子小人之道互爲消長者也。國中多一分正氣，卽少一分邪氣。此種端方廉直之士，既有自由發展之地，則竊用威福頑鈍無恥黷貨亂政者亦將不至敢行無度而絕無所顧忌。且人之欲善誰不如我，彼之不遜而好利固非自生而然也。苟政治清明無所容其貪詐，自暴之心旣除，立功之意卽正，則因材器使功績或較小廉曲謹者爲尤多。語云：蓬生麻中，不扶自直，是之謂也。(二) 至如被吸者

(一) 當蔡先生元培以南京使命入京，與唐紹儀汪兆銘宋教仁李煜瀾諸君在舟中發起六不
會同時汪李又與吳敬恆張繼兩君在上海發起進德會，當時社會頗有從風而靡之勢，民
國之朝氣，惟於是時見之，可見矯正弊風，正非無往。

依違者。軟化者。爲其陶冶者。本多飽於經驗。長於技術之徒。前之隱忍而不即去。無非屈於交游服食之所自出。不得已而爲之。非所欲也。則一轉瞬間。去其不得已者。而爲其所欲爲者。是能吏萬千。亦待卽其地而求之耳。人才旣回復其本能。第二要著。乃在假以相當之位。置之發揮。以至於最大限度。於是若者居政府。若者在議會。若者爲新聞。若者辦學校。有一分之才。務得一分之用。毋投閒。毋獵進。用爲所學。學爲所用。於是天下之智勇。辯力。各得其所。太息之聲。不聞於鹽陟。責任之重。盡肩於匹夫。至是而外人。不加敬。權利。不可復。民間。不知義。國債。不可募。工商。不知勸。實業。不可興。生徒。不知奮。教育。不可期。愚不信也。愚不信也。然何以致此。曰。國人。悉除其好同惡異之見。則致此。讀者。或終疑。愚言過於迂闊。當世之人。不必能行。則愚亦謹藏。以有待。黃梨洲所謂如箕子之見訪。或庶幾焉。愚誠無似。亦妄希此。君子曰。爲政有本。不好同惡異。斯誠政之本矣。因論政本。(二)

二 魏段熲臨死留牋於明帝曰。『自古有國有家者。咸欲修德政。以比隆盛世。至於其治。多不馨香。非無忠臣賢佐也。由主不勝其情。弗能用耳。夫人情譁難而趨易。好同而惡異。與治道相反。』條曰。徒善如登。徒惡如崩。言善之難也。人君承奕世之基。立自然之勢。操八柄之威。甘

國家與責任 三年六月

今之人競言國家矣。政治一呈險象。羣相語曰亡國亡國。士夫矜其策略。動相勵曰救國救國。究其實國家者何物也。亡國云云。亡之何爲而可懼。救國云云。救之胡從而著手。此以詢之當今師尹。與夫政社名賢。必且瞠目不知所答。蚩蚩者氓。更不俟論。卽愚發憤自效。欲爲讀者諸君。稍稍陳述近世國家之義蘊。亦驟不辨何者爲吾人已具之理想。何者爲吾人必守之定義。是舉國之人。皆不得其爲國之道。而漫言爲國。宜乎吾建國三年。而日在夢中。全不知所爲何事也。於斯而望其國之幾於治焉。此誠韓退之所謂航斷港絕潢。以望至於海之類也。

國家者何物也。以吾舊義推之。實視爲一私人之產業。孔子曰。天下國家可均。此言均國家。殆與墨子所謂厚於貨者分人以祿。二同一義解。語云。竊鈎者誅。竊國者侯。國

易同之歎。無假取于人而忠臣挾難進之術吐逆耳之言。其不合也。不亦宜乎。離則有聲巧。繆緣間。眩于小忠。戀于恩愛。賢愚離錯。黜陟失序。其所由來。情亂之也。故明君寤之。求賢如飢渴。受諫而不厭。抑情損欲。以義制恩。則上無偏譴之授。下無希冀之望矣。(魏紀三十)可以參看。

(一) 見墨子尚賢中。

而以鈎爲喻。貨之之意尤顯。漢高帝曰。某業所就。孰與仲多。黃梨州謂爲逐利之情。溢之於辭。(一)大抵以國家爲逐利之資。實吾國數千年來治亂興亡之恆軌。無可諱也。以是人之爲國宣勞。謂之與人家國事。爲國盡瘁。謂之食人之祿。忠人之事。岳飛所謂精忠報國。義實同於爲君復仇。進徵他例。疏舉莫徧。一言以蔽之。吾國蓋實行以國爲貨之說。茲說至滿清既倒。而始衝破者也。

貨國之說既破。勢將別求所以釋國家者。以爲立國之本。於是民國已三年矣。今之國家。其所以異於前清者。究安在乎。愚爲此言。非謂君主國家。其國云者。必如吾歷朝之所爲也。稍通歐史者。卽知自法皇路易十四倡言朕卽國家以來。歐人視爲不祥。已絕口不復道及。今之君主國如英如德。其所以詮國家者。未嘗與法美殊科。英人之國家觀念。開發甚遲。故其學者多取美人所言。奉爲圭臬。美之大理院嘗爲國家立義曰。『國家者。乃自由人民爲公益而結爲一體。以享其所自有。而布公道於他人者也。』(二)

(一) 見明夷待訪錄原君

(二) A state is a body of free persons united together for common benefit to enjoy what is their own and to do justice to others

此其爲義。英人以爲至當。卽此而詳晰之。且待後幅。今茲之所當知者。亦卽在君主國。且無人敢私其國。以爲己有。且荷前清之季。憲政修明。美洲大理院之定義。牢堅植於吾邦。如英倫然。則愚敢言今日之國家。其實質與理想中之君主國。並無二致。反之。苟號稱民國。而前舉貨國之念。其根不可爬梳。陽奉共和之名。而一切惟返乎專制。是務則愚又敢言。今日之國家。其實質與獨裁體之君主國。並無二致。於是民國已三年矣。其國家所以異於前清者。究安在乎。

答此問也。若將三年以來之政象。之輿論。條分而縷晰之。以內籀歸納之方。尋其所作國家之界。則區區短篇。不能爲力。且傷時之說。或亦非讀者所樂聞。惟最近政府所頒新約法。其第三章第四條有曰。『大總統爲國之元首。總攬統治權。』條文至簡。又爲國人所共見。愚試準以爲說可乎。愚聞統治權出於歐文薩威稜帖。薩威稜帖者。猶言一國最高之權也。國而無此最高之權。則不國。此最高權而無國。則不詞。是故國家與統治權合體者也。從其凝而言之。爲國家。從其流而言之。爲統治權。之二物者。非二物也。一物而兩象者也。今日總攬統治權。是不啻曰總攬國家也。國家而有總攬者。是別

建一人於國家之上。也是世主可得而均。權奸可得而竊。劉季可得而誇。於仲路易可得。以同於朕者。也是吾爲民國立法。其結果。乃至貨國家於一人。而所謂民者。將自屠毒其肝腦。離散其子女。以博一人之產業。外可無他事也。吾知約法會議諸公。勤求古訓。熟察往事。於『微言大義深入人心』(一)之道。與夫『歷史地理風俗習慣』(二)之成。守之而不失。衡之而不爽。始有此適合國情之作。昔者羅馬改爲帝政。政事猶準乎共和。今吾國初入共和。立法宜未能離乎專制。據京滬各報。總統聞約法會議將以統治權總攬者屬之。卽示意該會。不得以此列入大法。滋人疑慮。而該會不聽。屬草既定。會員莊君蘊寬爭之。不得。致以辭職。而該會不顧。可以見其所信之堅矣。今若首課議者。以逢惡張寵之誅。次數其曲學。阿世之罪。彼必且怫然不受。曰。此吾儒之微言大義也。此吾國之歷史地理風俗習慣也。此而當誅。則吾儒之微言大義當誅。此而有罪。則吾國之歷史地理風俗習慣有罪。若然。則愚可得以答吾之問曰。今之國家。他非愚

(一) 約法會議咨總統文有云：『春秋著大一統之文。孟子垂定於一之訓。微言大義深入人心。』
 (二) 又有云：『制定國法。而與一國之歷史地理風俗習慣過相違反。則暴雨箕風之未協。勢將南轅北轍而無功。』

所敢知。由約法觀之。則實與歷朝之所貨者無甚差別。於此而民國云云。約法云云。亦梨洲所謂『周旋於此膠彼漆之中。以博憲章之餘名。此俗儒之勤說也』。已耳。安足貴哉。

說者曰。『國之元首。總攬統治權。』日本帝國憲法第四條之所規定也。吾鄰有之。吾安在不可效法。於此愚若遽曰。日本者帝國也。吾非帝國。自當別論。聞者必能設辭以答曰。苟君主國一切皆非。美之法制。法之政制。胡乃俱有取於英。吾人亦問其真理何若耳。初不當先設成心。吐棄君主國所有政質也。茲說也。乃愚持論之所夙守。敢不拜嘉。惟君主國之政質。吾不當吐棄云者。亦謂若而質者。無論何種國體之所必備。或皆可通者耳。如司法獨立。此必備者也。故美承英系。而美之民政轉強。內閣負責。此可通者也。故法承英系。而法之共和無礙。其所以然者。則是種種俱無關國體之本問題也。國體乃已定之前提。不容置議。其所參酌古今衡論得失。亦限於在此國體之下。何者爲宜。何者爲不宜而已也。如其不然。美之康格雷。以英之君主爲可法。議行帝政。英之

巴力門。以法之民主爲可羨。議行民政。則事關國體。其性與革命無異。此必不得以採用他國法制爲詞。漫圖吞過也。是故政黨之運行政治。製爲黨綱。與他黨立異。有最要之規律。曰其異點。宜在實際。而不宜在本根。(一)即此理也。今爲問日本憲法。以統治權屬之元首。乃法性爲國國之所必備。或國國之所可通乎。抑爲日本之所獨有乎。果普通法制問題乎。抑國家根本問題乎。果政體之事乎。抑國體之事乎。吾知日本君主國也。君主國之統治權。以史蹟所貽。當然屬之元首。然若無死法以叫破之。則頗有自由解釋之餘地。而其國政治之運用轉以圓融。是故君主國之盛強。首推英德。而英之學者。謂其統治權在巴力門。英王無與也。德之學者。謂其統治權在國家。德帝亦無與也。是故日本所謂元首統治之說。不僅非國國之所必備。而亦非君主國之所必備。不僅非國國之所可通。而亦非君主國之所必通。是其爲一國獨有無疑也。日本學者欲將其所獨有者。傳會法理。間執人口。而明辨之。而護持之。所費之曲說。不知何許疑之者。爲美濃部達吉。信之者。爲上杉愼吉。審其說之難通。而誘爲無用之憲法論。不

(一) 愚前在民立報立政黨組織案未竟中有一節。於此點頗多發明。可參看。

與深究者爲浮田和民。(二)而要有一同認之點。本之以發論是何也。則以統治權屬之君主乃國家根本問題。而非普通法制問題。易詞言之。乃關乎國體而非關乎政體也。而關乎國體云者。是謂統治權之規定。乃日本之君主國體所由立也。今吾不察。亦漫以此種規定移而植之約法。又爲問吾之國體爲共和乎抑君主乎。果共和矣。而吾竊取人之以別其君主國體者。列人大法用意安在。而且竊取人之以別其獨有之君主國體爲他君主國所吐棄者。用意又安在。諸約法議員者。諉曰不知。吾猶恕之。苟知之而故爲之。則今之共和國不值一錢。而堂堂國體乃竟若芒若昧。而由數十刀筆之吏舞其文墨潛銷暗蝕以去。則恐梨洲俗儒勦說四字尙未足以盡其罪也。

興言及此。不得不略作國體與政體之別。然欲明此別也。當先嚴國家與政府之分。國家者何。亦如前言。統治權之本體也。政府者何。領受國家之意思以敷陳政事者也。統治權之本體與敷陳政事之機關在法理絕非同物。較然易明。而有時人莫明之者。則

(一) 日人星島二郎集日本各家所論憲法諸說都爲一冊、以美濃部上杉兩博士爲主筆、題曰最近憲法論、足見日本最近憲政之思潮、

爲歷史陳迹所拘之故。蓋古來國家實建設於政府之內。國家政府合爲一體。後雖逐漸分明。而由甲種政府折而爲乙種政府。前者混乎國家。後者實與國家有別。而嬗蛻之迹極其無形。程敍又極迂緩。新舊兩者之界線殊難劃清。於是欲在政府之外建立國家。使國家自國家。政府自政府。終不完全。雖然。此在古國而憲法有相承之系統者。爲然也。若曾經革命將從前之系統破壞無餘。而別創一新系統。使新舊交替有至明之迹。不可掩者。則愈於此。若而國者。每有絕大之機會。建立國家於政府以外。蓋革命既成。國家以立。由國家編製憲法。憲法定而政府之形式以生。政府者乃依國憲之條文體國。憲之法意以施行政事者也。政府由憲法而生。國家決非由憲法而生。國家者造憲法者也。憲法者非造國家者也。有國家而後有憲法。有憲法而後有政府。國家者乃純乎立乎政府之外。而又超乎政府之上。立國至此。而國家政府之觀念乃眞分明矣。(二) 此種觀念美洲人士自以爲得之最明。觀柏哲士之書。卽其代表。其所以然者。則以曾有機會先創國家。而後立政府也。當其離英獨立之時。全洲自由人民經一定

(一) 此段本應舊作「國體與政體之別」說多本柏哲士、

之組織集爲一體。此組織者。統治權之所寄也。卽國家也。至政府當作何式。尙不可知也。乃相與議之。因字其體曰憲法會議。憲法出而政府生。政府生而機關備。敷陳政事一準。常經至此。始有可言。此理想也。而以美人政治道德冠絕人羣。竟能循此階梯一步而不紊。宜乎其永葆此別而矜矜自喜也。是說也。其在吾國果何如者。

今吾號稱民國矣。今之人尤羣作國體政體之論矣。以愚觀之。吾之以革命而建國。其機會頗不讓於美。苟吾之政治能力亦等諸美。則將不至道旁築室。三年不成。國情擾攘。以有今日。但在今日。而吾爲民國如故。人之倡言保存國體如故。卽大總統亦宣示決不使帝政復活如故。彼其所以釋國體者。愚誠未求其說。惟解釋日本帝國憲法者。謂統治權之所寄者曰國體。約法既以統治權屬之元首。如日本之所爲焉。則欲求一說與此相應。而又無背於所謂民國者。果安在耶。此曰國體矣。所持以別爲政體者。又何物耶。易詞言之。何以謂之國家。復何以謂之政府。耶。且吾聞之。凡以物與人者。必其物爲己所自有。約法會議既慨然以統治權贈之一人。則約法會議不將自有其統治權乎。凡有統治權者。卽爲國家。是約法會議不將自命爲國家之本體乎。然實則此團

體也者。由大總統召集之。由大總統解散之。其所通過之法。由大總統公布之。與美洲之憲法會議。獨立無對。爲一組織體者。猶天之不可階而升也。人之度量相越。不亦太遠乎。嘻。號稱根本大法。未能籠罩一行政機關。而行政機關轉能操縱根本大法。易詞言之。是國家未能造政府。而政府轉以造國家。惴惴思議。究其實何也。彼約法會議者。己身未存。漫言造法。宜乎尸不可居之名。而冒大不韙之嫌。際兩體之別。以貽百世之劫也。是又何也。彼約法會議者。與於國家組織之事。而實未嘗一與國家謀宜乎。約法成而國家遠舉頭。見約法不見國家也。或曰。約法生於事實。事實如此。又奚論約法之有無。曰。然。無約法。國家不過虛懸。而無薄有約法。國家乃至公然。而退聽是亂國家者。終不得不曰。此約法也。美國會所爲憲法草案。既出。日人有賀氏方大贊其學於吾邦。悍然以第三次革命字之。今之約法。至由之而國體壞。國本搖。不識有賀見之。又將何以爲言矣。

愚頗聞最有力之說曰。國苟不存。共和何益。國苟以存。不共和又胡害。吾人亦問國家將藉此以存否耳。初不宜先問符於共和至何度也。約法會議咨大總統文有云。『改

造民國根本大法。首在力求實利。而不在徒飾美觀。首在爲多數人謀幸福。而不在與少數人言感情。救國但出於至誠。毀譽實不敢計及。是以此大增修約法之結果。名以隆大總統之權。實以重大總統之責。』蓋卽斯說之代表也。此驟觀之。亦復言之成理。卽愚持論。亦夙恥陳共和之美。而長國人虛僞放縱之風。就於斯言。決不絕端反對。俟至後幅。重與細論。惟斯時愚不得不爲一語。以破約法會議之迷夢者。則準此立言。欲以明其效。輦東鄰之故而護其元首。統治權之說。乃實自陷於絕地。而不可通也。蓋議統治權之誰屬。乃國家之事。而課責任於誰某。以施行政事。則政府之事。二者爲界。分明有若鴻溝。是故日本以統治權屬之天皇。因定其國體爲君主而政事所出。則別有一政府存焉。無與於天皇。天皇惟高拱而已。上杉博士曰。『所謂君主國。乃以一人而爲統治權之總攬者。完全純粹。到處皆然。』美濃部博士駁之。謂『以日本之歷史言。之藤原氏之擅權時代。與武家政治時代。不論卽在今日立憲政治之下。統治權總攬云者。果得稱爲皇上一人之意。而無他人之意入乎。其中哉。』

(一) 見星島氏所輯最近憲法論第一篇。

(二)

愚揣美濃部之言。

即在表明國家自國家政府自政府。日本雖以歷史上之事實。不得不以統治權歸之一人。(一)致招近世法學之譏評。而實際上能釐國家政府爲二。不以天皇之尊橫干國政。法治國因得確立。人民遂亦安之。學者偶然之論爭。固無所影響於政治也。今吾效法日本。果何如者。革命既成。史例悉破。全無日本所謂『瑞穗國』『大八州天皇』之古典。縈繞國民之心胸。而亦竊其萬世一系之言。定爲至尊無上之位。同時復稱民國帝政。永不發生。負總統之初心。淆民間之觀聽。錯亂恍惚。莫可究窮。果胡謂耶。夫亦既追摹日本。有所規定矣。而又刻鵠不成。轉而類鶩。蓋彼邦憲政本一大原則。中分兩部。一以統治權歸之天皇。一使天皇不負責任。其所以然。則國家者無責任者也。(二)而政府不得不有之。今若以國家之本體起而負政府之責任。則爲之首長者。勢將行其

(一) 日本井上密博士有『統治權之主權』一文。載『據日本皇室祖先之歷史』自神武天皇以來。歷代之天皇實爲統治權之主體。『見星島氏所編最近憲法』。

(二) 國家無責任是一有餘之定義。最須記取。德皇在獨立周報作『國權與民權』一書有曰。『國家者必具有最初絕對無限及普及之權力。否則不成爲國家。此無關於國之爲君主爲民主也。在君主國。國權之量不加多。在民主國。國權之量不加少。』又自統治權起見。所謂四性。自無限。自最初。自絕對。自普及。乃舊格士列舉之。茲無暇一一思之。可知其無責任也。

絕對無限之權。而莫能制止之。苟制止之。其事即等於革命。由前之說是無政府。由後之說是危國家。二者皆大不可也。唯釐國家政府而二之。使各守其防。不相侵越。而後國政可得而理。茲理也。稍治國法者。可以知之。而不審約法會議諸公。胡乃茫然無所通曉。既以一國之薩威稜帖寄之總統。同時一則曰『以重總統之責』。再則曰『對於全體國民負責』。二。他義請待更端陳之。以云爲總攬統治權。下一義解則愚唯。有見其進退維谷。醜相畢露也已矣。

責任何謂也。是亦不得不爲讀者一詮釋之。然詮釋此語。訴之常識已足。初不待高談法理。蓋無論何人所爲何事。皆自覺其有不可不守之常經。並知苟不守之。人之於我。輕將加以惡感。重且科以嚴罰。前者謂之義務。後者即謂之責任。是故義務者。自守者也。責任者。人加諸我者也。義務可自修之。至一言責任。則必有相對之個人。或團體。始生意味。私人如此。政府亦然。蓋政府者。國家所創置者也。國家之權無限。而政府之權則不得有限。苟無限焉。則惟有通國家政府之藩。而返乎專制無藝之實。若而國者。

並非絕無可以存立之道。惟憲法一物不當存在何也。憲法云者其在歐文首以限制爲義。而政權所使舉有一定之範圍不得逾越。設或逾越而卽有法督乎其後也。由斯以談國家自有憲法以上則政體無論大小要有限制。既有限制要當建法以繩之。斯法無他卽號責任。但此種責任以從政治與法律兩面觀之爲象不同。因分兩種。聞之英儒戴雪政治上之責任乃國務員失去議會多數之擁護卽當辭職。其字以政治則常是時也。倘或國務員忘其廉恥硬不去位無人能控之法庭科以罰焉是也。至法律上之責任則關於國務員副署凡政事所行有國務員署名其上其國務員卽莫逃法庭之糾問是也。(一)如此分之特於英憲爲然。苟或他國以內閣經國會投不信任票而得通過卽當解職一節在英倫爲慣習號稱名譽律(二)者而亦勒爲條文著之典冊如法蘭西憲法(三)以及吾憲法草案之所爲焉。(四)則戴氏所謂政治上之責任者亦卽法律上之責任惟戴氏持說有一不可破之例則責任無論何往要不出於政

(一) 見 Dicey, The Law of the Constitution III 111 (1) The Law of the Constitution (1915) 千八百七十五年二月二十五日之憲法第六條、(四) 憲法草案第八十一及八十二條、

治與法律兩類也。夫法律者何？法庭所得據之以判事者也。以故以責任規之於法律。必其可以由法庭糾問之者無疑。法蘭西內閣責任問題未嘗一涉訴訟者。乃其內閣嚴守英人之名譽律。初不待法庭干涉也。苟不如是。則屬諸政治事情。凡政治上之救濟。必以政治手腕出之。非法家咬文嚼字者可比。惟語此手腕。非可作爲概括之詞。亦不能預設必由之路。大抵其所施之程度。何若當視民力之強弱。民智之文野。爲比例。差以言其極。在民主國。美利堅總統約翰孫之自退。林肯麥荊來之被殺。皆其所以負責之道也。何也？彼在職之期。載在憲章。一成而不可易。苟或於此期中。其所行政大不滿於人民之所欲。而在法人民無如之何。勢唯有出於驅之殺之之一途也。在君主國其例尤夥。法皇路易之斷頭。英王查爾士之授首。吾國自桀紂幽厲。經歷朝迄前清之死之流之滅之亡。皆其所以負責之道也。何也？革命者專制之產物也。橫暴者之執政。有神聖而無責。難國民不堪其虐。非暴起而死之流之滅之亡之不足。以自救而少緩須臾之死也。政治責任此類是也。今約法曰：『大總統對國民之全體負責任。』茲責任者。果屬於法律方面乎？抑屬於政治方面乎？由前則法律含法庭便無物。今之起而

糾大總統之責任者。果何種含有法性之機關乎。而其文明。明有曰。國民也。國民卒無一定組織。散處如泥沙。又安所執行法律乎。法律之說。既未可通。勢不得不走入政治。惟以政治上茫無畔岸之事。漫然定爲法文。張皇號召。其爲絕無意義。又不待沉思而得。彼作法者。亦何嘗不抗顏以立。說曰。『以總攬統治權屬之國家元首。以重大總統之權。而又不能無所限制也。於是對於全體國民負責之規定。』（一）是責任生於限制。彼亦似有所知。惟問限制者爲之於事。先抑爲之於事後乎。吾聞事先定其行權之範圍。斯謂限制事後課其所行。合於所限與否。斯謂責任。今約法不規之於事先而謀之於事後。是當其行權時已無限矣。明明無限而猶裝頭蓋面曰。『不能無所限制。』豈非欺人自欺之尤。茲且姑如其意。以限之於事後矣。吾又聞行權無限者。而最後必有所以限之其權。亦與之爲無限。易詞言之。權利無限。其責任亦無限。此無限之責任何也。卽約翰孫之所以見効。林肯麥荊來之所以見刺。路易之頭所以所查爾士之首所以懸桀紂。幽厲經歷朝以迄前清之所以死。所以流。所以滅。所以亡也。讀者如

嫌。所。引。例。爲。不。祥。須。知。此。不。祥。之。例。約。法。實。貽。之。愚。雖。欲。自。諱。病。未。能。也。卽。諱。而。不。言。又。胡。益。也。嗚。呼。約。法。會。議。諸。公。謂。爲。未。知。而。偶。爲。之。是。爲。無。腦。筋。謂。爲。知。之。而。故。爲。之。是。爲。無。心。肝。自。今。以。往。肇。民。國。之。本。基。召。未。來。之。巨。變。蹈。梨。洲。非。法。之。法。之。譏。二。啓。項。籍。彼。可。取。代。之。欲。吾。知。非。他。卽。此。責。任。兩。字。也。

說者曰。總統對於國民負責任。此美利堅憲法之精神也。吾國體同於美。準美制而立爲法。焉可厚非。愚曰。美誠有之。惟非所論於今之約法也。曩者有一派之政客。意在取消內閣責任制。因倡爲總統責任制以抗之。愚當時卽指陳後制不成名詞。其說曰。『對於人民所負之責任。不過政治上之理解。決不成爲一種政制。專制皇帝亦誰非對於人民而負責任者。使總統責任制而成爲名詞也。則皇帝責任制亦斷無邏輯上之理由。使之不成術語。是故責任云者。通常乃指行政立法兩部之關係言之。範圍不及於人民。準此論思。則總統制實一無責任之政制也。』

（二）斯說雖簡。亦殊著明。然總

（一）見原法。

（二）見民立報總統責任制篇中。

統對於人民負責一語。究不脫於美洲學者之口者何耶。則以總統制之特性。在選總統一法。選國會議員又一法。使立法行政各各獨立。(一)而同溯其源於人民。以謂總統也者。乃人民選之。於國會無與。故其責任。乃對人民負之。而亦於國會無與也。易詞言之。總統與國會議員同受命於人民。以治國事。各守其權。不相凌越。此中非有主從之關係也。此以表示三權絕對分立之精髓。而非所論於權限之大小也。其言總統對於國民負責。與言國會議員對於國民負責。無二義也。何也。美人之所以釋總統責任者。不外總統任期既滿。國民可不選之。是猶議員責任不外議員任期既滿。國民可不選之也。於斯有最須記取者。則採用斯說。必行政立法兩部之權限較然分明。國會發令總統。唯行國會之令。以致之民。如美利堅今制焉。然後可也。美利堅之政府得諡曰弱大陸法家。謂爲六頭政治。(二)立法行政兩部之首長平分宰國之權。相衡相砥而不相容者此也。今約沙會議諸公。不此之悟。既以大權寄之總統一身。首與美制之精

(一)參看白芝浩內閣論。

(二)六頭謂總統國務卿兩院議長及兩院財政委員會長也。

神。相。畔。同。時。復。竊。其。用。語。曰。此。對。國。民。負。責。也。此。對。國。民。負。責。也。嘻。彼。中。創。憲。名。家。華。聖。頓。哈。密。敦。亞。丹。曼。狄。生。之。鬼。豈。歆。其。非。類。者。歟。

本篇之職。本非爲諸君漫作法制之談。尤無意評論新約法之得失。觀縷如此。已嫌詞費。今請舍法律而言事實。假定大法已行。民無敢言。梟雄不生。大權無礙。爲問稽之往事。訴之史識。一國之責。集之於一人之身。此一人者。究能舉其責焉否乎。以愚觀之。必不能也。此政術之趨勢有然。非必負責者之甚不肖也。此其故前作政本論已詳之矣。無取贅言。約而舉之一人負責者。專制之別稱也。專制者。強天下人悉同於己也。其自然之序。則爲四賊。以爲同者。必有賴乎心腹。心腹以恃其同也。恆敢於抑揚威福。以爲己私。而不使主知。是爲蒙蔽。卽知之矣。而太阿旣已倒持。主者亦將末如之何。是爲恣肆。凡爲同者。奉主之令。不如奉其意。所謂意者。又寧有限度。以是假威濟奸。壞法亂紀。皆由於此。是爲剌探。法旣壞矣。紀旣亂矣。彼輒敢從而爲辭曰。此主者之所命也。是爲諉卸。茲四賊者。猶陷阱也。專制則猶文繡覆於其上。人而好同。立見陷入。由是一人負責。云者。特日居阱中。而與所設機械爲戰之謂耳。民生國計。果何與焉。四賊之次。又有

曾滌生所舉四病。曰退縮。曰瑣屑。曰敷衍。曰顛預。『退縮者、同官相推、不肯任怨、動輒請旨、不肯任咎是也。瑣屑者、利析錙銖、不顧大體、察及秋毫、不見輿薪是也。敷衍者、裝頭蓋面、但計目前、剗肉補瘡、不問明日是也。顛預者、外面完全、中已潰爛、章奏粉飾、語無歸宿是也。』（一）茲四病有如微菌、好同之治、則招菌之媒、人行專制、菌立飛入、由是一人負責、云者行見身爲菌、塞日爲所以清血殺微生物之計、而不暇給耳。民生國計又何與焉。此外唐之魏徵、本說苑之說、別臣類爲六邪。『一曰、安官貪祿、不務公事、與代浮沉、左右觀望、如此者、具臣也。二曰、主所言皆曰善、主所爲皆曰可、隱而求主之所好而進之、以快主之耳目、儉合苟容、與主爲樂、不顧後害、如此者、諛臣也。三曰、內實險詖、外貌小謹、巧言令色、妒善嫉賢、所欲進則明其美、隱其惡、所欲退則明其過、匿其美、使主賞罰不當、號令不行、如此者、姦臣也。四曰、智足以飾非、辯足以行說、內離骨肉之親、外構亂於朝廷、如此者、讒臣也。五曰、專權擅勢、以輕爲重、私門成黨、以富其家、擅矯主命、以自顯貴、如此者、賊臣也。六曰、諂主以邪佞、陷主於不義、朋黨比周、以蔽主明。

使黑白無別。是非無間。使主惡布於境內。聞於四隣。如此者。亡國之臣也。是謂六邪。」
(一) 茲六邪者。又集四賊四病之成其邪。初中於主專制者之一身後。乃浸淫蔓延。滿平天下。所謂亡國實又收六邪之大果。雖若賊若病若邪之所行其狀亦或以主者性分之有強弱而偶異。要而言之。『齊主懦弱。政出多門。上下相蒙。遂至亡國。周主立性凶強。威福在己。亡國之事皆在其身。』(二) 其必至於亡國而後已。無二致也。如此則一人負責其效亦可觀矣。又焉在其可貴而必以著之典章懸之象魏也哉。

或曰。子言專制而例周齊。亦太有辱乎政體矣。專制者有開明而博愛者也。漢唐盛時。卽能希此。何子未或一思及乎。愚曰。然。惟問漢唐之盛。果恃有文帝太宗其人乎。抑僅恃兩代之制乎。昔柳子厚作封建論曰。『夫天下之道。理安斯得人者也。使賢者居上。不肖者居下。而後可以理安。今夫封建者。繼世而理。繼世而理者。上果賢乎。下果不肖乎。則生人之理亂未可知也。』此以培植封建。固精警無倫。然愚不解以論君主世及。

(一) 魏徵上太宗疏、

(二) 魏徵對太宗語、

之制。其理胡獨不爾。荀子病不通倫類。子厚誠犯之。而亦由君權絕對等諸天經。廢君改制之事。聖哲相望。舉莫思議。又不獨子厚爲然也。惟然專制之效。或有可觀。特亦所謂賭而偶贏者耳。『賭而偶贏。非能以之稱賭德也。』（一）或曰。在君主制誠然。若易君主爲總統。則非能者無以與選。吾知其弊可以免也。愚曰。然茲又當問總統果立於法制之下。抑仍獨操專制之權。由前則客說是。由後則客說非也。蓋總統而以專制爲號。召勢必以專制爲護符。以大錯既成。騎虎莫下。非此不足以全軀保妻子也。於時苟非有他力忽起。抗而勝之。則其易選舉而爲世襲。似又當然之事。是故拿破侖入法。迫而稱帝。苟己身不囚。必傳位無疑也。克林威爾治英。號稱護國。積威過甚。惟其子足以繼承。苟王政不復。長英倫者至今。爲其子孫可也。其弊又安在。可以免乎。或曰。吾惟問其身。不問其子孫。苟主者一時得人。則一時稱治。是專制終未可厚非也。愚曰。然惟愚知既稱專制。政情所演。實無間於其爲君主。抑爲總統。總統吾無其例矣。試問君主專制之最良者。果有當於近世國家之理者乎。貞觀之盛。可以稱矣。而究其實。乃魏徵之

對太宗所謂『人在困危則憂死亡憂死亡則思化思化則易教猶饑人易食』而已。非有他也。昔者嘗怪黃梨洲博極羣書深通治道獨不解於孟子一治一亂之言而信胡翰之說。(二)謂有十二運者起周敬王甲子以至清初皆在一亂之運向後若干年交人大壯始得一治荒怪無稽可笑已極至於今日人口之理既明生計之義日顯遂乃了然於孟子之所謂治皆大亂以後人口頓減豪猾既盡良懦安枕初非誰家治術足以望此也迨生聚二三百年人口復殖求食不足挺而走險孟子之所謂亂又因以生如此展轉如環無端吾國二十五朝之史義可以此盡之矣從而稱述治道衡論憲章皆梨洲所謂周旋此膠彼漆之中並非於立國根本問題有何痛癢不然宋初之治亦極盛矣而胡乃開國幾及百年尙未爲民間興學既稍稍興之逾年而其學復廢是學且不興國於何有教育如此其他可知。(三)可見彼所謂治純乎消極民出粟米麻

(一) 見明夷待訪錄發端

(二) 歐陽修吉州學記曰：『宋興蓋八十有四年而天下之學始克大立。』曾鞏宜黃縣學記曰：『宋興幾百年矣慶熙三年天子圖當世之務而以學爲先於是天下之學乃得立而方此之時撫州之宜黃猶不能有學士之學者皆相率而寓於州以羣聚講習其明年天下之學復廢士亦皆散去。』

絲野無揭竿斬木太平之世。卽於是期。國民之眞止福祉。果於何在。非所計也。亦非所知也。試問今日立國。果於斯而卽足矣乎。嘗論專制之政。無論其文明達於何度。而要於養成民力。增進民德。開發民智。無幾微之實效。而況乎達其所謂文明。又恆在萬不可得之數也。此不獨於吾國爲然。蒙孫者。德意志之大史家。尤精熟於羅馬政事。而稱其帝政爲高貴無上者也。彼之史識宏通。見聞博洽。自有史氏。號稱絕倫。獨其崇拜勢力。好以成敗論人得失。頗爲學者所詬病。然且發爲論曰。『憲法之不完全。任至何度。惟若準斯法也。國民之多數。可以自由意志。定其政畧。則以衡之最開明。而博愛之專制政治。其爲優越。至無垠焉。何也。立憲政治。進取者也。富於生機。專制政治。停滯者也。幾於死體。』英儒哈蒲浩者。病歐洲近持國家主義過甚。其勢趨於官僚政治。而去責任政治將日遠。遂誦蒙氏之言。以諷其國人。本斯旨而發明之。枝葉扶疏。其說至爲精邃。愚旣取而譯之。別爲一篇。以資參考。不更徵引於此。惟上述數語。最宜潛玩。專

(一) 蒙孫 (Heodor Mommsen)

生於一八一七年。卒於一九〇三年。在德意志各大學講學甚久。著

書至九百二十種之多。於學無所不窺。無所不精。英之史家。如禮門。稱爲前無古人。後無來者。其博洽。非吾之高山所能望也。

制者死。體也有何發。育愚爲同說有曰。『論治之家。所以深惡夫同者。非於同而必有所惡也。惡夫同之不足爲治也。苟足爲治。則專制政體。至今可留於歐美。彼中人士決無取流血斷脰以求去之。』(一)其言雖簡。亦可以深思其故矣。

由斯以談。專制惡矣。苟攻其惡而謀復以專制代之。是以惡濟惡。國政斷無改善之望。雖不可攘日計。不可月計。亦不可兄臂。不可紆急之。不可徐徐。亦不可何也。以其主義之差。非救治於其本根。不可爲也。所以然者。人莫不自私。而有權者尤莫不欲濫用其權。以自恣。以是一國之人較然。劃爲治者。被治者。兩級。其中絕無連環。可以交通情感。互調利害。則以全國之福利供一人。或一團體。專欲之犧牲。實人類劣根。必生之果。無可疑也。其因既明。則欲解除專制之毒。惟有還求之被治者之身而已。英儒席兌(二)曰。『代議政體之所求者。乃利用被治者。加於治者之反動。以改良政治也。易詞言之。乃被治團體之利益。必治者隨時可由被治者直接或間接以影響加之。而後能充分

(一)見政本

(二) H. Stidwick 引語見所著政治學

保全也。寥寥數言。已破政治之的。蘇張之舌。莫能降之。於時有一實際問題起矣。茲問題者。非駁吾說者之所特設。而亦愚頻頻自叩者也。其間維何。卽代議政治之成功。基於多數國民之智識。今吾國多數國民。果足以言代議之事否乎。愚請決然答之曰。否。不足也。不獨在吾國爲不足。盈地球之國。皆於此有未足也。蓋參政限於男子。盡男子而有是權。已非多數。況乎選舉上之制限。男女性以外。尙有多種。摩國不有之乎。以民智最高之美洲。其有選舉權者。尙不過全人口五分之一。遑言其他。是多數云者。本非絕對之義。而爲相對之言。旣相對矣。則其所以爲相對者。程度何若。亦視其選舉法如何立耳。初無定衡也。以吾例之。苟其有選舉資格者。不能有全人口五分之一。而爲八千萬焉。所有者。不過八千萬五分之一。而爲一千六百萬。於吾說無礙也。卽一千六百萬而亦不可得所有者。不過一千六百萬五分之一。而爲三百二十萬。於吾說無礙也。卽三百二十萬而亦不可得所有者。不過三百二十萬五分之一。而爲六十四萬。於吾說無礙也。甚至六十四萬而亦不可得所有者。不過六十四萬五分之一。而爲十二萬八千止矣。盡矣。無可再減矣。於吾說仍無礙也。要之吾之所謂多數。乃有選舉權者。

之多。數非全人口之多數也。吾知富於什匿克之思想者。或且謂吾國之有政治常識者。將不足十二萬八千人。則以中國之大。一人首出而稱帝。其所賴以奔走庶政。位於百僚有司。以及里胥鄉正者。其數至少。亦在十萬以外。苟此十萬人者。毫不不足與於政事。將見責任政府。莫立。官僚政府。亦莫立。立憲政治。無能爲。專制政治。亦無能爲。是將吾人建國之資格。從其根而撥之。凡吾人一切言談。悉歸廢止。而愚茲篇之作。尤屬多事。可嗤。想說者之意。亦不如是也。於是其國自足。施行專制。以上則本其人民固有之思想能力。而以專制與他種政體相較。在政治眼光。稍形平直者。無不立覺彼善於此。不可以道里計。何也。史例來告。歷歷可證。內籀所得。不可毀也。簡而言之。則良專制。首賴有良官僚。官僚而號爲良。必也『集若干人居之官府。而其人皆經驗富有實力。充滿持躬整飭處事公正。足以捍衛國家。導領社會者也。』此其人之不可得於專制政治。而轉得之於責任政治。哈蒲浩又與吾人以鐵證。使吾無法足以難之。其言曰：

……蓋此種官僚。如其有之。必也自由政治之結果。而非可由官僚自求得之也。必也。先有改革之家。先覺之士。倡庶民議政之權。謀公平選舉之制。用力既多。經時復

久漸見政府之責。課自國民。庶政之行。公諸輿論。而後相衡相盪。相責相望。而大政治家。可出。非官僚自薦。而即可冒其名。以行也。歷察往事。勤求實例。吾見行平民政。治。而知所慎。才行俱備。公誠雙擅之。夫有乘之以出者矣。未聞民意。衰退輿情。不彰而寡頭當國。其才行公誠之量。能保其應有而儘有也。(一)

之數語者。在政治學中。實爲鐵案。羅馬大帝。且莫移之。愚百誦之而不厭。故於他篇既舉哈氏全說。而仍贅稱於此。吾知好作什匿克之言論者。或且更謂吾國之一地理歷史風俗習慣。『與歐洲不同。政則有驗於彼。良不必有徵於吾。是於哈氏之言。仍不能無疑也。愚曰。善。今請爲諸君更徵一說。

英儒有邊沁者。喜言功用之學。以謂凡物必切實有用。然後可貴。學術政治。一切皆然。吾柳子厚有曰。『聖人之道。不益於世用。』此在聞者。舉爲徬徨。若入邊沁之耳。彼將立曰。棄之可也。雖聖人何傷。其爲說斬切類如此。彼說初出。英人不甚信之。其徒多法人。以其書刊於巴黎。大陸之法家。首被其影響。而英亦漸取其說而理之。邊氏之學。乃

浸盛。十九世紀。英律之改良。悉淵源之。邊氏沒後未久。美人之主改造法律者。亦奉爲宗主。今其說之在兩陸。雖稍稍衰歇。而數十年前。人民權利未甚鞏固之時。曾若狂瀾巨浸。瀾漫全世界。蓋其深入人心。有不可磨滅者存矣。往者新民叢報。頗復稱引其說。淺識者流。以其競言功利也。輒起非之。實則功利二字。乃從日人譯語。並非確話。皮相者因而紛爭。甚爲可笑。卽吾家太炎。未明邊氏所言。趨重法律。而罕涉於倫理。亦頗引吾邦理學。以詆譏之。至今能舉邊說者。幾絕無矣。愚之叙此。在本篇實屬駢枝。而以寓其珍重介紹之思。遂亦不辭醜糺。究其所謂功用者。果何說乎。邊氏以爲凡事之能止惡而生善者。曰功用。於是欲知功用之爲物。不可不知善惡之爲物。其說曰。

凡苦之謂惡。凡樂之謂善。由是而之焉。之謂功用。功用之學者。不外卽天下之苦樂而推算之比較之。又凡此外之感情。絕不使之躡入是也。

在崇信功用主義者。於一切公私動作。悉視其所生苦樂如何。以爲贊成與否之標準。舉所用公正不公道。德不道德。善不善。諸形容字。皆其字含有若干苦樂之成分者也。且所謂苦樂。卽常人所謂苦樂。絕無新生武斷之義。謂當排除何種苦何種

樂其界始立而亦無至精極玄之理。必須商之柏拉圖。質之亞里士多德。其蘊始宣。蓋苦樂者苦樂也。無論何人皆同感之。自王公以至農庶。自鴻儒以至白丁。一也。二。自邊沁之說出。是非之者。聚訟不能休。而非之者。率在倫理一面。謂以其說作爲道義之準繩。不無流弊。至用以爲立法原則。因由常人之所謂苦樂。以求最大多數之最大幸福。三。則無所容其非難。今愚鄭重引之。乃在表明政治之作用。不外創一組織。使同一社會之人。其所懷趨樂避苦之感。有共同之法。以通之。苟無法以通此。則其所謂組織。決無一顧之價值。惟其所謂苦乃己之所謂苦。非他人所能想像也。其所謂樂乃己之所謂樂。非他人所能代謀也。又其所謂苦乃人之所謂苦。非法家拂士感之而悲。匹夫匹婦感之而不悲也。其所謂樂乃人之所謂樂。非大人先生得之而笑。庸童小夫得之而不笑也。古之賢君。亦或游臺榭而思民宮室。被黼黻而思民衣服。享珍錯而思民飲食。御妃嬪而思民嫁娶。然思其所思。非吾之所思也。吾思之。吾重思之。非吾。

(一) 詳見拙著法律改造論。

(二) 功用主義。亦曰最大幸福主義。

不能出吾之所思。實行之也。哈蒲浩曰：『近世國家之所以高於中古及太古者。以其於人民能力之發展。使得充其量也。』(一)愚爲之釋曰：近世國家所以高於中古及太古者。以前者人民之苦樂懸諸一人或少。數人之意志。而後者人民自定其苦樂。且自應用之於政事也。今之爲言者曰：中國人民不足以與於立憲政治也。易詞言之。是中國人民不自知其苦樂。而定之。既不能自定。惟有煩政府代爲定之而已也。欲明是語之當否。暫不問人民能否自定。最宜先問政府能否代定。有如前言。『人莫不自私。而有權者莫不濫用其權以自恣。』是知政府代定之理。決不甚長。然惟折以理論。說者不服。以爲吾國饒有特別情形。與他邦不同。故愚取邊沁之說。討論至此。審其更無持理之地也。乃進而衡論所謂特別情形者何如。夫當今吾民之所苦者。非外力之侵入。而國將不保乎。政府知其然也。乃竭力講外交。唱同盟。遣密使。聘顧問。彼市我以恩惠。吾報之以疆土。彼假我以顏色。吾施之以路礦。果也。四境安堵。邊塵莫驚。焉吾民之所苦者。非財力之困窮。而國將破產乎。政府又知其然也。乃竭力結交。贊本家。磋商銀。

行團。今日一小借款。明日一大借款。揮霍不足。繼以賄賂。賄賂不足。繼以賭博。國富至此。初未嘗蝕及小民焉。吾民之所樂者。非工商之發達乎。政府知其然也。爲之多發紙幣。以擴充其資本。爲之多縱兵匪。以分銷其貨品。憫鹽商之疲困。則假手於洋監督。以蘇息之。痛商辦公司之無利。則盜押於外國銀行。而不使知之。(一)吾民之所樂者。非生命之安全乎。政府又知其然也。爲之遍設偵探。民不良。不被邏察。爲之四縱軍隊。女不美。不受姦淫。偶語者。不得不棄市。爲治安也。有黨者。不得不炮烙。警將來也。凡此種種。皆今之政府定人民之苦樂。而求所以避之趨之者。也是非暫不論。惟若人民或其代表。自爲定之。自求所以避之趨之。其見象將有以異於上所云云乎。否乎。愚於此。恕不更徵他例。亦不爲下轉語矣。

興言至此。愚請簡單直截。以一語告我讀者曰。國民者。宜享權利者也。何也。無權利。不足以自行避苦而趨樂也。苟無權利。則賤種而已矣。國民云乎。哉。國家者。宜建之於權。

(一)北京自來水公司商辦者也。聞政府以之抵押於中法實業銀行。該公司後始知之而已。莫敢。

利之上者也。(一)何也。無權利其所含分子不足以避苦而趨樂也。苟無權利則奴圈而已矣。國家云乎哉。欲明此也。詳審上述吾國特別情形而已足。初不待廣徵學說墮入理障。必欲徵之。愚已將哈蒲浩所爲權利諸說。稍稍述其顛末。別爲一篇。以資考證。茲不贅也。惟亦聞人之言曰。『改造民國根本大法……首在爲多數人謀幸福。』何謂幸福。請有以語我來。斯則邊氏功用之說尙矣。(二)而哈氏一言尤須記取。『人羣幸福云者。非以其分子所享權利之程度計之。不成意味。』(三)準此爲推。思過半矣。目論之士。以爲權利過張。而義務將沒。殊不知求權利正所以盡義務。英人有恆言曰。不出代議士不納租稅。是求代議之權利。卽所以盡納稅之義務也。若曰稅所當納。議則無庸。則唯有從昌黎韓氏之說。民不出粟米麻絲作器皿通貨財以事其上。則誅而後可也。此盜賊之主義焉。能施之近世國家矣乎。必欲施之。則哈氏又言。『凡妄侵人權者。必受懲創。私人如是。惟國亦然。懲創自然之勢。則解義務之環。脫關係之鎖。環也。昔

(一) 本哈蒲浩語。

(二) 本篇所引約法會議各總統文有曰。力求實利。其所謂實利。或卽指邊氏之所謂功用。

(三) 見哈氏權利說。

結之絕艱。今解之絕易。鎖也。昔聯之極困。今脫之極順。』(二)此其味深長。最宜潛玩。昔者民國初立。約法告成。權利雖未堅牢。而已粗具形式。人民生命財產。乍獲安全。急公好義。頗復自勵。故伏莽潛滋。尙不虞其暴發。散兵滿地。尙不見其劫掠。今則豕狼奔突。民業蕩然。人懷卽死之心。家挾流亡之歎。國紐不解。尙復幾何。平情論之。此寧非政府剝盡人民權利階之厲耶。今且不必深說。要之國家者何。前言之矣。『乃自由人民爲公益而結爲一體。以享其所自有。而布公道於他人者也。』享其所自有。謂權利也。布公道於他人。謂己之權利必以他人之權利爲限也。若者爲己之權利。若者爲他人之權利。非人民自爲其界說。決不適用也。故憲法者。質而言之一權利書也。人民總意(三)之所發表。以求協乎公道者也。美之老儒吳汝雪(三)畢生之精力。用於政學。著爲訓曰。『國家者。宜有公道者也。國家而無公道。非適於人類社會之組織也。勉強稱之。辱其名者也。此種國家。直無存立之資格。亡之可也。』夫公道者。何與人以相當之。

(一) 哈氏權利說

(二) General Will 說 本虛校

(三) Woolsey 引語 見所著政治學第一卷第一章

謂也。與人以相當者。何各有其應有之權利也。故吳氏又曰『國家之基礎權利也。欲求一合乎公道之國家。非於權利之精髓見之絕瑩殆不可能。僅本權利以之樹立國家。固不完全。惟若舍權利不言。則禽視鳥息斯可矣。至謂國家爲人類而設。則不稱其名也。讀者勿以此老之言。失之偏宕。其實有至理存焉。不可毀也。吾人有倡爲國家主義者。意在損個人以益國家。此說之可取。亦視夫所爲損益之界說。若何若漫無經界。犯吾人權根本之說。愚敢斷言之曰。此僞國家主義也。此曲學之徒。輒骨之士。奉爲禽犢。以媚強權。而取寵利者也。又有提倡愛國心者。意在犧牲所有。以爲國家利。聞之鮑生葵曰。『愛國決不在犧牲所有。而在致其所有者於相當之位。』(一)斯言精透。曠古無倫。於時有主張抹殺人民權利。舉而奉之一人。或一機關。以恣其蹂躪。而又美其號曰救國。蚩蚩者氓。從而和之者。愚敢斷言之曰。此僞愛國心也。此鄙夫利之以行其政策。獨夫民賊。利之以愚其黔首者也。愚固非能篤信邊沁之學者。間嘗卽其功用之說。深思而熟考。而敢以應用。至於斯度。不自疑也。說者終以慮或亡國。來相恐懼。愚又

髣髴吳汝雪之靈。越太平洋而來。告曰。國家存乎公道。公道既亡。國家又誰與存。斯則言者。慮或亡國。而國之已亡。彼乃不覺。嗚乎。吾文至此。尙何言哉。崑山顧氏曰。『有亡國。有亡天下。亡國與亡天下。奚辨。』曰。易姓改號。謂之亡國。仁義充塞。而至於率獸食人。人將相食。謂之亡天下。……保國者。其君其臣。肉食者謀之。保天下者。匹夫之賤。與有責焉耳矣。』顧氏君與國家之觀念未清。彼之所謂國。乃今之所謂君。彼之所謂天下。乃今之所謂國。由是保國之責任。終不得不歸之匹夫之賤。愚本篇所標責任。頗涵多義。今正告國人。請竊取顧氏之說。以終吾篇矣。

政力向背論 三年八月

今執一人而問之曰。吾國國基可謂大定矣乎。此非絕無常識之人。將不以爲然也。卽在以戡亂自詡。頌言神武者。亦將不曰。此眞子孫帝王萬世之業也。是何以故。

其故有最明而無翳者。則第三次革命之不知將以何時而起也。此種感覺。自以其人利害深淺。神經敏鈍而異其度。而要不能推定革命事實之不發生。則人人所同聞之。丁君佛言曰。『贛寧亂後。元勳偉人。流徙喪亡。國之人方以爲季氏既去。魯難或已。而

不知彼輩固非能絕迹國中忘懷政治。卽云失敗。彼在前清時之失敗。已屢見而不一見。而卒有辛亥之大革命。故吾謂彼輩將來苟有機會。必仍思得當以報。』(一)此殆可以代表國人多數之心理矣。然革命者。則又國人之所厭惡也。故丁君又曰。『處今日共和之下。若有圖謀帝制復活之人。固爲不赦之叛逆。然欲更爲第三次之革命。亦必爲亡國之亂民。而厥罪維均。』革命既爲所深惡痛絕。而又灼然見其無可倖免。以是人無樂生之心。家乏一年之計。工商不進。學業不興。傲倖之心。流爲盜賊。偕亡之歎。聞諸薦紳。嗚乎。此尙可以爲國也乎。此尙可以爲國也乎。

今且不問革命之果起與否。亦無暇推究起後之現象何似。惟問吾國胡乃獨有革命之恐慌。而他國無之。此或有人爲之答曰。吾國乃特別國家。非可以政治常道論也。邇日外邦學者作吾顧問。以大驚其學於吾。尤競倡此說。謂革命不足慮。唯賴有以制之。國人不察。羣然以和。斯則黃君遠庸曾痛斥之。謂外人之爲此言。乃『中國之大恥。不當引爲佐證。……斯言果信。卽等於謂吾中國人在天演上當永劫爲奴。惟治奴當以

特別法耳。』(二)斯誠深通治體之言。可以發人深省。由是吾苟在不當『永劫爲奴』以上。則其所爲政治生活。決不能外於他國所經之恆軌。而別有所趨。果他國有道焉。使國中不含革命分子。人民安居而樂業。社會因以平和而進步。而吾乃無有則自人謀不臧以外。決無他故。可爲吾歸咎之墟。嗚乎。國人果真無悔過之心。而一平情察其咎之所自出耶。

愚請先言革命不見於他國之道。昔者英儒奈端。治天文稱宗匠。斷言太陽系中有二力於焉運行。日者全系之心也。一力吸行星而向之。一力復曳行星而離之。前者曰向心力。後者曰離心力。斯律既著。質學大進。後蒲徠士覃精史學。深明律意。以奈端之說可通於政治。乃專篇論之。(三)極言作政當保持兩力平衡之道。名言精義。曠世寡儔。其說曰。

凡社會號有組織。必也合無數人無數團體而範圍之。其所以使此人若團體共相

(一) 庸言第二十九期論衡。

(二) The Action of Centrifugal and Centrifugal Forces on Political Constitution 見 James Bryce 所著 Studies in History and Jurisprudence 上卷。

維繫則向心力也。反之人若團體因而瓦解。則離心力也。國憲者乃集若干法之大。成而其法之若則若規。皆所以構成一社會而宰制之。統合之者也。以是二力之作。用不期然而表著。向心力見分子密著。而社會日強。離心力見分子背馳。而社會必裂。理有固然。無可疑也。凡曰社會。無不有前力爲之主宰。此至易明。然謂後力可以悉量免除。自有社會以來。完美亦決不至是。蓋社會者乃由小團體組織而成。而小團體中之個體。莫不各有其中心環之而走。無論何之不盡離宗。此種趨勢。對於他團體及其個體。其爲離立。決非調融。可不俟辨。且也。社會過大人人之意見。希望利益情感。斷無全歸一致之理。彼之所以爲康樂。此或以爲冤苦。彼受如斯待遇。而以爲足。此或受之而不能平。緩則別求處理。急且決欲舍去。社會之情。一傷至此。久而久之。勢且成爲中堅。所有憂傷疾苦。環趨迸發。羣體不裂。又復幾何。是故生民以來。有若社會。有若憲法。綜其歷史。率不外此二力之爭衡。其一集之。其一散之。其一合之。其一分之。(一)

夫所謂羣體裂者何。卽革命之禍之所由始也。然則欲禍之不起。惟有保其離心力於團體之內。使不外奔。斷無利其離而轉排之之理。苟或排焉。則力之盛衰。原無一定。強弱相倚。而互排之局。成展轉相排。展轉相亂。人生之道。苦而國家之命。亦將絕矣。由是兩力相排。大亂之道。兩力相守。治平之原。此讀蒲氏之書。稍一沉思。卽可深明其故。雖然。兩力相守。於何守之。則『國憲者……所以構成一社會。而宰制之。統合之者也。』觀其憲法。可以卜其政治組織之安否矣。夫憲法者。有硬性軟性之分。〔一〕硬性憲法。謂其法視爲根本法。一成而不可變。卽變而程敘異常繁重者也。軟性憲法。則挾根本法與普通法之藩。其法隨時可以變易。二者與政力之關係。頗復深切著明。蒲氏曰。今試從憲政上曠觀人國。而問其適於軟性憲法。抑硬性憲法。則卽二力而詳較其實質。乃開宗最要之爲。其國向心力較強者。或軟或硬。皆足以維持於不敝。二者胡擇。可決之於他問題。而不置重於此。惟若離心力潛伏其中。且信其滋長。而未有艾。是建一硬性憲法。誠爲要圖。然其事甚艱。其基尤不易穩。苟若而憲法偏於集權。則

（一）硬性軟性之分。所載響之名以章。實則倡其說者蒲傑士也。

設。制。時。預。想。必。須。之。向。心。力。必。突。過。於。僅。有。見。存。之。量。其。制。一。行。將。漸。見。竭。蹶。甚。且。崩。壞。莫。可。收。拾。且。政。事。所。之。日。呈。變。態。憲。法。過。硬。其。所。代。表。者。乃。過。去。而。非。今。茲。苟。國。中。分。子。爲。時。勢。所。移。趨。於。離。析。而。憲。法。適。未。豫。爲。之。地。任。其。自。由。施。展。則。其。法。已。敵。不。復。能。行。其。在。他。面。苟。一。國。釐。爲。若。干。部。爲。象。絕。明。各。部。皆。欲。求。所。以。自。治。而。其。國。之。成。本。由。於。各。部。之。相。集。合。因。是。自。治。之。事。謀。以。法。律。認。之。且。防。護。小。部。之。被。侵。於。大。部。或。見。壓。於。全。體。則。創。爲。硬。性。憲。法。爲。之。一。一。規。定。乃。理。想。之。所。宜。然。聯。邦。憲。法。卽。其。例。也。凡。國。中。離。心。力。過。強。各。部。決。不。欲。統。於。一。尊。而。又。見。有。制。限。之。聯。合。大。有。益。於。實。用。此。種。憲。法。最。爲。適。宜。(二)

愚引斯說。在習聞憲法之名而不加深察者。或且不信憲法之爲性或軟或硬。影響乃如斯之鉅。則請分爲兩項言之。一爲性之所。一爲性之所由賦。

以言性之所。乃純在憲法邏輯上之作用著想。其他問題。皆屏勿論。是則戴雪言之最明矣。其說曰。

即兩種憲法比而觀之。惟問硬性憲法。果能歷久不敝。使所謂國家根本大法。不生變動矣乎。以史例證之。乃知其未必然也。六十年來。英倫之政治改革。悉行以漸。程敘既簡。人因游其中。而不自覺。其在他國。有若何法律。高高在上。表而出之。不容置議者。則無能望此。比利時之憲法。形式上未生變換者。已五十年以上。美利堅之憲法。壽命且逾百年。而未嘗有一變遷。可與佐治第三以來之見於英倫憲法者。同年而語。但如有時。以憲法失其圓融。凡無形漸進之改革。爲國家根本大計所關者。俱因而見阻。則必有時。以憲法之性過硬。而激起革命之風潮。無疑。法蘭西號稱不變之憲法。多至十二。而平均計其運命。每次不足十年。且所以毀滅之者。恆出於暴力。涂格維爾大儒也。魯意菲立之君主立憲。既成。彼爲宣言。無人擁有法權。變更此中條目。乃不足七年。即成灰燼。尤有一例。顛覆憲法。即以厥性過硬。充爲理由。若即法蘭西革命史而深求之。如此類者。當復不少。其例維何。即一千八百五十一年之政變。其最良之口實。乃法蘭西人民贊成總統連任。而爲憲法所格。非有國會議員四分三之同意。不能改正。此四分三者。今不可得。而主權國民之意。因不流行。非毀此

憲法不可云。倘若法蘭西國會萬能如英之巴力門焉。魯意拿破侖必且無從藉口。彼之惡行固多以他因而成者矣。而十二月二日之罪則又能以其所據口實自爲辯解也。(二)

法蘭西諸政家以千八百四十八年之革命創立憲法。誓不變易。未幾爲獨夫所毀棄。此誠爲非常之事。然此種禍變實硬性憲法之缺陷。有以釀之。不必卽爲例外也。蓋立爲不變之法。無異制止薩威稜帖之作用。使莫能行。於是法律中之文字與人民最高之意思易流於衝突。蓋在憲法。法蘭西選民之多數乃真主權者也。而條文禁制總統連任。多數選民乃欲之。則硬性憲法自然之趨勢必至使國法中之文字。

(二) 法蘭西千八百四十八年之革命成功者。工人居其大半。以魯意拿破侖夙爲政治論著。頗市惠於工人。遂得以五百餘萬票舉爲總統。是年十二月二十日。彼宣誓盡忠共和。逾年卽與國會大肆衝突。多數議員憤其事。憤魯意審人心之不與也。乃專意買收軍隊之勢力。羽翼已成。卽以保護國民生命財產爲名。陳兵四出。國會抗之。勢以少挫。彼乃自挾其共和立憲之假面。於五十一年十二月二日。以兵力解散國會。毀滅四十八年之憲法。其所託詞則戴雪之說。憲法不能適如民意云云也。同時問罪之師。四處繼起。而以力不敵。悉遭慘戮。其他黨人之囚者。逐者。不計其數。魯意既全以兵力壓倒全法。遽於此時舉行大選。彼復以七十萬票繼爲總統。明年稱帝。

與主權者之精神不相容也。如法蘭西憲法以其性過強之故，激起革命，則運用軟性憲法之英倫，其行大改革，獨能免於暴力，宜有可稱。學者試平心而讀史，卽知千八百三十二年之大改革，案全國之秩序不亂而卒以法律平和之序從容過渡者，則巴力門萬能之爲功也。

要而言之，在硬性憲法之下，穩和漸進之改革，有所難行，惟其如是一爲事勢所迫，革命之禍所不能免，此可斷言者也。一

由右觀之，戴氏於硬性憲法所以惹起革命之故，可謂言之有物矣。愚知聞者必且自叩曰：英倫之不文憲法，此不可學而幾者也。一立憲法如法如美，而皆爲硬性，硬性乃適爲革命之媒，然則憲法不可立乎？立憲法則革命終無可避乎？愚曰：此當先於不文憲法與軟性憲法之間，加以界綫。愚爲民立報時，曾一馳論及此，說曰：

軟性憲法乃非與不文憲法同物者也。英憲之不文，以不必要耳。倘必將所有憲法上之規律彙爲一冊，顏曰憲法如法蘭西，如比利時，亦何所不可於斯時也？吾知英

憲之精神。仍爲軟性。成文與軟性。兩質同時並具。今世雖無其例。而在政治邏輯。實爲理想中無上之結構。但人多爲近例所縛。不敢過泛。政治上革命之思潮耳。反對此說者。必且如羅君（一）所言。謂此固爲『世界上最上之憲法。然非國民之政治習慣久遠。罕能行之。』然須知。無政治習慣之國民。運用軟性憲法。而不可者。運用硬性憲法。亦同爲不可。不可之量。正同而以變易憲法。甚易。故其激急之衝突。轉或可免。

中引法蘭西
例不備錄西

……以記者之所觀察。倘法人不以其憲法爲奇貨。使人民之意。思得隨時與憲法相調和。則革命之慘劇。數量二者皆可畧減。

或曰。軟性憲法尙矣。然法蘭西擁其硬性憲法。以前雖時見顛覆。而自千八百七十五年以來。爲時亦非不久。而革命之事。乃不更見。何也。至美利堅之憲法。成於千七百八十九年。爲時愈久。革命之說。尤無其夢想。又何也。愚曰。此問題也。不宜僅決之於硬性之所之。而當詳質之於硬性。所由賦。請得進而言之。

法蘭西憲法之所謂硬性。非可比論於美利堅憲法者也。後者之改正。須創設憲法會

（一）其文乃與羅君鴻年辯論之作。

議手續異常繁重。而前者則唯以兩院合議行之。同一硬性。而此中差別。不可以道里計。且也。後者乃爲莊嚴燦爛之文。而前者則成於因陋就簡之意。此其關於本說尤爲切明。美儒羅偉恆言及之矣。

近時政治。憲法爲要。但在法蘭西。雖亦有憲法一物。而有兩點。與吾人平昔所見。頗不相符。其一。憲法不包舉於一案之中。而散見於各案之內。其二。各機關之作用。未嚴制限。而人民權利。國家所當保護者。亦未列舉。此不僅與美利堅憲法有異。卽與法蘭西之習慣。亦決不同。以其昔年憲法。類爲長卷。且盡全力以臚舉權利。雖無實際上之保證。將來效力何似。終以政府之意志爲衡。而權界森嚴。則固盡憲章之能事也。今之憲法。則不然。僅於國家權力之所以施行。粗粗組織。卽重要如每年預算及法官任期。且無規定。彼之所爲。祇爲政府成其虛構。而明定高級公共機關之爲何。爲何。至國政胡以行。一聽後來者之便宜而已。……其所以然。則當時控制議會之多數者。爲君政黨。以創設君政之無望。乃與少數黨聯合共議。共和雖採共和之名。而迥不如前。此法家視爲理想之一組織。今政府之所由成。其精要在於調和調

和者固政制成於倉卒而又傳之永久所必具之性也。從法人所有政想之中共和一名以外所假借者幾僅屬行政首長出於選舉一事。凡元首不負責任以及第二院之設立則由君主立憲而來。基本之觀念既如斯之不齊宜無從創爲高貴無倫之制。且各黨視茲大法俱不以爲最後大定之文。君政黨欲乘機而復其君政共和黨亦欲乘機更建民政之新基。國會之止於遷就一時造一政府簡單圓活使合於當時實際之用者職是故也。(一)

觀羅氏之言宜以法蘭西憲法過於簡陋不足取法。此如何作答。非一言所能了。今茲所宜申論者則法蘭西之革命不再見於今日乃深食其憲法簡陋之賜而決不當爲法人病何也。以其於政力向背之間能保其平衡也。自拿破崙第三乘千八百四十八年革命之機入爲總統旋復剪滅共和黨自爲帝制國中急激一派已積不能平。惟以可乘之隙不多拿破崙第三復能施行善政保持國人信用以是帝政能持二十年不衰。未幾而與普魯士構釁師丹之役固不獨以決普法之勝負而並以卜法蘭西帝政

之存亡也。故敗耗朝聞於國內。而共和夕布於巴。黎於斯時也。久鬱不伸之共和主義。方得當以報。其勢自不可侮。然民間習於帝政既久。亦復安之。所謂百足之蟲。死而不僵。而國民會議。號稱宰制國政之中心。以致議員之多數。仍思帝政。苟過爲共和黨所逼。法不亡於外患。或且亡於內訌。吾人試一熟察當日情形。共和黨之志。不得盡通。帝政黨之勢。亦大有所阨。僂馳已甚。其中至無可聯之環。則假定法蘭西憲法。不爲今形。愚敢決四十年來。法人之轉於溝壑。以死者不止其半。此可以推見彼中建國諸賢之智慮爲何如也。雖曰以圖一時之安。而長圖大念。斷無逾此。前述羅偉之名言曰。『調和者……政制。成於倉卒。而又傳之永久。所必具之性也。』法人卒明此性。故最後之成功。遠邁前古。此其智計。與其歸之君政黨。毋寧歸之提倡共和大義諸君。蓋其時君政黨跋扈於議會。國家之運命。彼實操之。帝政之不復蘇。其間不能以寸幸。而其黨自有內訌。所擁各異。未能卽決。苟民政黨過張其理想。迫之以不能堪。則反動立成。彼惟有自泯其爭端。相攜以制共和之死命已耳。倡共和者。知其然也。相與讓之。祇須保存共和之名。以上一切制度。自審其無可抗議。卽惟其所欲。法蘭西者。主權在民說之產。

地。以故所爲根本大法。恆訴之國民總投票。以爲最終取決。而茲乃不然。蒲徠士曰：「法蘭西千八百七十五年之議會。不以其所製憲法。質之人民者。以各黨均慮其結果之不如己意也。就中共和黨尤甚。彼雖勉使帝政之名。不出於議會。而一般國民是否與彼黨。悉同意見。乃不可知。以故在千七百九十三年。法蘭西已獨先他國。堅以薩威稜帖植之人民。而自千八百七十五年。以還。乃生息於一國法之下。初未經人民批准。而當時制定。僅以臨時急就視之者也。」（一）此其故。即共和諸子善養帝政餘孽之鋒。而待其自挫。至不惜犧牲其相傳篤信之道。以殉之。忍而有謀。可以概見。且彼輩蓄意假一機緣。重創憲法。使民主理想之基。幾於不壞。自時厥後。亦卒未爲其在於今。君政雖如已死之灰。不可復燃。而君政反動之徒。不無從容活動之餘地。居於議會。爲勢猶不可輕聽其自然。卒未聞於共和有害於以知。徧狹者。不可以謀國浮淺者。不可與議法。此誠觀於法蘭西之往事。而當著爲炯戒者也。

簡而舉之。法蘭西前乎千八百七十五年。恆不已於革命。乃昧於政力向背之道。掌力

者。惟。司。向。以。摧。背。罔。識。其。他。由。是。一。黨。既。興。非。盡。殺。他。黨。之。勢。不。止。他。黨。復。起。待。敵。黨。亦。如。之。報。復。相。乘。亂。乃。無。藝。後。乎。千。八。百。七。十。五。年。未。嘗。一。革。命。乃。明。於。政。力。向。背。之。道。掌。力。者。惟。使。兩。力。相。待。各。守。其。藩。由。是。一。黨。既。興。決。不。過。用。其。力。以。倒。他。黨。他。黨。以。能。盡。其。相。當。之。分。遂。乃。共。趨。一。的。而。永。納。其。國。於。平。和。有。序。之。中。此。其。關。係。最。可。深。長。思。也。

說者曰。法蘭西憲法之不召革命。實以其性本不過硬。而性所由賦。且全出於倉皇遷就之故。既聞命矣。至美利堅。則宜不在斯例。彼其憲法。最難改正。已非法蘭西所可比擬。而費拉德費亞會議情形。復與法之第三共和建立時迥異。以法有其可以遷就之道。而美則無之何也。美乃組織聯邦。中央政府當自無而之有。祇須有中央政府以上。則其本身結構。與夫各邦及人民之權利關係。不得不一一臚舉。切實而嚴明。是美利堅國憲乃一治具畢張之死法。與法蘭西之零章斷牘。不可同日而語。則在法不以憲法釀成革命。在美容或未然。然南北之戰。乃起於實際問題。初未聞以此攻及憲法。憲法之禍。美卒未受。是又何說。愚曰。法美憲法疏密弛張之處。儘各各不同。而其所以定。

憲之根本。則則所共守。故內容大殊。而成功則一。是原則者何也。卽政力向背之道也。求之蒲徠士。則又有說以處此。

美憲之成功何耶。以其政府組織言之。三權離立。近夫機械。世俗譽之。實爲過情。且總統之選舉。康格雷之作用。法俱未善。不足稱許。然其憲法有兩優點。皎然分明。一則制憲之時。社會中所存。向背兩力。悉量衡之。銖兩靡遺。且坦然認定。離心力之存。在而任其自然。發展當其收合。所有向心力。施以準繩。製爲規則。亦惟以不至惹起分崩之反動爲限。匠心所至。並使聯邦與非聯邦兩黨。皆躊躇滿志。以歸以是。向心力轉增。高度向使。定憲之初。滿持向心力。而發所得之多。猶不抵此。其所以然。則在第二點矣。彼規定中央政府之職務。其所用語。語富於彈性。解釋之也。從其廣義。可從其狹義。亦可易詞言之。中央政府行政之範圍。擴而張之也。可畫而小之也。亦可其初數年。州權之聲。高於統一之說。所謂範圍。乃守其最小之限度。以其行政立法兩部。皆欲如此。而法院所下解釋。亦惟以此爲界域也。自時厥後。各州交通。益益發達。商業激進。及於全國。且州權之論。已大挫於南北之戰。羣晤其非。於是行政範圍日

漸恢廓。且其所以恢廓出於自然。由於緩進。於憲法中之文字。不相衝突。而惟一準當時思想情勢變遷之度。加以弘闡之新詮而已。(一)

由蒲氏之言以觀美憲之成功。決非偶然。戴雪曾謂美洲聯邦制之日起有功。爲瑞士所莫及者。在其人民法律觀念之重。(二)是則然矣。然法律觀念重者。決非謂不擇法律之美惡而悉奉爲神明。美惡固無定衡。而亦決非謂不問己意之願否而悉惟法庭之命是聽。戴雪曰：『在審判最終之級。判詞亦容爲紕繆。凡國民不能默認此種紕繆而容忍之。決不適於創立聯邦制而爲其分子。』(三)斯誠透宗之談。莫能顛撲。然容忍法庭最終判詞之紕繆可也。倘或法庭所據以爲判之最初法律。而亦見爲紕繆焉。則將不在必當容忍之列。不能容忍。則組織之體裂矣。今美洲憲法以其所留離心力活動之地甚寬。凡情感利益不同之人。俱游其藩而無所於礙。故其尊重法律之天性始有所寄。以爲施是戴氏之言。又待蒲氏之說足之。始予吾人以中邊俱徹之象也。愚

(一) 原著上冊二九七及二九八頁、

(二) 英國憲法論一七五頁、

(三) 英國憲法論一七六頁、

皆細觀蒲氏之書。覺其所論美利堅創憲名家。先爲州權論者。留其有餘之地。而離心力轉日減。向心力轉日增。此種歸納所得之例。實可立爲通義。放之四海而準。是就向心力而論之。爲先弛而得張。就離心力而論之。乃欲取而先與。物情治道。往往相通。一語道破。萬惑都解。愚見世之主張集權論者。至惡分權論如蛇蝎。推其用意。乃在創一純一不雜之集權制。不使有一點分權之影。存乎其中。此其有違於政則。自不必論。

二 兩年來論集權分權者。唯見王君寵惠有得於蒲氏之書。持說頗中肯綮。所著憲法初議論省制一節曰：「夫絕對主張集權。而排斥分權。與夫絕對主張分權。而排斥集權者。同爲昧於政治之原理。均無有是處也。不觀夫物質上之原理乎。有向心力焉。有離心力焉。此二力者。或推之。或挽之。相殺而相生。相反而相成。天地以此而運行。日月以此而照耀。寒暑以此而往來。萬物以此而生活。宇宙之大。機械之妙。何莫非此二力莫大之作用乎。且此二力者。相需而行。不可須臾離也。使有向心力。而無離心力。則機械止。止則萬象俱寂矣。有離心力。而無向心力。則機械解。解則一切俱壞矣。世界將變滅。而何有於天地萬物乎。惟國亦然。一國之政治。有集權之趨勢焉。有分權之趨勢焉。此二趨勢者。一張而一弛。一國而一國。國家以此而強盛。地方以此而發達。政治以此而進化。人民以此而振興。是二者亦相需而行。不可須臾離也。是故世界各國。無論何種政體。其實行集權者。必同時而有分權之事。其實行分權者。亦必同時而有集權之事。若夫絕對集權及絕對分權。則斷斷不可。即使有所偏重。然物極必反。其結果必終歸於各國其平而後已。是以今世各國。對於集權及過分分權之制。莫不以爲不當。以法德兩國而論。昔見爲集權者。而今其國之政治。乃有分權之傾向焉。又以英美兩國而論。昔見爲分權者。今其國之政治。乃有集權之傾向焉。然則或集或分。不過從一方面觀察之狀況耳。而主張集權及分權者。眼光豈非各有所蔽耶。總之集權分權之說。皆是也。亦皆非也。蓋此問題。不在乎集權分權之本身。而在乎集權分權之界限。與大集權分權之方法如何耳。」論本蒲氏。

吾人且不深、非其用心而惟問其目的是否得達。以勢推之。行見其潰爛決裂。不可收拾已耳。是故欲集權者。不當於集權求之。而當於分權求之。天下之路。有似紓而實逕。非眞逕也。以其逕者。由之不可通。不可通再折而入於紓。耗時與力。無算卒之最逕之路。不得不讓此紓者。此類是也。然茲理也。又不獨施之聯邦國。而有然。蒲氏曰：『美與瑞聯邦國也。法比荷丹。則統一國。而俱擁有硬性憲法。兩兩相衡。吾於此得一公例。是卽以硬性憲法扶植向心力。而扶植之最有效者。必其國之採用聯邦主義者也。蓋在斯時。組織國家之各社會。其所有權利。悉受相當之保護。無所恐於國家權力之濫用。而擁護中央政府之意。始出於誠。由是此種社會。如或存在。是乃離心力之表。見對於國家。日欲脫其羈。非詳察曲諒。有以位之。國必不安。必也範其力。使不外奔。而又保其力。使能自育立憲。以綱維一國。至此始有可言。眞統一國。自不須乎此。但有時號稱統一。而統一問題。尙在籌畫。則其法之最良者。固不若訴之聯邦。諸原則。而以硬性憲法。卵翼之也。』

（一）往者法家論憲。絕嚴聯邦統一之分。以爲統一之邦。不可稍染聯

邦之實理想之蔽。一至於此。蒲氏湛深史學。博通國故。發爲宏論。良非偶然。沾丐後人。斷推此種矣。統一主義。在英曰西力帖良沁。(一)直譯之當作一神主義。謂國法統於一。猶之神道統於一也。此字戴雪用之。頗自矜重。著爲說曰。『吾英政治之原則。一言蔽之。卽一神主義也。』(二)易詞言之。卽由一種中央權力行使最高立法權。成爲習慣是也。』(三)此其樹義之堅。迄無駁論。惟事勢所之不囿於學者所爲界說。愛爾蘭自治問題。一經解決。而所謂一神主義。不得不容異教之聯邦主義漸潰。其中斯可知。政力之一向。一背有其自然。不能拘於成法。冀幸強制而蒲氏獨到之言。其價益與人以共見也。

以上乃言法美兩國。未嘗以硬性憲法釀成變亂之道。則如英倫之運用軟性憲法。其不至釀成變亂。在憲法範圍內言之。宜無煩吾人覲縷。惟白芝浩論內閣制有曰。『吾英自憲政成熟以來。國中初無大難。以是自爲一制。其中賦有最良之潛性。竟不易覺。』

(1) Uniformism

(二) 原註 (一) 神主義一語。詞意雖晦。離宗。而引用則頗便利。

(三) 英倫憲法論 一二七頁。

『(一) 白氏之使之覺之。乃在表明人之不採斯制者。其害爲何若。則欲證英憲軟性之善。莫若假定英憲不爲軟性。其結果爲何若。且以所食軟性之賜衡之。其比較又爲何若也。英人自詡其憲法之良。而以爲幸免於革命者。實指千八百三十二年來之各改革案。諸案者。皆在擴充選舉資格。質而言之。乃貴族與平民之劇爭。苟巴力門爲憲法所格。無力通過此案。則革命必起。革命一起。而首逢其厄者。必爲貴族。雖不必若巴黎暴動。輒稱殺盡貴族二十八萬人。而將驟失其安富尊榮之樂。斷無疑義。是爲貴族者。卽逆料各案通過後。將大有妨於其利益。猶當以此易彼。而況乎所妨之度。何似當時固無人。有絕明之概念也。由今觀之。則可以了然矣。魯西烈者。當今學者談英憲最具銳眼者也。其言曰。

選舉權之以次擴張也。論者頗深病之。且危懼焉。凡好學深思之士。屬於中流康樂之家。無不執筆。輒顛以爲政權落於羣氓患。且不測。據其所揣。則自彼以往。國本必且動搖。而社會秩序亦且大亂。行政方針之所取。將不以國民全體利益爲的。而止。

爲多而且貧之一部分。力圖其私財產一宗。行爲流氓之意所左右。彼視何者有利於已。卽以何者入之法律而制定焉。舉凡老成多識之夫。博學達才之士。將見放公衆生活以外。取而代之者。悉爲輕浮寡信疏慵貪黷之徒。此種戒心。不獨保守派之老宿。如梅因雷啓之流有之。卽自由急進派。向以擁護民權爲生命者。至此亦不能不生疑懼。白芝浩曰。選區中無識一閥之徒。吾甚畏之。自由黨之當局者。雖未宣言有如白氏。其意亦大抵類是。千八百六十七年之案。旣決。識者咸謂政海之大變局。將伴以俱來。不僅政治原則不同。卽登場人物亦必大異。

不謂二者俱不如其所期。新享選舉權者。其無意於橫厲無前之改革。及極端孤注之政略。與其前輩無殊。若謂彼輩志在權位。必以己黨之人。掌握政權。舉華貴殷實學高行修之人。迫而遠之。尤爲不實。以言工黨內閣。與夫議會多數。屬之工黨。惟當於澳洲殖民地求之。英倫無是事也。平民首領。亦自有政治生活。然十九世紀之前半期。卽已有之。以今衡昔。並無絕異之處。自千八百六十七年改革以來。保守黨實與自由黨平分政權。且千八百八十五年選舉。權復加擴充。以後五二十年之久。保

守黨在朝、在野之勢。又皆如日中天。爲從來所未有也。(二)

由是觀之。可見英倫貴族。坦然以選舉權公之平民。於己黨勢力。並無所損。其所以然。則英國民性。本偏於保守。其歷史上之政治中心人物。無論何時。社會率重視之。身分才華學問經驗。草茅之子。羣自審其不及。卽怡然以政權讓之。無所於妬。且其所信平等自由諸說。皆求之實際。不如法蘭西人驚爲空想。熟乃如狂。故彼激厲之餘。仍不失其矜慎之態。此其特質。毀譽之者不一。而以明釋改革案後之政象。要自不差。魯西烈之書。卽本此以立說。惟本篇之引魯說。用意乃不在此。愚以爲英人沈著之性。固屬天生而亦猶水性。就下激之。可使在山。苟非導之。使其故常。則和氣不難變爲乖氣。蓋英人之於巨室。薦紳。致盡敬禮。亦謂當由我。自致盡已耳。敬禮爲物。非可由自號巨室薦紳者。流強徵之於民間也。柳子厚送薛存義序有曰。『凡吏於土者。若知其職乎。蓋民之役。非以役民而已也。凡民之食於土者。出其十一。傭乎吏。使司平於我也。今我受其直。怠其事者。天下皆然。豈唯怠之。又從而盜之。向使傭一夫於家。受若直。怠若事。又

盜若貨器則必甚怒而黜罰之矣。以今天下多類此而民莫敢肆其怒與黜罰何哉。勢不同也。勢不同而理同。如吾民何。有達於理者。得不恐而畏乎。此其持論之正。在吾國誠所罕覩。然所以保障民役使爲之吏者。勤於厥職。惟在吏之自達於理。恐而畏之不在民之自奮怒而黜罰。此是柳州限於吾邦儒術。不敢過爲非常之談。亦不足怪。惟由今思之。吏之受直怠事盜貨器者。常八九反是者。無一二。果吾民終莫敢肆其怒與黜罰也。耶抑怒與黜罰之道有爲子厚本文所未及言者。耶。以愚觀之子厚。他時有謂『殺守劫令而并起』。者是卽怒與黜罰最終之式。特此式不恆用。顓頊者遂以民爲可欺。日怠其事。盜其器而不一反顧。殊不知不用者非無之謂也。怒與黜罰之事雖不常見而其力則日日蓄之。蓄之既久。今年不見其用。明年或見其用。甲吏不當其用。乙吏或當其用。不用於常。必用於變。不用於緩。必用於急。吾惟不解其常與緩之坦途而止。傲倖其變與急之不及吾躬而發。故民權之說自治之理。未經一人夢見。遂貽數千年強豪篡竊之局。以至於今。若夫西方之政則不然。卽柳子之說反證之一言可

以破的。是卽灼然見夫人民儲有『怒與黜罰』之力。惟因勢而利導之。無蹈束縛馳驟之弊。以故代議制度確立。而人民之聰明情感。乃得平流而進。國政以呈平安穩渡之觀。席兌曰：『代議政體之所求者。乃利用被治者加於治者之反動。以改良政治也。易詞言之。乃被治團體之利益。必治者隨時可由被治者直接或間接以景響加之。而後能充分保全也。』（二）席氏此說。乃以證明地方政治獨立之必要。所謂以景響加之。卽民備乎吏。將不聽其受直息事盜貨器而不問也。卽此數語。可據以劃分中西政治之鴻溝。前者翫於民情。而不晤其鬱久將別求一洩。後者審夫民力。而任其紓徐以達於用。政治之清濁。國家之險夷。社會之苦樂。悉於是見焉。愚爲此言。乃在說明中外民心。非有異同。逆而堵之者。罔不凶順而導之者。罔不吉。吾惟欺民之不敢怒而黜罰。而有時怒而黜罰之者。倍酷彼惟假手於民。俾得怒而黜罰。而民了然於怒而黜罰之權存於我也。其所以用之者。轉出於矜慎。留爲有餘。或竟不用。亦所時有此在人情。往往如是。訴之政理。何莫不然。英倫之保守黨。以選舉權公之衆民。而其保守之勢。未之

或動。其在他一面。衆民爭選舉權時。憤懣不堪。及其既得。卒未一濫用。此固宜歸之英民特性。如魯西烈所云。而就政力言之。則非於向背之道。能得其平。其效決不至此也。由上述法美英之例觀之。可因以得一共同之點焉。蓋法共和黨之欲戰勝君黨也。則先於憲法表示讓步以養其鋒。卒之共和之義大昌。而君黨之存於今。較前十不得一。

(二) 美聯邦黨之主張統一也。則先於州權論者。使有以盡其說而安其分。卒之結合之情。日以鞏固。其度較之草憲者之所推想。且有加焉。英保守黨之得以保其厚勢也。則由於宣導民權。使之得所。此固非其始念所及。而政象如此。較然不欺。於是所謂共同之點者。乃政力之向背。本無定形。而無論何種國家。兩力又必同時共具。則欲保持向心力。使之足敷鞏固國家之用。惟有詳審當時所有離心力之量。挽而入之法律範圍之中。以盡其相當應得之分而已。易詞言之。使兩力相劑。範圍成一定之軌道。同趨共守。而不至橫決而已。此外無他道也。他道者。皆政治自殺之愚計也。

凡右所言。乃在陳明政力向背之一大政則。尤在使此政則得有機會。以適用於吾邦。

至何時可適用之。何由以適用之。則惟任諸讀者見仁見智之情。無庸過於詞費。故本篇結尾。止於畧及近三年來之政情。以表其與此說之關繫。不欲詳也。聞之丁君佛言。『中國共和而後。擾攘不寧者。兩年於茲。溯厥原因。大抵由於新舊勢力之衝突。換言之。卽理想派與經驗派之相爭不下。質言之。卽國民黨與袁政府之互不相容是也。』

(二) 丁君此言。自不能無語病。蓋以新勢力全屬之理想派。舊勢力全屬之經驗派。已不盡然。以國民黨代表新與理想。以袁政府代表舊與經驗。尤屬不當。然就事實上論之。則丁君所斷。尙是大致不差。茲姑就以入論。則『衝突』之所由來。以愚觀之。卽兩方皆不解政力向背之道也。夫以數千年之古國。一旦以共和之義來相號召。舊勢力之不能盡倒。童子可以知之。而民黨設心。必以盡倒爲期。此其根本大誤。發點既謬。綜其所爲。悉背於反敵爲友之方。而併力於爲叢殿爵之舉。當民軍一呼。滿廷解紐。昔日之主張君憲者。轉而表同情於革命。此較之拿破崙第三既敗。共和政府已宣布於巴黎。而君黨之聲威。尙公然揚於全國。國民會議。以君黨名義而得選舉者。至居多數。因

日在共和議會。昌言恢復帝政者。其爲勢順逆難易何似。不難想見。而法蘭西共和先烈有道。以立於楚歌四面之中。而吾首義諸君。乃不知利用衆山。皆向之。勢責以不明政理。其又奚辭。十三省代表集於漢口。議創臨時政府。其中多昔日主持立憲之徒。遂大爲革命黨人所齟齬。鳥獸散去。實則此諸人者。爲執役民軍而來。亡友黃君可權。高才篤實之君子也。亦與於是役。當其倡言君主立憲之時。確信以爲非此不足以救國。及其贊助共和政治之日。亦確信以爲非此不足以救國。(一)主義因時變遷。果何害其爲君子。而以爲黨人醜詆。不得行其意。至瀝嘔血而死。非憤不見好於黨人也。憤國事之將以此不可爲也。其後唐君紹儀南下議和。從行者百餘人。其中居心叵測者。固有其人。一時俊髦之士。多與其選。而俱以昔日黨見未同。接洽未遑。卽欲仇以白刃。致彼倉皇投止。狼狽北歸。保皇黨者。乃過去之名詞。當事者以欲張其鼓吹革命之功。乃日尋敵黨之宿憾。以相媒孽。仇殺之事。且見於廣東。吾家太炎。聞之大懼。(二)卽愚亦

(一)聞黃君由河南赴鄂。曾以哀痛迫切之書。告其京中同志。有吾輩昔日所見。雖與革命黨不同。而至今日。果尙存敵視彼黨之心。圖存君政。是無人心等語。

(二)太炎以同盟光復兩會相仇。事移書南京總統。有曰。一舉聞同盟會人。有仇殺保皇黨事。彼

不解嫉視康梁。胡乃於共和已立之後。乃愈加劇。偶於民立報端。發爲疑問。卽大遭議者白眼。一切蜚語。轉中愚身。凡此數端。求於前舉。政則乃離心力之可轉爲向心力者。既爲所排而去。而國內所有一切離心力。更不識所以位之。使得其所。而日以獨伸向心力爲事。卒之離心力。驟然潰決。全體以解。已竟陷於絕地。而不自覺焉。丁君以袁政府與國民黨相待言之。不知亡國民黨者。袁政府而非袁政府也。吳稚暉先生嘗推言其故。而歸之於人心。其說曰。『政府借人心以肆其志。人心不過爲之傀儡。而已。然樂爲之傀儡。必有至理存乎其中。故此。次民黨之失敗。雖原因多端。而正因必爲守舊反動。』

(一) 是則然矣。惟吳先生當知反動云者。卽離心力失其軌道之謂。而使離心力。爲以康梁爲魁帥。則還暗衆所周知。然附和入會者。尙不能解保皇名義。赤子陷罪。亦謂無罪於人。今茲南紀肅清。天下曠蕩。雖舊染汚俗。亦常尊與自新。若以名號相爭。而令挾私復怨者。得藉是以爲名。僅損於時。徒令粵東糜爛。此亦執事所當禁飭也。一又太炎與張季直書曰。『海隅近狀。令聞者時有戒心。蓋者武昌倡義。未盈百日。南紀已清。謂法蘭西山岳黨之禍。必不見於今日。然未敢斷言也。款款之愚。每以老子當善救人。爲念。尙有寸長。以爲不應記其瑕過。昔於錢徵劉中叔。嘗仰此旨矣。何圖先事建義之人。尙蒙憎禍。彈丸判注。布在市間。謂民多利。謂國家。皆有其端。治非數年不解。雖有保全善類之心。而乏飲醇醖。糟之用。身非在服。不能逐其所懷。是則下走之罪也。』

失其軌道者。又非離心力之咎。而使之失之者之咎也。所謂『至理』宜於此求之矣。以言今政府之所爲。則尤有令人心意灰絕者。以彼既利用國民黨窮追離心力之勢。悉收之以向己。而人心以得。而同時乃不審籌一相當之地。以置不可收之離心力。使運行於法制之內。借圖政治劑質之用。而措國家於平和進步之域也。夫國民黨之不慊於政府。固衆所周知。而第二次革命之起。則不必卽其本意。此觀於孫黃不入政界。各省自裁軍隊。可見一斑。猥與時會。實逼處此。遂出萬死不顧一生之計耳。事至於此。無論從法律倫理何方立論。革命黨之咎。自無可逃。而當事者之釀成此局。其咎又居何等。丁君佛言謂政府不無『慊德』。(一)慊德二字。界說苦於難立。而自愚觀之。謂其不諳政治。通義彼必無詞。蓋在社會。可號爲國家以上。其所以處置反對黨者。決非自迫。其背畔草薙禽獮以外。別無他道。哈蒲浩曰。『人競言政府當準時勢以立策。而不知其詞換位。』(二)轉含眞理。是何也。卽政府不當自陷於一時勢。因而見逼以致行。

(一)見中華雜誌、惟倉卒不憶出於何篇、

(二)換位者、謂一句之中、實主兩詞互換其位也、如甲爲乙換爲乙爲甲之類、

事不見容於較良之主義也。』(二)此類名言可書萬遍。當南北相持急時。中立者頗欲以調和之說進。而時論大冒之以爲茲番不可更壞於敷衍。此種謬論。果有強而言之者耶。抑由衷而出也耶。由前之說。愚欲無言。由後之說。則吾人乏於政治常識。亦至於此。斯誠可憫。西方三尺之子。無不知社會之中。與接爲構。無不有調和之意。行於其中。團體愈宏。意尤切要。前引羅偉之言曰。調和者政制所必具之性也。英之大家莫烈。(三)且專著一書。名曰『調和』。十七世紀。以還歐洲。所有政治運動。殆可以此二字盡之。今我方極力背此而馳。宜西人之以特別國家辱我。聞者或曰。吾惟不調和。故有今日之安。則惟問以武力。驅一敵黨。使暫不得安居於國內。果卽謂之安矣乎。此自官吏偵探及亡命客以外。有耳目者。舉不謂吾民之獲一日安也。其所以然者。政力未得其平也。政力未得其平。雖有聖者。不足以爲治也。

愚所謂政力未得其平。非爲革命黨人抱屈。而欲平分政權以與之也。苟革命黨盡受

(一) 見哈蒲浩權利說、

(11) John Morley, On (omnipotence)

驅逐。而當事本其公心以行其政。因得厝國於理。豈不甚善。事惟有濟成之者。不必在我。革命黨之真愛國者。至此亦將樂觀其成。而無如政例相告。此不惟不可望。而又適得其反也。蓋其以力殄滅敵黨之本意。乃在不認政治上。有合法之抵抗。力而此種抵抗。力之不能。不有又由於政治之本性。而然當革命黨既去。政府所見爲敵者。又呈他式。則餘威所至。疑忌將加於昔時附己之徒。以故國會既燬。進步黨亦奄奄一息。近日南昌大戮。其黨支部人員。且拉雜其中。丁君佛言自述其黨之苦心曰。『對於政府。既失其法律上所依據之機關。已立於忠而見疑之地位。』（一）此在政府。雖與對待革命手段有殊。而爲不置離心力於相當之位。則一彼逐時演進。將來成何見象。乃不可知。其在他一方。革命黨之首領。雖悉亡去。而種子則到處仍存。且素不附於革命黨。而並爲黨人所唾棄者。至此亦假託名義。嘯聚爲亂。閭閻冤苦。西北驛騷。乍報肅清。旋又蜂起。多方亟肄。奔命維艱。長此不已。社會不悉歸糜爛。勢且不止。由是觀之。輿論付之躑躅。政黨亡其根據。民心卽於麻木伏莽肆其兇頑。正氣銷沈。乖風扇發。民生塗炭。道

路。怨。嗟。種。種。敗。徵。皆。於。國。民。黨。失。敗。以。後。而。始。見。丁。君。謂「結局統歸於報復致死之一途。」（一）此其報復致死。丁君乃專指國民黨而言。愚則慮其如蒲徠士所謂「社會之情一傷至此久而久之勢且成爲中堅所有憂傷疾苦環趨併發羣體不裂又復幾何」夫至羣體以是而裂雖有扁鵲無以爲治若是者何也曰當事不明政力向背之道所致也一念之差誤國乃至於此所謂作始也簡將畢也鉅豈不然哉。

愚書至此。輒歎奈蒲諸賢所立原則。關於吾民國之廢興存亡。如此其重也。實則茲原則者。推之古今中外而皆準。吾惟一國。故亦同之。今之人輒曰。吾邦特異。宜以力治。惟問其力。是否。亦有窮時。苟或有窮。其則卽驗設辭。抵譴。祇形其拙。爲斯言者。又不必謂力既窮。而則始效也。以約法言之。若而法者。國命之所託也。國中所有意見。希望利益。情感。皆當於此表之。由是硬性。軟性之分。政權。人權之界。當經極嚴整之戰論。極密慎之調和。而後其法可與人以共守。而以愚所聞。則大異。是南京政府時代之所創者。乃成於革命一派之手。由起草。以至通過。不開有意見之相軋。利益之莫容。苟天下之力。

有存於革命一派以外者則其約法宜不二年而毀何也離心力之作用則然也北京政府時代所改造者乃成於官僚一派之手由起草以至通過不聞有意見之相軋利益之莫容苟天下之力有存於官僚一派以外者則其約法亦宜若干年而毀雖欲諱言亦不可得何也離心力之作用則然也於茲兩約法之異點呈矣前約法者雖爲革命軍之所胚胎而掌而行之者乃屬異黨一方視約法爲聖神而一方視之如土芥一方日駭汗流涕以相告曰爾胡破壞約法爾胡破壞約法而一方日行其破壞之實而不顧是保之之力本有未至宜其速毀後約法者則在凱旋之餘本全盛之勢以立之且已立而已行焉於他人無與與革命派之不能始終其事者迥異是保之之力周匝無遺宜無從毀此今之爲言者之所衡論也雖然愚請以內籀歸納之術從中抽出一義曰約法者以力保之者也易詞言之約法者與力並存者也此正面之說也從其負面言之約法者與力俱消者也夫法者權利之所存也愚嘗聞之盧梭矣（一）彼曰『有最強者之權利』（二）又曰『最強者之權利以力守之』此與吾正面之說同者

（一）諸說皆見民約論一篇第二章

（二）盧說愚駁嚴幾道民約平議引之

也。其所作負面之說曰：

以力服人者。自謂有權利矣。吾且暫認之以起吾說。惟吾日卽而求之。空無一物。如曰有之。直夢囈已。何以言之。如權利可由力造。則果隨因變。彼爲後之有力者所倒。權利亦爲彼所承。於是人之暴力足以相傾。彼卽傾之而無所虞。其違法夫至最強者。恆擁其權利人之所爲。亦惟爲其最強者而已。一旦失其所以爲力。卽失其所以爲權利。此而謂之權利。果復成何意味乎。大凡以力服人者。當其服時。純乎由力。苟可不服。決無必服之觀念。驅之而行。是力之所止。義務卽隨而止。可見權利之爲物。以加於力。並於力。毫無所增。故此而曰權利亦一無義之詞而已。

盧梭此段。乃言民約。而說明「約以意不以力」之道。其言精透。聖者莫易以吾約法衡之。則號稱爲約。實乃無當於法。以須與力共其存亡。息息存時。息息可爲亡候。故必待其亡而始知有可亡之道。斯誠大愚不靈。吾末如之何者也。然天下事往往有至易明。而若至不易明者。卽是此種。故今之政府若民黨。俱無望其深喻斯旨。且國事敗壞。至於此極。惟有俟其劫盡。徐圖轉圜。正如己傾之乳。守而哭之。其又奚益。是愚之此篇。

亦留以爲箕子見訪之用。讀者若以爲第三次革命之風謠加以詮說未矣。

調和立國論 三年十一月

愚曩居英倫。目擊其愛爾蘭自治案之發展。自由黨柄政既久。愛爾蘭國民黨與之提攜。此案日日有成爲法律之勢。保守黨抗聲而呼。誓爲壟斷。此其政情得失。非本篇所宜問。惟反對者之詞有曰。茲問題也。關乎國本至巨。宜由各黨和衷討議。徹底籌畫。不由一黨一意孤行。是則含理之真。無可詰難。固不僅保守黨人云然。卽自由黨中之賢明者。亦復深明此義。昨有自由黨議員發行一小冊子。題曰『憲政危機』。(一)卽就此點反復指陳。警其同黨使勿專擅太過。格蘭斯頓者。英之政家最稱公明強毅者也。千八百八十五年。愛爾蘭問題初興。彼卽言於沙侯。(二)曰『如斯巨政。不可決之於尋常黨爭。必由是決。是誠不幸之尤者矣。』其言卒不見聽。此小冊子者。卽本以起論。謂『自格蘭斯頓發爲斯語。中經二十七年。愛爾蘭問題。仍然未決。今則決有日矣。』

- (一) The Constitutional Crisis 倫敦 T. Fisher Unwin 發行、未列作者姓名、
(二) 時沙士勃雷侯爲相、

：但若視爲黨派問題。以力爭之。則其所釀不滿不安之象。必重而遠。且所生險狀。將至何度。不可前知。須知吾人。共同生活。與夫共同利益。各各有其本基。遠在黨派問題。所當迴旋以外。縱令訴之黨爭。不必卽有格蘭斯頓所稱不幸之事。在法亦不當行。蓋於此種事件。非收合各派之聰明才力。治於一爐。使其所定全由同意。不假強爲。不足以安國本而善國俗也。……格蘭斯頓往矣。及今奉其言以行。猶且不遲。讀者其果無意也乎。』由議員之言。可見文明國之黨爭。將不盡恃多數專制之力。其所以然。愚執筆斯誌以來。已屢有陳說。簡而舉之。則一國以內情感利害。雜然並陳。非一一使之差足自安。羣體將至迸裂。不可收拾。故凡問題領域。及於是焉者。非以全體相感。相召相磋。相切之精神。出之不足。以言治國之長圖也。

愚論發端。卽絮述他國久懸不結之案。或疑其不類。然愚意所取。乃謂黨派者。其策源地實爲選區。國民明明以己意相託。其或相畔。並可隨時解除。其代表權。猶且於國家重要問題。不宜以多數凌轢他黨。則如有擁權自恣。國民之監督作用。本根已絕。其爲不可更不俟言。愛爾蘭自治問題。雖於國本有關。而其範圍。亦祇屬於國家組織之一

部分猶且非全國一致。通盤籌度。不足以消隱患而奠邦基。則如有大政所關。其深且廣。伯什於一地方自治事件。其不可爲一人或一派。人武斷擅行。尤爲無翳。愚讀書觀政。偶有所觸。信筆所之。以起吾說。本事之切於今情與否。不足深論。亦惟問讀者諸君。吾國今日政象。其爲大權壟斷。一切披靡。民志抑塞。無可告語否也。果爾。則惟一解決之法。正在覓一機會。使全國人之聰明才力。得以迸發。情感利害。得以融和。因範爲國憲。演爲國俗。共通趨奉。一無詐虞。無可疑也。顧其所以致此。或者訴之武力而出於革命。或者訴之政治而由於進化。此別一問題。非本篇所能爲之抉擇者矣。

讀者當知愚今執筆作爲此文。正歐洲戰局雲詭波譎之候。此戰之影響吾國。迥非尋常。債源已竭。國政莫舉。中立失實。內地被兵。平時不逞之徒。且持政府之急。而謀擣其虛。將來禍之所至。良未易測。於時有爲愛國之說者。謂外患方深。內訌宜解。英俄之宣戰也。其愛爾蘭芬蘭波蘭各自治案。或則停議。或則速決。而要以和衷濟變爲歸。吾國所謂外患。雖與交戰國有殊。而國中險象百端。更無餘地容有同室鬩牆之事。見於今

日。苟政府聽從民意。於政治施其相當改革。則革命之舉。允當鑒於時勢。知所止焉。是說也。又不僅穩和派主之。卽急激者亦多以此自克。由表面以觀。似愚前文所謂機會不難於此求之。求之而得。寧非絕大幸事。無如稍有政識者。略一沉思。卽決其所願有如泡影。何也。以其名託調和而實與調和之眞性相去萬里也。

有駁愛國說者曰。國有外患。舉國之人。一致赴之。理勢皆所宜然。但今之所謂外患。果居何等。吾國豈有與人宣戰之實力。政府又豈有是決心。二者不存。患於何起。昌言愛國者。非好事之徒。漫取一說以爲名高。卽自鬻之士。窺探政府之意。以圖見好。無足取也。愚於兩方。不能爲左右袒。惟國內民生凋敝。匪亂如麻。不勝兵戈。乃爲事實。於斯苟有免除三次革命之道。有人心者。諒無不樂於聞知。故人以免除革命之說。頌言於衆。愚決不疑其理由。而惟詢其方法。今其條件在『政府聽從民意。於政治施其相當改革』。則惟問『民意』將以何種形式發表。復何道能使政府『聽從』。具其形矣。有其道矣。所有改革。又何者始爲『相當』。凡此種種。皆勞審慎。若其答案。乃打一電。或上一書。書電旣往。卽無餘事。則質言之。爲告哀文言之。爲請願而已。調和云云。又誰欺。

哉。愚聞調和生於相抵。成於相讓。無抵力。不足以言調和。無讓德。不足以言調和。今革命黨八九居海外。進步黨亦奄奄無生氣。自力不生。不足言抵。己之權利。剝蝕淨盡。本無所有。更胡言讓。抵既無從。讓復莫傳。本質皆去。名將焉存。故今之人士。漫言調和。愚以爲皆童稚可笑。無關痛癢之談也。

然則調和之義。其卽廢而不講矣乎。曰。烏乎可。調和者。立國之大經也。美儒羅偉。謂爲政制傳之永久。所必具之性。愚前論政力向背。已珍重而介紹之。實則此乃政家公言。初非羅氏一人之說。其理由內籀歸納而得。更非一時遷就之談。吾國惟憐於此義。故共和三年。徒尸其名。而遠瀆其實。吾民之阨於淫威。失其自由。輿情不彰。冤苦莫訴。較之前清末季。專制未改。萬萬有加。受弊既有自來。則繫鈴解鈴。救其弊者。終屬是物。故吾國唯有頓卽於亡。否則社會迤演。日進遲速。不可知。而要歸於調和之域。而後已然。英儒莫烈。言調和最知名者也。其言曰。『進步者。非能自動也。儻若吾人沉睡若干年。忽焉自醒。決不見羣情國俗。煥然大進。世界之所以日趨於良。必人類之求其良。且多方以促其良者也。』（一）果爾。吾人觀國。苟見無調和之要。則已。否則大聲疾呼。冀幸

國人之察於斯義不至一誤再誤毀壞其國無可收攝正吾人莫貸之責也此而不謬可見實行調和是爲一事提倡調和又爲一事吾調和之說何時可見實施愚無從知惟斯說也舉國之人今日卽當深深印入腦際則了無疑義莫烈又曰『調和論者恆趑趄而不前非畏獨爲舉世之所不爲也乃慮時機未熟雖信己說之終張而特以今時之未可也雖然是有辨焉所謂時機未熟果指坐言起行世間一切制度文爲立隨吾理想而一一遷變乎抑僅指發抒新想創設輿論以聲相求以氣相感使同志衛道之士日多一日以俟一與時會著實改革嶮巇之量以減成功之期可速乎二者雖然分野不得併爲一談以言前者時不我與自難強爲理論獨高而羣情未附相時而動吾亦韙之但若而理論樹爲大義昌言以衆以證同心則息息爲之皆是時機決無所謂熟不熟也』(二)愚誠無似竊取斯義矣

顧當時有似是而非之說與此正成反對不可以不先辨政府黨曰民國初立首誤於

(一) 見 John Morley's On Compromise 第二百十頁

(二) 同上卷一百十六頁

優容。束縛馳驟之約法。不得不勉遵之。放辟邪侈之元勛。不得不敷衍之。暴厲恣睢之都督。不得不容忍之。故以袁總統之雄才大略。從政暮年。而一事莫舉。一旦決裂。將假面悉行挾去。虔劉亂黨。至於淨盡。始有今日之統一可言。此一說也。革命黨曰。吾黨之第一失著。在與袁世凱言和。其次則在南京政府之引用舊官僚。以致本黨藩籬。不期盡撤。迨南北統一以後。袁氏行其陰謀。政黨從而擾亂。吾人降心俯首。與之提攜。遷就愈甚。橫決亦愈甚。故今後吾黨如或成功。非盡所有舊勢力摧陷而廓清之。使無遺孽。不足自保。此又一說也。之二說者。皆與吾調和之義不相容。使吾說而有可存。必先使兩派人皆明其妄。庶足發生効力。愚何人。拳勇不足以服人。才辯不足以銜世。漫欲圖此。談何容易。然莫烈又有言曰。『凡一理想之見於世。決非偶然。苟其已至。吾前必將次第往叩。他人之門。而求其採納。吾冥行而得見光明。亦必有他人暗中摸索。去吾不遠。吾之發明。特其的耳。』（二）信如是也。則愚即輕微無足比數。或其所言。亦有不。容。已。者。存。乎。

調和者。實際家之言也。首忌有牢不可破之原則。先入以爲之主。吾國調和事業之無成功。病卽在此。今政府成爲今形。彼有根本原則焉。是何也。卽大權總攬主義也。革命黨舍死奮鬪。彼亦有根本原則焉。是何也。卽共和建設主義也。大權總攬者。獨裁帝制之精神也。其中不容有何種機關。分其權能。限其作用。此在庸童小女。可以辨其與近世民主政治。若冰炭之不相能。由共和建設以談。其與大權政治之不相融。更不待反證而得。以原則之本體言之。無論根據若何。要無言不成理之慮。共和尙矣。專制亦非不能主張。且主張專制。而以皇帝與狄克鐵特。等量齊觀。亦復自成一說。惟本調和立論。欲知原則之通不通。惟問施行之適不適。必嚴此界。而後愚說得以入焉。

凡施行一原則而定其爲適與否。觀念每由人人之見解而殊。如今政府之所爲。人宜以爲不適者也。而彼毅然行之。是必以爲最適等一物也。人之所見。相差至此。或者疑之。不知此乃所謂適者。其想境各有範圍。並非一物而呈兩象。由此勘入。合點可求。今試問政府號爲適者。果適於一人及少數人之利權乎。抑適於多數人之幸福乎。又試

問政府號爲適者。果適於現狀之維持乎。抑適於國家之進步乎。吾之於一原則而字之曰適。必其不肯於後者兩宗。而政府則惟懸前者二事爲衡。苟合於茲。他非所計。所見異致。實質大抵在此。並非政府不能爲二者之別也。試推政府之用心而語之。何者爲多數人之幸福。何者始適之。政府曰然。惟其事與吾利權有妨。吾不爲也。又語之。何者爲國家之進步。何者始適之。政府曰然。惟其事與吾現狀有妨。吾不爲也。如此推論。雖近滑稽。當局諸公。或且不認。而三年來所演政象。剝膚求之。其底蘊確乎若是。此在偏激者流。將立生兩不並立之想。而自愚觀之。則方哀政府之矜於政情。並深歎其自私圖存之不得其道。蓋善保利權者。未有不明兩利之衡者也。苟多數人之幸福於焉安全。則吾之利權決能守其相當。應有之域。善全現狀者。未有不同時計及久遠者也。苟久遠之策。於焉講求。則自通前後而合爲籌。所謂現在卽爲將來。發軔之點。反之舍國民福祉而專言利權。其所保存必有潰決不可措手之日。舍未來進步而專談現態。其所支持必有僞焉不可終日之觀。是知政府之所謂適。由吾人易地以觀。乃卽不適之尤者也。何也。以其昧於調和之理也。

大權總攬者。君主政治之涵義也。然在近世紀。卽以君主言。亦安見守此原則不加變通而能安富尊榮自若者。愚於英法而得正負兩證。請得述之。英儒邊沁言最大多數之最大幸福者也。而彼生長君主之邦。深觀君制之利。頗於君權民福二者之際。著其調融無間之方。蓋英之君主。雖有薩威稜二之號。而薩威稜帖則存於巴力門。巴力門者。實合君主貴族平民三族而成。與他國政家之言國會。外君主而別爲一體者。大異其趣。於時邊氏立爲論曰。『吾英國憲中之薩威稜帖。卽寄於此。而其所以寄之。乃爲國民求福。窮極其致者也。』蓋政府中之三大質。求其配置之均。毫無遺恨。如今制者。此邦而外。殆絕無之。假如三者之中。有一負大權以去。則或爲獨裁君主制。或爲貴族制。與民主制。吾將勢不獲已。擇一以從。而若策若德若智若力。平時所恃於二以濟其一者。至此舉。無有假如三者之中。有二共負大權以去。而負者適爲君主。與上院則法律容亦出之以慎行之。有方惟以言爲益。民生或不。必時時在意。如負者適爲君主。與下院。則察勢相時。居中審度。凡貴位老成之人。所優爲者。吾均失之。如負者爲兩院。

而立法告成。君主不容否決。則皇室特權。時虞侵斂。甚至廢除王位。亦非必不可行。於是行政者。非全失其機能。必且異常孱弱。但吾英憲法。乃聚三質。范而成之。相劑相調。極其合度。此其所以可稱也。』(一) 在熟察英倫最近憲況者。或以其上院之力。日趨衰弱。英王否決之權。雖有其名。斷無其事。因疑邊氏三質調劑之說。爲未確。欲詳論此。非本篇所許。惟就王權而言。說者所論。乃指民權十分成熟之時。而邊氏立言。則在君民兩權遞嬗之際。愚意有取於氏。乃在證明古初以來。君主首出庶物。號稱至尊。一切法權。本歸獨擅。徒以與近世民政潮流相抵。不復可通。或則厭惡民直。多方摧抑而已。轉卽於亡。或則坦然與他質相投。自爲體合。(二) 因得保其固有尊嚴之量。至其量之多寡。強弱則政力消長。天演深淺問題。一視時勢爲轉移。初不與權力調融之說相背。執此以論英事。無可疑也。

英事然矣。法蘭西則適得其反。蓋法者昔爲君權無對之邦。路易十四發爲朕卽國家

(1) Bentham's Fragment on Government, ed. by Montagu 見一八三頁。

(二) 體合者。物自變其形以合所遇之境之謂。本生物學中語。侯官嚴氏如是釋之。

之言。卽與民權宣戰之牒。大革命不起於他國。而獨起於法。決非偶然。間嘗瀏覽法史。探討古制。審其自中古以迄十八世紀之末。『法王者實集一切權力於一身。惟彼有行政權。任用官吏權。甚且指定神父權。惟彼有宣戰媾和權。締結同盟權。惟彼有徵兵與國民軍權。彼更有立法權。所有行政司法諸制。王之一令。足變更之。何也。令卽法也。質而言之。治法蘭西者。惟習慣與王令兩物。此外無所謂法。爲司法之源泉者王也。裁判悉以王之名行之。裁判吏名則法官。實爲王僕。王有不嫌。任意黜之。王有特案。隨時招來。設庭審之。全國財政。亦王自掌。歲出若干。何稅當課。徵收之方。何者爲適。皆由彼自定。人莫誰何。』至千七百八十七年。巴力門宣言。自後非得三族會議（二）許可。不得增新稅目。三族會議者。當時計之。已有百六十五年未之召集。路易十四十五兩世。

（一）Estate General 三族者指貴族僧侶平民而言也。此會創於非立第四之朝。當十四世紀之初。王權無上。非立尤英。國無發展民權之思。徒以與教皇爭衡。欲國之助己。又欲稍借平民之力。以動貴族僧侶深固不拔之基。故有此舉。凡以誇示己之威力也。後法人乃漸利用此物。主張政治改革。卒遭扼抑。並機關而廢之。故在十八世紀之末。已幾二世紀不設矣。三族會議之名。南海唐氏法蘭西游記如是譯之。王侃叔作共和憲法三大模範論。譯爲各州總會。誤較當。仍之。

迭徵新稅。均未一與之謀。今議院忽有宣言。實爲對抗王權之新主義。是年冬。宰相導王臨院。祖述君政諸原則以抗之。有曰。惟王有最高無上之權。有曰。王行此權。惟對於上帝負責任。有曰。立法權惟屬之王。不分諸人。亦不惟人是賴。此種大義。乃法人世世所遵。政事萬端。惟王聽之。無取他力。特爲助理。民之代表。聚於王前。亦猶臣僚聚議。特形式稍爲恢廓。所陳疾苦。或有譏彈。均待王言。以成定讞。宰相所齎王訓。堅強若是。宜議院不能服。而路易不顧。逕發借款策令。交院備案。荷爾良公（二）宣言。此不法之案。必欲存冊。當聲明王命爲之。路易十六低聲答曰。「聲明可耳。於我胡擇。」旋曰。「此案斷非不法。何也。以吾意爲如是也。」實則當時王意以外。本無國憲。路易之言。謂之虛誕。固不可也。」（三）然王與議院之情。以此大傷。時全法人心激昂。學說大盛。小冊鼓吹之書。滿街飛如蝴蝶。三新聞集會。激論日有所聞。地方暴舉。亦或時有。王至此

（一）Duc d'Orléans 當時主張民權。頗激以與王。作書四後爲內務部所殺。

（二）見薛紐伯（Charles Seignobos）所著 *Histoire de la Révolution* 第四章。首薛氏法之生存史。家最知名者也。

（三）如荷爾良公。即大出其私財。經營此事。小冊子中如席治思（Sieyès）之「何謂第三族」（Qu'est ce que le Tiers Etat ?）乃流行最有力者也。

時始允召集三族會議。千七百八十九年五月一日。此會遂成於微賒喇。(一) 微賒喇王宮所在地也。夫三族會議之所以異於國會。以後者本身有自由討議之權。而前者則銜有特別固定之使命。職在陳情。而不必由其發策。故其被選時。選舉團體已繕有說帖。歷述所求。令其攜呈。以備採擇。此種說帖。無慮數千。若而個人。若而團體。皆就其所涉範圍。指陳時政得失。諸帖並陳。彙爲三集。貴族爲一集。僧侶爲一集。平民爲一集。旋經法定程式。捧呈於路易十六之前。讀者須知此會議者。意在和平改革。初未敢集怨毒於王也。『吾人手諸帖而讀之。立見憂傷憔悴之民。其不堪虐政。呼求援手。精誠一致之氣。感人肺腑。彼其所欲得。一近世之新組織耳。而所欲之範圍。無一與尊王之旨相背。且矢忠王室。情見乎詞。由表面觀之。包本主義。』(二) 之幻想。當時固全未叫破也。』(三) 尤足異者。路易設爲茲會。意在貴族僧侶助己張目。併抑平民。乃『二族之人。多數寄同情於第三族。彼皆愛國多智之夫也。尤服膺於福祿特爾。盧梭。孟德斯。

(一) Versailles 路易十四所營之新都也。

(二) Bourgeoisie 包本當時王家之稱也。

(三) R. M. Johnston's French Revolution 四九頁。

鳩之書。以爲包本主義。爲人道計。爲法蘭西計。卽爲其自身計。均當改造。』(一) 苟當是時。路易俯從民意。坦懷與三族提攜。稍稍犧牲威權。以屈己而伸民。求一適中相應之點。以期法蘭西全體幸福。建之於上。愚敢決王室尊榮。不難與英比烈。而革命之慘禍。可以不經。無如路易昧於大勢。不解圖此。未能推誠與民黨相見。徒懷復仇之心。日以小機小智相應付。務終持王權。憎伏民黨。而後釋於懷焉。此其根本之誤。不可救治。時三族會議。已由平民一部。把持用事。號曰國民會議。(二) 以其創立憲法。又號造法機關。(三) 此中所布自由平等諸義。自與積世君權。不相融洽。然其溫和緩進之態。與暴民心理不合之處亦多。且兩兩相衡。與言近民。寧言近王。蓋當時全法意見。裂爲三派。而各相仇。以兵戈自衛。有犯之者。寧爲玉碎。不爲瓦全。王與民立於兩端。居其中者。則爲國民會議。王之所志。報復也。反動也。絕對專制也。民之所志。革命也。根本破壞也。無限自由也。極端之見。兩相背馳。其間連環。厥惟國民會議。以其目的。乃在和平之改

(一) 同上五一頁。

(二) *Assemblée Nationale*

(三) *Assemblée Constituante* 此與平時立法機關 (*Assemblée législative*) 相對。

革與有限之民權。固不徇王。亦不徇民。王不知與會議提攜。轉乘巴黎市民暴亂會議止之不得之時。調外兵入徵賒喇以脅會議。芮克者時掌財政。號能和緩君民之衝者也。王既欲與國民會議宣戰。乃放逐芮克以示決心。更廣集兵官。置酒高會。誓保其累朝無上之威。俾勿失墜。此風既播。國民會議與暴民者。遂忘其夙嫌。一致結合。以與王抗。此千七百八十九年七月十四日之變所由來也。迨十月五日。亂民擁王自徵賒喇遷於巴黎。白龍魚服。螻蟻欺之。王之本身。已全失其作用。然當時有精於調和之術者二人。乃心王室。復得民心。苟得王與后推誠相見。假以全權。極其所爲。未始不可返於和平之局。無奈事實來告。又得其反。茲二人者。一爲米拉波。米氏曾游英倫。究其政術。嘗發爲論曰。『英倫！英倫！一憲法耳。此外吾無見也。』（一）『英倫者模範之無盡燈。而自由之祖國也。』（二）彼既服膺此邦。一本其溫和調解因時作計之道。以應於政。革命之初。彼爲主動。凡於暴民失紀之事。無不節節維持。聲名既宏。謗亦遽起。千七百九十年春。大亂之生。已經兩載。米氏與王通款。冀有萬一之當。可以已亂。乃王不

信任之。轉加愚弄。五月與后約會於園中。互籌良策。后竟挾持私意。不肯以誠相見。米拉波則坦懷雪涕。謂彼愛王。尤愛自由。非兼營并救策終莫出。后深惡之。而陽假詞色。米氏既出。后卽貽書駐德近臣。告其招米。特欲利用。並非深託。時國民會議主張媾和宣戰之權。惟已有之。於王無與。米氏審此。可以挾王與國民攜手也。出席爭之。至於名譽掃地。刺客環伺而不恤。卒以其平日高才雄辯公心正義之力。已說僅乃通過。王則以隙大可乘。頓起陰謀。思以昔年對待三族會議之法。急掩會議。將其所有議決案悉取消之。(一)種種槎枒。米氏之謀。全歸失敗。智盡能索。逾年卽死。此政雄去而王之死。口亦可數矣。一爲拉飛咽。愚讀法蘭西革命諸紀載。作者於拉氏之毀譽。不一其說。最近美人約翰嗣同。(二)著法國革命小史。其論拉氏。愚以爲頗得其平。其言曰。『拉飛咽之爲人。易毀易譽。惟不易知。革命初起。彼有助美獨立。仗劍成功之歷史。惹人懷想。其篤信自由。持理一貫。尤爲先登朝貴之相仇者。於斯以浮妄短之。寧慮無隙。實則』

(一) Michelet: *Histoire de la Revolution* 第三卷第六章。

(二) R. M. Johnston: *美國哈佛大學歷史助教所著 The French Revolution* 一小冊。詳簡得宜。眼明詞達。爲初學佳本。

拉飛咽之自由主義。諦認之不外有容。既不走於極端。亦非鄰於空想。彼之政敵。固屬茫然。卽其知好。亦未深察。拉飛咽以爲自由者。非聽他人之意見。流行義乃不備。凡政治號有建設。非以合理之調和爲鵠基。乃不眞此種教訓。逾一世紀。法蘭西人始有知之。彼在當時。已能深通其意。——（一）約翰之言。眞能尙論古人者矣。自亂民直搗王宮以來。凡有急難。非拉飛咽至不解。護國軍——（二）者。巴黎市廳之所置也。拉飛咽領之上。以衛王。下以制暴亂。其勢雖張。而已爲民黨所忌。王且不知倚之。於其拱衛之下。倉皇宵遁。拉飛咽以此益見惡於民。攻之者益有所借口。自是以後。護國軍蓋無能爲矣。由斯以談。路易之死。基於不信國民會議。不信米拉波。不信拉飛咽。其所以然。則迷於王朝。絕對之淫威。而無遷就調融之美意。南海康先生著法蘭西游記。謂「路易固仁厚。能開議院。聽民權者。而卽以開議院聽民權。死施而不報。且以因襲報德。民心之難與。」

（1） La Fayette had already earned the souborn if took France a century to learn, that liberty implies freedom of opinion for others and that reasonable compromise is the true basis of constructive politics 原著七二頁所謂論一

世正法人始知當時爲三共和之成功。參看拙著政力向背論。

亦甚哉。』(一)是乃未然。路易非能開議院聽民權者也。如其能之。又何至身死家亡。爲人僂笑。今之論者。每以法蘭西第一次革命過於暴烈。不知當時國民會議。悉由中流深穩之士所集而成。千七百九十一年之憲法。乃君主立憲中之理想組織。於王權民權二者。調劑頗得其宜。所謂暴民。則別爲一體。立於會議之外。會議之所爲。大爲暴民所痛恨。而王之痛恨之量。尤有加。由表面以觀。王爲勢迫。亦恆讓步。然其讓步等諸降鹵所爲。勢盡而降稍起。則又翻覆以云調和去之。千里調和云者。貴有公心。尤貴通識。『凡人聚而爲羣。其事成於相劑。相質其習。行於相與。相讓。當割之利。不割不可。當低之求。不低不可也。』(二)當其可而割之。應於時而低之。是謂調和。當割不割而卒割。當低不低而卒低。其割其低。必非尋常應與之量。所能鑿敵之意。路易身爲刑戮。職是之由。遽以能開議院聽民權稱之。未爲知言也。何也。開議院聽民權。非深解調和之義者。不能而路。易非其儔也。前清之季。滿洲政府逞其強頑。請願國會之士。致受囚放。

(一) 法蘭西游記 一一七頁、
(二) 本哈爾治權利觀、

親貴內閣之爭。置若罔聞。卒之武昌一呼。勢不可當。信條十九。無異廢紙。由今思之。茲信條者。其精神可比法蘭西千七百九十一年之憲法。施而有效。吾國足與英吉利齊觀。豈不甚盛。乃不許之於和平競爭之際。而誓之於暴動四起之秋等一物也。時勢未同。則聖神化爲豺虎。今據十九條以論滿清。謂其聽從民權。信誓旦旦。而卒以此覆其宗社。其不爲知言與康先生之惜路。易殆同何也。聽從民權。信誓旦旦。非深解調和之義者。不能而滿洲非其儔也。

說者曰。此君主之國則然也。共和之邦。或當別論。蓋國而共和。人民可以自由運其意志。其奉爲元首。宰制一國者。必其最稱德高望重之人。以視世襲童昏驕汰之君。觀念迥乎有別。於斯委以全權。民實委之。用力過專。半由時勢驅之。至是未必可厚非也。爲此論者。意在擁護民主專制。謂其不失爲一種政制。愚固論之。欲知原則之通不通。惟問施行之適不適。今陽奉共和之名。陰行君權之實。所謂不適。莫此爲甚。蓋以學說欺人。謂元首之來。由於人民自由推戴。則此自由云者。印之事實。恆極不自由。如其自由。元首之性質。又決不如是。雖事變之起。國民中亦誠有一部分甚願若而人者出。以非

常之手腕。濟一時之艱難。一至權假。不歸流於橫恣。卽前之尸祝者。亦不得不詛呪之。本屬仇讐。尤不俟論。此觀於拿破侖第一而可知也。當彼行其苛疊達。而盡滅共和黨也。法人受革命之痛苦已深。羣以爲大難非彼莫救。雖惡其恣肆。亦頗安之。好持極端之見者。至以爲苛疊達之行。與言拿破侖之勝利。寧歸之共和黨之罪惡。(一)此亦可見當時之心理矣。乃其稱帝以後。情勢大異。前之推崇。惟恐不至者。漸至去之惟恐不遠。時共和之理。已入人心。然鑒於拿破侖之專橫。社會中漸露追懷君主之想。王黨乘之。潛施運動。人遂益畏班拉巴主義。(二)而轉以復辟後稍得自由爲可親。(三)觀其敗後。王政復古不成問題。可見盛時其機早伏。伯倫知理曰：『千八百十四年六月四日。路易十八之憲章。精要在於調和時舊。朝歸自竄地。而人民方經革命及拿破侖專制之餘。此適足以調和之。君主制有其所必存。新政治有其所必守。此適足以調和之。』

(一) Dangein 所著 *Royalists et Républicains* 有此言。

(二) Bonapartism 班拉巴拿破侖名也。

(三) On n'a assuré que des hommes tels que M. d. Villé craignaient plus le bonapartisme que le libéralisme pour l'établissement de la Restauration. 見巴米 (E. de Parieu) 著 *政治學指要* (Principes de la science politique)

宗社與革命兩體相厄。此亦足以調和之。』(一)由斯以談。路易十八所假以收拾人心者。在調和。可知拿破侖爲治之所缺乏。卽爲此物。然此固不必謂拿破侖之專橫。至於酷不可耐也。史家執筆。且稱其權以僭生。尙能正用。秩序既復。凡嫌疑黨錮之律。並皆解除。亡命咸歸。四民樂業。法令確定。財政綽然。政潮所趨。或生對抗。亦非不能讓步。稍鑒其意以歸。惟大力所之。莫能自屈。百事皆可一損及己之權力。則不允行。伯倫知理曰。『以拿破侖初政觀之。如其帝運不斬。君主立憲。容或可成。然凡事彼欲以絕對之意行之。他體有權。彼皆視爲有妨。已意此其受病之本。一旦失敗。所有制度。亦與之俱倒矣。』(二)伯氏之言如此。以證所以稱路易十八者。拿破侖不能調和。卽其致敗之由。益灼然可見。求之英倫。克林威爾之亡。亦同此例。請並徵之。

- (1) Die Chartre Ludwigs XVIII. 4. Juni 1814 war ihrem Wesen nach ein Vergleich zwischen der alten königlichen Dynastie, welche aus der Verbannung zurückkehrte, und dem französischen Volke, welches die Zeiten der Revolution und der Napoleonischen Herrschaft durchlebt hatte, ein Vergleich zwischen den Rechtsansprüchen des früher abgesetzten Königthums und den neuen politischen Gewalten, zwischen der Legitimität und dem Recht, und aus der Revolution-Bücherei's Allgemeines Staatsrecht 407-417.

千六百五十五年。克林威爾解散國會以後。英倫全土。在彼一人掌握之中。租稅如何徵。法令如何立。軍警制度如何編。外交政策如何出。皆由一手擘畫。人莫逆焉。論者輒謂克林威爾暴主也。實則彼之所爲。與古代君主之暴者。又異其趣。蓋後者爲暴。基於一己之私。克林威爾則信教絕真。純以天吏自居。欲以所受諸天者。強致諸民。謂以崇己身之權威。非知言者也。惟克林威爾自信之力過強。以爲己之所行。有百正而無一曲。人有持論稍異於己者。決不容之。若謂己稟天性獨全。故所見獨真。餘於服己之令以外。可無他務也。此其根本誤處。宜其及子而亡。穆勒恆有言曰。『人不能無過者也。其所得真理。往往偏而不全。故非聽反對之議論。盡量流行往復。比較。從而折衷。意見之統一。不足尚也。其在事爲。抑又有然。須知言論之龐雜。與生活之多歧。非至人智大進。可以認理靡遺。茲乃佳徵。決非惡象。』

(一) 克林威爾不解此也。妄謂己乃知理獨至。備道而全美。

(二) 盡壞一國之制度文物。以己意代之。語之於理。寧復可通。證之以

(1) Mill's On Liberty 第三章首段參閱嚴譯權界論八二頁。民國二年版。吾國墨子尙同。荀子譏之曰。墨子有見於齊。無見於畸。又曰。有齊而無畸。則政令不施。此荀勝於墨處。語見天論篇。

(11) 盧斯福論克林威爾曰……he was too impatient of difference of opinion, too doggedly convinced of his

情宜不相入。彼既以橫厲之策。盡收民權。而自爲清教徒。宗教之遭其強制者尤至。民心離畔。何怪其然。且彼討不服也嚴。窘異已也迫。厭蘇愛制。王黨顯之草薶而禽獮。隱之月朧而日削。欲不潰裂。安有幸焉。盧斯福著克林威爾傳。嘗論及此曰。『吾美南北之戰。格蘭特既勝。彼之所以遇敵黨者絕寬。此固不能望之克林威爾。獨立之役。美之王黨一敗塗地。其敗後之受逼拶。與查爾士第一既戮。克林威爾之逼拶王黨者略同。惟華聖頓及當時政家。以爲大非。秩序一定。敵黨之自由。同時恢復。所享公私各權。一律平等。克林威爾時代則不然。政敵既敗。鬚髮敗之一事。卽爲彼終身受罰之符。參政既沒其權。所有重稅。皆強徵諸彼。是惟恐其不畔已而保證之也。』(一)克林威爾既大失王黨之心。人民厭其專擅亦寢至。尤怪者附己之軍隊。並乃與己示異。習爲謹敖。致使克林威爾遣其親信之尤者。分置各軍。日不暇給。蒙克者。諸將之雄。克林威爾之股肱也。而復辟之日。首按兵出迎查爾士第二者。卽爲蒙克。以彼倒戈。餘將皆望風解刃。

own righteousness and wisdom, to be really fit to carry on a free government 見所著 Oliver Cromwell 111 頁

(1) Theodore Roosevelt's Oliver Cromwell 111 六及七頁

王政之復。不假流血。職是之由。當查爾士入都正位。鹵簿所之。萬民迎泣。此豈故君之足懷。殆由克林威爾之操切過甚矣。平心論之。當時民智未純。大刀闊斧之爲。未必盡可。非議且克。林威爾操心制行。皆有精誠。其過激之爲。由於信道之篤。與權謀幽險悖逆無道者。又不同科。徒以不諳治術。不解調和之道。遂至身死名裂。尸且受戮。良足惜也。

凡右所陳。乃以證明大權總攬主義。未能以邏輯之道行之。使之名實相印。易詞言之。前主義者。其在事實。抑在理論。皆無餘地。使之自存。事實一方。既歷歷以史蹟相證。請得更就理論。約略言之。昔荀子說威有曰。『威有三。有道德之威者。有暴察之威者。有狂妄之威者。此三威者。不可不孰察也。禮樂則修。分義則明。舉錯則時。愛利則形。如是則百姓貴之如帝。高之如天。親之如父母。畏之如神明。故實不用而民勸。罰不用而威行。夫是之謂道德之威。禮樂則不修。分義則不明。舉錯則不時。愛利則不形。然而其禁暴也察。其誅不服也密。其刑罰重而信。其誅殺猛而必。驟然而雷擊之。如牆壓之。如是百姓劫而致畏。羸則敖。上執拘則最。得閒則散。敵中則奪。非劫之以形勢。非振之以誅。

殺。則無以有其下。夫是之謂暴察之威。無愛人之心。無利人之事。而日爲亂人之道。百姓謹敖。則從而執縛之。刑灼之。不和人心。如是下比周賁潰。以離上矣。傾覆滅亡。可立而待也。夫是之謂狂妄之威。此三威者。不可不孰察也。道德之威。成乎安彊。暴察之威。成乎危弱。狂妄之威。成乎滅亡也。』(一)他日又論湯武曰。『天下者至重也。非至強莫之能任。至大也。非至辨莫之能分。至衆也。非至明莫之能和。此三至者。非聖人莫之能盡。故非聖人莫之能王。聖人備道全美者也。是縣天下之權稱也。』(二)苟兩說非無關也者。則愚謂禮樂修。分義明。舉錯時。愛利形。不賞而勸。不罰而威。非至強至辨至明者。莫之能爲。道德之威。非聖人莫之能及也。愚搜討未勤。史識彌闇。不審書契以來。此類聖人。曾否有之。論者動稱堯舜湯武。然五帝之事。若存若亡。三王之事。若芒若昧。堯舜湯武之治。是否與此合符。亦苦無左證。茲亦不深論矣。惟二千年以還。地無論東西。人無論黃白。凡史家所紀文士所傳。可以今日人類通性證之。而決其不謬者。於其帝

(一) 見張國藩、
(二) 正論篇、

王君長之中求一。至強。至辨。至明。能爲天下之權稱。如荀卿云。云者果有之邪。抑無之邪。謂曰有之。則誰舉其例以告。雖在萬里以外。愚且褻糴挾贊以從。謂曰無之。則言治必翹一不可有者以爲之。此誠柳子所謂聖人之道不益世用者矣。是亦不可以已乎。愚曩論克林威爾。請卽其人思之。有以明吾說未過甚也。盧斯福曰。『世俗之爲說者。輒曰開明專制。信爲良政府。是不然。三五坐談漫造。原則豈有合於治道。克林威爾之覆亡。卽所以施教於此。坐談者也。凡一國民智差足自由。於時有大力者出。奮臂攘之。代以己力。以爲己力所致。遠勝自由。制之所能爲。心誠求之功。亦逾奮自有專制。以還。未有盛於克林威爾者也。而且無成其他。又何足論。』（一）其所以然。則前舉人性不全一語。可以蔽之。笛卡爾曰。人類生而不全者也。全者非彼所能思議之物。則民之秉彜。雖有等差。未能絕遠。備德全美。信乎未能如其未能一人。政治之論。據豈不立爲蓋粉。穆勒曰。『夫人道不知何日乃進得於最隆。惟今日之人意與理少合而多乖。故其言論云爲莫不利爲同異。』（二）美人李德曰。統而觀之。爲多數之幸福。計多數人。

之平均。意要愈於一人之最良意也。」(一)斯皆透宗之談。聖者莫易信如斯也。荀卿曰：道德之威，成乎安彊。道德之威，既無其物，所謂安彊，何所自來？由是奉荀卿之言，以往非爲暴察，卽爲狂妄。而天下之治，乃展轉於危弱滅亡之間。且克林威爾曾以道德之威自期者也。茲不可得，宜爲暴察。暴察之效，在於危弱。然克氏所得實爲滅亡。是荀卿所計，敎能初無準的，以英倫護國之賢猶且如此。今之頌言神武者，奈何自蹈於滅亡而不自知也。

且荀卿之言三威，以概專制，猶有未盡。蓋其所謂威者，無論德暴，要發自一人，致諸民衆中，無間斷者也。必如是也。而後其威之效始有可言。且必如是也。而後主張斯制者，有其立脚之點。惟問自來專制之朝，其能達於是域，命由君出一絲不紊者，果有幾乎？間嘗考之爲專制者，必有賴乎肱肱手足，亦既賴之其病首中於蔽，一有所蔽，威則下移。威之下移，專制胡有是專制？爲物實含有自賊性於其中，其制一行，性卽自動。韓非子曰：『夫虎之所以能服狗者，爪牙也。使虎釋其爪牙，而使狗用之，則虎反服狗矣。人』

主者以刑德制臣者也。今君人者釋其刑德而使臣用之。則君反制於臣矣。故田常上請得祿而行之。羣臣下大斗斛而施於百姓。此簡公失德而田常用之也。故簡公見弑。子罕謂宋君曰。夫慶實賜予者。民之所喜也。君自行之。殺戮刑罰者。民之所惡也。臣請當之。於是宋君失刑而子罕用之。故宋君見劫。』(二)實則釋其爪牙。寧虎所願。徒以政性如是。實逼處此。不釋不能。簡公之失德於田常也。有不得不失者在也。雖至弑身不可避也。宋君之失刑於子罕也。有不得不失者在也。雖至見劫。無所逃也。何也。君者出令者也。臣者行君之令而致之民者也。君不能自行其令以致之民。而有資夫臣非至失刑必且失德。或則兼失刑德而使之用之也。韓非之爲此言。是知其一而不知其二也。彼之於此。豈不有審合刑名之說。以爲之基。然其基不位於人性之所同。亦美於言詞而不中於事實。其言曰。『……審合刑名者。言不異事也。爲人臣者。陳事而言。君以其言授之事。專以其事責其功。功當其事。事當其言。則賞功不當其事。事不當其言。則罰。故羣臣其言大而功小者。則罰。非罰小功也。罰功不當名也。羣臣其言小而功大。

者亦罰。非不說於大功也。以爲不當名也。害甚於有大功。故罰。』(一)此其爲說。非無合於近世法治之精神。豈不甚善。然今之文明國。所有法者。其性公。其質固。審判有定員。解釋有定義。所用者法也。而非用法之人人。惟用法而不能自用。故行之而無弊。專制國之法則不然。舉所謂法不越一人之意。卽意卽法。莫能明之果茲。一人者亦落形氣之中。則意決無衡。而法因靡定。好惡者人之恆情也。由非之言。君人者且不得有好惡。故其言曰。『……越王好勇。而民多輕死。楚靈王好細腰。而國中多餓人。齊桓公妬外而好內。故堅刁自宮以治內。桓公好味。易牙蒸其首子而進之。燕子噲好賢。故子之明不受國。故君見惡則羣臣匿端。君見好則羣臣誣能。人主欲見。則羣臣之情態得其資矣。故子之託於賢以奪其君者也。堅刁易牙。因君之欲以侵其君者也。其卒子噲以亂死。桓公蟲流出尸而不葬。此其故何也。人君以情借臣之患也。人臣之情。非必能愛其君也。爲重利之故也。今人主不掩其情。不匿其端。而使人臣有緣以侵其主。則羣臣爲子之田常不難矣。故曰。去好去惡。羣臣見素。羣臣見素。則人君不蔽矣。』(二)夫創。

設一制首責行之者去其好惡則必假定其人對於斯制初無所容心於其間以無所容心之人施行一制其制必不成韓非能言名數不當立說矛盾如是若有容心是用好也又安得去爲非之言者將曰如專制者以其爲專制而好之也吾情不動也則既不動情實得言好又曰情誠動矣而乃集中惟好斯物餘俱弗顧於是有利吾專制者吾雖惡必取有害吾專制者吾雖好必舍是又不然好惡者生於人心不生於法術人之好專制也其好乃由人心而之於法術今欲其好著於法術從而絕其心理是猶一木旣長枝葉扶疏撥其本根而冀枝葉凌空不墜無是道也夫好者何樂也以其所好能發生體質若精神之歡娛也歐洲功用學者邊沁之倫至以好惡爲一切善惡之準愚茲持說姑不務爲高遠惟人君以專制爲善而好之必其事足樂體質精神均因之呈一快感斷無可疑而專制之爪牙厥惟刑賞此非所已言也用刑賞而無妨於樂必也刑其所欲刑而賞其所欲賞也今其言曰爾欲專制當刑其所不欲刑賞其所不欲賞是拂其情也拂情者天下至苦之事也以圖天下至樂之人而律以天下至苦之事此大反乎人性其說必不可通蘇軾上神宗皇帝書曰『……陛下雖嚴賜約束不許

邀功。然人臣事君之常情。不從其令而從其意。今朝廷之意。好動而惡靜。好同而惡異。指趣所在。誰敢不從。』斯說也。歧令與意而二之。則真知君心者也。人臣事君之常情者。相待言之。卽人君使臣之常情也。君非以是來臣。將不敢以是往。以情召情。遂成此象。令之所在。或爲成規。意之所在。始爲所欲。故得君之專。爲君所親愛。大臣廷吏。不若左右近習。循令按法。不若優笑侏儒。何也。『此人主未命而唯唯。未使而諾諾。先意承旨。觀貌察色。以先主心者也。』(一)韓非不明此理。遽造爲『去私行行公法』(二)之談。以干人主。宜其所如不合。身且不保。當其窮時。發爲孤憤。輒謂『……法術之士。欲干上者。非有所信愛之親。習故之澤也。又將以法術之言。矯人主阿辟之心。是與人主相反也。』(三)彼至斯時。猶以己說不行。乃無黨孤特。爲當塗貴重之人所格。無由自進。反復說明。使人主反乎阿辟之爲。而違其法術之道。何其僨也。夫阿辟之心。性也。非習也。習可移。性不可移。性卽可移。亦移於習。而所習者。則專制也。以言莫予違之習。

(一) 八姦篇、

(二) 有度篇、

(三) 孤憤篇、

加諸樂諛。近佞之性是。猶以水濟水。安言移也。由斯以談。專制之政。首生蒙蔽。乃萬不可逃之公例。一有所蔽。則荀卿所謂威者。非復人主之威。道德既有所不行。暴察亦有所不許。有時即欲自爲狂妄。亦莫能爲。此其結果。固不越乎滅亡。特其滅亡。與荀卿所言異趣。故曰。荀卿之言。三威以概專制。有未盡也。

嘗論專制之威下移。成於人主之意者半。成於當時之勢者亦半。韓非任法之說。未通其意。亦未明其勢。前者略如上述。後者請得約而論焉。夫古來最足害專制者。莫如封建。柳子厚作爲是論。首立大義。謂『封建者。更古聖王堯舜禹湯文武而莫能去之。蓋非不欲去之也。勢不可也。』勢不可者。易言之。『是不得已也。』故復曰。『蓋以諸侯歸殷者三千焉。資以黜夏。湯不得而廢。歸周者八百焉。資以勝殷。武王不得而易。徇之以爲安。仍之以爲俗。湯武之所不得已也。』夫以不得已之情而生不可之勢。則其中於專制之利害得失。不言可明。請更舉子厚之言實之。夫堯舜禹湯之事遠矣。及有周而甚詳。周有天下。裂土田而瓜分之。設五等。邦羣后。布履星羅。四周於天下。輪運而輻集。合爲朝覲會同。離爲守臣扞城。然而降於夷王。害禮傷尊。下堂而迎覲者。歷於宣王。挾

中興復古之德。雄南征北伐之威。卒不能定魯侯之嗣。陵夷迄於幽厲。王室東徙。而自列爲諸侯。厥後問鼎之輕重者有之。射王中肩者有之。伐凡伯誅莒弘者有之。天下乖盪。無君君之心。余以爲周之喪久矣。徒建空名於公侯之上耳。得非諸侯之盛強。末大不掉之咎歟。遂判爲十二合爲七國。威分於陪臣之邦。國殄於後封之秦。則周之敗端。其在乎此矣。』愚讀至此。覺其所見。有不敢盡同之者。是何也。卽子厚著封建之失。乃欲以明郡縣之得失者。有叛之謂得者。無叛之謂愚。則曰。論有叛。無叛不當拘於制之本身。而忽視其作用。苟吾不能以此絕天下之叛。徒使其叛由甲點移於乙點。則挖肉醫創之道。未見其爲得也。子厚曰。『秦有天下。裂都會而爲之郡邑。廢侯衛而爲之守宰。據天下之雄圖。都六合之上游。攝制四海。運於掌握之內。此其所以爲得也。不數載而天下大壞。其有由矣。亟役萬人。暴其威刑。竭其貨賄。負鋤梃。謫戍之徒。圓視而合從。大呼而成羣。時則有叛人。而無叛吏。人恐於下。而吏畏於上。天下相合。殺守劫令。而並起。咎在人怨。非郡邑之制失也。』是不然。果非郡邑之制失者。則人怨之禍。胡乃不易起於封建之時。戰國之際。諸侯之虐用其民。奚減暴秦。豪強之不滿於其君。何讓陳涉。

然侯者。頓劍一呼。民無不應。伏尸滿野。民無敢尤。夫強者之所深惡。亦叛耳。初不論叛於何起。郡邑之制。有叛人而無叛吏。封建之制。有叛國而無叛人。叛地不同。有叛則等。右郡邑者。謂無叛吏爲得。右封建者。亦將以無叛人爲得。彼亦一是非。此亦一是非。愚揣秦政初帝。衡論及此。決策必難。徒以前此皆食封建之毒。未受郡邑之災。故以後者定爲大計。不知其計一行。禍變立起。謂天下大壞。由於暴威竭賄。此亦似矣。實則秦政不失亂。亦隨之失政之力。僅以速亂之成耳。以爲亂之全。因信乎無當。此其故亦不待智者而明也。專制之效。首在民怨。民怨旣衆。亂象四萌。平時文恬武嬉。可云遙制。一旦有事。非變生之地。自有重鎮。足相攝制。則土崩瓦解。理有固然。秦郡邑制者。中央集權之極。則也。事事盡收於中央。所謂守令。本以供天下之劫殺。事果如此。以論本制。可謂得仁。秦事然矣。歐洲之霸主。處心積慮。有與秦皇相類。曰法王路易十四者。所收之果亦同。南海康氏嘗論及此。『革命共和之事。不始於他國。而必出於法者。以歐洲各國侯權甚大。羣侯並強。民能小動其一二。不能全動之也。惟法國削侯權。奪侯土久矣。自路易十四後百餘年。諸侯未聞有稱兵作亂者。皆奔走後宮。以希王寵。其小侯食邑不

滿千戶。幾致飢寒。故爾時惟一王獨尊耳。巴黎亂民。一夫夜呼。亂者四應。圍王宮。撤衛兵。而遷王於市。王權一失。諸侯無力以救之。只有遁逃。故羅伯卑爾等得恣行焉。假令法不盡收侯權。強侯四布。則一有內亂反兵。定之至易。故革命共和所以獨出於法者。卽緣法盡收侯權之故也。……凡物之患。常出於所備之外。法累世英君哲相。專志於削侯權。而不知民變卽從此而生。猶宋藝祖專削藩權。而狄禍由此而盛。得失相尋。陰陽互根。故君子不可不知陰陽消息之盈虛也。』(一)準是而談。郡邑之制。不足以制天下之亂。章章明甚。行郡邑制。同時又薪專制之運。勿失。非別建大節。不能。唐之方鎮。是也。子厚謂唐制州邑立守。宰爲宜。而以虐害方域。歸罪叛將。不知將之能叛。卽足以證郡邑之未宜叛等耳。今徒自州而移於將。此朝三暮四之說也。自唐以後。皆可作如是觀。愚爲此論。絕非於封建郡邑有所軒輊也。乃謂封建之存全出於勢。明知其叛。莫能去之。必欲去之。變且立起。說在漢之七國。清之三藩也。或則本變。剛終民變。卽起。說在秦之勝。廣法之段。敦羅伯卑爾也。其後封建之根已絕。而強藩悍將相繼而起。其理亦

同。於是。以。專。制。之。故。保。留。是。物。是。物。之。反。響。卽。中。於。專。制。之。身。太。阿。既。已。倒。持。順。逆。將。惟。其。所。欲。故。苟。強。藩。悍。將。一。日。不。去。專。制。之。道。一。日。不。完。果。去。之。不。可。能。也。卽。專。制。之。道。不。可。能。也。專。制。既。不。可。能。則。所。謂。道。德。暴。察。狂。妄。諸。威。舉。無。所。用。故。曰。荀。卿。之。言。三。威。以。概。專。制。有。未。盡。也。

上述種種。凡以明大權總攬主義。以韓非審合刑名之道推之。宇宙間初無是物。本論多陳原理。盡舉往事。讀者或且疑之。請更以今之政局證焉。數載以前。卽聞有開明專制之論。施行未果。而滿洲亡。君制既摧。共和以起。共和者本非一二年所能收效之物。以舉國皆不欲之。不與深試。試未朞歲。殄滅無餘。自是以後。政出一門。威駕清室。凡勝國之所欲爲。而不敢爲者。俱爲之無所於恐。故乘時游說之士。爭以開明專制歸之。而當塗之人。亦復以此自許矣。(一)其實果何如乎。夫言開明。宜莫若荀子道德之威。此其斷不可得。前已詳證。卽質之時彥。亦未必敢證其然。拿破侖克林威爾。乃吾人之所

(一) 昨午解散國會之時。北京亞細亞諸報。稱總統爲克林威爾。總統對路透社員言。以墨西哥底亞士自居。

懷想而以頌禱當局者也。此兩人不解政術，自取滅亡，束縛馳驟，尤無民福。茲亦不論惟以拿翁愛國之誠，克氏操行之正，謂當局者足相伯仲。答者然否已不一其詞。是開明者本不可期。有之厥惟專制。然一言專制，韓非之說實據邏輯不拔之基。苟或不然，卽爲自殺。專制者不可以意亂者也。能以意亂卽不成爲專制。而今何如者？洪述祖之殺宋教仁也，刺探政府之意而爲者也。而政府不能以制正意，至甘爲僂人受誘而不恤。專制云乎哉？（二）專制者不可以勢撓者也。能以勢撓卽不成爲專制。而今何如者？張勳之掠南京也，逆料政府無如己何而爲者也。而政府果憚其勢，數十萬生靈之衆至不能易一武夫專制云乎哉？夫專制之主不能自司其意，使人不窺則主必壅蔽，下且無忌憚，各私其私而主者一人孤立於上。韓子所謂亡國之廷，無人者是也。專制之主不能善處其勢，使己不讓則外必有挾而內不能行其令。旣縱之後收攝無從，賈生所謂天下之勢方病大腫是也。茲二象者，凡有目者皆所共見。初不待廣搜近例而後可。

（一）韓昭侯醉而寢，典冠者加衣於君身而得罪。韓非爲之言曰：「明主之畜臣，臣不得越官而有功，不得陳言而不當，越官則死，不當則罪。」今越官殺人以懲辱主，且不得加衣者之罪，近且徜徉京津之間，與貴人游宴，道路側目，法司不敢問，此實背專制者之尋也。

明。苟。大。變。猝。生。專。制。以。此。不。保。乃。所。自。求。得。之。其。又。何。怨。惟。長。此。已。往。或。倒。專。制。不。得。其。法。國。且。魚。爛。而。亡。中。其。禍。者。終。在。吾。民。全。體。憂。時。者。徘徊。審。顧。以。爲。時。至。今。日。非。有。統。籌。全。局。之。計。畫。不。足。以。救。吾。國。之。急。難。者。凡。以。此。也。

然。則。如。之。何。而。後。可。苟。在。十。八。世。紀。以。前。民。政。未。萌。學。說。未。轉。則。吾。惟。有。從。申。韓。法。術。之。謀。採。李。斯。督。責。之。論。志。在。君。權。期。於。絕。對。雖。不。可。得。亦。且。爲。之。而。無。如。今。非。其。時。也。大。凡。一。意。之。生。生。必。不。滅。一。象。之。進。進。必。不。退。有。時。見。爲。滅。爲。退。者。非。真。滅。而。退。也。乃。正。其。迂。回。宛。轉。所。以。爲。生。與。進。也。今。者。吾。以。一。人。政。治。最。古。之。邦。被。以。多。數。政。治。最。近。之。號。爲。生。與。進。遽。至。終。端。於。時。舊。勢。尙。存。則。促。其。生。與。進。者。就。於。迂。回。宛。轉。之。途。乃。題。中。應。有。之。義。惟。若。抹。撥。新。機。一。意。復。舊。則。大。背。天。演。之。道。必。且。絕。脰。斷。臚。而。亡。斯。賓。塞。曰。『蓋。蛻。嬗。之。羣。無。往。而。非。得。半。者。也。其。法。制。則。良。窳。雜。陳。其。事。功。則。仁。暴。相。半。其。宗。教。則。眞。妄。並。行。此。雜。而。不。純。者。吾。英。之。所。有。正。如。是。也。其。衝。突。齟。齬。自。亂。其。例。上。自。國。政。下。洎。學。術。所。變。然。日。多。者。卽。以。演。進。方。將。損。益。之。以。與。時。偕。行。之。故。義。理。法。制。古。之。所。謂。宜。者。乃。今。以。世。變。之。更。新。而。適。形。其。不。合。且。是。之。世。變。往。往。卽。爲。前。時。義。理。法。制。

之所生。特世變矣。而新者未立。舊者仍行。則時形觚觫。設圖新而盡去其舊。又若運會未至而難調。此所以常沿常革。方死方生。孰知此雜而不純。牴牾衝突者。乃爲天演之行之真相歟。』(一)斯氏之言。卽所以著調和之精要也。(二)然則救專制之弊者。其惟調和乎。調和者兩利之術也。愚曩論之法蘭西未革命以前。彼邦賢者。腐心於包本主義。謂卽爲包本自身計。亦當改良。今於專制主義。愚亦云然。

抑調和者兩讓之謂也。前言吾國共和不能築於調和之上。有兩原則爲之梗焉。一曰大權總攬主義。一曰共和建設主義。是宜雙方並議。而講其所爲調融和合之方。乃本論至此。皆所以掎擊前主義。使失其根據。而於後主義且未一論焉。知且爲讀者所誚責。顧論之非一二言所可了。本篇幅窄。吾病未能專篇究之。請俟異日。惟於此請以一言告讀者曰。愚言調和。凡以立爲國之大經。非於何派何人有所粘著。人或以愚條舉

(一) 語依嚴譯。見羣學肄言三四六頁。商務印書館三版。原文見 Spencer's *The Study of Sociology* 九六頁。

(二) 原文本明著調和字樣。嚴譯以他字代之。'It cannot be too emphatically asserted that this policy of compromise, alike in institutions, in actions, and in beliefs, which especially characterises English life, is a policy essential to a society going through the transitions caused by continued growth and development.'

近政。謂以是業望之現政府。穩和者以爲可行。激進者從而詛呪。愚均笑之。夫苟現政府自審其病。從而轉圜。冀有合於悠久可存之道。固非吾論所能拒。若謂現政府恣睢太甚。罪惡將盈。吾惟厚其毒以速其亡。斷無爲之借箸。使得自脫之理。因謂本論爲不當有未免太愚。愚言調和論其理也未著其方也。吾惟問調和之理是否可通。並不問調和之方將於何出。前者邏輯之事。後者醫術之事。愚此論乃慕培根並不稱扁鵲也。吾惟論調和之道於今爲宜。並不謂調和之機。卽今已熟。前者乃學者之事。後者乃政治家之事。愚誠願爲斯賓塞而不願爲米拉波。拉飛咽也。且前言之調和生於抵力。今之抵力安在。以政府之道推之。又豈容人以此迂闊不近事情之談。擾其意志而未已也。調和首義在發見新舊之媒。使之接構。其在吾國現政府未足代表舊革命黨。亦未足代表新一言調和運思。僅及於口耳四寸之間。亦何其隘。現政府爲自存計。固利於調和。苟不知焉。終於自覆。革命黨起而代之以史例證之。此代之者。專制未必不如。曩日時則吾調和論之有用。亦猶是也。不然而見夫國內情感之未融。利害之不一。因悟橫厲無前之策之未可遽用。尤吾調和論脫穎而出之時也。愚言調和生於抵力。而抵

力無定式。其所自出。復無定向。苟於革命黨以外。若而力者。忽也。異軍蒼頭。特起見於國中。排大力者以去。而將所有政象。規之使正。國基以穩。民困差蘇。亦非絕不可有之事。是亦吾論適用之處也。愚固言之。今日政局。惟一解決之法。乃在覓一機會。使全國人之聰明才力。得以迸發。情感利害。得以融和。因範爲國憲。演爲國俗。共通趨奉。一無詐虞。顧其所以致此。或者訴之武力。而出於革命。或者訴之政治。而由於進化。此別一問題。非本篇能爲抉擇。斯乃愚之深望。讀者留意及之者也。

愚擬著調和立國論。力排兩說。一基於大權總攬主義。一基於共和建設主義。右爲篇上。敷陳前者。後者將於篇下明之。後以人事執筆未就。亦遂苟焉未續。昨檢舊篋。得殘稿數幅。卽附於此。以暴愚之頑惰。且策其方來也。讀者諒之。

共和者政想之最高者也。苟得如其想而致之事。豈不可尙。惟建國不如築室。築室可以自由擇址而爲之。鳩工庀材。一任己意。而建國則否。國家者既有一定之土地。人民復有特殊之歷史族性。易之不能。絕之不可。於斯本吾理想之力。創爲政制。以覆於上。亦惟視其土地人民歷史族性所能受之量。斟酌損益以出之。而後足以爲

功。不然。將。不。至。潰。裂。無。可。收。拾。不。止。

此觀於法蘭西往事而可知也。當第一次革命初起之時。首義諸賢所倡自由平等博愛三大義。心誠求之。未遺餘力。及倫的諸子不論。卽殘暴如段敦。由其慷慨就義視死如歸以觀。可見其橫厲無前。意亦在伸其所信。徒以所主張者鄰於絕對。與社會心理不能相入。必欲行之。勢惟掃除一切障礙。絕其本根。而大禍起矣。史家梅依曰。『終革命之年。與自由依稀相似之物。吾未之見。各黨相繼。乘權以興。果胡自乎。則闕也。破壞也。暴徒也。恐怖也。斷頭機也。陰謀舉兵也。武力壓迫也。如斯而已矣。』

(一) 展轉相乘。大權集於拿破侖。一手梅依又曰。『拿破侖者。處心以剷除各黨爲快。無論何黨。彼皆不認。任何原則。彼皆不承。私慾填胸。野心滿腹。其所以治法蘭西者。一劍以外。蓋不恃他物矣。當是時也。民黨健者。已覺共和掃地無餘。而人民以飽嘗革命之苦。及鑒於民主失政之非。遂於武力專制之胡。以爲險遲遲未能卽悟。……迨帝制已成。人民所被之專制。甚於包本萬萬。而亦隱忍受之。無敢訾。噉。……新

聞之自由已無是物矣。至是更禁刊焉。議會已馴極矣。至是更廢公開焉。法律何由通過。全然不聞其聲。惟勅令一頒。天皇之意。昭然可曉。……法蘭西者。蓋已全然吐棄革命矣。……夫革命以無量之血肉成之。至是已空無一物。共和魁桀人。侮辱之。至不值一錢。而凡革命榮光有需紀念者。即覓一會一詞。亦不可得矣。』(一)若是者。何也。曰共和主義之反動也。

此主義者。以行之走入極端。釀成帝制。而第二次革命又復蹈之。且千八百四十八年之成功。勞動者之力爲多。其所理想之社會組織。尤與現制澈底相反。莫烈曰。『社會組織之根本問題。嶄然顯露於世。以千八百四十八年爲始。千七百八十九年尙無是也。以此問題密密箋答。製爲原則。編爲法式。茲誠嚆矢。未之前聞。不僅著述爲然。而人民通感亦正同其奔放。曾見千百爲羣。人人挾一烏託邦之迷夢。爭集街頭。求通其志。流血斷脰。所不惜焉。夫公安衆福有其玄想。由是演繹。樹爲斷案。律以情勢。自不可通。今理想新羣。輒欲建之於上。實際政治。輒提與懸。談浮熱同科。昔者

穆勒嘗取而評之矣。以下皆西哲法蘭西政治之通象。頗爲格言成說之所彌綸。此種言說奉爲最終前提。從而繙釋以應於萬事。是之謂邏輯。是之謂一貫。以例證之。彼之言曰。某法當採。以其合於某原則。吾政體所由創立者也。某法當採。以其無背於主權在民之原則也。吾可得爲之答曰。果其原則合於實事。亦必於理論無乖。以主權在民言之。彼之足爲政制之基。必其政制由斯而創。爲利甚廣。雖然。未有政制能舉一切之利而有之者。也有其便者。卽有其不便者。政性使然。無如何也。且其不便爲因。旣明從而正之。不能取道於因。以爲方法。則爲政不拘墟於普通原則。較之拘墟者。爲有益於實際。從可論也。一由斯以譚絕對之義之不可倡顯而易見。而法之革命者主之。反動一生。而魯意拿破崙稱帝。千八百五十二年十一月。法蘭西關於勸進請願之事。作爲報告曰。『政情大擾之後。國民每惟強者是歸。昔亞克迪扶征服者爲王。以其厭惡內亂也。拿破崙之作帝。雖乘馬侖哥之戰捷。亦以革命狂潮靡所底止也。最近國情險惡。國人捧其垂倒之旗。奉之魯意……是亦無他。當一民族困於亂政。旁午構煽。如暴風雨之不時而至。其必然之反動。則相率歸於能復秩序。保

安寧之一人而已也。』其後魯意之政足以鑒法人之望與否。蓋當別論。惟元老所言。謂於當時之心理。大相刺謬。亦不爲知言矣。

政治與社會

四年六月

梁任公在大中華雜誌作『政治之基礎與言論家之指鍼』一首。以申明政治基礎在於社會之說。前輩爲文。豈敢妄施駁義。雖然。愚愛前輩。愚尤愛真理。爲中國前途計。不敢嘿爾息也。

作者爲此文時。預料必有起而駁之者。乃先爲讓步之詞曰。

設有難者曰。今日社會種種罪惡。強半皆政治現象所造成。政象不變。其導社會於下者。且不知所屆。而從事社會事業之人。乃如捧土以塞孟津。雖勞何補。此難吾固無以應也。又難曰。社會事業。強半須政府積極扶助。啓發。然後能成。卽不爾。亦須消極的放任。乃有發榮滋長之餘地。而在惡政府之下。時或不惟不助長之。而更摧殘之。則所謂社會事業者。何由自存。此難吾又無以爲應也。更難曰。社會事業。殖其萌蘖。已大不易。而政治現象。既予人以不安。一有變故。遽見破壞。人人有汲汲顧影之心。誰肯從事。此難吾又無以爲應也。

由右觀之。作者主張政治基礎在於社會。而社會基礎繫於政治之理。由同時亦承認

之。惟於今之政治。無法可設。不得不轉而訴之社會。冀先植政治上不拔之基。此其用心。蓋亦甚苦。然欲爲此。當先假定一前提焉。政治與社會兩兩離立。爾爲爾政治之事。我爲我社會之事。俟吾社會發達。至於可以加力政治之時。再行結合。以建新國。則試問此一前提。果得立焉否乎。由作者所設諸難。以觀。蓋不得立也。不得立。則亦惟有反乎作者之言。謂今之社會。無法可設。不得不轉而求之政治。以廓清障礙。社會之源。而已。此種斷案。寧待愚立手作者之文。於夾縫中讀之。將見腦際立浮此想。皎然而無疑。今請駢兩說而觀之。則見政治不良。由於社會不良。社會不良。又由於政治不良。互相爲因。互相爲果。雖然。此兩因者。果絕對者乎。抑或與他因並著者乎。果絕對也。則互限改良之事。於不可能。天下巧詞之大。莫過於此。是作者決非謂是也。果並著也。則當熟察並著之因。與本因之大小輕重。何若而後可決改良之事。當從何始。如社會之不良。政治其本因也。此外更求其並著之因。政治之不良。社會其本因也。此外更求其並著之因。苟若社會不良之本因。小且輕。則改良之道。可以不從政治著手。否則不可。避如政治不良之本因。大且重。則改良之道。不可不從社會著手。否則非所急。此中消息。乃須

詳參抹殺之論似未足以解決此題也。

今作者避政治而言社會。同時又確言政治不良。愚以作者平昔之理解力推之。決其所欲改良之社會。不過政治不良之一因。而非其全因。則此一因者較之他因。其大小輕重何如。乃愚所亟欲聞者。而作者俱未之道。唯曰。『今吾欲問當世之言論家。爲欲與政府當局諸人言耶。則吾敢信其決無反響。』是則今之言論家不當倡爲政治改良之說者。徒以政府之不見聽耳。非政治之不當。或不必改良也。愚則以謂某論之當倡與否。是爲一事。某論之見容與否。又爲一事。若必料定吾說之將見容。遂從而倡之。此宵小逢迎或策士摩揣者之所爲。豈足以當獨立言論之目。言論家之天職。亦在使其言論與時代潮流相合。可以見諸實行已耳。至眞獲實行與否。非其所當問也。果不獲行。此他人之咎於言論之眞值何與也。且言論之眞值。每以不獲實行而愈見其重。賈誼陸贄蘇軾之書皆是也。至其言有系統枝葉扶疏之文。志在當時而亦目送來葉梨洲之明夷待訪。卽是其倫。歐洲盧孟諸儒。其言何嘗及時見錄於世。莫烈曰。『倍根之言。夔絕一世。卽其所志之高。齎出語之名。貴已挾有一種實力以俱行。吾英之所。

以爲大者此也。』(一)是故言論者本身具有真實力量。政府採用而用之。自爲其所願。欲而必以政府採用爲的。愚殊未敢以爲然也。且也。正當之言論。不僅不當刺探政府之意。以爲張弛。有時。正惟政府雅不願其流行。宜更高其鼓吹之幟。此見理之真。有以迫之使然。非必故與政府爲難也。是故吾人亦問吾之言論正當焉否耳。如其然也。吾徒因他人之不善。此從消極一面消阻之。與夫他人之厭惡。此從積極一面摧壓之。厥罪惟均。以其同遏正言。讜論之萌也。吾人其忍爲之哉。(二)

作者所理想之社會。謂『必由生息此國之人民。分任此國之政治。其人民能知政治爲何物。能知政治若何爲良。若何爲惡。其起而負荷政治者。人人皆有爲國家求良政治之誠心。人人皆有爲國家行良政治之能力。苟其心有不誠。力有不逮者。將不能見容於政治界。夫如是良政治可以得見。』此種社會誠爲良矣。然以歐美社會程度之高。其實際是否能如作者所言。愚猶以爲疑問。今求之吾國不得。而遽以政治罪惡全

(1) Morley, On Compromise 十頁

(11) 語意略本莫利

然談諸社會。謂非獲此政治可以不談。愚誠不解作者平昔不涉架空之思。胡乃今有此論。夫政治之本。固在人民。而謂舉國之人。其智足以辨別政治良惡。始有良政治可言。斷非篤論。不必言全數也。必待多數得此。而政治始能圖良。亦不必然。蓋人民爲物。於政治上產生意味。必爲選民。苟其國民智未高。可以使其選民團體特別縮小。當世文明各國。固仍行少數政治耳。以齊民智量之高低。定其國政之善惡。此政客門面語。非實際也。大凡政勢所趨。其樞柄握於國中優秀分子之手。同時無何種阻力使之情。渙而機停。則政治良否。則爲惡。故卜政治者。亦視此種優秀分子之地位之形狀。何若已耳。普通人民。固待別論也。今吾之民智誠低。然不得謂國中乃無一部優秀分子。今作者之所以絕望於政治。果此一部分子。未盡其用也耶。抑盡其用而仍無望也耶。後者愚欲無言。如屬前者。作者惟當先行求盡其用。不當遽爾走入範圍廣漠之民智問題。今假定作者之言。自挾其邏輯之力以行。而民智頓高矣。然高者比較之詞。特在今日所定合理之選民範圍以外。更收新民幾許。而此較大之範圍中。亦終必聽其一部優秀分子。蒼頭特起。果此分子不得其用。卽人人皆智。亦如散沙不復可搏。故知社會。

中樞人物。必使之出其才智。盡量流通。無間於羣化之淺深。而要爲立國不易之素作。者曰。負荷政治者。必人人有爲國家求良政治之誠心。在愚觀之。人類爲不完全之動物。縱有誠心。決非絕對。而政治爲公開之運動。縱無誠心。亦有一定。必誠之域。督之使莫能逾。是在國有良法制。以卵翼之。使人求誠之心。日日向上。斯爲得耳。不當曰。誠尙未至。不得言政治也。愚曾游北京政海。又嘗出入歐陸名邦。如法之德格賽。英之雷德佐治。求之吾國政事之林。未必無人得其髣髴。而一則號稱政雄。蜚聲全球。一則齷齪狼狽。同國之人。猶且戟指漫罵。是不必人之度量。如此相越。實乃政制迥別。法度不同。人之組織。使從政者。不得不誠。尤甚者。誠尤甚。者位益隆焉。吾之組織。則使從政者。不得不詐。尤才者。詐尤甚。者處益顯焉。向使德格賽。雷德佐治。與吾之齷齪狼狽者。易地而居。其所成。亦必適與相反。故政治之良惡。人才之成敗。於是乎繫決不爽也。至言能力。其無一定標準。義亦同此。夫政治能力。當計全體之量。不當任取一人。以出類拔萃之德衡之。而無似。遂以茲力爲未充。夫政治猶貨棧也。而能力則貨盡。貨以入棧。爲歸盡能力。以入政治。爲的。二。有力一分。未入之政。政已有虧。政之所出。

排力。泰半。時曰。蠹政。是故。良政治者。無他。以其能創爲一組織。使其國中。智勇辯力之士。隨其才之高下。鈍銳所宜。直接間接。以施之。政無有毀傷。亦無有放棄而已矣。今吾國之政。象果有才未入於政之爲患乎。抑盡入於政。仍形不足之爲患乎。後問姑且不答。苟確見國中發生一種魔力。使一切人才。悉陷於趺弛。無用疲癆。不具之域。今不惟魔力是尅。而曰無才。無才。愚竊疑爲不見。輿薪之類也矣。且良政治。非可一蹴而幾。國。人政治能力。亦惟從政治上。以陶鎔之。始漸次可見。作者忽視此點。愚尤爲之歉然。後當詳陳。茲姑不贅。

作者論今日政譚之不應有其重因。乃無緣有反響。及於政局。而政譚本質之不足取。亦並及之。其言曰。『吾國至今。蓋未有所謂輿論者存。吾儕少數搖筆弄舌之人。自抒己見。吾殊不足以冒輿論之名。而眞足稱爲輿論者。大都不正當。不適應。卽吾儕所抒區區之己見。其果爲正爲適與否。亦良不敢自信。』作者自爲時論斗山。撝謙如此。以愚文行無底。豈敢妄贊一詞。雖然。作者之言。以補偏也。補偏者。往往已。亦有偏。請得一

細論之。

輿論者有其邏輯之境。有其外賦之形。邏輯云者。全社會純正心理所應有之表章。外賦云者。國中一種言論所偶被之形式。二者合體。固爲政想最上之的標。然即在當世文明諸邦。且不得言合。況於吾乎。夫輿論者。究其極而言之。當成於國民之總意。總意非能以國民各個之意如數目之相加而成。故輿論亦然。是必有一部導領社會之人焉。時時以製造公論爲事。苟其言出。犁然有當於人心。爲一般辨理之人之所順受。則所謂輿論者成矣。莫烈者今日之穆勒也。論事明銳無倫。其言曰：『人之觀國。不必觀其常人之思想狀態。而惟觀其非常人。蓋民生向上之徵。當於領袖人物。或將來之領袖人物。求之。而國民之健全與否。卜之於其代表者之言論。與夫認爲首領者之行爲。卽已足也。』

(一) 今作者謂吾國無所謂輿論者。存果邏輯上之輿論。無有乎。抑外賦者。無有乎。觀其評議今之輿論。指爲不正當。不適應。知所指爲前者無疑。既前者矣。則所謂無有者。非真無有也。乃彼隱於所處邏輯之境。吾無道以覓取之。使見於世也。由

是問題之呈於吾前者乃覓取乎抑否乎果覓取之又是否宜由吾輩任其責乎凡此諸問料作者必爲正答愚敢復爲作者讀曰覓取邏輯應有之輿論斷非可咄嗟而辦也其中有本徑之宜履者焉有迂路之宜迴者焉有歧途之誤入而旋出者焉作者曰吾儕少數搖筆弄舌之人自抒己見殊不足以冒輿論之名是豈不然然吾儕果以探求輿論自任此任舍吾儕亦莫他屬因乃搖筆弄舌以上則其所搖所弄雖不必卽爲輿論而得與於履本徑迴迂路下而至於入歧途固決然不欺故苟探求輿論不可以已也卽履本徑迴迂路下而至於入歧途亦不可以已也正云適云不自信云云豈當以是自餒哉

作者於此尤發爲駭人聽聞之論曰

吾最近乃深覺此種政論其極容易發生之惡反響有二焉其一聽吾言信吾言者夢想吾所描寫之政象欲求其實現焉而終不可得則以爲國事遂無可望乃嗒然若喪頽然自放以致國家前途最有希望之人皆流爲厭世一派此一種惡反響也其二聽吾言信吾言者夢想吾所描寫之政象欲求其實現焉而終不可得於是乃激而橫決日圖推翻現在之政局或革變現在之國體以陷國家於奇險之境此又一種惡反響也第一種反響既已可傷第二種反響則尤可懼要而論之在今日欲作政譚無論若何忠實穩健而終不免略帶第

一種激刺煽動之性質。吾則以爲在今日而爲政治上之激刺煽動。則國家所受者實利少而害多。

討論此題。當先問『此種政論』究爲何種。如其髣髴盧梭福祿特爾之所言。聞之者又毘於叔本華之所性。則第一反響。是或有然。如其主張有若劉陽譚氏之言曰『華人慎毋言華盛頓拿破侖矣。志士仁人求爲陳涉楊玄感。以供聖人之驅除。死無恨焉。』又曰『世亂不極。亦末由撥亂反之正。故審其國之終不治也。則莫若速使其亂。猶冀萬一有能治之者也。』(一)則第二反響。是或有然。今作者所欲止之之政論二者。有一於是矣乎。果不有之而厭世一派與夫亂暴一派。仍不絕於國中。則其因必別有在。而非『此種政論』之咎也。明甚。大凡攻人之說者。必先儲一說以待之。彼一棄其所信。則可移其信以卽於我。消極之反對無當也。談士以今之政象爲未安。作者非之。得毋作者以今之政象爲安。因勸誘天下談士相與安之也耶。此有以知其不然也。果以爲未安。未可以爲安。亦未可作者究有何法能覓得一『安身立命之地』與之也耶。

間嘗論之一國之人所有情感希望意見習慣各各不同果不同者相持至於極端勢惟訴之革命以求解決然革命危道也有識者率圖所以避之避之之法奈何曰使其情感希望意見習慣差足自安而已不當執不同者而強同之也安之之道奈何曰使其情感希望意見習慣在國法範圍而不至惹起革命以內使之充分發展而已不惟不當強同而且有貴夫尙異也是故近世憲政之精神在乎國家認容合法之反對德之學者黎白丁年亡命於美因爲美人講學數十載稱宗匠其言曰

反對者適法者也故反對不可無反對惟以不至變爲徒黨陰謀爲限在此限內皆爲有益有時政府之舉動違反國憲使國家之獨立瀕於危殆此種反對爲力尤宏如查爾士二世於千六百七十年與法蘭西締結條約當時爲英民者舍反對外殆無救國之他途也故適當合法而誠實之反對一失政治上自由之擔保卽與之俱失因之少數者常被壓抑暴政常見流行蓋意見有如空氣任其自由膨脹毫無害處一壓迫之而非常之害生矣

國無適當之反對欲使自由與平和及秩序並行不悖殆不可能中古時代之共和

國種種禍變相繼而起。職是故也。總之反對在朝者之意見。而因被指目爲反亂。受種種之敵視。逆遇。若而國家必不能安。昔時攻擊大臣宰相者。每受追放。或處叛逆之刑。……卽行專制的民政。或貴族制。猶不許公然反對。所謂反對黨徒有其名。若真有反對之行爲。則且立見放逐。洎夫近世代議之制。既行。則若視反對爲叛亂。從而罰之。非政府志行薄弱之爲。卽私黨把持國柄所致。非善良誠心之國民所能堪者矣。

多數者果常正當乎。此決不然也。惟其不然。則反對之事爲不可乏。……故共和國之自由。其根據安在。亦曰少數之一部分。甚且一個人。有無限之權利。得以適法之手段運動多數使之從己而已。故共和國之安全。與謂基於多數者得其代表。寧謂基於少數者握有運動多數之權。蓋正義云者。決無僅存於多數一方之理。且多數之勢力日見增加。而反對愈見其必要。愈見其適法。誠以非此無以爲專制之藩籬也。試觀文明政治諸史。其所著錄。何在非少數人士。停辛佇苦。積日累月。所變更改進之事爲。夫多數之意見。誠足代表一時之輿論。而不可謂此卽公論。公論者乃社

會之意。志由一部。應時協理之士。表而出之者也。輿論則不然。誤謬無知。恐怖激昂。自負種種。皆常人之所易有。社會人衆之意見。因而有誤。良不足奇。至於公論。其一定成熟之意見。關乎事項者。非斟酌事情。固難判其當否。若夫理論上之建議。則一人之說。駕乎全社會所見之上者。往往有之。要之輿論者。以社會人衆。各各所有之意見。相集而成。(一)公論者。社會全體之意見。以討議論難之結果而出。此其大較也。……

吾曩言之爲國民者。必也尊重公論。果無正確強固之理由。可輕視之。以上則不可擠斥之。若本侮慢之心。從私利之點。以圖扶掖公論。是殆與置身社會之外無殊。故當兩黨相爭。各陳所見。欲吾判斷。期於公平最宜。以其意見視若歷史所記流傳至今。全與一切私利絕其關係。而純乎由衷施其斷案矣。(二)

(一) 黎氏所詰輿論與愚所詰。微有未合。蓋彼以輿論與公論。截然分懸。而愚則謂輿論爲公論之外形。公論爲輿論之邏輯。非公論之輿論。乃外形具而邏輯不具之輿論。非輿論之公論。乃邏輯具而外形不具之輿論也。

(二) Lieber, Political Ethics 愚行覽無此書。語從日人澤柳政太郎譯本(政治道德學)錄出。見下
卷二二三頁以下。

綜上觀之。反對之權。乃國民所共有。苟不至危害及於國家。『有真宜反對之政府。可得十分反對之。』(一)縱令政府所事。舉國風從。而吾見爲不安。且可本一人之意見。以發言而抗論。語語見的。無可致疑。夫曰反對當以不至惹起革命爲限。其在他一面。是不啻曰。苟不聽人反對。革命之禍。將由是而起也。觀黎氏所謂非常之害。與夫中古時代之種種禍變。可以知之。此固不必憲政之規。而亦一切治道之要。故子產不毀鄉校。曰。『我聞忠善以損怨。不聞作威以防怨。豈不遽止。然猶防川。大決所犯。傷人必多。吾不克救也。不如小決使道。不如吾聞而藥之也。』信如斯也。苟爲政者。無背於普通治道之理。則國中果有『忠實穩健』之政。譚方且歡迎之。之不暇。而何懼其『激刺煽動』之有。若夫政府並普通治道而不知之。或知之而故背之也。則其激刺煽動國人。此種忠實穩健政。譚之力決不敵其政治本身之力之百一。(二)作者如慮風雨飄搖之國。

(一) 亦黎氏語。

(二) 愚聞談革命者。以東京之民報。上海之民立報。於推翻滿清。有奇功焉。然其力寧足比之矣。助當國時之一足趾哉。愚自稚齒論政。卽見革命與不革命之機。純乎操之執政。癸卯在上。海蘇報。曾著『論中國當道者皆革命黨』一首。

不堪再有變亂也。與其忠告言論家毋寧忠告政府何也。今之力爲所以激刺煽動國人者固在彼不在此也。今後變亂將以何時而發。抑或竟爾不發。均不可知。惟若不幸而發。作者從而爲之言曰。此爲忠實穩健政譚者之咎。愚時或頭顱已斷。亦必發憤答曰。非也。

至言厭世。愚益不解作者所語爲何。醇酒乎。婦人乎。鴉片煙乎。雀乎。撲克乎。凡此皆厭世者之所爲。適朝適市。到處遇之。是豈皆國家『前途最有希望之人』。一『夢想吾所描寫之政象。欲求其實現焉。而終不可得。則以爲國事遂無可望。乃嗒然若喪。頽然自放』矣乎。果此厭世者。於簡練揣摩。於呼盧喝雉。放辟邪侈之術以外。尙有餘暇。寓目於『吾所描寫之政象。欲求其實現焉』矣乎。如曰此醇酒者。婦人者。鴉片煙者。雀者。撲克者。而總次長而督辦而局長而其他其他。不足以當厭世者之稱。則不總次長不督辦不局長不其他其他而醇酒者。婦人者。鴉片煙者。雀者。撲克者。其足當厭世之目。果至何度。如曰醇酒云云。不必厭世者必有之象也。則總次長督辦局長其他其他不醇酒者。不婦人者。不鴉片煙者。不雀者。不撲克者。或則不總次長不督辦不局長不

其他、其他、而不醇、酒者、不婦、人者、不鴉、片、煙者、不雀、者、不撲、克者、其足、當、厭世、之目、又至、何、度、若、真、有、一、分、厭世、之、意、存、於、其、中、是、果、忠、實、穩、健、之、政、譚、有、以、致、之、然、乎、抑、別有、他、故、乎、凡、此、諸、問、不、層、層、剔、剝、不、足、以、爲、本、題、正、當、之、解、決、嗚、呼、作、者、其、慎、言、厭世、以、媿、我、國、人、矣、莊、生、曰、『鴟、得、腐、鼠、鵲、雛、過、之、仰、而、視、之、曰、嚇、』今、之、熙、熙、攘、攘、者、方據、腐、發、嚇、之、不、遑、而、厭、之、乎、哉、而、厭、之、乎、哉、

作者概括政譚之種類。區之爲三。而以三者皆爲無用。一曰臧否人物。二曰討論政策。三曰商榷國制。如斯言也。則人物也。牛之羊之。政策也。東之西之。國制也。驢之馬之。皆非吾之所問。吾所問者。惟在社會。姑無論社會不能舍政治而獨立也。卽令兩不相妨。吾且下魏闕入江湖。不知理亂。不聞黜陟。俟社會之事竣。而後轉卽政治以求改良。則第一條件在吾欲改良之時。尙有所謂政治供吾調度。易詞言之。吾人整頓社會事業。期間所有可牛可羊之人物。創爲非驢非馬之國制。行其不東不西之政策。而其國尙可不卽於亡也。作者能爲此保證否乎。不能爲此保證。而輒禁人之臧否焉。討論焉。商榷焉。則昌黎氏之言曰。『在周之興。養老乞言。及其已衰。謗者使監。成敗之迹。昭哉可。』

觀。』於今不值一錢之言。論家誠不難聽。命惟謹矣。惟作者試舉目。曠觀二十世紀地球之上。果有尺寸之土。能容此牛。羊。羊。東。東。西。西。驢。驢。馬。馬。之怪物焉。否也。今請就作者所舉三項。分別論之。所見與作者有同有不同。與當世之言論家亦有同有不同也。

人之恆言曰。人才消乏。愚則甚非其言。蓋所謂消乏者。必其用之不足而後云然也。吾國才雖不多。果得曰盡用之以見於政事也耶。此童子可得而答曰。否也。如其否也。當曰。人才遺棄。尙何消乏之云。又吾所謂用者。非執一人而字曰才。因而被以章服。崇以官階。而卽了事也。是必盡其所能。本其邏輯所行之路。充分施之於政。而後可號曰用。用於正面爲行政官。用於負面爲反對黨。固不問也。今負面無論矣。以正面言。若而總次長。若而督辦。若而局長。若而其他其他。上焉者以其『有涯之精力』……悉疲於簿書期會。朝命輿出。晚就牀眠。』如作者所云。下焉者日夜簡練揣摩於呼盧喝雉。放辟邪侈之術。如愚所記。果得曰此之人才盡用之以見於政事也耶。此童子可得而答曰。否也。如其否也。當曰。人才敗壞。又何消乏之云。此固非謂人才真不消乏也。特此之云。

宜在爬羅剔抉。彌形不足。之後。今當遺棄敗壞之秋。遽爾揭櫟。則嫌太早。夫遺棄與敗壞。二者爲害孰烈。曰。後者爲烈。以在遺棄。充其量。不過排除人才之一部分。使出吾『貨棧』而已。餘一部分。吾猶得收其用也。若夫敗壞。則影響廣被。舉天下無一才之可用矣。舉天下無一才可用。吾從而臧焉否焉。此誠『派別萬殊。要皆牛羊無擇』。如作者所云。故作者不持臧否論。愚亦向不持臧否論。作者謂『臧否人物者。蓋偏信人治主義。以爲政象所以不善。皆由不得其人。吾以輿論之力。排羣政之人而去之。政斯理矣。』當世言論家。或爲是說。若愚則未嘗有此夢想也。故就茲點而論。愚與作者所見。蓋無異致。而所異者。則作者謂當聽其自然。愚謂現狀。必所當易。蓋人有其人性。亦有其獸性。惟才亦然。才有其才性。亦有其不才性。人居良社會。人性強而獸性弱。居惡社會。反之才入良政治。才性強而不才性弱。入惡政治。反之。今吾國之人才。作者視爲一邱之貉者。無他。乃幾經磨洗。善質全銷。而人人之不才性。等量發展而已。其量既等。故作者之言曰。『當局有力者。果能因吾言而解職。則吾之志。其可謂遂矣。而繼其職者。究能如吾心目中所期耶。吾信其決不能也。』且舉國中有能如吾心目所期之人耶。吾

信其決無有也。』若夫從其才性而言，則假定『非將內外大小一切政治機關悉請外國人代筦』以上而謂舉國中至無如吾心目所期之人苟非自欺寧非自棄愚瞋言人才敗壞敗壞云者即排其才性而伸其不才性之謂也。於此當知不才性之爲物不肖者有之賢者亦有焉。故國有惡政治而排而伸極其開闢動盪之用不肖者無所逃賢者亦莫能免。作者舉國所認爲賢者也而一入政局乃不盡賢人之意望之者廢然作者亦頓忘所處何境。惟一變爲什匿克之論以聘其悲觀齊物之談。謂『吾亦世人所指爲場面上之一人吾亦常爲彼臧否者而吾自視在政界上與人比較眞牛羊何擇也』則試問作者所謂政界上之人乃才性之人乎抑不才性之人乎作者以己與之比較乃才性之己乎抑才性不可得伸之己乎不此之辨而舉一切之人無賢無不肖投之一爐而共冶之且復以己入焉呼牛而牛應呼馬而馬應以此種犧牲之精神祇圖破一臧否論誠爲勝任愉快矣顧回想當今政情果如之何始得善其後耶愚爲此說並非爲臧否論張其辯詞苟政治組織不良吾即否其不才者臧其才者而有效才者亦浸假與不才者同流而合汚其又奚益等是不才更無論矣區區之意乃謂

無。論。才。之。大。小。賢。佞。何。若。而。既。有。其。才。性。之。一。面。卽。當。設。法。保。之。使。勿。散。亡。才。性。既。張。不。才。性。自。爾。退。聽。自。來。論。人。才。者。以。才。不。才。分。人。而。字。之。某。也。才。宜。進。某。也。不。才。宜。退。此。之。進。退。治。亂。存。焉。故。曰。君。子。之。道。長。小。人。之。道。消。小。人。之。道。長。君。子。之。道。消。臧。否。之。論。卽。以。此。爲。其。根。據。若。近。世。文。明。政。治。則。不。然。此。種。政。治。可。治。而。不。可。亂。者。也。雖。曰。政。以。人。舉。而。乃。有。一。定。不。易。之。政。式。君。子。用。之。無。多。長。小。人。用。之。無。多。短。者。也。故。今。之。政。治。道。德。問。題。不。在。陟。才。而。黜。不。才。而。在。合。大。小。各。類。之。才。而。抖。擻。之。使。之。共。呈。其。才。性。飽。滿。之。德。平。情。論。之。人。之。欲。善。誰。不。如。我。匹。夫。慕。義。何。處。不。勉。焉。苟。其。國。有。良。制。使。人。共。由。賢。者。益。見。其。賢。不。肖。者。亦。安。至。甘。爲。不。肖。民。國。初。元。始。行。民。政。國。中。富。於。朝。氣。爭。自。濯。磨。官。僚。有。勤。求。法。制。之。心。士。夫。亦。斂。其。邪。侈。之。習。苟。迎。此。新。機。稍。得。其。當。國。政。之。壞。亦。安。至。茲。卽。此。可。知。制。度。更。新。足。以。發。揚。國。民。善。性。故。今。之。人。才。敗。壞。極。矣。其。救。濟。之。法。誠。不。在。臧。否。而。在。改。造。而。改。造。人。才。又。不。外。於。創。設。新。治。矣。作。者。闢。臧。否。論。而。乃。安。於。現。狀。不。爲。一。籌。改。造。之。方。不。惟。不。籌。而。人。所。恃。以。爲。改。造。之。地。者。且。極。口。噴。爲。無。用。此。種。全。然。消。極。之。『指。針』。愚。病。未。能。受。也。

政策者。一至廣漠難得正詁之名詞也。大凡國家機關與夫國民種種行為。志在表見國家真正之目的者。皆曰政策。政策有毗於理想者焉。有毗於實際者焉。是爲二幹。幹之下有支焉。支之下復有小支焉。今卒爾曰討論政策。所討論者果其幹乎。其支乎。抑其支之支乎。不此之辨。而統括一切討論。諡之爲無用。未免太泛。夫幹不定而討論支。支不定而討論支之支。誠無益於用。蓋本撥而枝葉從之。未有徒綴枝葉。其本得立者也。設有人問曰。平政院之組織。宜如何乎。愚將不答。以在今所當論之政策中。乃其支也。又有人問曰。幣制局之存廢。影響如何乎。愚亦將不答。以在今所當論之政策中。乃其支之支也。大抵國是未定之國。所有規畫。皆苟且顛預之爲。不足以當政策之目。從而論議了無意味。作者詆其『未爲知本』。愚意亦同。然則所謂本者何也。作者曰。『今之中國。非無良政策之爲患。而無實行良政策之人之爲患。』（一）是所謂本者人也。此於原理。本無所誤。惟以概之吾國。似猶未然。今之平政院。謂之不得其人。非持平之論也。而平政之事。莫能舉。前之幣制局。謂之不得其人。非持平之論也。而改良幣制之

事不能舉。是知無人爲患之外。所患更別有在。此其故作者亦言之切明矣。『蓋政策之爲物。不能各各離立。此策與彼策之間。聯屬至爲緻密。先決問題。層層相覆。』雖然。此種聯屬問題。橫者乎。抑縱者乎。易詞言之。果與本問題並立。大小輕重相彷彿者乎。抑立於其上。其大其重。逾於本問題。倍蓰者乎。由前之說。甲策之不行。徒以與乙策有連之故。是卽兩策而並論之。或討論一策。而注意於他一策不絕斯可矣。絕對抵排討論甲策爲無用。尙未當也。獨至先決問題。跨乎其顛。本策爲支。而先決問題爲幹。苟先決者不決。本策之無庸討論。本策與他種聯屬並立之策。俱無庸討論。庸童小夫。可以曉然。然此亦非消極的放棄。特移其討論之點於所當先決者耳。先決之策。亦策也。絕對抵排討論政策。爲無用。亦未當也。至曰『報紙上討論政策之文。絕非當局者所能寓目。』此其過以成敗之見。自限其設策之方。前已論及。不必觀縷。要之一論之。是否當發。全視其本身之眞值。而不視外緣際遇之如何。全視發者自信力之淺深。而不視人之信。我將至何度。大抵一論確能立爲系統。宣言於時。卽其論十分成熟。如筭斯茁之候。我之獲有此論。有條而不紊。其事決非偶然。他人姑不具論。在我信其能行。則此論

出。世。之。途。已。得。正。向。世。賴。先。覺。即。賴。夫。此。若。乃。從。而。闕。之。人。類。失。其。天。職。之。事。蓋。莫。此。若。矣。(一) 夫。人。類。之。所。以。異。於。動。物。者。亦。以。不。爲。形。骸。所。拘。而。能。自。定。其。適。於。境。遇。之。行。爲。而。已。耳。定。此。行。爲。由。國。家。觀。念。推。之。時。曰。政。策。故。政。策。論。之。前。提。乃。在。容。認。個。人。之。自。由。意。思。(二) 此。種。自。由。意。思。能。爲。充。分。健。全。之。發。展。而。國。家。之。演。境。於。以。高。華。此。其。中。有。當。注。意。者。則。自。由。意。思。發。展。一。次。而。國。家。狀。態。變。易。一。次。變。易。之。度。視。發。展。之。度。爲。衡。無。或。爽。焉。當。其。未。變。易。也。所。表。意。思。必。與。前。此。政。狀。不。能。相。入。惟。其。不。入。故。曰。自。由。政。府。者。明。明。爲。時。勢。所。局。者。也。於。斯。時。也。苟。吾。人。意。思。必。處。處。與。政。府。合。蹤。逆。料。政。府。不。以。爲。然。吾。即。不。論。是。全。國。之。人。盡。困。於。一。時。局。勢。之。中。無。能。自。脫。與。下。等。生。物。之。爲。形。體。所。縛。無。殊。較。高。之。理。想。不。可。得。而。夢。自。由。之。精。意。絲。毫。無。復。存。若。而。國。家。寧。尙。有。存。立。之。價。值。若。而。人。種。寧。尙。有。向。上。之。希。望。乎。初。不。料。以。先。覺。之。士。自。命。如。作。者。而。發。爲。言。論。使。愚。推。論。而。得。如。斯。斷。案。也。夫。國。人。不。善。用。其。自。由。意。思。亦。已。久。矣。故。一。

(一) 詳見本集刊。

(11) Free Will 國 Green, Principles of Political Obligation 首章 日本小野塚喜平次之政治學大綱政策
之前編一節中論此甚詳。

切議論。『今日以塞報紙篇幅。明日覆瓿而已。』然此覆之者有咎。塞之者亦有咎。以其所論實不成爲一政策。故閱者羣以輕心掉之也。欲矯此弊。首在慎其所塞。而使文章之氣息。有以感動讀者。使不忍覆。此其責環顧全國。惟如作者其人。足以當之。故作者累次所爲雜誌。歡迎讀之者較他誌爲多。卽所以警惕作者。使履其責。而作者以懼人之覆之也。遂乃屏政策不談。所談者似徒逢迎國民種種方面之弱點。而與國家根本大計相去日遠。愚思之。不得其故。安敢避諛讓而不請益哉。

法治主義。所以救臧否論與政策論之窮者也。人治苟無法治以輔之。上焉有人亡政息之悲。下焉有『牛羊何擇』之感。政策苟無法治以輔之。上焉官場藉詞以敷衍。下焉私慾託公以橫行。故此之主義。在政論爲最高。而於吾國今日爲最適。作者非之曰。『無論帝制共和。一聯邦獨裁多決。而運用之者皆此時代之中國人耳。鈞是人也。謂運用甲制度不能致治者。易以乙制度卽能致治。吾之愚頑。實不識其解。譬猶等是丸藥。不能治病。而惟思易其蠟封。等是優伶。不能擅場。而惟思更其班號。謂非大惑庸安可得。』愚意不然。作者茲說之誤。首在體察現制。衡論人才。兩乏極明之觀念。以現

制言而謂今日政局之成。凡中國賦有政才政識之人。皆曾以其清醒活潑之力。從而運動所致也。耶抑凡中國此類之人。皆直接間接剝去其清醒活潑之力。不能運動所致也。耶。前者國之人曾盡力以爲無能致治矣。姑請如作者旨。不更妄譚法治。如屬後者。今之譚法治者。其惟一目的。乃在使全國人才回復其清醒活潑之力。方方面面施其運動。有若政治。有若工商。有若教育。有若其他社會事業。有一分之才。務盡一分之用。有一類之才。務達一類之用。自有政象。斯爲極觀。今之問題。惟在此種政象。能得表現。至於何度已耳。謂其將不有愈於今。是何說耶。以人才言。愚曩原才有才性與不才性兩面。試問今日從政之夫。果以其才性從之者耶。抑以其不才性從之者耶。由前之說。則人一人入官。而才之全量以露。是如丸藥下咽。功候悉呈。俳優登場。伎倆祇此。亦請從作者之譬。不更妄譚法治。由後之說。則一物爲性。本有彈力。決非丸藥俳優之比。今以被壓而縮。設去其壓。亦斷言其不伸理安。在耶近朱者赤。胡乃不可近墨而黑。蓬生麻中。胡乃不能不扶而直也。耶。凡此之譚。其所根據。乃以吾人力有弛張。才有隱顯。當此既弛且隱之時。政治未良。不能斷定。既張且顯之時。其政治之不良。亦復猶是。今退

一步。假定吾力已張。吾才已顯。卽易他制。才力俱無所加。而卽制論制。亦決無邏輯可據之理。由謂其運用甲制度不能致治者。易以乙制度。卽不能致治。蓋人才必以死物喻之。求其較切。莫如七巧板。(一)而法治則其拼法也。拼法一變板之精神亦一變。與丸藥徒易蠟封優伶徒更班號者。不可同年而譚。則鈞是板也。甲法拚之而未善。安在乙法拚之而亦不善乎。夫近世之政治所重者形式耳。故國有國體。政有政體。國體政體之爭。皆形式之爭也。形式不存。卽精神不寄。此種政治精義。十九世紀以前歐人且未深曉。安論吾人。惟今求存於二十世紀之秋。急起而直追。雖欲忽視此種教訓。不可得矣。須知其在吾國。吾謂鈞是人也。甲制乙制俱無所可推之歐美。同時宜謂鈞是人也。甲制乙制俱無不可。此其陷一切政制譚於無意味。他國學者聞之。又不知作何感想也。

今請以具體之例言之。作者曰。

彼聯邦政制論。吾夙所最反對也。吾以爲此非徒反於今世政治之趨勢而已。而我國之歷史地理。實不容此。

(一)以七巧板作譬。聞之白芝浩。

制度之存在。勉而行之。必非國家之福。今吾姑棄吾說。假定聯邦制爲利逾於弊。而欲使聯邦制臻於善美。必以各聯邦本身先臻善美爲前提。然謂在單一制之下。不能善治之國民。一易爲聯邦。即能善治。此理吾直無從索解。

詳論聯邦。非本篇所有事也。然此問題最饒興味。以作者輒語及此。請得約略言之。作者謂聯邦反於今世政治之趨勢。愚所先欲知者。所謂今世政治之趨勢。是爲何種。國家主義。耶。平民主義。耶。作者所指。必爲前者。則聯邦主義。必謂其與國家主義相衝突。愚未之聞也。聯邦者。簡而詰之。特凡關於全民族之事件。由中央政府理之。凡事件不爲共同利益所存。由各邦政府理之。(一)是已。於中央政府所理事件範圍之中。國家主義自有充分之塗徑。容其發展。今之講國家主義。最顯者。宜莫若德意志。而未聞以聯邦故。而有所妨。美利堅之不武。由其種性地勢使然。即不爲聯邦。亦未必雄飛大地也。且也。凡國之能外競者。必無內訌。聯邦之制。亦泯內訌最良之法已耳。苟其國自始絕無內訌。聯邦問題自無從起。惟若內訌。非以聯邦不能圓滿解決。以上而乃廢而不講。

徒欲勉強飾國家主義以期國之純一堅強其結果不至外面塗飾一分內面破裂一分久而久之所謂國家主義全墜於地不止故知卽以絕對之國家主義爲的而亦必熟察一國內情其能孕育此主義之量共有幾何果孕育之量僅及於聯邦而止易詞言之惟行聯邦之制國家主義始得孕育適當則聯邦政制實乃發達國家主義最直最穩之途採用他法都爲迷誤此之不可不細審也西方學者知其然也當十九世紀前半期國家主義昌明之後從而講求方術使其主義日卽於真遂乃發見唯一之境塗不外將國中所有情感利害不同之點一一令其得所蓋欲求發揮光大於外必先融和無間於中近數十年來歐美兩洲之新學說悉視此矣聯邦政制者乃其方術之最爲深至者也雖不必盡國可行卽可行之國亦並未盡實現而學說事例所至則幾有朝宗拱北之觀韋羅貝曰『今日之政潮傾於聯邦猶之中古之傾於封建十五六世紀之傾於專制』(一)作者謂於今世之趨勢爲反以愚謏陋尙未及知愚已別爲聯邦論一篇可供參閱卽不多論至於我國之歷史地理不容此制度之存在不容

(1) Willoughby, The Nature of the State 113 二頁韋氏現充北京顧問美人首國家學者之白眉也、

云者是果其制不宜乎抑其人不欲乎後者愚欲無言前者則愚敢言無所謂不宜者在歷史者特現制之所由胚胎二者非同物也現制爲蛾而歷史之用恰同於蛹其所胎之蛾狀果何似則一以時代精神爲歸蓋歷史不外時代精神之連續表徵非有他也果曰史象如是吾不得違恐未免漠視時代精神過甚至於地理愚猶不解有害於聯邦者胡存愚聞有國小不足爲聯者矣未有國大不宜於聯者也當世聯邦之大莫過於美而美人蒲朗近著支那新輿論一書曾將吾之各省與美之諸州兩力相較列爲一表如下。(一)

省及州	方里	人口
{ 湖北 } Ohio and Indiana	{ 七一、四一〇 } 七六、六七〇	{ 三五、二八〇、六八五 } 五、八六四、七二〇
{ 河南 } Missouri	{ 六七、九四〇 } 六八、七三五	{ 三五、三一六、八〇〇 } 二、六七九、一八四
{ 浙江 } Kentucky	{ 三六、六七〇 } 四〇、〇〇〇	{ 一、五八〇、六九五 } 一、八五八、六三五
{ 江西 } Kentucky and Tennessee	{ 六九、四八〇 } 八一、七五〇	{ 二六、五三二、一二五 } 三、六二六、二二五

{ 貴州 Virginia and West Virginia	{ 六七,一六〇 六四,七七〇〇	{ 七,六五〇,二八二 二四一八,七七四
{ 密西根 Michigan and Wisconsin	{ 二四六,六八〇〇 一一一,八八〇〇	{ 二,三二四,五七五 三,七八〇,七六九
{ 俄國 Ohio	{ 四六,三二〇〇 四〇,七六〇〇	{ 二,三八七,五四〇 三,六七二,三一六
{ 直隸 Georgia	{ 一一五,八八〇〇 五〇,九八〇〇	{ 二〇,九三七,〇〇〇 一,八三七,三五三
{ 山東 New England	{ 五五,九七〇〇 六二,〇〇〇〇	{ 三八,二四七,九〇〇 四,七〇〇,九四五
{ 山西 Illinois	{ 八一,八三〇〇 五六,〇〇〇〇	{ 二,二〇〇,四五六 三,八二六,八五一
{ 陝西 Nebraska	{ 七五,二七〇〇 七六,八四〇〇	{ 八,四五八,一九二 一〇,五八〇,九一〇
{ 甘肅 California	{ 二二五,四五〇〇 五五,九八〇〇	{ 一〇,三八五,三七六 一,二〇八,一三〇
{ 新疆 Ohio, Ind., Ill., Ky.	{ 二一八,四八〇〇 一七三,四三〇〇	{ 六八,七二四,八九〇 一,三三〇,二一九
{ 安徽 New York	{ 五四,八一〇〇 四七,六〇〇〇	{ 二,三六七,〇三一 五,九九七,八五三
{ 江蘇 Pennsylvania	{ 三八,六〇〇〇 四四,九八五〇	{ 一三,九八〇,二三五 五,二五八,〇一四
{ 廣東 Kansas	{ 九九,九七〇〇 八一,七〇〇〇	{ 三,一八六,五二五 一,四一七,〇九六
{ 廣西 Minnesota	{ 七七,二〇〇五 七九,二〇〇五	{ 五,一四二,三三〇 一,三〇一,八二六

{ 湖南 }
Louisiana

{ 八三、三八〇 }
四、五、〇〇〇

{ 六九、六七三 }
一〇、五六九

由右表觀之。以土地言。州或偶廣於一省。而兩州不及一省者。則亦有之。至於人口。又非可同年而語。實則聯邦爲物。所聯者。惟取自有組織之政區。初不問土若何廣。民若何衆。北美、瑞士、芮特蘭、與阿克亞。史家胡禮門所謂聯邦四範者也。北美如上所表矣。而瑞士聯郡。郡不敵吾一州。芮特蘭聯省。省不敵吾一府。阿克亞聯城。城不敵吾一縣。而皆爲模範之聯邦。吾國地廣於美。足資爲聯。更何待論。(一)至若形勢阻隔。交通未繁。又俱證爲聯之宜。不足辯駁。故地理之說。愚所最不解也。然以上諸說。作者願暫棄置。而假定聯邦制爲美善而行之。愚亦不當深論。至斷定各邦本身未良。制於何有。此其爲誤。與論『鈞』是人也。謂運用甲制度不能致治者。易以乙制度即能致治。一相同前已辨明。無取申說。一言蔽之。聯邦既建以後。各省法律上之組織。與組織上之成分固截然有殊。因異謂果必同。愚懼其於邏輯有所未安矣。

作者於此。尤有合於舉國上下之弱點者一論。其說曰。

(一) 吾國本可稱之曰聯邦 (Staaten Staat) 脫出波蘭學者 Gumplowicz 之 Newrecht (1915) 頁。

……吾國固嘗有國會矣。而當時國人之視國會何若。國會之有造於國家又何若者。論者必曰。今日再開國會。其內容必有異於前。其或然耶。……吾以爲國會之有無。在今日政象會不足爲輕重。使吾國民有運用合議機關之能力耶。雖以今之參政院立法院。固饒有迴翔之餘地。彼英之樞密院。何以能變爲內閣。等級會議。何以能變爲巴力門。豈非明效大驗耶。而不然者。則雖純正之民選國會。其究亦不過爲多數人關噉飯地而已。

今日最流行之論調。每謂民國元二年之國會。實無補於國家。易詞言之。卽謂共和不益世用。此若於空中馳論。是丹非素。可以互數日不休。今且不論共和之本質如何。而以一二年最短之時期。國中復有『特別勢力』之存在。一步未終。遽爾責效。責效不得。乃立斃之。從而爲之言曰。共和不適也。國會可滅也。天下不平之事。寧復過茲。作者問當時國人之視國會何如。則宜問所謂國人。以何種人爲之代表。自蚩蚩者。氓不足。以言政見。以及直接間接與『特別勢力』爲緣者。其政見。又決不正確。外愚尙未聞有人對於國會作過度之悲觀也。至國會是否有造於國家。最宜以國會撲滅後『特別勢力』之所以造國家者何如。一爲比較。愚夙服德意志史家蒙孫之言曰。『憲法

之不完全。任至何度。惟若準斯法也。國民之多數。可以自由意志定其政略。則以衡之最開明。而博愛之專制政治。其爲優越。至無垠焉。何也。立憲政治。進取者也。富於生機。專制政治。停滯者也。幾於死體。』（二）蒙孫所謂專制政治。指羅馬該撒言之。其說已如此。況乎去開明博愛萬里者。耶。今之人懼國會論之爲政府所撓也。設詞以慰藉曰。國會再開。內容必異於昔。果有異也。豈非幸事。以事勢推之。設若員數減去若干。重以第一次之所經驗。年來之所察求。成績較優。亦非無望。然卽實質上毫無變異。亦不許藉爲推倒國會之詞。何也。此種進取富有生機之物。國家祇可促之改良。固不可絕其根本也。

至謂國民如有運用合議機關之能力。卽以今之參政院立法院。亦足迴翔。此種奇談。出之作者。尤爲可駭。愚固不敢曰。國民果有運用合議機關之能力。如作者所期也。如其有之能力之發見。將以何式。果唯唯否否。如脂如韋。卽足以云能力耶。抑必謬謬。謬。正言不諱。始得語是耶。易詞言之。果盡棄所信。唯政府之命是聽。卽足以云能力耶。

抑必自行其所信。百折而不撓。始得語。是耶。前者不成答案。若曰。謬謬。謬。正言。不諱。自行其所信。百折而不撓乎。則今之參政院。立法院。是否。與此物相容。諒童子亦莫能。率爾而答也。夫以能力。萬不可伸之地。而漫然責之曰。爾胡乃不迴翔乎。愚不解此言。與晉帝所謂。何不食肉糜。其無意味之度。相差幾許。愚今請正告讀者曰。合議機關之能力。資以發展者。無他。反對之一制也。凡國中。認容合法之反對。聽其流行者。其合議機關。始足以言能力。不然。爲之議員者。縱皆驍騁驥驥之才。亦見其如退之所云。『祇辱於奴隸人之手。駢死於槽櫪之間。』已耳。『策之。不以其道。食之不能盡其材。鳴之不能通其意。』而於此曰。迴翔迴翔。作者言之。幾何不爲昌黎所竊笑也。耶。作者祇言英之樞密院。變爲內閣。等級會議。變爲巴力門。而不言其何由而變。讀者病之以愚所知。英之能爲此變。其精要實不外創設反對之一原則。黎白曰。『反對之一大制度。溯其起源。蓋以英國喬治二世時。反對華爾浦爲始。』(一)其初尙以反對大臣爲職也。浸淫並王而亦反對之。反對之及於王。在他國爲陰謀。而此爲公議。在他國爲革命。而此

(一) 同前。華爾浦 Walpole。

爲議程故英人政治用語中有『王之反對黨』(一)之一名詞以自豪於世界舉凡某種機關變爲某種機關某種機關變爲某種機關無往非此名詞之作用或紓或逕以爲之導作者乎『明效大驗』云云果不此之謂而他有所謂者乎設若英之樞密院等級會議曾乃跋前疐後動輒得咎如吾之參政院立法院然作者果尙謂別有『餘地』足以迴翔也乎彼明明言曰『凡政治上有特別勢力存在之國決無容國會政制發達之餘地』今之參政院立法院又明明立乎特別勢力之下也而忽有餘地可以效法英之內閣及巴力門彼全不認有特別勢力之存在反對之力無所不至者又何說耶愚知作者爲文之本旨在於防止革命故於破壞今日政局之不可三致意焉此其苦心亦誰不諒惟恃摧壓政論以爲防範革命之道此十五六世紀暴君奸相所行之愚策作者從而主張苟非以百萬言說明其故令愚不能卒讀愚敢節節斷其理勢兩不可通蓋革命之起起於人心之不平政論之發揚所以平其不平者也今畏革命不務

(1) King's Opposition 白芝浩亟稱之日本於英、欲爲東應近亦有『陛下之反對黨』之一名詞、流於新聞紙中、

所以平之而反絕其平之萌象是殆唯恐革命之不起而促之耳何防之足言哉史蹟多矣難於殫述請言愛爾蘭近事昔統一黨之治愛也以抑民爲得策言論集會舉不自由英愛之不決裂間不容髮千九百六年今自由黨內閣立對愛政策首崇寬大前此本乎千八百八十七年之刑事法案制止愛人行動者悉爲免除愛人不經許可不能攜帶武器之令亦爲廢止政治集會准其一律公開言論範圍之擴張更不待論蒲徠士者言自由政治者之斗山也以之督愛是時愛人驟入自由之鄉若飲狂泉不知所以自制名流演說之痛攻英人者指不勝屈一市會議員曰『愛人其備之一旦英人有事於歐陸卽吾人虎視英倫之秋也』一市長曰『當南非戰爭時若得十萬子弟起而抗英愛爾蘭共和國早已成立不列顛之最高權早已墮地矣』諸如此類蓋大溢乎政論應守之範圍此其『煽動激刺』之度無論何人所當駭詫而蒲氏置若罔聞其後蒲氏被任駐美大使以去臨行之詞曰『凡政治結集於中所爲言論吾蓋未見其有害也』(一)卒之秩序不亂人氣大舒英愛之感情較前逾密愛爾蘭自治

(1) Not found any harm in any of the speeches delivered at the meetings 見 *The Ulster Right*, 1913 第八章，上引薩長市長之辭略同。

案。安然通過。行見實行。雖威爾斯德不無異議。久而久之。亦未見終爲大梗。此次歐洲大戰。宜若議員市長坐言起行之時矣。乃不惟不聞內訌之生。而且協力禦侮之唯恐不及。此其故何也。吾人試一沉思。不難以一語明其竅要。蓋愛爾蘭扼於統一黨政府之下。民氣鬱積。莫能驟發。計其容忍之量。已達於最大限度矣。苟統一黨政府更支數年。愚知英愛流血之事。必所不免。夫凡蓄之過久者。洩之也必急。此無間於洩之之道。爲激爲隨。也自由黨所持政策。雖足以厭愛人之心。而前此瀦畜過久之情。亦必用其既弛之彈力。稍稍瀉之。而無能自禁。議員市長之言。亦遵此彈力而行而已。非有成心指陳。將來進行之方略也。斯時激之變生。任之轉可。無事人之恆言曰。政術。政術。此誠術之極高者矣。且言之者。卽有成心。與其祕之。使其潛滋。毋寧公之。使其自汰。蒲氏斷其無害。見理絕瑩。由此以譚革命之起不起。在乎民情之平不平。民情之平不平。視乎政談之暢不暢。今作者惡革命而絕政談。是何異畏影惡迹。却背而走。欲湯之滄。一炊百揚也耶。而況乎今之政談。其『煽動激刺』之度。不及愛人所爲。什一也耶。

作者最後有甚辯之論曰。

大抵欲運用現代的政治。其必要之條件。(一)有少數能任政務官或政黨首領之人。其器量學識。才能聲望。皆優越而爲國人所矜式。(二)有次多數能任事務官之人。分門別類。各有專長。執行一政。決無阻越。(三)有大多數能聽受政諫之人。對於政策之適否。略能了解而親切有味。(四)凡爲政治活動者。皆有相當之恆產。不至借政治爲衣食之資。(五)凡爲政治活動者。皆有水平綫以上之道德。不至擲棄其良心之主張。而無所惜。(六)養成一種政治習慣。使卑劣闕冗之人。不能自存於政治社會。(七)有特別勢力。行動軼出常軌外者。政治家之力。能抗壓矯正之。(八)政治社會以外之人。各有其相當之實力。既能爲政治家之後援。亦能使政治家嚴憚。具此諸條件。其可以語於政治之改良也已矣。吾中國今日具耶否耶。未具而欲期其漸具。則舍社會教育外。更有何塗可致者。此真孟子所謂猶七年之病。求三年之艾。苟爲不蓄。終身不得。雖曰遼緩。將安所避。

作者之爲此言。蓋浸忘乎國家之事。乃一有機體之發展。非如築室造路。鳩工庀材。倉卒可就之比。所列八條。信爲現代政治之要素矣。吾國未具。亦誠然矣。則試問各國今日具此條件者。果今日始見爲具也耶。抑一二世紀以前。卽已具之也耶。姑不問其答案如何。惟若以漸而具也。果由政爭中得之也耶。抑拋却政治。不問專從事社會以得之也耶。問嘗論之天下萬事。萬物皆可預期。其結果整備相當之元素。以求合之獨至。

政治不然。蓋政治之徑途。紆曲錯綜。不可驟辨。往往今日之發展。昨日乃茫無所知。乙策之成功。非經甲策之失敗。將決無其事。故政治之進程。其關鍵純在試驗。試驗一度。卽進步一度。易詞言之。政治之演進。其機括存於自身。而非由外鑠。歐洲先賢探討政體。言人人殊。而大要所歸。不外使國中才智之量。直接間接。投於政治渦中。以促其旋轉。若夫脫離政治。而取他人政演最深之成果。從外製爲模型。以求應之如造車合轍者。然愚則未之聞也。今試卽作者所列條件細按之。所謂能任政務官或政黨首領之人。今時豈必無之。以愚所見。若某某。蓋皆其選。特無相當之政制以孕育之。故其才不顯。又豈惟不顯而已。且驟敗而降爲不才。未或有異於常人也。哈蒲浩曰：「政府之責。課自國民。庶政之行。公諸輿論。而後相衡相盪。相責相望。而大政治家可出。」（二）版築魚鹽得君而相。其時代已遠。乃大悖於今日之政式矣。事務之才。專長之士。隨在多有。安得言無。聽受政談親切有味之人。自爾缺乏。然此惟政治運動。足以啓其興味。增其識解。穆勒曰：「人從平地而起。覺其行善去惡之權操之於己。不視執政者感情。

意。向。以。爲。成。功。與。否。之。衡。則。其。人。之。氣。質。將。大。變。化。而。所。以。鞏。固。其。自。助。自。賴。之。念。者。至。無。涯。量。反。之。置。其。人。於。國。家。組。織。之。外。一。切。政。事。不。使。聞。知。則。民。氣。凋。喪。不。能。振。作。矣。故。人。覺。自。由。足。以。強。其。人。格。而。得。其。強。之。之。高。量。亦。惟。在。己。爲。公。民。或。將。爲。公。民。所。擁。特。權。不。居。人。後。時。耳。又。不。僅。感。情。然。也。尤。要。者。彼。於。一。定。時。期。可。以。出。參。國。務。其。所。得。人。格。之。實。地。歷。練。爲。益。宏。多。……質。而。言。之。如。公。務。之。加。於。其。身。者。甚。大。不。啻。取。其。人。而。教。育。之。也。昔。在。雅。典。羣。制。不。完。道。德。觀。念。亦。甚。淺。薄。徒。以。設。審。官。開。民。會。雅。典。民。智。於。此。驟。高。衡。校。古。今。都。無。遜。色。』（二）其。言。可。思。矣。爲。政。治。活。動。者。困。於。衣。食。固。非。良。象。然。當。問。國。中。足。當。政。治。之。衝。者。是。否。屬。之。擁。有。恆。產。之。人。如。其。否。也。貧。安。爲。病。英。倫。之。政。治。向。握。於。富。族。之。手。而。以。勞。傭。黨。之。活。動。亦。不。得。不。頒。議。院。之。薪。爲。政。治。活。動。者。使。之。保。存。道。德。不。輕。棄。其。主。張。惟。平。民。政。治。具。有。此。力。前。舉。穆。勒。之。言。可。以。重。按。兩。年。以。前。吾。國。政。界。多。有。無。良。之。士。乃。金。錢。武。力。之。咎。於。政。談。何。尤。養。成。政。治。習。慣。使。卑。怯。闊。冗。之。人。無。以。自。存。亦。惟。去。金。錢。武。力。爲。得。已。耳。政。談。於。此。斷。乎。有。利。而。無。害。也。特。

別勢力。政治家謀所以抗壓矯正之。惟一之法。在乎投入政治。以身或舌與之搏戰。望然去。又奚爲也。政治社會以外之實力。離乎政治。亦無意味。凡茲所言。固非謂求此八者。與社會事業。乃無關係。果社會清明。精力彌滿。以形諸政。豈曰不良。吾國去此種社會甚遠。今汲汲以求。又豈曰無當。惟專事此。置政治之事不顧。果何由使八者得現諸實。其說愚苦未明。故作之。言以作社會本體之策勵。誠無間然。而將以爲廢滅政談之張本。則期期不爲以可。今慨然以身作則。而謀誘導全國之業。言論者使附和焉。是誠不可以已者乎。

今縱退一步。而以作者舍社會教育無塗可致之言爲言。亦當假定兩事。始有論據。此前已略論。請更鄭重言之。以終愚說。一曰。政治與社會。各各獨立。易詞言之。吾從事社會事業。必有此種事業之可言。當從事時。政治不出而掣其肘。吾中國今日。能乎否乎。且政治與社會。界線何若。亦一絕大疑問。作者所指社會事業。教育耶。工業耶。農商耶。宗教耶。教育。工業。農商。宗教。吾得字之曰社會。不受惡政治之影響者。其度何若耶。愚知民間禁吸鴉片。可謂社會問題之最易不涉政治者矣。而今且喪其不吸之自由。何

也。政府餉源所在。日日派遣委員。分途演說。勸人種植。按畝抽捐。禁絕之鄉。重行補種也。一例如此。其他可知。目覩此情。吾尙高談社會。縱欲自欺。奈其毫無可欺之道。何哉。質而言之。吾國蓋無所謂社會。卽欲事此。亦當先以大刀闊斧。立爲基礎。吾始有舉手投足之方。茲之所謂。乃從腐敗政治之中。剖分若干部號。之曰社會事業。以身心性命。遮而蔽之。無論政治。湖何之。不使侵越。如歐人之謀政。教分離者。然苟爾爲之。其事峻急。險巇之量。又或遠出作者所詆。政談之上。作者曰。『或謂在今日政象之下。恐所謂社會事業。者。末由進行。吾以爲難。則有之。不能則未必。』所謂難者。是否指茲否乎。愚敢曰。社會事業。決不能行。是乎。則首立社會事業之基礎。不獨不能離乎政治。而且必與政治宣戰。又自陷其說。於不得通。愚知二者必有一於是矣。一曰。當吾從事社會事業。彼方政治事業。必有一部分人。相與從事。則吾社會事業。竣時。彼之政治。能否保其國使。不喪亡。而有容吾再出活動之餘地。作者曰。『雖國亡後。而社會教育。猶不可以已。』是斷定其不亡。彼蓋不能。惟從容作亡後之設備已耳。則同一亡國。吾猶不當舍政治。不言。況言政治。尙有可以不亡之道也。耶。夫作者所惡。夫政治運動。亦以其『無意

識無根蒂』已耳。是補救之方。當在創爲有意識有根蒂之新運動。懲羹吹壺。智者不爲。謂卽有意識有根蒂之運動。亦所當廢。復詖詞。知其所遁。作者豈當如是者乎。又假定國不亡矣。無論何時。吾將有可以活動之餘地矣。則預想吾之社會事業。旣竣。政務首領之才。事務崑門之士。亦旣咸備。聽受奔走之人。並皆趣味深而道德高。持以與政治合。果如舜之受禪而堯去位。一切政事。讓吾施設也。耶。抑如舊有洪爐。吾惟投其中。合而冶之也。耶。前者斷無其事矣。由後之說。苟其時特別勢力。依然存在。國家賴以維持。而保其『政象小康』之樂。不許有何種政治運動發生。其下如今日焉。將如之何。其時政治魔力。毀敗人才。破滅廉恥之度。視此無減。吾所竭力培養之巨人。展轉之間。化爲僂僂。吾以大儒幾輩。年載數十。從容陶冶之道德學問。大力者一爲顛倒。立爲烏有。又將如何。作者或曰。此社會教育之功。有未至也。願仍有待。則更從事於社會而他方政治之態。不一改焉。更逾若干年。持與政治合其狀復如前也。又如之何。如斯遞進。終無了時。作者亦計及焉否。耶。嘗論人才道德之量。政治之所必需者。初無必至之點。不及此焉。卽廢國不爲。苟非『政治機關。悉請外國人代筦』。以上吾人亦惟設法運。

用今日人才道德之最高量一面扶將培植以期他日之較高斯爲得耳不聞心希他日之蜀棄去今日之隴不守而一概以無意識無根蒂揅之如作者所云云也且所謂較高者亦比較之詞耳而謂稍經培植卽與歐美諸國齊肩想作者不爲是夢姑無論惡政治之下其度不可得而高也卽高矣得高幾何理想之高若干矣實際是否及是徒馳思於此種不可捉摸之幻象而眼中中國脈將斬奴籍已陳轉若熟視而無覩焉愚誠不知談梁肉於餓夫之前誇文繡於寒兒之耳果何益於實境也

復辟平議

四年五月

邇者劉廷琛勞乃宣宋育仁章梈之徒昌言復辟政府甚之幾興大獄輿論排之指爲邪說波流所及久之人心尙爲不寧國本攸關誠非細故雖然斯說也果以甚之排之如是其卽泯焉漸滅矣乎如其然也固爲大幸若猶未也寧非隱憂愚嘗勤求其故覺主復辟者固有蓬心攻之者亦違正軌所謂楚則失矣齊亦未爲得也長此不已將至人心失其正鵠所鬬悉在意氣戾氣所迸大難以生愚也不才深爲此懼敢布此篇以徵同氣邦人諸友其詳審之

大凡一說之起必有其所由起。譬猶物必先腐而後蟲生。人必先疑而後讒入。防蟲不防物之所以腐。憂讒不憂人之所以疑。其爲徒勞無當。童子猶能辨識。獨奈何於隱中一部分人心之說不深。惟其終始不熟察其變遷。而徒以束縛馳驟之思發爲虔劉蘊崇之論。詆爲叛逆。詈作禽獸。恣怒極罵。不留餘詞。易而言之獨奈何。不務以理與事解其惑而折其心。徒務以力與勢關其口而奪之氣。此種乖氣積久必洩。吾國歷史所傳先賢所論。若暴主之禁腹誹。庸君之防民口。其後不至潰裂不可收拾者幾何。今之論者。率以國已粗安。當局者尤有宏圖大力。瑣瑣復辟之論。何異已死之灰。不能復燃。是強辭以挑之。極論以辱之。信筆所之。舉無不可。此其居懷鄙倍。且不深論。卽其所恃無恐者求之。乃亦子瞻所謂庸醫以爲無足憂。而扁鵲倉公之所以望而驚也。愚之是論豈得已乎。

愚於著論之先。請以一言告讀者曰。愚非能贊同復辟者也。十餘年前。愚主上海國民日日報。卽唱無君之說。詞繁旨博。連載十餘日不休。其時人言革命。未講共和。卽吾家太炎。詞猶惴惴。愚著革命小冊。乞其題字。且以掩迹鄭洪爲詞。獨愚與滄洲張溥。力關

君說。雖其言稚弱偏宕。在所不免。自爾學力略略有加。與前論異趣之點。亦彌不少。而語其大體。則自不違。今共和已成。寧有復持異說之理。惟愚不尙苟同者也。自律律人。悉本是道。此其理由。前作政本及政力向背諸論。已詳言之。茲不贅。惟其如是。故愚苟當國。必且於復辟論曲爲之地。而不以力禁制。以令詆謔。如今政府所爲。往者劉廷琛氏致書徐相。醜詆共和。愚當時卽本此意。造爲評論。擬揭於甲寅四期。繼以恐亂人意去之。初不意勞宋諸人。再接再厲。政府竟以此興黨獄也。事已至此。若復多所顧忌。不以真實理論。收納感情。禍且不測。復觀前論。詞雖未盡。未始不足爲時論之箴。請得先述以爲發端。其言曰。

『自愚爲尙異之說。議者紛如。有謂共和聖神。理不可瀆。如議國體。卽爲叛逆。則尙有爲君主之說。以進於子者。子亦將許之乎。愚曰。奚爲其不許也。客大駭曰。子毋駭。愚有說。

近世立國。不外將國中所有意見。情感。利害。希望。維持。而調護之。使一一各得其所。此其義愚已屢陳。無取覲縷。惟所謂各得其所。必異異則黨派以生。君政者亦黨派。

之得。以爲幟者也。苟吾守異說。至堅斷無禁其存在之理。於是。有爲事實之談者曰。國體何事。旣云確立。復容他說以叛之。視國家如奕棋。又焉可尙。愚曰。此正所以固國本者也。蓋對抗國體之論。張之則爲頑詞。閉之則爲祕計。頑詞之張。誰則聽之。而一部分之孤懷野性。有所寄託。反側之志。旣銷於言詞。寬大之名。復歸於民國。名曰張之。其實弛之。非失計也。反是。叛國之辭。懸爲厲禁。感情旣鬱。詭祕橫生。國基縱不以是而顛。而孰旣時聞。大有害於和平進步之序。議者得毋謂吾爲共和。有倡言復辟者。卽當執而戮之。肆諸市朝。以警有衆。則法蘭西之山岳黨。曾爲之於百餘年前矣。不僅王黨被戮。卽有通王之嫌。或溫和而可被以是嫌者。皆上斷頭臺。彼豈不曰王孽旣絕。共和之花。當百年不凋。乃死事之血未乾。王政之基復起。中經數王。往復數十載。至師丹敗後。拿破侖第三被鹵。而共和始慶更生。時則建國諸賢。深明治體。對於尊王反動之徒。不加壓迫。轉與提攜。議會之中。君政黨公然列席。初爲多數。逐年遞減。至今日。仍存二十餘席焉。如此優容。轉不聞共和爲該黨所壞。此誠一孔之士所不可解。而明理之夫。以爲自然者也。

「前清之季。君主立憲黨盛稱於時。民國胚胎。黨卽灰滅。其有號稱強頑。不服新治者。亦惟託庇他國。偷其餘生。從未見有創爲政論。號召同人。以訴之國民心理者。有曰。宗社黨。乃屬祕密團體。非公開政社之科。此自民國政綱。異於法蘭西。形格勢禁。不能發表。亦由國人闇於政情。對抗力之不能用。得其正。且卽而求之情。偷而質。脆並亦無對抗力之足言也。愚之言此。豈復嘆息。君政黨之不生。特以所謂宗社黨者。時有隱謀。露於軍隊。京師之兵。以此受戮者。動數百人。各省兵士。染有斯質者。亦復不少。將來釀何變亂。不可預料。傷本邦之前途。思先進國之往事。是固不若因勢而利導之。於政治運動之場。假以自由言論之地。使之仰首伸眉。論列是非。與當世論潮相抵。因洞見民情之所向轉。或翻然戢其桐宮返政之謀也。是故當世無爲王政復古之說者。則已有之。卽宜許以相當之域。使得從容以竟其詞。聞者之觀察何似。自各有其權衡。而言者無罪。則確爲眞共和國之所保障。且對其所言之自成一說者。不加以擲揄輕蔑之意。尤爲共和國民道義所關。至謬妄之詞。辱人過甚。此其咎彼自當之。吾惟一笑置之可矣。此區區之意也。

「近傳前清大學堂監督劉廷琛氏有書抵共和相國。大倡尊君之說。且責備今大總統至嚴且重。其中腐朽不成理論之處甚多。且詆排革命。至稱曰賊。其乏於政治觀念。可見一斑。條列而駁正之。非本篇之意。其以爲言。乃謂此書確足代表殷頑。陳其胸臆。書中有謂「沉觀三載。灼見病源。實在於此。蓄之久而不敢輕發。懼不知言者將誣以反對之罪。」又曰。「如謂淆亂國是。聲其罪以暴之天下。亦所不辭。」此雖簡牘推宕之辭。要亦不無以身嘗試之勇。苟吾共和誠立。無論何種反對之說。祇在所謀不涉軍政範圍以上。要當認爲合法。言論聽其盡量流行。茲書其一例也。人或惡夫今日之僞共和。以其切責當局。比之漁陽三搥而稱誦之。此其設心。自不爲正。愚則謂在眞共和之下。茲亦當於聞者足戒之條。愚之所見。不肯苟同時流。此類是也。知我罪我。所不計矣。」

右說所陳。愚雖信其有當於理。聞者必且以爲走於極端。歐陸名邦。容行之而治。而特非吾國所能做法。愚苟堅持前說。是與時賢背道而馳。失其共同之點。相與論議。本篇之作。可稱多事。今且讓步。不主復辟說之當流行。而主其說之當勦滅。惟勦滅之道。有

當有否。當則絕之。否則轉而滋蔓。茲篇所商此點其最要也。

愚前言之一說之起。必有其所由起。今復辟說之所由起者何也。此在稍明時勢之人。可以一言斷之。曰。僞共和也。僞共和者何也。帝政其質而共和其皮者也。質不異矣。我之質胡乃獨貴於人之質。人求其質而我必自貴。強人以從我。此安足以服之。且在他物貴不貴尚無定說也。若夫政制相較。質苟不差。新者必劣於古。此有史例不容詆譌。英倫論家白芝浩嘗言之審矣。曰。『苟諸事不變。僅卽政制而論之。則昨日之制度實遠優於今日。何也。彼其已成者也。彼其最有力者也。彼其最易致人服從者也。彼其襲有國民之敬憚心而他制尙待求之者也。』（一）倡復辟者果以此爲言。吾將何詞以答。此以帝政抵帝政。直截言之者也。最妙者。今人痛排帝政。並不自認帝政之嫌。而輒翹共和以對。意謂共和之名一出吾口。卽有鬼神呵護。帝政邪說。法當退聽。則拿翁設祭華聖頓之靈。翩然來格斯可耳。不然則我露其質。乃朝四而暮三。我蒙厥皮亦朝三而暮四名實未虧。而冀其喜怒爲用。狙公誠智。劉勞章宋之徒。未見有若衆狙如莊生。

所稱也。傳曰：堯舜率天下以仁，而民從之；桀紂率天下以暴，而民從之。其所令反其所好，而民不從。今所令者共和也，而所好則不在是。凡民且爲離心焉。論俊秀董子曰：「詰其名實，觀其離合，則是非之情，不可以相調已。」愚固共和論中之走卒，而興言及此，對於復辟論者，蓋不知所以爲情。由斯以談復辟論，非其本身足以自存，乃僞共和有以召之明白甚矣。其因既得攻復辟者，惟有證明今日之共和非僞，或促進今後之共和，使不爲僞而已。此外皆支離破碎，虛矯麻木，屬託干進無足比數之談，非愚之所敢稱也。

證明今日之共和非僞，無論何人殆莫不以爲非可能也。雖然，共和何物？僞乃何狀？質之誰某，皆未易答也。是不可以不先辨。

勞氏共和正解之言曰：

……宣王卽位，共和罷。索隱云：二相還政宣王，稱元年也。此共和一語所自出也。其本義爲君幼不能行政，公卿相與和而修政事。故曰共和，乃君主政體，非民主政體也。故宣王長，共和卽罷。伊尹之於太甲，霍光之於漢昭，皆是此類。今日東西各國所謂君主立憲，絕相似，而不學之流，乃用之爲民主之名詞，謬矣。夫君主立憲有

君者也。民主立憲。無君者也。古之共和。明明有君。惡得引爲無君之解哉。

此乃就吾國共和本字施其義解。卽字論字。謂之無誤可也。而特於今之國體問題無涉。蓋今之國體。固非以周召共和爲鵠刻之而不肖。乃別有所做事遂之後。而假其名以名之者也。莊生曰。『道行之而成。物謂之而然。惡乎然。然於然。惡乎不然。不然於不然。』今之共和。所謂謂之而然者也。謂之而然。可不謂之而不然。自無不可。周召之共和。非今之民主立憲。此事實之不可掩者也。今之用共和爲民主之名。詞所謂然於然也。非必使二者之實相同也。詞窮而假用。凡物皆然。文字之相孳乳。卽以此故。無所謂不學與謬也。勞氏謂民主立憲。非卽周召共和。所謂不然於不然也。於二者之實。仍無傷也。勞氏欲別創一名。以字民主。而獨留共和以詁二相之政。將無人得而議之也。故勞氏之病。在邏輯謂之逸果倫楷。逸果倫楷者。猶言外於論點也。(一)則幸而吾名民主。適以共和耳。莊生又曰。『物固有所然。物固有所可。無物不然。無物不可。』苟吾不謚民主爲共和。而謚以他物。他物之名。適與周召共和相去萬里。勞氏又將何說之辭。

勞氏之說。在其本文。頗足自立。其在吾論。不與置辯可也。

吾友康君率羣以爲未足。必與抗爭。謂共和之名。律以民主政治。並非不通。『厲王奔彘。國已無君。周召行政。是曰共和。』是共和者。由行政之官共同行政。而無君主制裁於上。非沾沾於周召二相。假使周召二相。或有薨殂。別求賢父。代職其事。吾知共和之名。必不因此而易。共和者。其政之稱。而非其人之稱也。』爲勞氏者。於此豈無異議。蓋厲王奔彘後之無君。乃放其君之人也。非廢其君之制也。周召行政。誠無君主制裁於上。康子有何古本。足證其非假天子名號以行。勞氏所引史記『十二諸侯年表。庚申共和元年。以宣王少。大臣共和行政。』苟無君主。安得稱臣。君苟不存。言少胡取。至共和爲政而非人。亦未見可爲定論。崑山顧氏卽以史記周本紀共和屬之二相爲非。謂『汲冢周書厲王十二年出奔彘。十三年共伯和攝行天子事。號曰共和。二十六年王陟於彘。周定公召穆公立太子靖爲王。共伯和歸其國。此卽左氏王子朝所謂諸侯釋位以間王政者也。』斯言而確。則勞氏所爲伊尹霍光之比。未便謂爲不倫。康子謂『太甲之時。何不傳以共和之稱。』由周書說。乙不得被以甲名。由本紀說。又伊尹一人而

周召二人也。持論如斯。終無安處。故康子所言。皆爭其所不必爭者也。

要之勞氏所謂共和。非吾之所謂共和也。吾之共和。有名有質。質乃先至。而名爲後起。勞氏攻其皮傳之名。究何礙於本來之質乎。

然則所謂質者何也。曰。吾無字以表之。無已仍假用共和字。惟茲之共和。乃邏輯之符。而視作歐文 Republic 之譯。與周召共和嶄然不同。夫共和者有形式。有精神。何謂形式。曰。共和對於君政而言者也。君政有君。而共和無君。凡元首爲世襲者。謂之君政。元首爲選舉有定期者。謂之共和。茲義雖淺。而以有一定不移之界。較之以統治權爲標準。易致殺亂者爲優。愚執筆論治以來。卽持此說。此形式之說也。然形式徒存。又安足貴。果其足貴。則方寸之木。可使高於岑樓。吾今有總統矣。是不已駕美凌法。而不虞其不足乎。此在束髮小兒。有以知其未然也。是則形式尙矣。尤重精神。善夫英之法家梅因之言曰。『立國精神。自君主制以至共和。蓋無不同。』雖然。以言國家觀念。斯說誠精。若質之國家概念。則仍有辨。美之學者韋羅貝曰。『觀念爲凌空之想像。概念乃實驗之思維。前者起於玄。後者起於察。』觀念者乃國家之存於最大通象者也。凡屬國

家生活。無論何式。其質之所必不可少。與夫亦既咸備者。皆爲此一念所涵。以故此之國家。內包最簡。至於概念。則必徵諸實際。而有涉於特殊政體。歷史表而出之者焉。此其別也。』(二)試泛舉一說以實之。蘇軾之策略曰。『所貴乎朝廷清明。而天下治平者。何也。天下不訴而無冤。不謁而得其所欲。此堯舜之盛也。其次不能無訴。訴而必見察。不能無謁。謁而必見省。使遠方之賤吏。不知朝廷之高。而一介之小民。不識官府之難。而後天下治。』蘇氏立於專制之朝。故其言如此。然卽而察之。立國之要素。果有過於平人之冤。厭人之欲者乎。吾恐造說如盧孟。未見其能易之。徵例如美瑞。未見其能外之也。此所謂觀念者是也。觀念者。國無君。政無共和一也。至此種觀念印之政事。乃爲何狀。則所謂『徵諸實際。而有涉於特殊政體』。概念之說也。精神者。非貫乎觀念。概念以求其通。未易言也。用梅因之說。而未善。將見視國過重。強者以爲口實。不卹屈政體。以從之。今之國中。亦既廣播此種言論矣。人相與議。輒曰。國爲前提。官交爲勉。亦曰。盡瘁事國。恍惚國苟存者。一切犧牲。皆所不顧。此其爲說。甚爲唐皇。愚有肺腸。敢生

異議。然有叮嚀爲公等言者曰：國家者，質而言之，乃政治學者所用之符，以詰某種社會者也。其本身價值，殆與圖騰、番社同科輪廓，僅存有何足重，是必有物焉相與立之。尤有法焉，使立之者各得其所，然後其名不爲虛稱。茲物者何也？人也。法者何也？權利也。國爲人而設，非人爲國而設也。人爲權利而造國，非國爲人而造權利也。自政治學成科以來，作者每樹義曰：政治學國家學也。愚病其略，曩狗某社之請，作政治學指要一書，首陳是義，其言曰：『夫斯學職在原國，有何疑義？惟國家非徒存者也，必有所以存者也。亦猶前言：（一）國家者，非人生之歸宿，乃其方法也。蓋人之所求者，幸福也。外此立國焉？用國爲馬哥里曰：「古代作者如馬奇斐立之徒，立說支離，不如後進。蓋由不解社會法律，非以之增進個人幸福之總量，不足以存。」此其爲說，或者病之，以爲行之不善。將至助民爲暴，不知馬氏斯言，非以苞舉國家作用。夫建國常道，增崇人福，同時豈無維持秩序之方？其說之有價值，亦在國而畔，此則不成國耳。』美之政學老

（一）是乃取喻計學、計學原富、實則計學非唯富之爲貴，乃富之有以善羣利俗之爲貴，故曰富者非人生之歸宿，乃其方法也。

雄吳汝雪(二)知此審也。其所著書。首以權利爲立國本根。謂「國而舍此。不得稱爲適於人類之一組織」。此其爲義。亦無間於其國之爲專制。抑爲共和。蘇子所謂無寬而得其所欲。細按之。亦未始無合乎權利之說也。然其鴻溝所在。則君主之朝。所有權利。悉集君身。人民所獲。乃由賚予。民固不欲寬。苟其寬之。非革命莫如君何也。民固有欲得。苟其不得。非革命亦莫如君何也。自立憲以往。則異乎是憲法者。權利書也。此書既立。民乃有權。不受人冤。民乃有權。自謀所欲。冤而有訴。不啻訴己。欲而有謁。不啻謁己。此政體之所以爲良。革命之所以永絕。而能將立國之的。著實顯現者。也是之謂精神。若而精神。惟真立憲。國能見其全立憲者。專制之對也。故課一國之精神。不問其有君無君。而惟問其是否專制。此不可不熟知者也。

由斯以談。共和之形式。民主之謂也。精神立憲之謂也。形式其獨也。精神其通也。(三)形式者。國體之事也。精神者。政體之事也。所謂共和之質。單舉形式。不可。單舉精神。亦

(1) Woolsay 語見所著政治學、
(11) 君主專制、自不在此例、

不。可。也。必。形。式。與。精。神。俱。而。後。質。乃。備。也。

然則孰爲重。曰：精神爲重。此其故亦不待繁詞以釋矣。夫所貴夫田以能芸也。若石田而不可耕。又安用之。所貴夫匏以能容也。若堅匏而不可剖。又安用之。今共和形式之說。何以異是。猶未已也。石田堅匏。其病止於無用已耳。無他害也。共和則不然。苟其名存而實不具。民主專制。其弊較之君主專制尤深。何也。前有言之。『彼其已成者也。彼其最有力者也。彼其最易致人服從者也。彼其襲有國民之敬憚心。而他制尙待求之者也。』是故君主專制可以數百年而不亂。民主專制近則一年。數年遠亦不過數十年。勢不能不亂。且一亂之後。相與循環。不能自己。法蘭西共和之所以見惡於人者。無他。以其無固定性。易於肇亂也。此又無他。民主專制之故也。墨之底亞士。可稱近世民主之雄矣。而專制其國。至於二十八年。可謂久矣。而卒不能不亂。而卒不能不及身而亂。南海康先生頌底亞士之神武。稱最者也。至曰：『底亞士文武之士冠絕大地。殊功盛德。合堯舜湯武而一之。』而其下卽緊接曰：『然墨人並不戴之也。卒以專制見逐也。』姑且不論底氏治墨之功。未必卽如論者所言。卽殊矣盛矣。無以復加矣。

而至二十八年以後其功德又胡在者一經翻覆固不僅舉其所已成者而悉毀之而且求及二十八年前底亞士未經施治之情形恐不可得試觀墨國連年爭戰澈底破壞以證斯語豈有未然夫所賴夫命世之英亦以其足致其國於長治久安耳二十八年安得卽言長久然在短識者必且長之久之以爲不可及矣則惟問墨人享此二十八年小康之福果得之儻來飽嘗而無禍者乎抑將有大亂乘之使其一得一失不足相償者乎由前之說愚欲無言由後之說愚則未見底亞士曾有造於墨西哥也昔者梁任公作開明專制論有曰『開明專制政體與非專制政體究孰優曰是難言也以主觀論則非專制之優於專制似可一言而決以客觀論則決之不若是之易易也昔達爾文說生物學之公例曰優勝劣敗而斯賓塞易以適者生存意若曰適焉者雖劣亦優不適焉者雖優亦劣故吾輩論事毋惟優是求而惟適是求』此其爲說可謂辯矣而其受病處則在昧於一時永久之別斯氏之所謂適一時之適也一時之適生物學認之而國家學則否何也以其足以啓紛爭肇禍亂也蓋國家之適以勝殘去殺和

平。進。步。爲。歸。而。生。物。之。適。正。得。其。反。此。形。上。形。下。二。學。之。所。以。不。可。強。同。也。知。此。可。以。論。墨。事。矣。以。底。氏。長。才。偉。略。愚。豈。無。見。彼。之。失。敗。在。節。節。抗。國。民。真。實。之。心。理。以。行。而。欲。盡。一。己。之。智。能。求。一。日。之。功。名。於。不。可。必。得。得。亦。不。固。之。域。莊。生。曰。『世。俗。之。人。皆。喜。人。之。同。乎。己。而。惡。人。之。異。於。己。也。同。於。己。而。欲。之。異。於。己。而。不。欲。者。以。出。乎。衆。爲。心。也。』……此。以。人。之。國。僥。倖。也。幾。何。僥。倖。而。不。喪。人。之。國。乎。其。存。人。之。國。也。無。萬。分。之。一。其。喪。人。之。國。也。一。不。成。而。萬。有。餘。喪。矣。悲。夫。有。土。者。之。不。知。也。『苟。爲。底。亞。士。者。不。以。出。乎。衆。爲。心。不。以。人。之。國。僥。倖。處。處。與。國。民。同。其。好。惡。高。其。議。政。之。聲。恢。其。自。治。之。力。政。權。所。至。惟。以。爲。激。濁。揚。清。之。用。絕。不。雜。以。欺。凌。壓。制。之。謀。則。墨。國。至。今。無。亂。可。也。夫。國。家。者。百。年。之。計。政。治。者。必。世。之。業。今。治。一。國。目。光。不。能。及。於。二。十。八。年。以。外。吾。未。見。其。文。武。聖。神。也。今。人。好。混。言。中。南。美。以。爲。彼。中。和。皆。惡。不。知。智。利。與。阿。根。廷。其。政。制。善。良。之。度。即。可。與。法。美。齊。觀。』(二) 墨。人。之。文。化。雖。低。未。必。即。較。智。阿。爲。劣。苟。無。底。亞。

(一) 專制由於好同、說見拙著政本論、

(二) 蒲律士新游南美、著 South America 一書、即言此、

士之專橫尊民而重法爲之而有序。墨西哥雖欲爲良共和國。亦未必不可能。今若此則民主專制之咎也。然底亞士所稱爲堯舜湯武者也。且不議其不倫。而提以並論。胡以吾有堯舜湯武則治。而墨有底亞士則亂。所以然者。康先生亦言之矣。『蓋以名爲共和國。則止能聽其共爭共亂。並不能容專制而爲治也。』然此猶指民主之賢者而言耳。蒲徠士稱底亞士得國以力。守之則以法。〔其他不解法律爲何物。僭妄險狠。無所不爲。而治績不及底氏萬一者。何可勝數。愚故曰民主專制之弊。較之君主專制。猶深也。是民主專制。且不足望君主專制。遑言君主立憲。甚矣精神之不可不講也。』

詰之者曰。子所謂精神。存乎立憲政體。而立憲又無間於其爲君主。抑或民主。其價皆同。是子與復辟論。非關之也。曰。奈何非關。特不肯用抹撥之論。無端厓之詞。如今之人已耳。蓋君主民主之分。爭之於理論者。十之二。爭之於事實者。十之八。原乎國之有主。本以約成。約基於民。民有自由擇主之權利。此在原理。民主論似乎爲優。然爲君主之說者。亦初不慮不能成理。勞氏君主民主平議篇中所列君長世及之故。凡四。固難言

賅亦未盡當。而其持之有故。足與共和論平分領域。則無可疑。由此致辯。彼亦一是非。此亦一是非。勞氏無以折吾。吾未見。卽有以折勞氏。不僅此也。卽集古今世界學者。講論一室。求其有以相折。亦必不能。故此爲無益之論爭。徒資聚訟。而不足恃以解大紛。決大計者也。自來理論之有力。依乎事實。事實宜於民主。則民主論特張。事實宜於君主。則君主論制勝。無抽象一定之義也。英吉利君主國也。謂其人民不解共和之道。自非狂瞽。不爲此言。而英之共和不成。無他。事實爲之也。美利堅民主國也。而其人民系出於英。謂其不辨君主之利。自非狂瞽。亦不爲此言。而美之君主不成。無他。事實爲之也。吾國之由君主變爲民主。亦然。今者復辟之不可。與言理論之不可。寧謂事實之不可也。故愚之闢之。重事實不重理論。奈何非闢。

詰之者又曰。所謂事實者何也。曰。此國有未同。未能等視。英之君主。統而不治。(一)統者名也。治者實也。故君號曰名部。而內閣實部。內閣獨掌政治之大權。由民選任。實際已與共和無異。存君之名。無礙於政。而轉得保留國中舊有之秩序。而攝取愚夫愚婦

(一) 此本英人成語。The king reigns but does not govern

敬憚之心。此英之事實也。美本自治諸邦。聯爲一國。既不堪英人之虐。稱兵獨立。無再認英王爲宗主理。而本邦夙無王室。人民守法自治之習。已成楷模。忽爾立君。寧非蛇足。此美之事實也。若夫吾國夙戴君主。而乃不爲本族之人。祇知吸吾膏血以自肥。而於民生幸福。不知所以爲計。十載以前。國人盛倡排滿之論。愚誠無似。亦其一人。今茲立論。雖不肯以此爲改革之主因。而滿人所貽戕賊漢種之慘。紀念甚深。於斯而冀被壓之民。及其子孫。不求得當以報。幾何可得。然而復仇之舉。不見於辛亥以前者何也。曰。非不見也。見而無所成也。蘇軾曰。『古之失天下者。皆非一日之過。其君臣之權。去已久矣。適會其變。是以一散而不可復收。方其未也。天子甚尊。大夫士甚賤。奔走萬里。無敢後先。儼然南面以臨其臣。曰。天何言哉。百官俯首就位。歛足而退。兢兢惟恐有罪。羣臣相率爲苟安之計。賢者既無所施其才。而愚者亦有所容其不肖。舉天下之事。聽其自爲而已。及乎事出於非常。變起於不測。視天下莫與同其患。雖分國以與人。而且不及矣。』此按之滿洲之亡。可稱畢肖。然蘇氏之言。初不爲種族之爭。而發縱滿漢。卽無夙怨。而由其治國之道。亦且必卽於亡。前清之季。親貴驕橫。顛頑在位。賄賂遍地。民

怨日滋，憎於外勢，日損利權。闇於政事，僂辱新黨。本邦已在存亡危急之秋，而羣昏猶且酣歌恆舞於上，此而不亡，其又何待？有曰：辛亥之役，爲種族革命，或曰：非也，是乃政治革命。實則兼斯二者，僅舉其一，皆爲得半之言。今苟於共和底定之時，謀復君政，則（一）滿漢之界已滅，而使之復生，前此從事排滿之人，必倡異議，有此異議，國必不安。（二）滿人之無政治能力，已可概見，今其可數人物，誰是九五之才？（三）清政不綱，殷鑒未遠，復辟以後，朝政誰敢必其清明？有是三者，王政復古之談，信乎無當。此吾國之事實也。

詰之者又曰：事實既爾，則無論如何，復辟論不當復存，而予不肯痛詆之何也？曰：事實之印於國民心理，以當時爲最有力。若事已過，則情亦與之遷矣。仇滿之論，在辛亥以前，誠滿國中滿廷僞託立憲時，激急者至謂滿洲不能立憲當亡，能立憲亦當亡。人民國後，首昌是說者，且主與滿人親善，夙昔閉距挑撥之論，諱而不言。羣曰：此政治革命也。彼亦曰：然。羣曰：此非種族革命也。彼亦曰：否。前之言曰：返之長林豐草之地。今之言曰：納之五族共和之中。前之言曰：羶胡雞犬皆可殺。今之言曰：寡婦孤兒不可欺。兩兩

相衡。情勢大異。精而求之。則曩者絕對排滿之論。大抵感情之所驅。政策之所出。而非其根本。所以致恨於滿人者也。其根本。所以致恨於滿人者。無他。滿人之不能救國之不能求國民大多數之幸福也。信如斯言。則繼滿洲而起者。國民首當以救國及求多數幸福之責相屬。果屬之而得當也。其又何求不然。屬之而稍失當。不平之情。即稍起。大失當且大起。此物理之常。斷無可駁。夫國民之情。至於不平。則力有所離。必有所向。有厭於新。必有懷於舊。此復辟論之所以乘之而起也。今求所以闢之。其鍵惟在平民。情致民福。易詞以明之。復辟盾也。其可攻之。矛盾立。憲自此以往。皆不可恃。誠以事實之價。時有未同。刻舟求劍。劍不可得。故愚之事實論。又當以現時政象入以衡之。不敢如時賢競爲抹撥之論。無端厓之詞也。

間嘗論之。政理不如物理。後者所立斷案。恆稱絕對。而前者則否。故以滿漢言。辛亥以前。絕對主張排滿者非也。絕對非難排滿者亦非。辛亥以後。絕對主張復辟者非也。絕對非難復辟者亦非。何也。吾人之所求者。亦國利民福已耳。斯爲目的。而排滿與否。復辟與否。均爲手腕。手腕之當何出。要以不背目的爲衡。由此論思。可答今問。勞劉諸人。

之無足取。則在好持絕對之論。謂立君保民。非君民將不保。清運未終。在法不當卽亡。且又頌言。『大清列祖列宗深仁厚澤。淪浹海內。』冀以此動天下人之心。是誠諸氏於近世思潮。未遑探討。勝朝掌故。亦有遺忘。因有此理實兩無所可之說。至以相對之論。謂滿洲不當亡。厥惟康先生。先生當辛亥九月之交。實持此義。欲以易天下。徒以革命勢大。噤未敢發。其後二年。二次革命已經失敗。始暴其說於不忍雜誌。其言曰。

今者朝廷審天下爲公之理。爲中國泰山磐石之安。旣明且決。毅然下詔。行不負責任之義。而一切付之資政院。立開國會。公之國民。定憲法而議立法。聽民望之所歸。組織內閣。俾代負責任。是朝廷既下完全共和立憲之詔矣。此一詔也。卽將數千年來國爲君有之私產。一旦盡捨而捐出。公於國之臣民共有也。此一詔也。卽將數千年無限之君權。一旦盡捨之。而捐立法權於國會。捐行政權於內閣。改而就最高世爵。仍虛名曰君位云爾。國民曰。國者吾之公產也。昔代理者以吾之幼少而代筦之。今代理者已願將公產交出。吾等可享此公產而無事矣。又曰。代理者昔總吾公產之全權也。今已將公產權讓出。公議公辦。代理者不過預聞而簽一名云爾。故昔之憤然爭者。今則懽然喜矣。故夫立憲云者。以君有之國爲公有。以無限之君權改爲最高世爵之代名詞而已。

此指信條十九而言也。茲信條者。可稱爲完全共和立憲之詔。誠如康先生所云。愚竊

立論亦以法蘭西千七百九十一年之憲法相況。(一)惜乎滿洲爲此未協於時遂致『聖神化爲豺虎』已耳。然猶有說。

或曰辛亥信條果得行之誠爲中國之福。惟卽當時民黨奉命唯謹其得行與否尙屬疑問。蓋滿洲之立憲僞也。事至迫切勉從悍將之言全然屈服其心豈甘倫南中諸子聞滿洲之以憲政誓之太廟也相與釋甲而就新治則滿洲一反手間孫文黃興之徒殆不足以膏其斧鑕耳。安見張紹曾要君之詞乃得玉府金滕之奉也哉。此觀於劉廷琛氏之論而可知也。氏之言曰『光宣之際奸宄生心乘機作亂武昌變起小醜跳梁亂黨挾種族之見恣盜賊之行好亂之徒紛然如蜚毛而起。當此之時項城抱公忠之心尊主討賊復武昌援金陵則東南賊勢瓦解大局立定而乃與賊媾和致成茲局』今謂滿洲當國諸公所見不同劉氏無論何人未或不疑由今思之彼之起用項城舉國以聽其用心豈不如劉氏所云哉。則東南之賊誠未易於滿洲朝廷之下自進而爲立憲之民也。此一說也。

有辨之者曰。革命黨之勢。未易驟衰。滿洲雖有翻覆之心。吾自有力強之就範。似亦近情之言。入理之論。苟其事勢非出於此不可。亦惟遵此勉力以行。若就法蘭西往事觀之。亦未見收效之必良也。法之千七百八十九年之革命。非以共和相號召也。逾兩年憲法成。乃以英憲爲楷模。仍戴君主。英之史家馬哥里曰。『苟法之憲法會議。所事僅至於廢王而止。則其革命之價值。可與吾英正當健全之改革並稱。』(一)馬氏之意。頗咎法之妄稱共和也。然其所言。不中於當時事情。焉足使及倫的黨溫諸子。爲之心折。蓋彼輩初意。特欲改革政治而已。不獨剷除君制。無其成心。卽馬氏所稱廢王。亦非本志。觀夫君主憲法。頒於千七百九十一年。而王於九十三年始行見殺。可以證之事。至於此。人惟歸獄段敦羅伯士比諸屠伯之暴亂。無人道而不知王之不能謹守信條。時思翻覆陰謀。不絕冀傾民黨。乃其巨因。由後觀之。爲法蘭西計。與其浮慕共和。反致羅伯士比拿破侖專橫無藝。誠不若奉路易十六作憲定治。以求平安。司徒赫爾者。法之史家。右於王政者也。王政既復。彼於千八百十八年。著法蘭西革命論(二)一書。

(1) *Marine de Stajl Rodley, France 711* 頁引之。
(11) *Considerations sur la Révolution Française* 其書 Rodley 引之。

謂『革命之事在千七百九十一年。即當知止。果其知止。一理想中之君政國。可以成功。拿破侖既敗。王政復興。以英吉利之良規。移之吾法。以知千八百十四年之所爲者。理當緊承千七百九十一年而來。中間屠伯橫行。奸雄竊義。所經擾攘。皆革命不正之產物所宜一切蕺除者也。』今之治法史者。鑒於諸獨夫之害。禮傷義殘。民以逞。孰不於司徒氏所論。灑淚同情。而證以當日之情。則殊無望。今吾國所患。較之法人之患。羅伯士比與拿破侖者何如。愚未能斷。而有少數之士。憤今政府之專制。回想滿洲所誓之法。其爲吾民自由參政之地。相比不啻天淵。因發爲噓臍無及之嗟。自恨昧於當可謂時之義。且謂吾唯以虛名相假已耳。彼族人少。又焉能爲實。則吾未如是行之。效果何如。亦難懸擬。且滿洲食言而肥。戕賊民黨。此前已言。不待更論。即名義僅存。虛君之旨達矣。而事勢所之。未必無敢爲不義。挾天子以號召天下者。有君之董卓。未必優於無君之羅伯士比。奪國於君之王莽。未必即優於奪國於民之拿破侖。故今以滿洲立憲爲言。而追恨革命黨之爲謀未臧者。大抵爲感情所中。理想所朦。未見其有當於事實也。

如右所陳復辟之不可行。明白甚矣。而斯說也。一時見倡。髣髴大動國人之感情。政府聞之。狼狽而不敢辦。勉強發一令。逐一士。而大露色厲內荏之狀。其他肅政之所參。參政之所議。新聞之所詈。大都目爲機械之爲。質其本心。未必肯如是說。私居聚議。或遇清流正士。偶加駁詰。轉若所爲。鄰於妾婦。求掩不遑。至於武夫馳電。舞爪張牙。比於無良。狀尤可醜。卽革命之徒。與滿洲不共戴天。至此恍若忘其夙讎。不肯卽加謗議。被指爲賊。亦不與校。而政府設防。謀夫獻計。且深慮宗社亡命。兩兩相聯。共爲不軌。凶於而國。是又何也。曰。無他。此諸象者。皆今之僞共和。有以召之也。

夫今之民國。其基築於共和者也。清帝遜位之詔曰。

今全國人民心理。多傾向共和。南中各省。既倡議於前。北方諸將。亦主張於後。人心所嚮。天命可知。予亦何忍因一姓之尊榮。拂萬民之好惡。是用外觀大勢。內審輿情。特奉皇帝將統治權公諸全國。定爲共和立憲國體。近慰海內。屢亂望治之心。遠協古聖天下爲公之義。

而前臨時總統今總統之誓詞曰。

民國建設造端。百凡待治。世凱深願竭其能力。發揚共和之精神。激盪專制之瑕穢。謹守憲法。依國民之願望。

新達國家於安全疆固之域。俾五大民族同臻樂利。凡茲志願。率履弗渝……

卽此二者以觀。可見民國之基。存於共和。帶礪之詞。萬不可畔。今日之政象。有合於斯。誓者幾何。此固仁智所見。各有未同。而其不足。間執復辟論者之口。使不張其頑說。則恐無論何人不能否認。勞乃宣氏曰。『今民主制實行三年矣。此三年中。變亂百出……近者總統之制定。黨人之殲衰。大權集於一人。外雖有民主之名。而內實有君主之實。』(一)此種調言。欲有制之術。將安出。愚請本前言。以正告天下曰。攻復辟者。惟有證明今日之共和。非僞或促進。今後之共和。使不爲僞而已。此外皆支離破碎。虛僞麻木。屬託干進。無足比數之談。非愚之所敢稱也。

共和平議 四年七月

六月七日。東京朝日新聞。有上海『袁帝說頻傳』之電。載贊否兩面之意見甚詳。同欄復有北京一電。言楊度孫毓筠外四五名。已有關於國體之意見書。上於總統。更觀他報。所紀亦略相同。是變更國體之訛言。近已傳播南北。特以輿論久寢。忌諱尤多。談

者不敢公然論列。故吾之報章不見此種論議已耳。雖然國民之聲也。揚之則氣通而漸趨於平。抑之則氣鬱而發不可制。愚主尚異者也。無論何說。謂當自覓邏輯應有之域。使呈其量以卜於時。大凡國體既定。昌言變更者。律曰叛逆。愚請不認其說。而以討論國體爲應時必要之題。惟在他一面。今之共和論者。縱當魯縞不穿之秋。亦宜奮其春蠶未死之氣。傳曰。周德雖衰。天命未改。今共和之實雖去。而名則未移。爲政府者。不能一日去其名。輒禁天下談士。顧名以思其義焉。伊古以來。未聞暴政至於斯極也。況當局之意。未必卽如談者所言。邇日府中議士。已建言確定共和以息浮議。(一)而總統對美報記者宣言。吾之國體。既同於美。以後惟有奮力前邁。以期發展真正共和之精神。猶未已也。東京風說。聞於首都。總統復明白宣示。謂第一次革命之際。清皇族中曾議以帝位讓余。而余不受。胡今忽欲取之。果其取之。是欺人孤兒寡婦。不仁不義。余何忍爲。且由中國歷史觀之。帝王數代。必逢革命。子孫絕滅。貽禍無窮。卽曰君主立憲。亦終不能不依君主其人。以爲興替。余若自爲皇帝。是自絕其妣續。而無益於國家人。

雖至愚亦不至此云云。(一) 卽朝日所傳楊孫建議之說。彼且自電陸使。在原紙爲之辯明。此種官樣文章。吾人當信之至於何度。姑不具論。惟君子可欺其方。彼以是招。吾寧忍不以是應。今之惟恐君主說之不實現者。一出於攀鱗附翼之徒。一出於憤時嫉俗之士。前者其心可誅。後者亦失之激。中國者四萬萬人所共有之中國也。一兆焚如玉石同盡。故眞愛國者。宜具悲天憫人之願。而不可稍存幸災樂禍之心。今共和之無似。豈待講明。而餽羊猶存。禮終可復。並其名而去之。則大亂從此始矣。苟事勢必達此途。吾又何說。惟當全國風聲鶴唳之頃。忽來當局別嫌明微之詞。愚卽以爲不當過以不肖之心待人。而不留天下幾希之望。愚不自揣。因作此篇。讀者平情思之。於解決國體問題。或不無壤流之助也。

今之主張毀棄共和者。大抵蔽罪於中國人民程度不足。是說也。愚屢有駁論。散見本誌諸篇。略謂程度云者。乃比較之詞。非絕對之義。吾國民智之低。誠不足語於普通選舉之域。而謂國中乃無一部優秀分子。可得入於參與政事之林。無論何人所不能信。

果其足信。則專制政治。亦莫能行。何也。爲專制者。終不得不恃人。以爲治也。故愚理想中之立憲政治。初不以普通民智爲之基。而卽在此一部優秀分子之中。創爲組織。使之相觀相摩。相質相劑。此其基本人物。與世俗所稱開明專制。不必有殊。其絕明無翳之界。則專制制下之人才。皆如狙如傀儡。而一入於真正立憲之制。卽各抒其本能。保其善量已耳。雖不必全體從其多者而言之。此義不可沒也。至於普通人民。其智未足以言政。卽於政制。無所可否於其間。吾國由君主變爲共和。彼蓋視爲無擇。善爲政者。亦惟相其所宜。使之智量日卽於高而已。若以人民全體爲一標準。而疑多數拙劣。分子所不能了解之事。卽不能行於少數優秀分子相互之間。以致優秀者失其磨盪之力。而本質以槩拙劣者。以無人提攜誘掖。永遠末由自拔甚矣。其僨也。愚嘗聞北京顧問美人古德諾之論矣。曰：『約法會議修正之約法。以大權屬之總統。此在崇拜共和者視之。必以爲不當。雖然。新約法之有合於支那之歷史與夫國情。較之舊約法爲多。無可疑也。蓋支那以人爲治。傳之數千年。非本此種習慣以爲國。人民將有所不解也。要之支那人民。決不適於社會共同運動。』（一）茲言之病。卽在以人民全體之程度。

爲創設政制之的標。而忘却轉移社會爲其中堅。無論何國皆屬之一部。聰明俊秀之士。其在吾邦。情尤顯然。今討議憲法。不使與此部人士之理想相符。而惟對於不識不知順帝之則者。行其權術甚矣。古氏持論之僻。惟足以欺美人不辨吾國是者。流吾人果安可不自辨也。夫吾國素尙人治。是豈不然。人民非此不解。亦不爲妄。惟人治之不善。乃立憲法。惟人民之無識。乃言進步。不然。則有國者亦祇隨其古來相傳之政習以終焉耳矣。是不僅吾國辛亥之役不值一錢。當世文明諸邦其政治良明。得如今日所由激急之革命。或平和之改革而來者。其程絃皆爲謬妄。有是理乎。

蘇子瞻曰：『夫智勇辯力。此四者皆天民之秀傑者也。……先王因俗設法。使出於一三代以上出於學。戰國至秦出於客。漢以後出於郡縣吏。魏晉以來出於九品中正。隋唐至今出於科舉。』今可益之曰：歐洲自十八世紀以來出於代議士。至出於代議士。則所謂出非由王者。『分天下之富貴與此四者共之。』乃其自有作用。各挾其智勇。

(一) 此古氏昨年十一月十九日在紐約政治學會之演詞。見 Revision of State Constitution 三六頁、
即政治學會出版物。

辯力之量。求進於政事得失之林。非王者招之所能來。麾之所能去者也。於是憲法尙焉立。憲政治云者。無他。亦萃集四者之量。投之政治總體之中。使之調和而淬勵焉。以表見其高華多福之羣制而已。然欲爲此。有一通則不可不守。卽認反對者爲合法是也。蓋人之意見不同。情感尤各異。相舐相衡。以趨於共同之鵠。斯爲善治。不然。此有所屈。彼必有所伸。伸屈不得其平。政象卽失其理。桴鼓相應。未或爽也。斯義也。固近世政治之所闡明。而在吾以家天下爲治。亦未能去之絕遠。傳曰。興王賞諫。臣書曰。臣下不正其刑墨。下至淮南。亦稱言者逆於己。便於國。則不加罰。(一)有違之者。亂亡隨之。甚者如厲王之監謗者。始皇之禁腹誹是也。其所以然。則人之濫用其權。以充其不制之欲。此其弱點。根自性天。不有以抗之。勢不至於亡國敗家不止也。由是反對合法一語。蓋無古今。無中外。而見其通。古氏之論吾國政治也。首稱政治通律之不適用。其言曰。『十八世紀之末。實以創立共通政則。爲全歐學者所同認。著稱此種政則。以爲無論何時。不拘誰國。而皆可行。如主權在民。三權分立。天賦人權。其尤章顯者也……但余

昨年游支那。幸而與其草訂憲法有關。親見若而政則之惡果。迫其改造國政之事。不能施行。印象甚明。猶能記憶。」（一）古氏所得之印象。是否正確。容細論之。惟愚所舉。反對合法。是否亦得列爲政治通律之一。茲律是否亦不得適用於吾邦。恨不聞良願問言之。且吾國施行彼所鼓吹。尊崇之新約法。以後其違反此律之效果。所益於改造國政者。若何。亦恨良願問不親齎其所印之象。一忠實吐露於彼邦政治學會之前也。『晏子見於子華子曰。日者嬰得見於公。公惡夫羣臣之有黨也。曰。子將何方以弭之。嬰無以應也。吾子幸教以所不逮。虛心以承。子華子曰。嘻。君之及此言也。齊其殆矣乎。游士之所以不立於君之朝。以黨敗之也。人主甚惡其黨。則左右執事之臣。有所藉口矣。夫左右執事之臣。其託寵也深。其植根幹也固。背誕死黨之交。布散離立。聯累羅絡而爲之疏。苟非其人也。則小有異焉者。不得以參處乎其中間也。士以潔廉而自好者。夫孰肯舍其昭昭。以從人之昏昏。洒焉若將浼焉。必不容矣。是以左右執事之臣。因其修而驟之曰。黨人也。人君曾不是察。隨其所甚惡而甘心焉。於是有流放戮辱之事。夫

士之自好者。創斷數椽。足以自庇。而一簞之食。足以餬口。其孰肯以不資之軀。而投人主之所必怒者耶。嘻。君之及此言也。齊其殆矣乎。小人之始。至於齊也。小異者。不容而已矣。今則疑似者。創跡矣。小人之始。至於齊也。嬖阿脂韋者。未必御也。今則服冕而乘軒者矣。小人之至於齊。爲日未數數也。而其變更如此。齊其未艾也。人君曾不是察。而左右執事之臣。又原君之所甚惡。因以鑿游士之修舉。齊之朝將化而爲私人矣。日往而月易。築壇級於宮。而君不知也。嘻。君之及此言也。齊其殆矣乎。』(一) 茲之所紀。乃專政者之通象。無間於君主共和一也。今之政象。與此相似者。幾何。讀者當不難一覽而得。夫始而小異者。不容繼而疑似者。創跡此小異。疑似者。才不必劣於左右執事之臣。德不必下於嬖阿脂韋之輩。而其不得與於政事。與見愚之黔首。無殊。黔首謂之程度不足可也。小異疑似者。流謂之程度不足不可也。明明程度非不足而不得與。所謂私人者。相切相劇。執中以爲政。是藉口程度不足而圖毀滅共和者。直讐言也。夫政治之蠹賊。無他。好同惡異而已矣。好同惡異。不足以立君政。况在共和。今吾言共和而蠹。

賊之橫飛。逾於專制。輒曰。程度不足。程度不足。此得毋淮南所稱亂國情與貌相反者耶。(一)

凡茲所言。乃謂吾國政治當萃集社會中堅人物之才智。出而主持。無所謂程度不足也。而論者所見。往往與愚適反。梁任公即其一人也。請於一篇之中。擇其關於此點者述之。

吾黨夙鼓吹革政。而又常以人民程度未至爲懼。急進之士。以爲詬病。謂是侮吾民也。數年以來。政名屢易。政象滋變。論世者探本窮源。亦漸知人民程度之高下。與政治現象之良窳。其因果盡相覆矣。然所謂人民程度者。其界說抑又富有辨。聞之一國所以能立於大地。而日進無疆者。非特其國民之智識也。而恃其品性……吾嘗考歐洲諸國政治進化之軌迹……所以獲有今日。實諸國國民之品性能自造之。而其品性所以能淬厲完美者。又自有其原……歐洲自中世以降。剖爲封建者數百年。於是社會中有貴族之一階級……其人大多重名譽而輕生命。尙任俠而賤財利。抗骨鯁而惡諂佞。信然諾而恥欺詐。尊法紀而厭表曲。既別自爲一階級。互相觀摩激勸。薰染成風。其父兄之教。不肅而成。其子弟之學。不勞而能。代代相襲。以隳家聲爲大羞。故其精神恆歷數百年不絕。故家喬木。恆爲重於國中。其與國休戚之念。亦較齊民爲切至。其修學獲常識又較易。其明習政事之機會又較多也。雖有外難。則執干戈以爲捍城。暴君非理之壓制。則聯而抗之。使不得逞也。

……我國今日固未嘗無所謂上流社會者。其所謂上流社會。在國中固亦常占中堅之地位。然人格之卑污下賤。則舉國亦無出此輩之右。蓋在中國今日之社會。非巧佞邪曲險詐狠戾。不足以自存。其稍稍自好之士。已入於劣敗之數。其能嶄然現頭角者。皆其最工於迎合惡社會而揚其波者也。故名則上流社會。而實則下流。莫此爲甚。以最下流之人。而當一國之中堅。國人共矜式焉。則天下事可知也。求所謂故家喬木。與國同休戚之一階級。渺然不可得。其自稱盡瘁國事者。皆賴國家以自營養者也。此其與歐洲情實相反者矣。(一)

由斯以談。吾國程度不足。轉在所謂上流社會。固亦切中時弊矣。然請得而辨之。立國如英。其政治之樞機。全握於老成故舊之手。而其人又疏財愛國。重信知恥。故國俗日隆。而邦基日固。誠哉然矣。然在法蘭西。其貴族貪污腐朽。則與英絕異其倫。即在王朝一切國政。已悉爲中流人士所左右。千七百八十九年之革命。卽此輩所造成。自是以來。政治社會諸事業。大抵皆其慘淡經營之成績。就中暴戾不中繩墨者。固亦有之。然其艱苦卓絕見義勇爲之概。卽在盎格魯撒遜民族。亦不能不起愛敬之心。法蘭西語稱此輩曰 *bourgeoisie*。其意義之深切。固不亞於英吉利語之 *gentleman* 也。(二) 是

(一) 歐洲政治革進之原因。見庸官報。

(二) 梁文中論此。

則法有貴族與英。蓋同而不能望英。且亦無取效英。今吾之情形。適與法同。而乃不取法。人之長。徒然望英。而却步。愚竊爲智者不取也。以言品性。今之占中堅地位者。卑污下賤。無所不爲。亦誠不謬。然彼之出於是者。果生性使之然乎。抑政制使之然乎。如曰兼斯二者。量之多寡。又何如乎。愚聞之。『矩不正不可以爲方。規不正不可以爲圓。身者事之規矩也。未聞枉己而能正人也。』則持此論。最宜以論者己身爲發點。論者之以卑污下賤責人。必其自謂己得幸免於是者也。是當知人之欲善。誰不如我。苟吾見人不如我。尤當即時自叩。今我是否卽爲真我。未或變焉。以愚觀之。真能不變者。蓋絕無矣。倘或變焉。右之者豈不曰政治不良。賢者亦惟激而自溷也乎。然所謂激者。挾刃尋仇。佯狂披髮。其途亦自多端。又何必濫受國家之參養。降與卑污下賤者同其僚伍。果其『終已不能引決以自沈汨羅。而不得不謀升斗以棲餘命。』(一)則激之一字。尙未足以說明之也。是無他。政治姦之而已。就之而已。夫若而人者。乃吾國中堅人物之中堅也。而且不免爲一時政象所黷。舉世悠悠。更何足論。是可知今之習爲巧佞邪。

(一) 梁文一年來之政象與國民程度之映射(篇語見庸言報)。

曲險詐狠戾者大抵由政制導之使然殆無可疑雖其資地儘有未同而江漢朝宗百流齊匯源之長短所不問也說者曰凡子所言蓋欲以破程度不足之說今並其中堅之中堅者而抹撥之不愈見其不足乎愚曰果安見其然也凡人品性有其善面亦有其惡面此無間於賢不肖也掩其惡面而著其善面斯謂賢掩其善面而著其惡面斯謂不肖惟豪傑之士與小人之尤掩著有其硬性未易驟移然無論何國大抵中才之人多而兩極端之人少果爲中才則一掩一著有賴於政制之力者宏矣堯舜帥天下以仁而民從之桀紂帥天下以暴而民從之不從者堯之時有四凶紂之時有三仁此外隨大力者而趨莫知所以自主專制之制則然也夫堯舜之民猶是桀紂之民也謂前者程度及之而後者不及入耳卽審爲贅論也則何獨於今而疑之若某某者果得爲豪傑之士乎愚何敢知若某某者果卽爲小人之尤乎愚何敢知惟立政制而有取於運用斯制者之程度宜以立於水平線者爲衡焉低者固所當排高者則得之望外如有某某夙昔奉爲豪傑之士而今不如其所期此自損其人格爲別一問題惟以受吾政制之裁成則決不在水平之下豈僅不在其下已也必且發揮光大其固有之性

而進爲一世楷模焉。如有某某。今日指爲小人之尤。而曾有一時。行爲較此爲善。或想像其人生於何種社會。行爲必較此爲善。則吾創一政制與某一時之情形合。或進而與想像中之某社會合。則其不在吾水平之下。或且進而與當世賢豪程功而比德。又可斷言是知妄自菲薄之論之不足尙矣。

愚又嘗聞梁君之論對抗力矣。其言曰。

強有力者。恆喜濫用其力。自然之勢也。濫用焉。而其鋒有所嬰而頓焉。則知斂。斂則其濫用之一部分。適削滅以去。而軌於正矣。百年以前。各國之政治。未有不出於專制者也。而千回百折。卒乃或歸於君主立憲焉。或歸於民主立憲焉。皆發動力與對抗力相持之結果也。……苟一國中而無強健實在之對抗力。以行乎政治之間。則雖有憲法而不爲用。

強健正當之對抗力。何自發生耶。曰。必國中常有一部分上流人士。惟服從一己所信之真理。而不肯服從強者之指令。威不可得而劫也。利不可得而誘也。既以此自厲。而後以號召其朋。朋聚衆則力弼於中。而申於外。遇有拂我所信。則起而與之抗。則所謂政治上之對抗力。厥形具矣。今代各立憲國之健全政黨。其所以成立發達者。恃此力也。夫既自知對抗力之可貴。則於他人之對抗力。亦必尊重之。故當其在野也。常對抗在朝者。而不爲屈。卽其在朝也。亦不肯濫施強權。以屈彼與我對抗之人。……如此然後政治得踐常軌。國有失政。不

必流血革命。而可以得救濟之道。立憲國之所以長治久安。胥是道也。

政治上之對抗力。以何因緣而萎瘁。以何因緣而銷亡耶。曰。由於弱者之不能自振者。十之二三。由於強者之橫事摧鋤者。十之七八。夫真政治家。未有畏人之對抗者也。彼本有所挾持。以對抗人。即以待人之對抗我。而何畏之與有。惟自審遵常軌。不足以與人對抗者。始憚人之對抗我。由憚生嫉。乃不得不設法減削人之對抗力。以圖自固。……此或按諸其國情。有所萬不得已。而利用人類之弱點。亦未嘗不收奇效。於以保強權而圖自存。爲道固得。而豈知各方面對抗力銷蝕既盡之後。全國政治力。成爲絕對的。其結果必爲專制。而專制繼起之結果。必爲革命。究其極。則何利焉。況乎人民於內政上失其對抗力。則國家於外交上又未有能保其對抗力者也。舉國皆柔懦巧媚之民。政治現象。愈變而愈下。外力乘之。待亡而已。是故有愛國之君子。遠識之政治家。終不肯斷喪人民政治上之對抗力。以自貽毒也。

嗚呼。何其言之沉痛而雄傑也。當作者著此論時。國中一部分之對抗力。尙存。履霜堅冰。因發爲危言。以策當局。文人報國。無過於斯。然其後對抗力漸次銷滅。至今絕其本根。論者反不能本所主張。再接再厲。時論惜之。茲姑不具論。惟作者之言曰。對抗力之銷失。由於弱者之不能自振。十之二三。由於強者之橫事摧鋤。十之七八。夫吾輩之爲弱者明矣。則姑交勉己之。二三而歸。獄人之七八。苟非爾之七八。則吾所信之眞理。可

得。而。服。從。也。政。治。可。得。踐。於。常。軌。也。柔。懦。巧。媚。之。習。可。得。而。絕。也。流。血。革。命。之。事。可。得。而。免。也。外。交。上。之。對。抗。力。可。得。而。保。也。一。言。蔽。之。與。歐。洲。長。治。久。安。之。立。憲。國。比。隆。焉。可。也。嗚。呼。胡。乃。未。言。程。度。之。不。足。哉。胡。乃。未。言。程。度。之。不。足。哉。

顧說者曰。今之人好以舐排異己罪政府。亦不盡然。某處亦用新人矣。參政且收各派矣。交涉敗後。覺引用新學人物之要尤切。舉世不談之立法院。至由大總統三令五申。尅期舉辦。子其謂何。愚曰。此傳所謂吾且柔之矣。對抗力且以消失淨盡。與曩言保持對抗力。以躋政治於常軌者。不正僞馳也耶。一年以來。頗聞有建議廢學校復科舉者。交涉既訖。又聞有頌功德請慶祝者。此其人皆夙稱才士能吏。縱非嶄新。而亦不能謂舊。顧何以如是。果其自始即持此見。冀貫徹之。吾又何責。而事乃大謬不然。偶見文道谿所遺雜識。謂有譚宗浚者。生平最惡洋務之人也。一日謁相國閻敬銘。閻稱洋務不可不習。譚乃走告某御史。請上摺設立洋務學堂。某怪之。則曰。非此不足以取悅閻丹初也。今之才士能吏。無往而不閻。丹初其主者。故有如此之怪現象。有自京中來者。爲言邇日時髦政客。無不結識一二內史。以刺取總統意旨。或總統偶言某事之當

辦明日辦某事之條陳至。偶言某事之當廢。明日廢某事之條陳至。閱條陳而偶不善其某點也。明日匡救某點之條陳又至。凡此諸狀。愚本前知。今聞客言。特喜耳。與心叶。果於不妄已耳。若是者何也。一人好。同惡異之所。至人類之惡質。弱性。遂一。一爲其所獎勵。不期而裸露焉。有若山徑蹊間。介然成路也。等一人也。始以逢迎刺探爲可醜。繼乃習之。二人以上。甲習爲逢迎刺探之事。乙乃隨之。如此而用新人。亦驅而入於一爐已耳。其又何益。况舊者塞途。彼又烏得。所謂新者而用之。冰蟲相與論議。水石求其醜。答觀念懸殊。理解自謬。則新之爲度。又可推知。大凡亂國之人。宵小銳身以營其私。謹愿者祇求容頭而無過。卽有德慧術智。亦均碌碌無所短長。故韓非曰。亡國之廷。無入非無人也。統於同也。統於同。奈何。他日韓子又言之矣。『魯哀公問於孔子曰。鄙諺曰。莫衆而迷。』今寡人舉事。與羣臣慮之。而國愈亂。其故何也。孔子對曰。明主之問臣。一人知之。一人不知也。如是者。明主在上。羣臣直議於下。今羣臣無不一辭同軌。乎季

(一) 指一般從政者言之。

(二) 謂事不詢之衆人。則將迷焉。

孫者舉魯國盡化爲一。君雖問境內之人，猶不免於亂也。一日晏子聘魯，哀公問曰：「語曰：莫三人而迷。今寡人與一國慮之，魯不免於亂，何也？」晏子曰：「古之所謂莫三人而迷者，一人失之，二人得之，三人足以爲衆矣。故曰：莫三人而迷。今魯國之羣臣以千百數，一言於季氏之私人，數非不衆。所言者，一人也，安得三哉？」嗚呼！吾特不得權臣如季孫者耳。何其言之似爲今日發也。說者用人云云，參政云云，獨不思韓子所謂「問境內之人，猶不免於亂」之謂何？耶獨不思成立立法院之令，既下籌備選舉之事，既行而『一察社會之狀況，則緘口如不欲道』（一）之謂何？耶肅政史程崇信獨言國家之所與立，不在阿諛取容之徒，而在面折廷諍數陳大計之士。其言雖正，識者謂宜在百里奚不諫之條矣。

總之今日所患在舉全國之聰明才力，或顯或暗，悉行廢置，從而爲之言曰：「聰明才力不足，舉共和焉。吾誰欺？欺天乎？」

以上所言皆以中流人士爲限。至於大多數之人民，卽愚持論亦向未以程度已足歸

之。然民意所之。終不可忽。此固不得以程度如何如何爲藉口也。書曰。謀及卿士。謀及庶人。翕然大同。乃底元吉。與卿士謀。謀法與庶人謀。謀意法者。所以行民之意者也。民意安在。在苦與樂何者。民苦之則宜革。何者。民樂之則當興。善夫邊沁之言。功用主義也。曰。『所謂苦樂。卽常人所謂苦樂。絕無新生武斷之義。謂當排除何種苦。何種樂。其界始立。而亦無至精極玄之理。必須商之柏拉圖。質之亞里士多德。其蘊始宣。蓋苦樂者。苦樂也。無論何人。皆同感之。自王公以至農庶。自鴻儒以至白丁。一也。』言者或曰。民不解眞苦樂。非在高位者無以董理之。故非常之原。黎民懼焉。眞愛國者。不當以此而廢其行也。是誠有之。然在吾國言之。則宜慎其所發。往者且不論。廣東之賭。廣東人之所以爲苦者也。政府曰否。爾樂焉。亂黨禁之絕。吾其爲爾復之。陝西及蘇贛粵三省之鴉片。四省人之所共以爲苦者也。政府曰否。爾樂焉。亂黨禁之絕。吾令陸建章遣員游說。聽爾種植。〔二〕吾令蔡乃煌粘貼印花。任爾購食。易詞言之。爾小民程度不足者。

（一）陝西官廳明明派員四出演說勸人種植。措詞謂憐小民窮苦云云。後遭外人詰問。肅政史彈劾政府乃發爲命令。謂據陝西官廳報告。愚民無知自行種植。陝西官廳欺政府耶。政府

吾政府爲爾足之言者。其將下何轉語乎。嘗論人民希望政府莫隆於南北統一之時。猶勉持於癸丑戰役之後。一年以前而望失。數月以來而望絕。蘇子瞻論人心之失曰。『豈去歲之人皆忠厚。而今歲之士皆虛浮。』(一)而肉食者猶一味曰。程度不足。豈叔寶全無心肝於今。乃爲烈乎。非所敢知矣。

此外蔽罪共和之最有力者。猶有一說。則共和已經試驗。確見其不適於吾是也。則試問試驗之道安在。在癸丑之役以前歟。則此中政象之紛糾。首由反抗共和之大力。從而鼓盪。謂純乎共和之試驗非也。在癸丑之役以後歟。則其政迹不含一絲共和之意。童子不足以欺。謂之共和之試驗尤非。嘗謂無論何種政制。未有行之絕無弊者。又豈獨不能絕無而已。而有甚多甚大之弊。亦未可料。是在精心以行其制。竭力以防其害。已耳。而行而防而防而行。展轉相促。斯謂進步。(二)蒲徠士近游南美於人所絕不滿

歟。中外耳目耶。如此欺罔。何以爲國。蔡乃爐以禁煙之名行開禁之實。譏笑外邦事尤可觀。丁義華宣言中國前途寬無希望。哀哉。

(一)見上神宗皇帝書。

(二)見Hobhouse, Social Evolution and Political Theory 第一章。

意之共和制而著爲論曰。『得此是亦足矣。謂共和制行於此間而有弊。又誰見行於他文明國而遽無弊也。』（一）允哉仁人之言矣。今有人追論民國元年之政象。謂某種爲共和所種之毒。某種爲共和所生之疽。卽事論事。愚則豈敢否認。不僅不否認也。當時居民黨之中心。敢以危言聳論。擾暴亂分子之怒而不顧者。愚且未嘗弛其責。雖然。以之懸爲厲禁。警惕國人。使不再蹈前轍而貽共和之羞。誠得其正矣。遽以歸獄共和。謂此制不合於吾而謀有以絕之。則無說則死。有說亦死。聞吾言者。專制過於齊桓楚。襄吾又如之何也。夫共和表徵。最爲人所集矢者。宜莫若國會。平心論之。國會亦何嘗造大孽於天下。叫囂驟突者。國會之恆態也。英之巴力門。可謂高矣。愚曾觀之。而其爭不已。日本之帝國議會。亦經訓練二十餘年矣。今年開會。猶幾不免於揮拳。吾開第一次國會。相持之急。所傳者。亦不過拍案擲墨盒而止。則一翻各國議會史。此類之事。豈得云無一在吾邦。則彷彿已犯天下之大不韙。爲五洲萬國之所無者。然何師心之爲害一。至是也。歲費六千。卽議員應受死刑之證。內外攻詰。使無完膚。而今之參政。

（一）見蒲氏所著 South America、論指智利書之、忘其頁數。

所受。實。同。不。聞。其。非。轉。嫌。其。少。情。實。相。替。竟。乃。若。斯。不。可。謂。非。古。今。之。所。希。聞。也。議。員。品。性。之。不。齊。此。寧。可。諱。然。當。彼。賄。賂。遍。地。兵。威。四。逼。之。時。而。天。壇。憲。法。草。案。猶。能。從。容。就。稿。主。張。不。變。總。統。選。舉。困。議。員。於。一。室。而。饑。渴。之。刃。露。於。牆。兵。噪。於。外。而。自。朝。至。暮。票。僅。足。焉。其。事。之。是。非。曲。直。不。論。而。國。會。有。此。節。操。以。上。決。不。得。謂。其。絕。無。存。立。之。值。必。曰。無。焉。愚。何。能。禁。其。不。言。惟。揆。之。情。理。期。期。不。以。爲。平。也。今。假。定。共。和。之。設。施。澈。底。敗。績。民。間。僅。有。之。廉。恥。道。義。掃。地。無。餘。則。曩。固。言。之。亦。由。於。有。大。力。者。利。用。國。民。之。弱。點。從。中。顛。倒。不。得。以。爲。共。和。本。身。之。罪。也。若。曰。大。力。者。如。斯。顛。倒。卽。共。和。附。帶。之。性。無。可。解。免。而。因。以。爲。共。和。罪。固。亦。言。之。成。理。愚。見。康。梁。兩。先。生。卽。曾。爲。此。說。也。康。之。言。曰。『若中國而行共和政體乎。則兩黨爭總統之時。每次各率一萬萬男子而相戰。不知經何年而後定也。不知死幾千萬人也。』（一）梁之言曰。『此種虛僞之多數政治。祇足以供一二野心家一時之利用。而於國家私毫無補者。僅無補猶可忍也。一二野心家成功之結果。能使國中道德之元氣。生計之基本。消磨剝蝕以盡。而國復何以立於

天地。雖然爲是言者。乃將爭總統者。野心家者。納於共和之內。而並罪之。不如今人於焉。劃一鴻溝。謳歌一而詛咒其二也。綜而言之。共和之失敗。一由於國民責望之過奢。一由於當局成心之無對。而責望過奢之中。又分兩派。一爲夙主張共和者。平日之理想。一日見之事實。而不如其所期。則頓失望。失望則忿疾。忿疾則指責過當矣。吾家太炎。卽其一也。一爲夙不主張共和者。國民之行動。既節節抗其心理。而行則一有蹉跌。射入於其眼簾者。獨先而爲象。獨顯夫人過崇其所信。息息欲著其先見之明。指陳不信己者。事後之過失。以爲快者。本人類之惡性。雖賢者亦不免焉。不免則所歸罪有過情矣。康梁其尤著也。當諸先生發爲言論。惟恐其不痛切。意在扶植共和使之進行耳。豈有他哉。惟讀者思之。共和二字。本爲吾國人所不習。行之而不能無弊。又爲事實之所當然。今罵倒共和之聲。出於此輩賢豪長者之口。其不爲人所利用。以顛覆新制者。幾何。至於當局者之成心。尤爲章顯。昔之主張排滿者。謂滿洲不能立憲。當亡。能立憲亦當亡。今之排共和者亦然。共和不適於吾國當亡。適於吾國亦當亡。惡姑之下。

不能爲婦入美洲而夢俄羅斯。不論吾國無哈密敦曼狄生之流。其人也。卽有之。而謂能容其充分出其懷抱而試行之哉。

以上皆以共和爲一政體而討論之。譬議共和者。大抵以此種政體爲與吾國程度不相應。則愚有權以質論者曰。何者。始得謂應也。此可卜其不易之答案曰。開明專制。夫開明專制之無是物。愚已詳論再三。茲可不贅。惟請以英儒穆勒一言以統之曰。『開明專制。疑難萬端。今俱假定化爲烏有矣。而一物終不可少。是何也。卽一人出類拔萃。心智絕倫。將全體被動國民之事事物物。一一理之。使就緒也。』(一)果此人不能得。則開明專制不成問題。梁君夙昔主張開明專制最力者也。其結論是否與穆勒同符。愚未暇考。惟見其最新之見解曰。『吾又熟思求得良政治之法矣。蓋欲得之。惟有二途。其一則希望昊蒼。忽錫我以聰明睿智聖文神武之主權者。而其人又如佛典所說之觀世音。千眼千臂。舉一切政治。無鉅無細。皆自舉之。而一一悉應於吾社會之要求。……』(二)其意若謂觀世音理無可得。惟有返而求之社會自身而已。是開明專制

之根據已破。國中賢達不當更持是論。夫共和不能行。開明專制復無可望。則非一端走入無政府一端。走入黑暗專制。萬無解決本題之方。或曰立憲又須知以政體言。共和與立憲正如二五之與一十。勢難區以別焉也。

今之爲言者。又有進於是。謂共和不行。存其名胡爲。是以政體爲主眼。而持論之範圍入於國體。則請論國體。

名者實之寶也。無其實而尸其名。智者所不屑。今共和失其實久矣。進而並其名而去之。以理推之。謂各方之感情。將以此生大變動。恐亦未必。克林威爾之不稱王。與稱者何異。拿破崙第三卽不稱帝。亦未必見宥於第三共和。故吾人亦聽其自然可矣。雖然。爲國家計。則不可不一促言者使反省也。

今者政象之不可以久長。非絕無識。或其智已昏者。必能認明而無翳。夫政治變遷之最合於理想者。亦設其新之必要。而存其舊之不必改作者耳。若澈底推翻之。則非常之原。其不大傷國本甚且亡國者。幾希。此政家之所萬不可忽也。故共和雖失其實。而尙能保存中華民國之名義。則他日革新。其因或出於今之政局中人。或有異軍蒼頭。

特起。亦就原體而損益之已耳。卽需訴之激烈手段。其功可不大殺人流血而可幾也。不然。澈底推翻之事無可免。而禍不可勝言矣。或曰。惟慮如此。故宜早定君主。以絕奸人覬覦之心。愚特不解所謂定者。於何定之。以鄙陋觀之。不外力耳。則請誦盧梭之言曰。『以力服人者。當其服時。純乎由力。苟可不服。決無必服之觀念。驅之而行。』以此爲定。有何意義。或且曰。以現有之力。推之將來。可保百年而無患。然當知政變之事。非所前知。大禍之生。其機每祕。故善爲政者。決不恃智以防亂。而恃無致亂之原。拿破侖聲震全歐。克林威爾威高三島。其力可謂較吾爲大矣。而平均不足十年。卽敗。身流屍戮。爲人僇笑。歐洲論者。偶謂拿破侖不動遠略。失敗宜不如彼之速。不知武力緊張。於內時。時有潰裂之憂。不向外以求洩焉。內訌將無法以自了。兩拿破侖之尋外釁。與夫克林威爾之伐西班牙。皆非得已。其間或不勝而驟焉。或勝而隨驟焉。梟桀之心。勢日拙。良足悲也。夫以國力膨脹。威稜四露之國。南面而專制。其境內尙不足以善其後。如此則祇務內競。而無力對外續續。與他國爲城下之盟。行且求爲小朝廷。以苟且偷。

活四民。信。望。墜。地。以。盡。者。而。謂。君。臨。其。國。可。以。百。年。不。亂。豈。非。夢。囈。之。尤。愚。知。駁。者。或。又。以。劉。季。朱。元。璋。爲。言。則。吾。苟。有。道。焉。能。冀。幸。兩。漢。兩。宋。之。典。章。文。化。從。容。長。養。吾。子。若。孫。則。犧。牲。區。區。饑。不。可。爲。食。寒。不。可。爲。衣。之。中。華。民。國。四。字。有。何。難。忍。無。奈。稍。一。沉。思。萬。無。是。道。也。凡。政。治。中。之。根。本。原。則。在。某。一。國。未。之。見。者。亦。坐。其。民。未。及。知。之。已。耳。苟。或。知。之。而。又。經。一。兩。度。之。事。實。使。空。想。成。爲。凝。體。則。惟。有。千。回。百。折。不。達。其。的。不。止。雖。有。大。力。能。遏。之。於。一。時。不。能。朦。之。於。久。遠。也。朱。明。以。前。吾。人。立。國。祇。解。立。君。故。一。君。仆。而。一。君。興。乃。事。勢。之。所。必。至。今。之。民。智。雖。稚。而。豈。三。百。年。乃。至。千。餘。年。前。之。所。可。比。耶。而。未。已。也。戰。爭。者。人。口。繁。殖。之。結。果。無。術。可。以。避。之。者。也。孟。子。所。謂。五。百。年。必。有。王。者。興。亦。五。百。年。而。後。人。滿。足。以。相。斫。耳。非。有。他。也。興。王。既。起。宇。內。又。安。至。少。可。保。數。十。年。而。不。亂。其。所。以。然。則。兵。威。所。至。已。屠。其。民。至。半。或。三。分。之。二。以。上。桀。者。雖。欲。抗。之。而。其。力。莫。舉。也。而。今。有。其。事。耶。兩。次。革。命。無。一。死。傷。過。當。之。戰。滿。人。以。外。吾。民。之。死。於。是。者。前。後。蓋。不。及。五。萬。人。餘。均。滿。坑。滿。谷。而。未。有。動。而。又。羣。盜。如。毛。饑。民。載。道。虐。政。所。至。民。不。聊。生。誠。所。謂。積。薪。之。下。豈。容。忽。改。帝。制。抱。火。厝。之。善。夫。『子。孫。無。噍。類。』（一）之。言。

之出諸總統之口也。策時之士其幸毋更以人之國僥倖矣。

又有一說曰。吾人所當爭者憲政耳。苟得立憲。戴君初不爲玷。共和石田耕之何用。此說在辛亥革命以前。誠不失爲一種健全之論。康先生救亡一論。慷慨萬言。卽不外是。不然而爲復辟論者所持。亦復言之成理。蓋滿洲之無力。卽返政亦猶有然。非出於完全立憲一途。彼將無自存之地。故祇須急激者不更揭櫫共和名義以興革命。更無莽操之徒。假天子之令以行其奸。則虛君共和。好自爲之。必無蹉跌。而今非其類也。今苟改立君制。孰敢保吾憲政可見實行。果可實行。胡乃不爲之於民主之時。而必留以有待於立君之日。所謂司馬昭之心。路人皆見。殆從此類語言見之者歟。

此外尙有一根據最牢之說曰。中國地大不適於共和。此自前清立憲運動發生以來。卽已熟聞此論。而其說出於盧梭。謂二萬人口之小國。始能布設共和之政。此其爲反對共和之口實。本甚堅結。又不獨吾國人持之。拿破崙第三炙手可熱之時。參議院承其意旨。草爲勸進之表。其中卽祖述盧梭以爲左證。(二)先賢之目。其不瞑矣。雖然。卽

(一) 見各報。
(二) 原文愚未之見。有英譯附在 Lieber, Self Government 之後。希世之公文也。

盧梭之言察之當否又何如乎。請先引諸家之說觀之。康氏篤信盧梭者也。故其言曰。『歐土自希臘雅典創立共和。以其小國寡民。故能安之。羅馬繼之。已多爭亂。蓋大國有不適於共和者矣。其後意大利之威尼士、佛羅練士、郅那話、瑞士之二十二村、德之漢堡、佛蘭拂、法論呂、觀、伯雷、問、皆以共和立國而安。皆以小國之故。』(一)梁氏反之。其言曰。『昔盧梭著民約論。實爲近世共和政治所自出。然其心目中所謂最完全優美之共和國。則以民數二萬內外爲標準。蓋遠徵希臘羅馬。近徵瑞士。而因以斷共和政體之運用。與廣土衆民之國不相適。凡持論者。每根於所習。亦人之恆情哉。盧氏之歿。不二十稔。而美法兩大共和國。迭興於新舊大陸。論者既稍稍疑盧言之爲過矣。然美由聯邦而成。合衆國之基礎在諸州。州之基礎在諸市。諸州諸市。本爲具體而徵之一國。合羣小以成一大。爲道至順。與盧氏所標原則。本相印也。法則紛擾互數十年。中間政體屢易。今雖大定。而國威不逮其舊。卽其民權之伸。亦遠下於美瑞。於是復有疑盧氏之論。雖破而未盡破者。夫禮尊大同。易占无首。共和政體。本言政者之極軌。懸理

想以測方來。舉天下萬國。宜無不以共和爲民權之究竟。而今後世界大勢所趨。非大國又不足以競存。使共和政體而不能適用。則盧氏之志不其荒耶？（二）夫康氏以爲共和不能行。唯一之理由在爭亂。則今之主張變更國體。亦爭亂之一端。人若引用其說以爲何種行動之護符。康先生必不受。然引用者自引用。又焉可不細辨。爭亂者自有本因。不關乎人數之多少也。昔賢有言。家族可爲國家者。兩人以上。卽爲家族。而爭奪之起。吾人豈罕聞之。若謂國小則爭亂之事較小。亦姑且認之。然國大而他種利益之事較大。亦不可不互衡其輕重也。亞里士多德固亦謂國小易爲治者也。然且曰。民數不宜過少。過少將不國。蓋人羣不振居業。未繁。國家之目的。卽末由達。況今日社會由簡入繁。遠非亞氏之時所能想像者乎。且盧梭疎於史識。所舉之例。不足爲訓。莫烈所著盧梭一書。明銳無倫。有曰：『盧梭蓋不知有史者也。彼偶讀故事。因乃熟之。自史家觀之。皆以爲不幸之尤者也。大抵彼所引例。以佐其說。實乃說例兩不相關。區區所徵。未或出於古希臘之各小國與古代羅馬共和國以外。』（三）於斯最有宜注意。

者。盧梭之以國小爲宜。乃謂於一切國家之組織爲宜。所謂政治總體。是也。政治總體固不限於世俗之所稱共和也。故莫烈曰。『羅馬帝國之一種政體。何以能成。盧氏未或致思。當時英吉利半聯邦之領地。至爲恢闊。而更有一大邦聯之國。成於盧氏未死兩年之前。彼均若未之能見。』梁氏拘墟於共和二字。於駁倒盧梭。爲義乃失之狹。蓋以政體言。當世大國固未或與共和相背。而元首世襲與否。固出於時勢之偶然。非卽立國之原素也。且盧梭之謳歌小國者。彼乃有其特別理想。爲之前提。姑舉兩點以例其餘。彼最惡國際之競爭者也。謂國大則開發易失其宜。而強隣逐欲而至。吾當以守而出於戰。人多則資生不易。而望隣國以爲之供。吾當以攻而出於戰。大凡立國。將於商務與戰爭之間。擇一以行者。其國必弱。而無與久存。是其所言。與今世立國之道。適相反也。吾苟不能閉關以老死者。其說不可信也。又盧梭者。排斥代表制度者也。以爲人人惟服從己之意志。服從他人之意志者。非人之本性也。故求國民之總意。宜以人人直接投票爲歸。若大國者。共集其民於一議堂。同出占焉。勢不可得。故其

理想之國。乃以國民與接爲構。互相認識爲宜。(一)此其組織。求之今世。惟瑞西之六小州行之。苟吾立國。不欲外於文明。通制而下。儕瑞士之小州。其說未可信也。故今人以盧梭之言爲共和咎。愚當勸其多讀盧書以求其通矣。有曰。反盧梭之說。吾國宜舉聯邦。此固通人之言。愚於此尤有固定之見。可以詳論。然僅決此題。持論尙不必過遠。故此點當以他篇詳之。不具於是也。

凡右所陳。意在駁斥兩說。一謂中國人民程度不足。不適於共和。一謂國土過於寥廓。不適於共和。而於前說尤委曲致意焉。其中所引。多康梁諸先生之說。明知今之謗議共和者。其用意固不與兩先生同。而溫李諸人。困於擗擗。時論旣引其言爲重。愚又安能不從源頭而致其辯焉。夫賢者立言。稍不經意。卽永爲世論口實。當兩先生大聲疾呼。以共和之弊。正告天下。豈不謂吾言而有力。共和之花。當長此不凋。而乃假風伯之力。以摧殘之者。仍無改於其說。此愚今日道之。天下宜有幾人。與兩先生同灑傷心之淚者矣。若兩先生以重理過時之說爲愚罪。所不敢辭。但念天下紛紛。妄騰口說。平昔

指目當塗。謂其不測。今幸已明白昭告。表示無他。一有參差。全責將由國民負荷。諒哉亞細亞報之言曰。『國體問題。以全國之關係而定。夫所謂全國之關係。當求之於全國人民之意向。事理昭然。無可誣亦無可諱。』（一）如斯大事。人何敢誣。亦何必諱。爾可憐之小百姓。忽爾荷天之寵。以商定國體之大責。置之雙肩。則愚以新聞記者。利用千載一時之言論。自由以芻蕘一得之愚。爲民意萬能之助。倘亦識時君子之不忍苛責者乎。

帝政駁義

四年九月

兩月以前。愚作共和平議。稍稍著論。以明世俗厚誣共和之非。時帝政之說。初見根萌。楊度孫毓筠之流。傳聞有密呈勸進。事爲東京朝日新聞揭載。傳笑外邦。楊孫恚焉。馳電辯正。曾幾何時。前之諱飾而不肯承者。今且明目張膽。立會布詞。號召黨徒。唱和表裏。此其故何與。愚聞黃君遠生之言曰。研究『國體上基礎問題』。吾國人『於法律上不得有此自由。故於迫在目前關係國脈之根本所在。舉聽其自然之遷就所屆。置

之思慮議論之外。」(二)斯言而信。號爲一國之「法律」。胡乃昨日所懸爲厲禁者。至今日而特許之。又讀籌安會之宣言曰。『……明知國勢之危。而以一身毀譽利害所關。瞻顧徘徊。憚於發議。將愛國之謂何。國民義務之謂何。』斯言而信。楊孫諸子。態度逾時而有不同。得毋前日不免有利害毀譽之見存。而今日愛國守義之情獨至。凡此諸問。誠不免起伏於吾人之心胸。然稍加熟視。則又無覩。從而索答。夫亦可以不必矣。

何以言之。當千八百五十一年十二月二日。法蘭西總統魯意拿破崙驟行政變。毀棄千八百四十八年之憲法。而即要求國民。責以自製憲法之權。其後投票。以七百四十萬票通過。抗之者僅六十四萬耳。逾年十一月二十一與二十二兩日。復以魯意稱帝一事。下國民議。可決票則達於七百八十萬之多。視前有加焉。善夫瑞士學者卜碩德之論十二月二日之事曰。『凡政變之後。一國之運命。既懸諸一人之手。於斯而下。問於國民。是否願以絕對之權加之。於是猶以已答之題。重行發問者也。』(三)論十

(一) 見八月十四日亞細亞報。

(二) *Borgard, Adoption and Amendment of Constitutions* 110 頁。

一月二十一與二十二兩日之事曰。『此種法令。謂國民可決特權力之移置。謂已有

之自總統移

非憲法之行爲也。求其類似則皇室法庶乎近之。蓋皇室無特權不言典範。

帝力不彌滿。不求帝號。皆以前有者爲之符其揆。一也。語以近世憲法則失之遠矣。』

(二) 用此觀之。然則吾國若立帝制。其目前之見象可想。今諸君樹爲名義從而鼓吹。一則曰切磋。再則曰商榷。殆無往而非卜氏所謂『已答之題』。爲說萬千大抵周旋此膠彼漆之中。以塗飾國民耳目。而吾人從其後而觀之。若者懷疑。若者致辯。是不亦太迂闊不近事情矣乎。

顧或者曰。此學問研究之事也。事勢儘可蒙然於一時。學術終且獨立於無既。且上自當塗。下至政客。皆曰學也。學也。則君子可欺。尼山與進。愚雖淺聞初學。亦安忍不貢其所見。冀以釋滯而解疑。惟賊民興矣。乃始言學得毋與漢臣議講孝經。以服黃巾同類而共譏。嗚呼。亦非所計矣。

愚之所最不可解者。首在籌安二字。彼豈不以由我之道。國家可得長治而久安也。則

所謂安者。果愚所見。非謬當以國中不見革命之禍爲衡。而國中不見革命之禍。苟非國中利害衝突。質劑停勻。斷乎無幸。此其理昭哉無翳。雖至愚者不能瞑目而無見也。今若於倉黃之中。推翻共和。創設帝政。此其所爲影響於革命者。有二要義。一曰。己身以革命倡。一曰。認革命爲憲法上之權利。此非愚一人之私言也。卜碩德之論法蘭西千八百五十一年十二月二日之投票曰。『票爲可決。實不待言。苟一票否焉。則此一票意在主戰。故凡共和國遭逢此境。政府所事直革命之行。爲羅伯士比所用革命字。其義指此。良不誣也。當是時也。造法之權在法操之國民而爲暴力所支。不能運用。其在事實則誰能行。苛疊達者。誰卽擁有造法之權耳。誰能別行一苛疊達造法之權。又卽歸之。』(一)前舉二義。已可於此數語中。約略盡之。則其事正與革命爲媒而漫曰安焉安焉。此非別有奧義爲淺闇所不及知。乃自陷於矛盾而不覺矣。

請試卽二義而申明之。革命一語。在歐文字典中。覓之殆無不訓爲政治根本上之變遷。夫變遷亦何常之有。有帝政變爲共和者矣。亦有共和變爲帝政。苟其不免於驟變。

則其無所逃於革命之義無疑。讀者試從百科全書中查之。所列革命之例。其在法蘭西。每以千八百四十八年之第二共和。與千八百五十一年之魯意拿破侖自帝同舉。

(二) 此本淺義。不待指陳。(三) 或曰。變更國體。如『不擾亂秩序』。即謂之革命。胡傷顧此之所謂不擾。其義究居何等。夫防民甚於防川。川壅而潰。傷人必多。此誠古今中外革命之所由起也。而當其未至於潰也。其爲本無所壅。無潰可言。抑或壅已莫堪。去潰一間。其度之殊。相去懸絕。惟未潰之名。入乎僥倖苟偷者之耳。則幾乎無擇。今不擾云者。正此類耳。於義果胡取乎。或又曰。變更國體。非徒言之。大抵實力既充。然後以舉。則即名義不易。實際何殊。苟指易名爲革命。則攬實之爲此無疑。今斷斷執前者爲未可。寧非以五十步爭百步乎。曰。愚固未嘗左易名而右攬實也。大凡苛疊達之行爲。卽無異於革命。羅伯士比。固不求爲帝者。其所用革命一語。意義甚明。卜碩德述之。亦以論魯意拿破侖之行政變。而非論其建帝號。由客之言。可以證明。革命之程。敘不自建。

(1) Nelson's Encyclopaedia

(11) 近見京報各報、發表反對籌安會之意見、頗多明義、

帝號始而建。帝號之爲革命中一絕大關鍵。似尙需數語爲之說明也。蓋二者相較。其本質固無所差。以不加冕之總統與加冕之皇帝。詢人何擇。智者必將不答。惟其影響於政治。則深淺有殊。善夫黎白曾造政治之精義曰：『共和國之安全與謂基於多數者得其代表。寧謂基於少數者握有運動多數之權。』（一）此種運動之權。在民主專制之國。固亦不見。然不得謂之絕望。或者政潮猝轉。而民意以伸。善於運用者。範不軌者以入於軌。亦竟行所無事焉。未可知也。故若而社會。雖云不安。大小禍變。亦或時發。而政潮尙保留有一二分伸縮之餘地。在堅忍多慮之國民。宜若不有鋌而走險之憂。若並民主之號而棄之。則所謂餘地者盡矣。此其異點也。

請及次義。自來論革命者。祇許其有倫理上之根據。而不許其有法律上之根據。英儒麻兌曰：『謂暴動者擁有憲法上之權利。其語若非矛盾。卽爲不詞。雖然。由近世政治思想推之。若現政府有絕大之失政。無論政體何若。而謂人民不有倫理上之權利。顯而覆之者。固猶未之前聞也。』（二）此可以爲論宗矣。雖然。若民主專制。則亦有謂革命

在、法、律、上、爲、有、論、據、者。魯意拿破侖宣布第二帝政之憲法。其敍文有曰：『中央集權之國。其一國之元首。無論善惡何如。而要爲衆情注集而無間者也。以故若於法典之上。宣言不負責任。卽爲愚弄民情。卽欲建一虛構之法理。曾以三次革命之暴力。扶破焉者也。』(一)此在拿破侖。不過以明自重責任之意。不謂國民所以糾問元首責任之道。卽於此中。以法律之意。規之。德之學者波因哈克講其義曰。法蘭西憲法此段之旨。『乃以憲法之力。公認革命爲課問元首責任之一手段。且以違反法律之事。視與組織國家之事等量而齊科。』(二)此其理由。波氏並暢發之。謂專制之政。至於此級。爲元首者。誠不能不對於國民而負其責任。但責任者。自若人之口出之。直一羌無意義。在國法上。不能貫徹之門面語而已。蓋國民既以一國最高之權。永託諸一人之手。

(1) Dans ce pays de centralisation, l'opinion publique a sans cesse tout rapporté au chef du Gouvernement le bien comme le mal. Aussi, écrite en tête d'une charte que ce chef est irresponsable, c'est mentir au sentiment public, c'est vouloir établir une fiction qui s'est trois fois évanouie au bruit des révolutions.

(11) Damit wird die Revolution als Mittel, das Staatsoberhaupt zur Verantwortung zu ziehen, verfassungsmäßig anerkannt, der Rechtsbruch für eine organische Einrichtung des Staatsrechtes erklärt. Bornhak, Allgemeine Staatslehre, P. 73.

則當最高權。仍然在其身中之際。不得從而課其責任。昭然甚明。苟欲課焉。非於法外計謀。以暴力奪其權而歸焉。無他途也。夫無課不成責任。彼既以責任規之。憲法(一)是卽所以詔國民曰。爾得有憲法上之權利。日日提革命之軍。以踵吾後也。且『民主專制。類由暴力而來。故己之對於暴力。卽失其所以主張權利之道』(二)夫至不能主張權利。是已喪失法律效能。苟一方喪失法律效能。他方所爲。卽無所謂違反國憲。此其大旨也。昔者嘗以德法兩國之學者。論政各懷極端之見。引爲政學之悲觀。今於以暴易暴一說。不謂以號稱膜拜君政之波因。哈克與項禮共和之盧梭。語如一轍。波之言曰。民主專制。成於暴力。惟以暴力傾之。斯爲適法。曩舉之矣。而盧梭民約論開宗明義曰。『人民見迫。不得不屈服之宜也。一旦有力足脫羈絆。脫之愈見爲宜。蓋人之自由失矣。今以其所以失之之道得之。非彼此時有權回復其自由。卽人當初無權可』

(一) 法國西千八百五十二年一月十四日之憲法第一條卽曰 'Un chef responsable nommé pour dix ans'

(11) Wie die demokratische Tyrannis durch Gewalt begründet ist, so kann sie auch gegenüber der Gewalt kein Recht behaupten 四十七

剝其自由於彼』(一)二賢之言。細論之自多差異。惟本篇不能具述。茲之不憚稱引。亦惟於行『民主帝政』者。證其不得不認革命爲有憲法上之權利矣。

用此觀之。帝政與革命之關係。亦可知矣。若曰。政府自有能力。可使革命之禍不生。愚決不以其說爲無根。且灼然見其力之足以支持若干時而不失墜。然祇以證革命之禍之不猝發。而不足證其禍之消弭於無形。旣曰籌安。當以消弭無形者爲衡。不當以幸不猝發者爲的。況乎政治之事。無能前知其果不猝發與否。今仍未易言也。席兌又有名言曰。『社會之安寧。其基與謂存乎政治。寧謂存乎道德。是必國中優秀之一部分。恆溫。和而公正。富於同情。明於公益。小羣無非分妄誕之思。階級無貪利傾巧之病。多數黨之勝利。不挾強橫之力。以俱行。而後此種安甯。庶幾可保。不然。未或能免於革命也。須知地球之上。無論何處。而欲以一部多數之人。強一部少數之人。同居其地者。

(1) Tant qu'un peuple est contraint d'obéir et qu'il obéit il fait bien; s'ilot qu'il peut secouer le joug, et qu'il le secoue, il fait encore mieux: car, recouvrant sa liberté par le même droit qui la lui a ravie, ou il est fondé à la reprendre, ou on ne l'étoit point à la lui ôter.

屈服於其下。而謂有道德上之權利使之爲之。乃一不可想像之事也。」（一）席氏之言。乃論普通治道。其爲說且如此。若執民主帝政。叩其意見。又不知言之達於是者幾何。夫立國而至道德之基礎。全然破壞。則如盧梭之言。人亦爲其最強者而已。語云。匹夫專利。猶謂之盜。王而行之。其歸鮮矣。行見人人自以爲勝。廣家家各以爲華。寧心理所存。必有事實。而天下無寧日矣。是之謂籌安。不亦非常可怪者乎。

籌安之名。旣不能立。則其發起詞所言。絕無駁辯之價值。可以想見。愚雖不肖。亦誠不欲以無謂之言論。與人爭一日之短長。然以國人辯理之力。異常薄弱。感情一動。混然不知是非治亂之所存者有人矣。愚懼其欺惑愚衆。沉國家於九淵而無以自救也。輒爲辯之於次。

詞中所陳本國事實。爲有目者所共覩。其爲姦言曲說。無待指陳。若夫外國史例。人或不能考求其真實事理。而聽其淆亂。請得述其言曰。

近者南美中美二洲共和各國。如巴西、阿根廷、祕魯、智利、猶魯衛、委內瑞拉等。莫

不始於黨爭。終成戰禍。其最擾攘者。莫如墨西哥。自底亞士遜位之後。干戈迄無寧歲。各黨黨魁。擁兵互競。勝則據土。敗則焚城。劫掠屠戮。無所不至。卒至五總統並立。陷國家於無政府之慘象。我國亦東方新造之共和國家。以彼例我。豈非前車之鑒乎。

愚於著論之先。請述蒲徠士之言以相證。蒲氏英之夙學。而近遊中南美以歸。著爲『南美』(一)一書。與其所著『北美』(二)同稱衆說之邪者也。蒲之說曰。

自中南美諸邦離西班牙而獨立。樹立共和。歐人之愛自由者稱之。美人尤甚。蓋美人篤信共和。至今猶多謂君主國與自由不相容。而以諸邦爲其肖子。故愛之也。顧西班牙於千八百二十六年。已盡撤駐兵。離去美境。而一世復一世。共和之花。仍萎頓而不開。所見惟革命相續。狄克鐵特相承已耳。於是歐人漸厭惡之。發論抨彈。惟恐無及。美人則始終護之。凡以共和稱者。類爲所袒。不知二者俱泥於其名。而未詳。

(1) Bryce, South America

(1) American Commonwealth 即所謂平民政治。

窺其實譽者失矣。毀者亦未爲得也。夫論名易而察實難。人每就易而避難。故偏蔽殊甚。以例言之。巴拉圭共和國也。共和憲法。且歸然存。而佛蘭西亞與羅佩慈實以兵力統治之。委內瑞拉昔在蒲蘭柯及加斯安事制之下亦然。吾儕聞人共和其國。輒以爲治者公平之政力。實由被治者同意而來。而欣然施其同情。今於巴拉圭及委內瑞拉亦有權享吾儕之同情否乎。如其有也。則羅佩慈及加斯安之不道誠足執以駁詰共和論者如其否也。則歷史上偶然之現象誠無與於共和而不能以爲贊否之標的也。以如是而贊否之。乃不離名稱問題而去事實千里也。

請言事實。歐人喜以抹撥之論取中南美共和國而一律短之。此誠不平者也。而在今日。覺其爲不平尤甚。歐洲之君主國由最善逮於最惡等差歷歷。至有別焉。中南美之共和國亦然。其中儘有若干國不媿於歐人所謂眞共和。憲政機能誠實無妄。亦有專制之邦。純恃武力以相支柱。立乎兩種之間。尙有多數之國。其政治行動若規則若不規則。若完全若不完全。議會代表輿論亦非全無勢力。人身財產諸權利之保護亦非盡不相當。法律之應用施行縱難確實。而亦不視行政官專斷之意與。

爲轉移。此其大較也……

所謂眞共和國。吾蓋於智利與阿根廷遇之。智利者在拉丁美利堅諸國之中。於歐美人所稱自由憲政之國。最能契合者也。蓋選舉取制限主義。而政權則由一部分小地主與法律家主之。其機關之運用。與政黨之活動。精神方法。無一不與十八世紀之英吉利相同。所不同者。一爲君主。一爲共和耳。內閣更迭。不時有之。而於政治之運行無礙。立國之普通政策。從無變更。革命之事。久已絕迹。其爲今人記憶力之所能及者。惟內亂一次而已。其時總統巴麻西達。以其所懷政略。憲法所賦之權力。不足以行之也。則與議會堅持。以致訴之武力。兩派之人。陳兵相見。以各主張其權利。猶之英吉利查爾士第一與巴力門之戰焉。巴麻西達戰敗。卒至自殺。巴麻西達者。富於理想之人也。與尋常野心專制之家。截然不同。徒以所爲於法未安。遂至敗死。自是以來。智利之政治。蓋全入於憲政之恒軌矣。在千九百十年。黨派歧而爲六。保守黨一。而自由黨五。自由黨時分時合。條理井然。能力辯智。都臻高度。人民一般之公共精神。亦俱健全而活潑也。

阿根廷之史蹟。所歷艱險。誠較智利爲多。六十年前。曾陷於狄克鐵特之下。與巴拉圭之陋於羅佩慈正同。自是以來。內亂時有……然自千八百九十三年以還。國中不見兵爭之事。其政潮偶或不穩。亦不過如歐洲諸邦。恆爲無政府黨之思想方式所動盪而已。軍略主義。夙昔之所膜拜也。而今已不見。行政之事。由政治家掌之。法律精神。極其嚴整。簡而言之。今日之阿根廷。純爲一立憲共和國。與智利適同。如有缺點。抑亦共和之缺點。而非屬於共和。其皮專制。其質之類也。

由此兩例觀之。可見在南美空氣之中。西班牙血液之內。蓋無物焉。阻止共和政制。使不運行。如其運行未底於完也。則斯世運行政制之不完者。何在蔑有用此以證。苟非於立憲精神。極不相宜。此種精神行見。浸淫漸漬。以入乎法律系統之內。夙昔暴力相傾之習。掃地盡焉。且觀夫阿根廷之所由安泰。尤見他拉丁美利堅諸國。亦可漸次前邁。以進乎守法律尊秩序之美風矣……

要之南美之共和國。凡十一。綜其全而論之。其政況遠良於六十年以前。斷無疑義。凡諸國者。大都軍政之原素。益益減。憲政之原素。益益增。法家作政。誠不敢必其守。

法而較之。軍人則優越。多多號曰法家。其手段將無取於橫暴。與其得一毀法者。毋寧得一弄法者。爲愈也。革命內亂之事。雖亦有焉。而殘酷遠不古若。刑僂政敵。亦所罕聞。政治暗殺盛於歐洲。而在此則不恆見。(一)……

前世紀之中葉。歐人之崇信自由者。見夫中南美諸邦獨立有年。自由殊盛。而道德不進。幸福不增。國內之繁榮。亦無可論。則大失望。以爲自由之功用不臻。而厭薄諸邦之說以起。噫。此曹何感情之盛。一至此也。彼之自失。豈非過信自由之力之所致乎。在昔政治之不良。彼以爲全屬君主貴族之過。而不悟政治之失。由經驗所詔。不盡屬於政體。而人性實爲本。因試觀歐洲政局。自千八百五十九年以來。有多數之國。政權漸由少數人之手。入於多數人掌握之中。而道德平和之黃金時代。曾不隨而湧現。且愁歎不平之聲。轉或時聞。有曰法律不能持階級之平。有曰議會之信用墜地。有曰行政機關。非由國民直接監督。不爲功。其在北美。此種監督。且謂當推及於司法。所宜改善之事。亦多端矣。而迄未聞稍有智識之人。謂宜反而訴之。古代武

(一) 以最近五十年計之。歐洲之暗殺。似多於中南美。原註

斷壓制之習。其所覺者。亦政術日進於艱難。非昔人之所及見。今後唯有受教於經驗。以從事耳。果予此說而不謬也。則於評隲南美之政情。不尤宜廣設恕詞矣乎。南美自來遭際之困難。比之歐洲爲多。而其成績可觀。亦既若此。輒鯁鯁爲其方來抱悲觀焉。誠無謂也。(一)

由蒲氏之言以談南美政治。可以窺見一斑矣。夫蒲氏特著書言南美者之一人耳。以其人爲吾國社會所知。而意見平實。富於經歷。不務爲非常可喜之論。國人讀彼所著平民政治。已深信之。故特擇一小段譯焉。而繁重已如此。則其他關於中南美之真實政象。可益吾人神智者。且不知凡幾。條而出之。無在不足使籌安會之所主張。失其根據。嗚乎。國人不學。以道聽塗說。自安而淫邪無恥之政治家。遂敢於利用其弱點。妄設似是而非常識。莫究之外國政例。以欺惑邦人諸友。寧非國家之奇厄也耶。茲不具論。惟綜合蒲氏之言。以衡吾國。求其要點。得三事焉。(一)中南美之共和。決非盡惡。第其品級有上下中。上中無論矣。吾今所號共和。望其下。馴且猶不及。而乃罵倒全體。指爲

殷鑒。借作推倒共和之資。斯誠妄人之談。二共和有名有實。以共和之名。行無道。君主之實者。不得蔽罪共和。三共和之蔽。祇宜於本身救之。反之古代。武斷壓制之習。爲有識者想像之所不及。最後一點。請更詳之。桑麥丁智利之華聖頓也。當革命急時。殊疑民政之不可遽採。而終主張共和政府。以制限選舉爲之基。波利華委內瑞拉之愛國者。以有澄清南美之大志。華聖頓之名。且遍於諸國者也。其致疑於共和之不可驟期。亦惟思以聯邦組織救濟之而已。之總統任期。延之終身而已。一。至夢想帝國。梟傑如佛蘭西亞與蒲蘭柯之徒。亦未或萌動於胸。非必不欲。而在勢有所不可。蓋中南美諸國政象之所以不寧。而革命時起者。以狄克鐵特制之爲祟耳。狄克鐵特雖曰專橫。而尙居民選之名。任期有定。憲法之精神雖失。而形式猶存。人民欲得而甘心。已至於此。假若進而稱帝。其不同於抱薪救火。以酒解醒者幾何。以故百年之間。中南美政雄疊出。而帝政迄無聞焉。非不爲也。知其爲之而亂。且日益於已。亦大不利也。此種自愛愛國之道。梟雄當局猶且深知。豈吾萬里旁觀得以諉曰無觀甚矣。籌安會之所

推證爲別有肺腸矣。

愚執筆至此。忽得美人古德諾最近之作。曰論君主與共和。載諸八月十九日亞細亞日報。亦有曰。

南美各國中。亦有數國用共和制而頗有進步者。其尤著者。則阿根廷智利巴西三國是已。阿根廷及智利兩國初建共和時。騷擾紛紜。久未平定。然其後乃漸見安寧。頗享太平歲月之福。至巴西則自二十五年前建立共和制以來。雖略有騷動。而共和之命運。實屬平安。然此三國。於立憲政體。皆能極力進行。而巴西則未立共和之前。在帝國時代。業能鼓勵人民。使之與聞國政。故三國之得此結果者。非偶然也。

古氏之稱道南美諸共和國。智利阿根廷而外。尙數巴西。且較愚所述蒲氏之言。又進一步。則儻若由他學者言之。又或推而及之。委內瑞拉諸邦。惜吾文幅窄。不能遍舉。且此等國者。乃古氏所謂『尤著』。蒲氏所謂『不媿於歐人所謂真共和』者也。則其他略下於是。而得以能是亦足善。是亦足稱之者。又必不乏其例。是世俗謂當取南美

爲戒。由蒲氏古氏之言以推反謂。當取爲法。有何不可。古之言曰。『阿根廷及智利兩國初建共和時。騷擾紛紜。久未平定。然其後乃漸見安寧。頗享太平歲月之福。』是兩國之得有今日共和之效也。倘易共和而爲君政。其騷擾紛紜。雖至今日猶未已焉。未可知也。姑讓百步。謂行君政。其效等於行共和。兩國太平之福。雖立君主。亦得享之。則二者宜乎無擇。夫利不十。不變法。今共和無恙。政例相詔。明明由之。可致太平。而不急起直追。學其步伐。轉欲摧滅本制。別立君主。是何用心。且如是爲之。亦逕爲之可矣。而必曉曉然告於衆曰。此吾鑒於智利。阿根廷而爲之也。豈非奇冤。古之言曰。『巴西……建立共和制以來……共和之運命。實屬平安。』至其何以平安。以愚所知。蓋純爲聯邦憲法之賜。國之雄於黨爭。而設爲聯邦之制。以調和之行。之而有效者。厥惟巴西。是吾人果畏黨爭。而啓戰禍矣乎。亦倣法巴西立聯邦以平之。斯爲可耳。不此之圖。而輒欲創立君主。且曉曉然告於衆曰。此吾鑒於巴西而爲之也。豈非滑稽。古之言曰。『三國於立憲政體。皆能極力進行。』此用以警策共和。謂爾亦宜追蹤三國。實行立憲。誠爲明訓。若以證吾國之宜於君主焉。則其意必曰。爾於立憲政體。不能極力進行。

故當毀共和而立君主。無論所圖。君政亦以立憲爲期。已首限其說於不可通也。姑如其意以求之。是乃吾望三國而不可齊求爲南美。而不得而又何譽焉。嘻。今之翹南美之例。以震驚國人。使之畏避。而惟君主是卽者。亦坐未暇深考耳。夫以未暇深考之事。輒引爲感情煽動之資。此等政談。實同蠡賊。古氏號爲學者。不肯悉喪其身分。供人犧牲。故所引政例。偶亦徵實。惜其於支吾鑿柄之處。無可詆讎。然終肯稍語眞象。使人有析疑昭滯之餘地焉。國人自亦受賜不少也。

或曰。吾子所言。誠信於巴西、阿根廷、秘魯、智利、猶魯衛、委內瑞拉等國。如籌安會所稱者矣。然於墨西哥今日之擾亂。又何說以處之。曰。愚固非謂中南美諸國之無黨爭與戰禍也。此豈僅中南美有之。立國於他洲者。亦時不免。今茲之所當研究者。則此種黨爭戰禍。是否卽爲共和之咎已耳。如其是也。其在邏輯。僅一墨西哥行共和而敗。他國行之而善者。不知凡幾。尙難據以蔽罪共和。然強欲蔽之。終非無說如其非也。則共和自共和黨爭戰禍。自黨爭戰禍。墨西哥之紛擾。卽百倍於今日。猶於共和本制如風馬牛之不相及矣。蓋共和有名有實。謂共和爲有害。必其害見於行共和之實者也。若以

共和之名而行非共和之實。而遽曰害云害云。則誠李代桃僵之尤。不僮論列善夫前舉蒲徠士之言曰。『論名易而察實難。人每避易而就難。故偏蔽殊甚。』今人之論墨事。無往而不『偏蔽』。請得略而論之。

墨西哥今日之慘劇。推原其朔。有一大罪人焉。其人爲誰。卽底亞士。蓋彼柄政二十八年之久。徒致力於一己權勢之擴張。而無意於政治根本之解決。利用外資。開發實業。誠不得謂其非計。而底氏號稱有造於墨。亦惟此焉。然財產集中。而貧民生計益苦。夫國基之所由穩固者。在夫增造中流社會之有恆產者。使與地方同其休戚。用能講自治重秩序耳。而墨國以驟立大資本之故。財政實業之權。悉操諸底氏左右。佞幸之手。號曰相諦非柯。(一)招權納賄。無所不爲。全國之大公司。八九爲彼輩之股本。而人民卽欲立小式工商之業。亦非財賄運動不行。以故富者益富。貧者益貧。而中人之資。所恃以爲社會中堅者。不可得見。教育者國命之所託也。而底氏全然不講。計由底氏之手。輸入外資。在英金三萬萬鎊以上。而於教育事業。所費至微。故民智之不進。三十年

(一) The "Clientelism" 意義不甚明。大約指其人數宜結作「百人團體」也。

幾如一日。當底氏任職之時。墨人之能誦讀者。已在百分之十左右。而及其去位。猶不及百分之十五焉。夫以貧民與愚民兩種政策。相輔而行。而欲其國之能安。此何異揭湯而求止沸。且也。墨人雖乏通智。而一部優秀人士。感於近世政潮之不可遏。其於憲政運動。決非不宜。底氏怙勢不讓。非惟不能利導。而且專以束縛馳驟爲事。彼之一敗而不可收拾。此尤巨因。姑不多述。述其因之最近而易見者。

夫底氏之失政。不待言矣。而其故作狡猾。食言而肥。嘗試人民之心理。冀取好感。以儉其國。不得。則縱其鷹犬到處摧殘。假藉法律。僇辱異己。則尤革命之所由驟發也。蓋底氏第七次之任期。當終於千九百十年。彼之不肯遽舍其位。固不難以種種行爲而證之也。乃前二年。彼忽告一美國雜誌記者。自明無戀棧之意。其言曰。『無論吾之友人與吾左右。爲吾計謀奔走奚若。而本任一終。吾卽遠引。決不更廁斯職。八十之年。於時已至。自信亦不堪爲世用矣。就職以來。予蓋息息望有一日。墨西哥共和國民。能在大選之期。慎簡替人。移易政府。不有革命流血之慘。且無傷國家信用。或阻害進步之機。此一日者。今已至矣。在墨西哥共和國以內。吾甚願發生一反對黨。如其能生。吾歡迎。

之。不以爲禍。而以爲福也。且若其黨能展發才力。爲治而不爲暴。吾猶將維持之。忠告之。凡吾前此所以樹立民政之全功。夙勳。願一切忘之。』(一)此一宣言。墨西哥全國報紙無不轉載。底氏之人望。於焉頓高。時國人厭底氏之政久矣。方求所以解脫之道。而不得。忽底氏自明其淡泊之志。亦遂不暇辨其以方欺人。而羣然信之。政治結社。遂乃如雲而起。凡候補總統宜爲何人。與夫民政宜何由而改善。論題森列。討議不休。旬日之間。朝氣溢乎全國。論潮所至。迄無以底氏始終連任爲宜者。夫底氏治墨久。揣摩墨人品性。最稔。而最善用其弱點者也。初意彼一宣言。人之反其假託之意而附之者。必衆。以爲吾總統純白無類。吾民誠重違其情。而爲全墨思之。非此人誰稱厥職。計惟犧牲一人之名譽。以救全國之實禍。更不料墨人雖馴於底氏權謀之下。而當國脈存亡之際。究亦不肯喪其獨立之主張。卒之不僅不如底氏之所竊期。而且以底氏之僞宣言自蔽。向他端僻馳不已。昔者韓非明說之難也。謂『所說實爲厚利。而顯爲明高者也。而說之以名高。則陽收其身而實疏之。』然若其事爲世主利害所關。又豈獨疏

之而已。迫而爲苛疊達。將亦其所不惜。今墨西哥之愛國者。既陰窺底氏之實。而故崇其顯。以與之抗。此誠底氏之所不能忍。不得不撥去假面而施其辣腕者矣。當此政情活潑之秋。底氏之爪牙。發爲通告。以警諸政客。大旨謂總統之宣言。以政情卜之。決難視爲有效。此之通告。準以慣例。無不知爲代宣底氏之令。而反對黨之首領。誠恐以此激成禍變。態度因爲一移。斯時之所議決者。則總統一席。無更與底氏爭衡之望。以彼不肯遽舍。則雖選民人人不欲。而終無所逃於威力金錢之外也。於是彼等之指針。轉而爭副總統。以謂副者誠爲吾黨之與。則底氏高年。一旦不測。繼其位者或能與吾黨同其政見。以謀國利也。此意既布。底氏不置可否。其爪牙亦無宣示。政客以爲底氏已許之也。則運動又興。有曰中央民政俱樂部（一）者。應時而起。標舉政綱。演員四出。時紐福黎陽省之省長萊詩。頗負衆望。乃以副總統候補者歸之。斯人一出。迎者如水。墨人本好感情。而湮鬱既久。尤莫自制矣。底氏至此。又復大恨。在職副總統柯奈爾者。底氏之所馴養也。以他人代之。豈其所甘。於是強壓之策。再接再厲。凡軍官議員之同情

於萊詩者。遭成褫職有差。全國政黨所有集會。悉以兵力潰之。而首領拘捕投獄者不絕。餘衆殺傷尤多。如阿薩加柯利麻卜蒲拉諸省。皆其擾亂最著者也。新聞之左袒萊詩者。悉停版。記者囚焉。萊詩故爲底氏所親。而任爲紐省省長逾二十年者也。至此遂宣言否認候補之事。底氏託詞調查軍事。遣往歐洲。兩年不召。

墨人之反對底氏。公開之運動既終。祕密之結集以始。萊詩遠去。馬德羅代之而興。馬氏富人之子。其躍爲領袖。不過以千九百八年著爲小冊。攻詰底氏。而以投票自由聒於國人故。其書雖爲政府所禁。而流行仍廣。入人綦深。遂乃大呼成羣。全墨鼎沸。兩黨相持。底軍敗報時至。當事急時。底氏始與馬氏言和。馬氏百皆可從。惟必以底氏去職。離墨爲第一條件。底氏不允而復戰。戰而復敗。不可收拾。至是底氏不得不抱其衰殘敗衄之躬。謝國民之盛怒。長與其母邦作別。而所謂母邦亦自此無寧日矣。此人飄泊歐西。於今五載。前之稱其功能者。此五年中。無不轉而以冷嘲熱罵相餉。前七月中旬。路透社忽傳底氏死耗。而居址不詳。或曰巴黎。或曰紐約。或曰馬德里。久之始知其死於法京確也。此可知其人之見忘於世久矣。嗚呼。固一世之雄也。而今安在哉。(一)

用此觀之。可見墨西哥大亂之所由成。純由底氏。論底氏者。無不罪其專橫。愚則謂一味專橫。國民雖懟。猶可少安。而底氏又復以陰柔僞善之假面。濟之故。國民之腐心切齒。其度之高。與成正比。一經擾亂。尤收攝無從此。其爲罪實居絕頂。是固非謂馬德羅以次之諸野心家爲害於墨西哥者之無罪也。特罪之源。泉決不在此。嘗謂惡者惡也。惡而貌爲善焉。而卒行其大惡。則其惡尤不可救。底氏之謂也。當彼盛時。有人宴之於察卜帖畢。其頌詞曰。『公實與國人以自由。』底氏遜謝。謂『吾非予國人以自由也。吾惟盡其力之所能至。不僭竊人之自由。不毀滅人權已矣。』(二)夫底氏與墨人自由之關係。自非無目。豈見其如所云然。請更舉一說以證之。美人嘉孫曰。『三十年前。墨西哥言論自由。甚爲完全。底氏執政。首捕新聞記者。卑南之獄。慘酷無人理。以待最下囚徒者也。底氏幽置記者於此。日惟麵包一片。白水一盂。使僅得不死。於是者七日。出而詢之曰。爾以吾政府爲何如乎。必其答曰。茲爲有史以來最良之政府。乃得釋去。』

(一) 以上所記。俱雜採 MacHugh, Modern Mexico 第七章。
(二) 事見 John de Kay, Dictators of Mexico 七頁。

自是新聞俱爲政府所資。記者俱爲政府所參。而論調一致。頌底氏政府爲最良矣。』

(二) 底氏之不僭竊人之自由。而人羣頌其與國人以自由類如此。此則稍有世道人心之責者。欲其不疾首痛心。出萬死不顧一生之計。以求踏此惡魔。豈可得乎。以總統選舉言之。彼既貪戀大位。卽竟爲之可矣。而必宣言不欲三揖三讓。以待國人盡沒其廉恥而逢迎之。聞之顏之推曰。『宓子賤云。誠於此者形於彼。人之虛實真僞。在乎心無不見乎迹。但察之未熟耳。一爲察之所鑒。巧僞不如拙誠。承之以羞大矣。伯石讓卿王莽亂政。當於爾時。自以巧密。後人書之。留傳後代。可爲骨寒毛豎也。』嗚乎。豈待後世人演之進。當其時。卽有使之骨寒毛豎者矣。底氏之愚弄國民。一至於此。求其無敗豈可得乎。

顧今之爲言者。每稱美底氏。謂吾國允宜倣法。此誠未悉墨西哥政情之過。故愚不憚爲之覲縷於此。其最不切情事之論曰。馬德羅既起。『底亞士以共和國體之故。不得不引身而退。』(一) 夫底氏豈有共和國體在其心目中者哉。又豈願棄大位如敝屣。

(1) W. E. Carson, Mexico, The Wonderful Land of the South 頁四十五頁。
(二) 七月二十四日北京亞細亞報之言。

者。哉。其。引。身。而。退。乃。智。盡。而。能。索。非。爲。顧。惜。共。和。國。體。之。故。此。庸。童。小。夫。可。以。知。之。而。顧。喋。喋。如。是。此。殆。別。有。用。意。非。可。以。常。理。論。也。嘗。見。歐。美。作。者。之。論。墨。事。無。不。以。底。氏。之。敗。乃。其。自。取。而。非。馬。德。羅。之。所。能。爲。功。約。翰。德。凱。之。言。頗。通。治。道。之。大。凡。愚。尤。以。爲。平。允。其。說。曰。

凡人論事。事後皆智。以墨亂言之。其先非無補救之術。特當局者不自知耳。惟美亦然。南北戰爭。距今五十年矣。而若從今推究。所以免除內亂之法。未始無之。惟人性未完。先智不足。史例所詔。往往一國之內。何弊當更。何事當廢。而其人民有權更之。廢之者。乃因循復因循。及至無可挽回。訴之武力。即欲爲之。亦已晚矣。墨美固皆同例也。巴士的獄未陷之前數月。路易十六之所讓於民者。廣大無倫。苟若五年之前。僅出其一部與民更始。革命之禍。吾知免矣。迨戰禍既開。無論所願讓者。至於何許。要皆無濟。以法證墨。又豈不然。(一)

此其責備底氏。婉而多諷。然即此可見底氏之退。乃其自謀不臧。革命之急潮。乃循歷

史之公例而致然。於共和政體無與也。由愚曩言。當時墨人之欲得於底氏者。一副總統選舉之自由耳。苟爲底氏者。順民意以爲之所。馬德羅之禍。或不卽發。迨既發焉。底氏之所讓步。大於副總統之選舉何止百倍。而仍無益。此誠無間於君主民主者也。在論者之意。以爲底氏果爲皇帝。則可不退。試問路易十六。豈非皇帝。何以更進一步。且登斷頭之臺。東京朝日新聞聞古氏之論也。著爲論曰。『博士引墨西哥之現狀。以證共和政體之不可。雖然。以好爭政權如墨西哥其國。假令非共和政體而爲君主專制。果得免於今日之禍亂耶。』（一）是乃常識。誰則不知。且以愚觀之。禍亂不僅不免。必且不待延至千九百十年而始發。是故底氏之終敗。其咎固在僞共和而終支二十八。年而始敗其功。亦在僞共和。倘彼全然墮壞立國之精神。抹殺國民之心理。毀憲法。滅國會。竟自帝焉。則墨西哥殺人流血之慘。且速發若干年。加劇數百倍。可斷言矣。而論者乃轉引其事。以遮護帝政。抑何其不揣本而齊末之甚也耶。

凡右所言。皆以明共和無害於墨西哥。而底亞士之敗。絕非行共和制之所致。請更引

古氏之言以反證之。古之言曰。

墨西哥近年之事。在南美中美各國。業已數見不鮮。蓋共和制不合於其國經濟政治之狀況者。必有如是之結果也。底亞士爲軍界之領袖。獨握政權。當其爲大總統時。政治問題。似已解決。然底亞士既未厲行教育。且禁壓人民。不使參預政事。乃年將衰邁。權力漸殺。革命之旗幟既張。底亞士遂盡失其政柄。

果其言而確也。愚滋有所不解矣。夫行『共和制』云者。合古今萬國之學者於一堂而釋之。當不外擴張民權。實行民政。今日『共和制不合於其國經濟政治之狀況』是猶曰擴張民權。實行民政。不合於其國經濟政治之狀況也。愚知中南美諸邦。大抵姊妹兄弟之國。古氏既認阿根廷智利巴西諸國用共和制而有進步矣。胡獨不宜於墨西哥。此誠當明著其例者。而彼囫圇吞棗。已絕可疑。然猶且不論。惟一事而曰。合與不合。以最淺之邏輯言之。必其已經試驗。驗其成績而分疏之者也。則試問擴張民權。實行民政。底氏柄政時期。墨西哥果悉其量而試爲之焉否乎。姑不覓他證。古氏明明告我曰。『底亞士既未厲行教育。且禁壓人民。不使參預政事。』夫至教育而不之。

行。是。從。根。本。上。毀。棄。人。權。也。人。民。不。能。與。聞。政。事。是。從。根。本。上。推。翻。民。政。也。毀。棄。之。也。如。彼。推。翻。之。也。如。此。是。底。氏。始。終。未。嘗。行。所。謂。共。和。制。也。以。未。或。一。行。之。事。而。前。定。其。斷。案。曰。不。合。不。合。此。種。論。法。誠。不。知。從。何。而。來。古。氏。之。言。且。矛。盾。如。此。則。拾。其。牙。慧。者。更。可。知。矣。

墨事者乃國人之假口最力者也。故不憚言之反復詳盡如此。今請進讀古氏之全論而一評之。古論之發端曰。

一國必有其國體。其所以立此國體之故。類非出於其國民之有所選擇也。雖其國民之最優秀者。亦無所容心焉。蓋無論其爲君主。或爲共和。往往非由於人力。其於本國之歷史習慣。與夫社會經濟之情狀。必有其相宜者。而國體乃定。假其不宜。則雖定於一時。而不久必復以其他相宜之國體代之。此必然之理也。

甚矣吾國今日而立君主。其說之難持也。愚讀古氏之文。其最呈異感者。則幾疑其文實爲共和論張目。何以言之。國體必其相宜。始能確定。斯言至當。無可非難。惟所謂宜者。當求之於通。而不當求之於偏。歷史者。蓋合過去現在二部而成。泥於過去。拋却現

在此偏象也。斯而謂宜或宜於過去耳。於現在何與也。荀子曰：『夫道者體常而盡變。一隅不足以舉之。曲知之人。觀於道之一隅。而未之能識也。故以爲足而飾之。內以自亂。外以惑人。上以蔽下。下以蔽上。此蔽塞之禍也。』惟宜亦然。非體常而盡變。其禍中於蔽塞。何宜之有。夫常者於過去之歷史得之。變者於現在之歷史得之。以國體言。無論何國。君主者其常。而顛覆君主創設民主者其變。苟泥古特甚。謂君主者吾常也。其復之便。則其事於盡變之道大悖。終未見其君政之能立也。法蘭西革命以前。素習君政。此其常也。而路易既倒。君統破壞。勢惟民主可以相安。此其變也。而拿破侖反之。竟自稱帝。帝制之毒。綿延迄於千八百四十八年。此番革命。拿破侖第三踵拿破侖之故智。仍建帝政。卒至千八百七十一年。共和復蘇。法蘭西今日之共和。卽以古氏之詭辯。亦不得不認其『可望永久』矣。此無他。前此未能盡變。故一翻一覆。擾攘百年。而今能之。遂乃安如磐石也。美國獨立以前。戴英王爲共主。固亦習於君政。此其常也。一旦離英獨立。舍君主而取民主。此其變也。古氏曰：『夫美國之革命。初非欲推翻君主也。其目的但欲脫英國而獨立耳。乃革命成功而後。其勢有不能不用共和制者。蓋其地

本無天家皇族。足以肩政務之重……當日統率革命軍爲華盛頓。使其人有帝制自爲之心。亦未始不可自立爲君。乃華盛頓之宗旨。尊共和而不喜君主。而又無子足以維其後。故當合衆國告成之日。卽毅然採用共和制。『夫苟華盛頓有帝制自爲之心。美洲卽可創立君政。此古氏一人之私言。而華氏不爲。由於無子。尤爲曲說。姑不具論。而美洲不立君。國家安樂。以至於今。則爲事實。其所以然。則盡變之道得也。體常而盡變。謂之相宜。『假其不宜。則雖定於一時。而不久必復。以其他相宜之國體代之。』此正面觀法。反面觀美。可以證之。愚故曰。由古氏之言。『實爲共和論張目』也。

愚曩者作復辟平議。闢勞乃宣氏之說有曰。

君主民主之分。爭之於理論者十之二。爭之於事實者十之八。原夫國之有主。本以約成。約基於民。民有自由擇主之權利。此在原理。民主論似乎爲優。然爲君主之說者。亦初不慮不能成理。勞氏君主民主平議篇中所列君長世及之故。凡四。固難言駭。亦未盡當。而其特之有故。足與共和論平分領域。則無可疑。由此致辯。彼亦一是非。此亦一是非。勞氏無以折吾。吾未見卽有以折勞氏。不僅此也。卽集古今世界學者講論一堂。求其有以相折。亦必不能。故此爲無益之論爭。徒資聚訟。而不足特以解大紛決大計者也。自來理論之有力。依夫事實。事實宜於民主。則民主論特張事實宜於君主。則君主論制勝。無抽象一定之義也。英吉利君主國也。謂其

人民不解共和之道。自非狂瞽。不爲是言。而英之共和不成。無他。事實爲之也。美利堅民主國也。而人民系出於英。謂其不辨君主之利。自非狂瞽。亦不爲此言。而美之君主不成。無他。事實爲之也。吾國之由君主變爲民主。亦然。今者復辟之不可。與言理論之不可。寧謂事實之不可也。

事實者何謂也。卽所謂變也。而變之在吾國今日。則呈三象。(一)『帝王乃歷史上之產物。非如餅師作餅。可以頃刻而成。今後之中國。既無人焉。有可爲帝王之資。何能復爲君主國。』(二)『當君主思想未生之時代。則一君統亡。一君統起。行所固然。而今非其時。大抵君權之存。存於人民之迷信。今迷信既破。回復無由。』(三)『內憂外患。險象環生。國家實無餘力。更容變亂。自來創立君政之暫免變亂者。或則以殺戮之慘。盡其人口之大半。或則提取國中膨脹之力。南征北伐。以爲尾閭。前者吾之歷代。開基之主。爲之後者。拿破崙之徒。爲之而吾皆不能。則君政一立。革命之禍何時而發。實不可料。此三象者。印入人人之腦中。不可爬梳。是故有在前清極力主張君主立憲者矣。而此時羌無意識之君主論。則反對之。吾友徐君佛蘇。卽其一人也。愚讀其最近發表對於籌

安會之意見有曰。『以不佞之前言往事觀之。其主張君主立憲。人所稔知。然入民國以來。何以不復倡前說。』又曰。『古今中外。無人在本國法權之下。而集會結社。公然討論本國國體者。更未有昌言推翻本國現有之國體。謀植其他國體而不觸禁令者。何也。國體者。國本之所託命。國民全體艱難開創。歃血締盟。共同奠造之大基業也。故其本國人民。無論何人。對此國體。凜若神聖。不可侵犯。』尤有最精之語曰。『如國體可以自由討論。改變耶。則國家有一日之生。存在人民。即可以有一日之討論。改變。非待至無國以後。將無討論。改變終止之時。然則此討論也。豈不與國家生存之目的相背。而成爲滑稽之事乎。故世界無論何國人士之言論著作。對於他國之國體。可以任意批評。若一論及本國國體。縱心懷反對。亦祇能出以微言婉諷之筆。否則謂之倡革命耳。』(一)此天下之公言。而前清君主立憲黨純正心理之代表語。其固有之意。則以君主立憲爲優。語其時中之德。則以民主立憲爲當。是誠古氏所謂『一國……所以立此國體之故。類非出於其國民之有所選擇也。』(二)雖其國民之最優秀者。亦無

所容心』者也。愚故曰：由古氏之言，『實爲共和論張目』也。

或曰：法之革命，中經君主而卒歸於共和。美之革命，逕立共和以迄於今。旣聞命矣，然古氏更述英倫往事，請問英之革命，中經共和而卒歸於君主，則又何說？曰：此非吾之所得引以自證也。愚前言共和旣立，不得復建君主，最要之理由有二：一君統已破，全國無可繼位之人。一政想全非，國民無復忠君之念。則苟若君統未破，政想未易復辟之事，亦未始不可行。英之王政復古是也。梅依者英之大史家也，其說曰：『英之革命，

(二) 此之選就古氏之說，以爲無所選擇者，乃就歷史演進之成果，綜而言之，謂其境自然而然，一若無所選擇其實此之無所選擇，乃選擇之至者也。猶天演論中之物競天擇二語，物競一若無競，無競者競之至，天擇一若無擇，無擇者擇之至也。時賢駁古氏此段，頗與愚異，其觀察而命意則同。神州日報所載東萊君之文有曰：『博士謂一國所以立其國體，非由國民之有所選擇，即非出於人力，乃必宜於其國之歷史習慣，社會經濟狀態，夫資本於歷史習慣，寧得謂謬然？試問此種歷史習慣，果其宿於國民之心，抑亦存於客觀之實物？吾知勿論何人必不能認歷史習慣爲存於客觀之具體物，是則宿於人之心，抑亦存於客觀之實物？吾知意說之反響以來，學者篤信歷史，亦復過甚，殊不知歷史者，時代精神之連續的表現也。否實歷史莫由以成，不惟斷片之事實，不足研究，抑且勢必千年如一日而不生變化矣。世上甯有此理耶？由是以譚歷史習慣，既存人民之心，則社會組織經濟狀態，無一而非人民意思之表徵，則謂國民對於國體，無能有所選擇，眞謬論也。』此文之意，與愚全同，所不同者，選擇二字之用法耳。曹非一端，夫各有當，讀者諒之。

似無結果可言。其所得者亦一王繼承一王。而前王身殉自由而已。苟非此點。英之政治組織。殆前後無所變遷也。』(一)又曰。『革命之後。政識較進。民意較靈。獨立思想較高。團體力量較大。至忠君一事。則流風餘韻。沿而未衰。』(二)由斯而談。英之終成君主。豈曰偶然。吾國之滿洲。屬諸異族。其篡竊吾國而有之也。純出於慘酷無人道之武力。國民愛戴之念。自始不生。光宣之交。君主立憲之說。雖盛於一時。大抵視為策略。而全不出於忠愛之惻。清運既絕。遺愛無存。勞宋諸公深仁厚澤之談。天下笑之。故吾國欲求如英倫。克林威爾之後。迎查爾士入承大統。蓋事實上不可能。然且不問其能不能。而惟卽例論例。苟英倫王政。爲勞宋之徒依附清室者所稱許。尙非僣不於倫。而今胡有也。復辟之獄。尙在目前。如或提倡。卽罹刑辟。(三)是今之引王政以自佐者。其意不在滿洲明甚。果爾。以愚不學。誠未見英事之可妄稱也。在古氏之意。得毋謂英人

(1) May, Democracy in Europe 第二冊四百五十五頁、

(11)without any sensible diminution of their traditional loyalty 同書次頁、

(三) 三年十一月二十四日申令有云、民主共和、載在約法、邪詞惡染、厥有常刑、嗣後、如有違作

圖言、著書立說、及開會集議、以紊亂國憲者、卽照內亂罪從嚴懲辦、以固國本而遏亂萌、

之所重者君主制耳。初於君主無擇。卽克林威爾自帝。亦將見容於英人矣。乎則以古氏側身問學之林。宜知當日英人太息痛恨於克林威爾之僞共和。至於何度查爾士入都之後。追論克林威爾之罪而戮其屍在吾王萬歲之聲中高懸其頭於巴力門之上者。垂二十日。古氏曰。『以英國當日人民不適宜於共和。而力次爾（二）又無行政首長之才。故英國之共和忽然消滅。』是則克林威爾之政略。初無背於共和。又若力次爾才如其父。必且爲英人所戴。此其不爲史事所證。誦中學課本者類能知之。由斯以談查爾士第二之已事。以之證復辟論而微似。旣爲其所諱。言以之證民主帝政論。而所擬之主則又罪在大辟甚矣。吾國今日而立君主。其說之難持也。嗚乎。以束髮小生能談之理。而古氏妄稱於吾國學士大夫之前。以致浮濫政客雲集。其門擗擗片言與爲狼狽。而一國是非得失之林。卽若樊然殺亂。無可救藥者。然豈非吾之奇恥也哉。古氏之文。他國之拉雜政例。占其大半幅。此外所自矜而以爲探驪得珠者。則君主繼承問題。謂『繼承確定一節。實爲君主制較之共和制最大優勝之點。』孟子曰。遜詞。

知其所窮。古氏蓋窮極而發此無聊之言矣。夫繼承一事。誠不得謂非君主制中之一問題。而豈得曰斯制之存亡以之。以近事言。滿洲開國。卽不立繼承法者也。其君制之壞。初不以此。縱曰重要無倫。而於君制確立之後。再行研究。斷無不及未聞。先以繼承法之定否。而卜君制之採否也。若曰預爲之防乎。則如斯大業所當預防。而重且急於此者。何止百端。繼承一家之事。其法一紙書耳。有何難定。倘若古氏曾參兩拿翁之朝。而以斯說進。拿翁決不難唯命是從。惟其君統及身而滅。擁此『金簡石室』之書。足覆瓿耳。何益於用。又倘若古氏曾掌克林威爾之書記。而以斯說進。克氏竟以此而自帝。姑無論其子力次爾自然承襲。初無待以法定之。然一傳而絕。有同暴秦二世。則所恃以正其子孫帝王萬世之業者。又焉往哉。夫古氏以君主說嘗試於吾。不能詳陳斯制之如何爲利。及其如何而得鞏固。而徒取君制大定後之一繼承問題。待至建都習禮。蒞韓。醢彭。徐徐引數四老人以爲太子羽翼。默示微諷。而不虞其後時者。張皇號召。一若此謀若臧萬事都了者。然使人感情。膺亂輕重。倒置以僥倖其說之見錄於世。是誠孫卿所謂詖怪狡猾之人者矣。

古氏所陳改制之三條件。大抵狡獪不可追摸。繼承一條。已前駁矣。此外兩事。一曰不可引起國民及列強之反對。一曰必求立憲政治之發達。夫列強之反對與否。古氏或不得而知。若國民於此種根本變遷之局。而將無反對者乎。愚恐以古氏之博學多聞。苟非認定吾人全然不解政治生涯。不敢輕下判斷。故其言曰。此在乎周知中國情形者之自決。是則中國情形。古氏未之知也。以不知吾國情形之人。貿然爲吾國主張政治。則墮墮以索塗冥行而已。不亦太可笑哉。立憲之說。亦視此矣。諺云。欲知將來。可鑒既往。總統就職之誓詞曰。發揚共和之精神。滌盪專制之瑕疵。未幾而精神浸亡。瑕疵山積。然猶得謂通於權變。不獲已也。贛寧之役。當局勤勤以無帝制自爲之心。表暴於民。黎元洪謂以鐵血保障共和。通電全國。始回天下將倒之戈。以剗刃於七省。未幾而毀憲法。滅國會。絕自治。共和之形式。且不與存。然既不廢民主之名。愛餽羊者猶未絕念也。故勞宋之獄。發爲公令。重申共和。紊亂國憲。刑所不宥。識者傷滿洲既斬之澤。尤幸今後狄克鐵特將無可假之詞。口血未乾。言猶在耳。而今竟以民主帝政見告。立會。在政治首要之地。主事皆左右近幸之人。收集黨徒。明謀不軌。內結輕佻。無行之客。外

連。專。閫。強。暴。之。夫。以。致。其。事。一。時。之。間。姦。言。並。進。叛。國。之。說。如。雲。而。言。官。不。敢。言。法。官。不。敢。問。惟。聞。明。抗。者。有。顯。禍。陰。拒。者。遭。監。視。外。人。之。觀。國。者。羣。謂。苛。疊。達。之。期。行。且。不。遠。身。居。民。國。而。一。談。共。和。刑。僂。隨。之。是。實。質。之。中。國。家。已。陷。入。無。政。府。之。境。地。矣。舉。凡。前。此。帶。山。礪。河。一。切。之。誓。於。今。所。未。便。卽。悍。然。毀。滅。使。無。或。遺。而。司。其。說。者。猶。欲。以。將。來。立。憲。爲。餌。而。欲。人。之。欣。然。樂。從。頽。首。而。聽。命。此。豈。可。得。之。數。耶。黃。君。遠。生。曰。『只。問。政。體。不。問。國。體。』(二)此。最。辯。之。言。也。信。如。斯。言。則。政。體。爲。重。國。體。爲。輕。又。如。斯。言。則。重。者。宜。一。國。之。所。同。重。輕。者。宜。一。國。之。所。同。輕。國。體。輕。矣。論。者。既。責。三。萬。九。千。九。百。九。十。九。萬。九。千。九。百。九。十。九。人。輕。其。所。輕。而。獨。於。一。人。之。重。之。不。惜。冒。萬。險。排。萬。難。以。爭。之。者。不。同。以。輕。其。所。輕。來。相。勸。勉。此。何。說。也。姑。不。具。論。假。定。吾。人。轉。而。爭。政。體。矣。愚。又。嘗。有。說。以。處。此。曰。

有一說曰。吾人所當爭者憲政耳。苟得立憲。戴君初不爲玷。共和石田耕之何用。此說在辛亥革命以前。誠不失爲一種健全之論。康先生救亡之論。慷慨萬言。卽不外是。不然。而爲復辟論者所持。亦復言之成理。蓋滿洲

之無力。即返政亦猶有然。非出於完全立憲一途。彼將無自存之地。故祇須急激者不更揭發共和名義以興革命。更無莽操之徒。假天子之令以行其奸。則盧君共和好自爲之。必無蹉跌。而今非其類也。今苟改立君制。孰敢保吾憲政可見實行。果可實行。胡乃不爲之於民主之時。而必留以有待於立君之日。所謂司馬昭之心。路人皆見。殆從此類語言見之者歟。(一)

此最後一語。即以破立憲論之全據而有餘。夫君主立憲。義原不惡。但立憲之事。求之於累葉相承之君主。可得求之於狄克鐵特之君主。則不可得。此非意有所不欲。實乃勢有所不能。蓋當其爲狄克鐵特時。所得維持秩序者。暴力耳。及爲皇帝。所須暴力之量。尤大。一旦去其暴力。即失其所以自存之方。計惟繼續保之。以待天下之變。諺所謂騎虎之勢是也。而真正之憲政。與暴力相反者也。豈其立之以圖自殺。然謂其時將無一種憲法。亦不爲確。盧梭有言。最強者欲永爲其最強。不得不以其權利化爲法律。

(二) 以情推之。此類法律。必將起草。惟此而謂之法律。終爲暴力之變形。人民相與守之。殆與暴力同。其命運暴力。朝去顛覆。夕隨以是。而言憲政。豈非夢囈怪哉。黃君遠生

(一) 見共和平議、
(二) 見民約論、

之引波因哈克之說也。曰：「其力既無所限制。自必日走於極端。而遂取滅亡。彼曷爲而致滅亡。夫既已自紊歷史上之權利。自傷政體之神聖。一旦得志。而欲以我新獲之權利。造成歷史之根柢。雖百般擁護。未有能濟。」黃君引此。蓋以影射前此失敗之革命黨。以愚所知。此段出於波氏之國家論。(一)以極詆民主專制之害者也。夫強者相傾。甲踣而乙起。乙踣而丙起。皆循同一之軌轍。不得以意爲之低昂。故波氏既舉黃君所引之詞。其下卽曰：「民主專制。成於暴力。復以暴力毀之。無所謂其違法。故此種政制。實與魔性以俱。生人或以虛僞與暴力。爲班拉巴主義。(二)之特質。雖然。此非獨班拉巴及其政治家之個人特性。然也。虛僞及暴力。實爲適合於此政體之本質。其影響蓋不期而及於參與政治之個人焉。」(三)斯言也。乃合一切民主專制而總衡之。殆無一而可自外。吾國今時政治之爲民主專制。黃君雖欲否認。想不可能。若由此而帝焉。其事亦略同於班拉巴之加冕。亦無可爲諱。則欲假波氏之言。以自重。亦惟將現在及

(一) Bornhak, Allgemeine Staatslehre 六十九頁。

(二) Bonapartismus 班拉巴拿破侖第一之名也。

(三) 同書七十三頁。日人菊池駒治譯本國家論一四四頁。

今。後。若。干。年。所。欲。謳。歌。之。政。治。與。今。日。以。前。所。詛。咒。之。政。治。納。於。同。一。範。疇。之。下。受。其。批。評。已。耳。軒。一。而。輕。其。二。信。乎。其。未。有。當。也。況。吾。國。辛。亥。革。命。黨。人。雖。起。在。政。治。上。未。嘗。握。有。統。一。之。權。所。謂。力。無。限。制。日。走。極。端。今。日。以。前。尚。無。人。足。當。此。目。縱。謂。足。當。亦。不。過。如。今。之。比。則。滅。亡。云。者。前。已。見。之。以。史。例。而。推。又。將。繼。此。而。有。所。見。何。也。彼。既。入。乎。民。主。專。制。之。輪。回。其。自。索。歷。史。權。利。自。傷。政。體。神。聖。其。不。能。以。新。獲。之。權。利。造。成。歷。史。之。根。柢。與。他。之。滅。亡。者。一。致。無。可。逃。也。世。之。善。讀。波。氏。之。書。者。若。疏。其。意。而。有。異。夫。此。之。所。云。雖。在。萬。里。愚。猶。將。策。馬。箠。以。從。之。而。黃。君。乃。欲。引。此。以。證。君。主。立。憲。與。民。主。帝。政。之。中。有。何。關。係。初。不。料。同。讀。一。書。而。見。解。之。不。齊。有。若。此。也。立。憲。之。不。可。能。如。此。以。波。氏。之。崇。尚。君。權。者。知。之。豈。古。氏。習。於。共。和。之。治。而。不。之。知。知。之。而。猶。故。張。其。萬。不。可。通。之。說。以。聳。人。聽。則。其。用。心。必。有。能。辨。之。者。矣。

綜。觀。古。氏。之。文。或。則。措。詞。矛。盾。進。退。而。無。所。據。或。則。立。說。恟。恍。使。人。不。可。捉。摸。或。則。避。重。就。輕。故。示。問。題。解。決。之。易。易。以。導。人。於。迷。路。嗚。乎。江。湖。文。士。口。舌。爲。備。揣摩。嘗試。之。說。亦。何。所。不。至。可。痛。者。吾。國。竟。有。人。焉。以。爲。目。蝦。而。自。爲。其。水。母。流。毒。所。被。馴。至。天。地。

易位。妖孽橫生。豈非古今之奇變。韓非曰。『羈旅僑士重帑。在外上間。謀計下與。民事者可亡也。』意者。吾國其亡矣。意者。吾國其亡矣。

民國本計論

四年九月十七日

(帝政與開明專制)

自愚作帝政駁義。迄今又旬有餘日矣。籌安會之所進行。平陂往復。其象歷歷可指。武人如段芝貴。張作霖。湯薌銘之流。舞爪張牙。公然以『攀龍附鳳』(一)自居。毫無愧怍。此事本在吾人言議思惟之外。可以不論。惟二三『君子』以學理號召天下。因之正負兩面之文字。揚抑外制。酌量國情。引譬連類。竭精馳說。機牙相對。並進輻輳者。不可勝數。斯誠政治得失之林。而有匹夫之責者。不得不博觀明辨。而求所以折衷者也。惟茲事之贊否。本諸直覺。主觀者多。博聞辯智。初無所取。觀夫運動之生。一瀉千里。而自愛之士。不肯具名。老成之吏。惟求去職。而新聞言論。一致不欲苟同。恍若稍涉游移。

(一)張作霖電內、有英主創業、不拘小節、各省將弁、隨大總統捍衛國家、勦除亂黨、皆欲攀龍附鳳等語、

卽蒙大辱。他如名流著論。政客釋言。恥爲君子。如逃垢穢。可知清議已成。公同已定。社會之純正心理。於焉彰明。斷非溝猶耆儒口耳四寸之學。所能變亂黑白。況夫所有正面文字。愈出而愈奇。愈趨而愈下。支離詭譎。不可究窮。希合苟容。無所不至。條而辯之。等諸以狐父之戈。下剛牛矢。愚雖無似。猶病未能。由是吾人所當鄭重商榷者。惟在頁面文字。何如周密詳盡。始得導國人以正矣。蓋以此種文字。純持消極反對之調。精神全注於國體不可變更一點。偏師四出。本營轉虛。則或瞻顧不周。因予攻者以口實。而讀者走入歧途。不知所向。滋足懼也。愚爲此篇。卽欲就其口實之所由生。詳爲論列。非敢謂智慮能及乎諸賢所未及也。特以言非一端。夫各有當。諸賢之論。自有其獨到處。而愚之斯作。或亦得附諸愚者千慮之義者乎。(一)

汪君鳳瀛七不可一書。剴切詳明。釐然而有當。眞所謂社會純正心理之寫眞也。願其發端一段。有足招人誤解者。請得述之。

(二) 作此段時。所欲論列。不止開明專制一事。以篇幅過大。暫就一事論之。而仍此冒頭之調。樂任公之國體論。有一二點當辨者。則別爲一短篇。

不倭自辛亥以來。每與知交竊議。以爲治今日之中國。非開明專制不可。共和政體。斷非所宜。自上年改訂新約法。採用總統制。已將無限主權。盡奉諸大總統。凡舊約法所以掣大總統之肘。使行政不得敏活之條款。悉數剷除。不復稍留抵制之餘地。是中國今日共和二字。僅存國體上之虛名詞。實際固已極端用開明專制之例矣。……茲貴會討論之結果。將仍採用新約法之開明專制乎。則今大總統已厲行之。天下並無非難。何必君主。

汪君之言。雖甚明白。至其真意。果主開明專制與否。愚以爲不當僅於此書求之。蓋汪君此書。乃極言國體之不可易。自國體不易以上。其有可以讓步之點。充類至盡以與之。以謂公等之所欲得者。不過如此而已耳。而今之事實。固已如此如此。何必之他言外之意。不難體認。而反對者抵牾而進。卽於此振振有詞。其言曰。

汪君所持以爲立論之具。實未嘗深究夫世界各國所以立國之大經大法。而得其創制垂統之精神。故其所云云。皆爲一時之對象而發。初與國家之根本大計無關。……大凡一國之人民。……若經一度開發之後。靈機大啓。自然日進於文明。……若如汪君所論。假共和之名。而行專制之實。姑毋論今之政府。曾否於汪君所謂開明專制之精意。完全做倒。卽令盡如汪君所期。此又豈維持永久不敝之道。(一)

意謂開明專制。不如君主立憲。此誠彼輩自鳴得意之語。而亦自欺欺人最甚者也。蓋民主之時。不能立憲。何以改爲君主。卽乃能之。有識之倫。無從理解。若曰繼承之法不立。憲政將無自生。則必假定有一人者。執意以些須貓口之鼠之自由。與所謂萬世一系神聖不可侵犯之條相市。是其憲法云者。將負何種罪惡以俱行。黃口小兒。不足以相謾。而乃宣之大衆。著之篇章。表裏唱和。恬不知恥。豈非咄咄怪事也哉。姑不具論。其與開明專制說之關係。

大凡。小人之得志也。乃君子有以成之。邪說之橫流也。亦正說有以啓之。開明專制之論。十年以前。卽與共和論對峙。倡之者之本諸無邪之思。至誠之意。至今無人疑之。惟其流毒所之。則實釀成前清僞立憲與民國僞共和兩大惡劇。鐵案如山。毫不可撼。無賢無不肖。大都見之甚瑩。主是說者。至是恍然自悟。情見乎詞。而已無及矣。今之爲君主論者。其用心路人所知。苟其有一時可假之說。供其擗播。必且窮量用之。無所擇焉。而獨不主開明專制。不僅不主之也。而且非之。以爲是乃『一時之對象。初與國家之根本大計無關。』欲求『維持永久不敝之道。』惟有完全立憲云云。可見開明專制。

論根據之薄弱。已爲奸人稗販。政談者所不取。夫立憲之說。使非出於許芝李伏之倫。藉謀禪代。卽起盧孟而問之。亦將莫易其言。今若此。則其爲說詭譎不倫。語彌亂眞。而肺肝彌見較之夙昔。持開明專制論者之拘墟質直。反比適同。夫言爲心聲。不誠何物。今雖當開明專制論退聽之時。(二)而謂人將取一作奸犯科之君主立憲論代之。自非杞人。不生是憂。然愚之不能已於言。以賢明如汪君之流。而猶受開明專制論不斷之彈力。放逐邪說。不期而假。是以爲武器。一面使缺於自信力者。迷離惘恍。因於專制之毒螫。目擊身受。而仍懈於防。一面使無忌憚之小人。敢於依附正人。舞弄文墨。以殺亂庸忌之耳目。此終不得不認爲君子不智之過。而宜有正名定界之文者矣。

開明專制之無是物。愚執筆斯誌以來。屢有所陳。想讀者猶能記憶。其所以然。則凡事號曰清明首嚴法律。而專制之爲物。性與仇法。爲緣。其頒行於國內者。匪不今日一條明日一令。而卽其條令本身言之。已前後自相衝突。狐狸埋狐。搯一國莫知所爲。而又

(一)所謂退聽、乃指政治運動失敗之一派讀書明理者言之、至他方面此種思想、方且潛滋暗長、後幅頗論及之、

己身與其奔走疏附之人且遠立於此衝突埋擢者之外以前者即意即法而後者則恆從其意而不從其令也黎白曰『專制者無政府也』(一)夫至法律不能用事字之曰無政府宜不爲過論者難之以爲斯言未足苞舉一切也若吾國之專制庶不失爲開明則姑不論他事惟論法律梁任公近著國體論有曰『大抵一制度之頒行之平均不盈半年旋即有反對之新制度起而推翻之使全國民彷徨迷惑莫知適從政府威信掃地盡矣』此通於當代之務者之所言有目者所能共證故其制度之爲何種何種讀者必有甚明之印象無待縷陳尤可怪者所立法度已不守之並責人以不守守之且至得罪(二)此而謂之開明則非其字適與孟子所謂無道揆無法守同一義解又寧有他吾國古賢之善言開明專制者宜莫若商鞅韓非而鞅之治績始於徙木立信非之精義存乎審合刑名愚向言之專制與法律性不兩容鞅非皆爲其所不

(1) Lieber, civil liberty and self-government 忘其頁數、愚嘗論專制有自縊之性、吳語申胥諫夫差曰、『今王播棄遺老而孩童焉比謀、曰余令而不違、夫不違乃聽也、』不違乃違、即專制自縊之理、

(二) 近大理院推事朱學曾以株守法例得罪、

可得爲故一敗而不可收拾。然茲固事實有所不能理論。尙無矛盾之弊。今者日從事於毀壞法度。而猶揭櫟開明專制以爲號。斯誠名實兩無所可之談也已。

愚爲此言。亦將如汪君之書。授籌安者以口實曰。惟專制之不可。乃當立憲。故楊氏之言曰。

……誠實爲立憲最要之義。誠實之法。亦甚簡單。卽如議決法律。議決預算。乃國會必有之權。既令其議決矣。若又行政自行政。法律自法律。財政自財政。預算自預算。彼此不顧。兩不相關。此萬萬不可者也。……若曰。各國本有實行法律預算之道。中國本無實行法律預算之道。則萬萬無此情理。各國立憲之初。亦不知經幾何波折。而後終竟實行。故能行與否。視有誠心實力貫之否耳。法律預算其一端也。此外各事。大抵類此。總求議會所決。政府所頒。一字卽有一字之效力。乃爲憲政實行。

斯說也。甚似而幾矣。然此種誠實之憲政。初與創立君主無關。今楊氏必聯而爲之詞。詞愈辯而狀愈醜。往習法蘭西文。憶課本中有一寓言。則黑疫流行山谷間。獸死者日衆。羣獸大恐。開會集議。謀所以救之。因各主懺悔。相戒不肉食。狐主張尤力。謂惟誠乃格。天負罪深者宜自尅責。以免犧牲。獅據王者之座。從容言曰。惟吾實盡全羊之羣。且

牧者在旁。亦遭吞噬。似吾罪最不可逭。狐曰。不然。王非餘衆可比。王盡羣羊。實與羊以無盡之光榮。區區牧者。又何足算。以臣所知。時勢之前無法律。時勢所宜。王者之行動。即得其正。(一)獸大。謹呼羣贊。狐議。今楊氏言誠實立憲。不識比於狐之誠。乃格天之說。爲何如。惟立君矣。梁君曾言之。『論者挾何券約。敢保證國體一變之後。而憲政即可實行而無障。如其不然。則仍是單純之君主論。非君主立憲論也。既非君主立憲。則其爲君主專制。自不待言。』斯言而確。更證愚言專制與法律不相習。則時勢之前。無法律之狐說。一日。楊氏又將指天畫地。無愧無怍。痛陳於我邦人諸友之前。察往知來。不得謂爲不必至之事。嗚乎。人有不爲也。而後可以有爲。至無所不爲。則無論何時。皆無所不爲矣。其中豈有廉恥之足言。信義之可守哉。

上文所述。乃明愚駁開明專制。不許楊氏之僞立憲說。屢乎其中。此固由於楊氏之徒。特假其說以爲禽犢。初無取而實行之意。即假定有意實行。楊氏而外。更有若干人。同心戮力。以期其成。而事勢所之。亦必無效。何也。帝政之性。則然也。蓋此種帝政。與沿於

(1) La necessite n'a pas de loi: elle justifie l'action du monarque.

歷史本乎神權者不同。後者可言立憲而前者則否。黎白曰：『英主亞弗勒以自治賁之人民不假干涉。且一見自治爲必要。卽知敬而禮之。若在拿破崙第一。則任彼統治時期。其久何許。求與亞弗勒同其治績。萬不可能。蓋入壑益深而心希造極。未有能至者也。』(一)其所以然。則請貫穿黎氏前後所言以明之。當政府勢力之未完成也。國內必有與之相劑相質之組織。非先以計破滅。使無復存。將不能爲其所欲爲。而此種破滅之計。恆以譎而不以正。又爲野心者之通性。『往者俄奧普之欲甘心於波蘭也。先以種種之祕謀。間其人民。焚其政事。繼以種種不平難忍之手段。激波人使怒。內而黨派之舐觸益亟。外而與國之齟齬益深。是三國者。因從而宣言曰。波蘭不足以爲國也。置爲吾鄰。吾不堪其擾。乃相約分其地。而波蘭遂亡。夫波政誠有缺也。然非三國之陰謀登於絕頂。節節挑之。使無隙自安。亦未必爾。』(二)波事然矣。一國以內豪強竊政。

(一) 同書三七五頁、

(二) 同上、黎氏之述波事。以爲強聚竊政之比。愚之釋此。意更有在。蓋吾之政府。既步武三國。推倒共和而不知肩乎吾後。正有真三國在。政府之所爲。又其所拍手於旁者也。前次中日交涉。日人之所以窘辱吾者。無所不至。當時輿論。以袁總統爲居於癸丑革命黨之地位。想讀者猶能憶之。吾國既著著扼於強國手腕之下。方求所以自脫之不暇。而乃無事自擾。刻意學爲黃雀。以求人之彈我。誠不知是何居心。愚甚望讀者推想及此。勿復忘之。

事亦同之。彼其政府最先必窮智盡計。敗壞社會之道。德醉發國人之感情。使之自相鬭爭。瀕於內亂。然後乘機抵隙。正名定罪。陰謀既遂。暴力隨之。於是推翻政制。爲有詞矣。』

(一) 自是以後。其所欲爲。著著可以推想。凡源不正者。其流不清。帝政由是而立。而望其從容入乎憲政之軌。其事誠與逆行求前無異。魯意拿破侖在十二月二日政變之後。所發第一令。開宗明義即曰『以國民名義』。此之所謂國民。有何意味。其令曰。吾之所欲知者。國民是否願以絕對之政權。託吾十年耳。如不願也。吾即安然興辭。國中亦必無兵爭之禍。語雖質直。無奈理勢不能相容。當此種問題提出之時。『其候補者。大抵已爲三軍之帥。居政府之顛。名字滿乎寰區。肖像遍乎寺署。甚且披袍御殿。實已同乎至尊。上表稱臣。名已見乎公牒。』(二) 試問出占開闢。所選不爲是人。而是人者。其將行所無事。拱手以讓於他人否乎。如或讓之。替人其誰……如此明白無翳之

(一) 彼其政府以下數語原文如下。 governments or leaders first do every thing to corrupt the people or plunge into civil wars and then, taking advantage of their own wrong, use the corruption and blood-shed as a proof of necessity to usurp the government.

(二) 袁世凱生辰慶之前。結綵慶賀。多以松枝織成萬壽無疆四字。北京之新聞。亦多題大總統萬壽字樣。孫毓筠懸總統肖像。題曰中華帝國大皇帝。至楊度之稱臣。又成掌故矣。

事人且慮有識者或爲所朦。斯誠非常可怪。」(一)『大抵如斯大舉實力已周其所假託之詞無間於稱帝之前後無意識之度相等自由者事實也一日起有功川流不息之實在物也自非然者不得被以是名。』(二)由斯以談自由不存於作帝之先當然不存於作帝之後『彼之維持和平厲行警政甚且偵緝防密革命不生以勢推之容亦可望至若自由之根萌人民未來幸福之所託命者則摧殘淨盡皎然無疑。』(三)『試觀羅馬諸凱撒之政縱有事蹟可以甄稱而持與彼貪權縱慾驕吝酷刻諸不可名言之惡德相衡則其政績立爲無物尤可痛者毀書道德迄無底止凡流風餘韻之有一毫足貴爲良時之所醞釀苦賢之所沾溉者悉投此中一瀉而盡。』(四)如此而

(一) 同書三八五及三八六頁。報載明年正月，吾國將開國民會議，決定國體問題，大總統將資以完全投票之自由，不加干涉。九月六日，楊士琦赴代行立法院陳述總統意見，有曰：『大總統之地位，本爲國民所公舉，自應仍聽之國民，且代行立法院爲獨立機關，向不受外界之牽掣，本大總統固不當向國民有所主張，亦不當向立法院機關有所表示。』此誠吾國共和之保障也。

(二) 同書三七九頁。Where liberty is not a fact and a daily recurring reality, it is not liberty.

(三) 同書三七五頁。

(四) 同書三七六頁。Count the good rulers and weigh them against the unutterable wickedness, resulting from the worst of all combinations of lust of power, voluptuousness, avarice and cruelty—and forming a stream of increasing demoralisation, which gradually swept down in its course everything noble that had remained of better times.

言。自由。言憲政。豈非夢囈之尤。

黎白之著此書。正當拿破侖第三踐阼之後。故其興哀於歐洲之自由。不覺言之沉痛切至如此。愚文幅窄。恨難盡錄。然卽此觀之。可見民主帝政後之立憲爲滑稽矣。事前而張皇其詞。非策士之姦言。卽妄人之目論。默計帝政既立。此等掩耳盜鈴之立憲論。卽當棄若筌蹄。而其跋扈於朝野上下之間。將仍爲開明專制之說。彼今之販賣憲政者。初不難詭其詞曰。吾言憲法。首重國情。吾國人民。難張十分自由之幟。故吾國立憲。仍以開明專制之憲法爲宜耳。夫曰立憲。曰開明專制。曰開明專制之立憲。或更百易其辭。曰某曰某。在政治本身言之。唯是朝三暮四之不同耳。於實際無與也。若在論政之家。從公之士。則名稱一變。而主奴出入之見。或卽由是而生。故不可不亟辨也。

愚今以一極平淺之問題。叩之讀者曰。諸君亦知法蘭西革命大亂八九十年。其眞因果胡在乎。以愚觀之。誤法蘭西者無他。開明專制之一念而已。自千八百七十一年。法人捐除此念。其國始平和發展。以迄今日。此非愚一人之私言。證以史蹟。博考歐美人之政論。固不誣也。特愚言開明專制人且疑之。以爲馬拉段敦羅伯士比之流。凶悍無

倫。寧足語於開明專制。卽在兩拿破崙。專制誠有之。其得號爲開明與否。尙有可疑。惟愚曩言之。開明專制。本無足物讀者。縱不必同意及此。而開明與否。乃是旁觀評論之詞。至在專制者之主觀。則固無不以己之所爲爲開明者也。縱最初之手段。不免黑暗。而亦自叩自答曰。吾徐徐焉。必能爲開明也。故曰一念誤之。

嘗論共和之與專制爲緣。有出於惡德者。有不然者。孟德斯鳩嘗闡明其惡德之一面。愚請撮其義曰。共和既立。平等斯興。人人各利其自由。以攫其所得攫之利。用力多者。所得恆多。用力既多。斯鄰專制。而國內無數之小專制者成矣。無數之小專制者。既成。卽一大專制者。囊括苞舉之兆。『故共和有兩端之可憂。一曰不平等。一曰極平等。不平等之弊。流於貴族與君主。極平等之弊。流於絕對之專制。殺敵鋤異。惟己獨尊。』孟氏之言。信爲炯鑒。若推而及於他點。卽著爲數十百戒。寧嫌其多。然此不足以

(1) La démocratie a donc deux exécutifs... l'esprit d'égalité extrême, qui la conduit au despotisme d'un seul comme le despotisme d'un seul finit par la conquête. 參觀嚴譯法意第八卷第二章第七段。惟應譯意不明顯。且最後一句譯作『其所以然者。國力散而民賊滋。故易爲寇敵之所乘也。』實是未了原意。

盡藉詞專制者之純正心理也。蓋彼輩之走入極端。不必盡由於先天之惡意。固有之成見。特以事勢之來。遂不得不然。由此勘入。以明其方策之未正。乃本篇之職志也。故不從孟氏之論法。而以專制者之純正心理爲準。

共和之下。發生專制。其第一受病處。則在不解調和立國之方。天下事未有祇存兩端。而無所謂中者。孟氏曰。共和之弊。一在不平等。一在極平等。曰不曰極。明明有中。得其中道。共和斯茂。獨奈何不於此加之意乎。當法蘭西第一革命之起。解調和者有兩傑焉。一曰米拉波。一曰拉飛咽。愚讀美人近著。有論拉飛咽者曰。『凡政治號有建設。非以合理之調和爲鵠。基乃不真。此種教訓。逾一世紀。法蘭西人始有知之。彼在當時。已能深通其意。』（一）無奈米拉波、拉飛咽以及及倫的黨諸君子之溫和寬恕。不敵馬拉段、敦羅伯士比之徒之悍鷙險狠。故調和失敗。然馬拉等之爲此。亦未必卽其初衷。南海康氏著法蘭西游記。罵『諸屠伯悍賊之酷毒。』可謂至矣。而亦曰。『非羅伯士比之性特慘酷。乃事勢曲折。導之使然。』可見此種『事勢』之成。不得專以蔽罪羅伯

士比苟有此種事勢以上。則爲羅伯士比者。容有詞曰。吾非取何等手段。不足以解大紛。決大計也。持論至此。則敢斷言。有此思。惟卽爲大謬。蓋以力代力。所得仍力。前力無濟。後力何爲。且以力傾人。人亦傾己。傾傾不已。終歸調和。法蘭西之梟雄。數馬拉段敦。羅伯士比兩拿破侖共五人。成敗未同。而心迹則一。是何也。全國惟我擁。有無對之權。國乃得治也。拿破侖第一被囚於聖厄理那島。嘗告人曰。『法人愛平等。不甚愛自由。故吾賚以平等。若吾不敗。吾子繼位。將更賚以自由。』此其所爲平等自由之分。理由何在。茲姑不論。然果以何故不常及身。未敗與民更始。而必待其子爲之。論者稱拿破侖第三治法十八年。前期固極專橫。後期亦重民治。確否亦不贅。惟旣知民治之足重。胡乃不於四十八年之頃。而卽行之。考法事者。每於羅伯士比拿破侖之間。有所左右。然若羅伯士比在位日久。其所爲保障民權。未必有遜於拿破翁。且彼首唱共和。其不至帝制自爲。又屬不難推想之事。要之法國大亂八九十年。其間不外有數人焉。以一己之權力。視爲絕對不容異己。不受調和以致干戈相尋。禍敗相續。至於千八百七十一年大反。前一紀之所爲。而國基始得大定。斷可識也。夫苟專制之不可終。而又病民病。

國迄乎數十年之久也。則專制心理之不可有而後來一切論治者之所當奉爲箴銘又可識也。

此外有亟當注意者。大凡專制之成。專制者之心理。固爲其主因。而非同時有普通心理與之共趨一方。表裏和應。雖有梟傑。亦將不能有爲。法蘭西之大亂。人恆歸獄於所謂梟傑者數人。不知嗜欲將至有開必先。當時偏激之思潮。實有以導之。至是此種思潮亦分兩派。一暴民尸之一。非暴民尸之法蘭西之革命。乃挾一『民王』(一)之義以行。民王者惟民爲王。主權在民之意也。此其義初不爲惡。而用之者。乃昧於全稱偏及之分。而大禍作矣。(二)黎白曰。『法蘭西自傾覆。包本王家以來。每次革命之所得。惟餘專制。且每進益上。愈後起者專制乃愈酷焉。此卽其理由之一也。』(三)此一派也。其他一派。則出於純正溫良之士。實心愛國之徒。目擊暴者之橫行。無法自救。平等自由。亦爲所欲。而生命財產。到處堪虞。社會之秩序不安。卽居至美之名。講至高之學。亦

(1) peuple-roi

(二) 國民之集合體。始有主權。此全稱之義。人民之一部分。亦固有之。此偏及之義。

(三) 見自由與自治。忘其數頁、下同。

何益世用。故自由與安全二者不可得兼。亦惟有舍前而取後而已。此又一派也。甲派無論矣。而專制之乘乙派思潮而起者。在政治學中。最有深求潛玩之值。蓋此種思潮。類爲一時之感情。所驅。逾時未幾。未有不自鏡其失當而追悔莫及者。蓋社會心理。所需專制之量。與其運用專制之方。一入專制者之手。遂乃漫無底止。窮極乖謬。突過於人之所期者。不知其倍蓰千萬。儼馳不已。反動以生。本以求安。轉而激變。往往然也。法蘭西政家德摩理。助魯意拿破侖。傾覆共和。最力。因而掌其內閣者也。其後魯意所爲。乖謬無已。王族疴爾良家之法。定財產。魯意無端而沒收之。德摩理爭之不得。相傳彼爲良心所譴。不能對此不法卑劣之行爲。質然畫諾。遂乃辭職。此妄附專制者之苦痛。可以窺見一斑矣。善夫黎白之言曰。『痛哉人之好持兩極之見也。傷於火者。未聞必往入水。始足爲治。何懲民政之弊。乃至思與專制爲鄰。在東端。覓物不得。則狂奔西端。中途冉冉。曾不留止。甚矣其惑也。』社會不知慎用其感情。以致權奸假手。以興轉扼。社會之吭。使其窒息。盡氣以死。有如此者。可不懼哉。

反觀吾國情勢。愈見。嘗論吾國調和立國之最好機會。莫逾於南北統一之時。蓋共和

之成。乃新舊兩派人。僇力併命而爲。斯賓塞之名言曰。『蛻嬗之羣。無往而非得半者也。』於是舊者。不得太舊。新者。不得太新。以沿以革。以質以劑。而高華美滿之國。制可望。其成此理想也。而事實適與相反。欲求其故。可得而言。今之追論元二年之政治者。不能忘情於所謂暴民專制。實則何者。謂暴如何爲專。求其實例。亦難確切。號稱首領之孫黃。已宣言不入政界。陸軍財政。舉非黨人所能問津。北方增兵未已。南方原有軍隊。以次裁併殆盡。議會雖居多數。而在積威之下。居財賄之中。街頭走卒。振臂偶呼。兩院皇然。連聲諾。領其黨者。欲稍稍試爲巡回之演說。發膈未已。而盜賊卽發力以衝其胸。此而謂暴。名其誰尸。癸丑之役。黨人以此不爲國人所宥。而平情論事。豈其處心積慮。必出於是耶。抑實逼處此。急不暇擇耶。前舉黎白之言。所謂『政府……窮智盡計……使之自相鬭爭。瀕於內亂。然後乘機抵隙。正名定罪。陰謀旣遂。暴力隨之。』未必證之吾國。乃無幾微之似。丁君佛言曰。政府於此。宜有慚德。愚曾評之曰。『慚德二字。界說苦於難立。而謂其不諳政治通義。彼必無詞。哈蒲浩曰。『人競言政府當準時勢以立策。予則謂政府不當自陷於一時勢。因而見逼。以致行事不見容於較良之主。

義也。』此類名言。可書萬遍。』（二）且自陷之云。復生大別。有遷流所屆。不獲已而陷焉者。有利其可陷。以種種不法之手段。特造時勢。以居焉者。由後之說。用心尤不可知。用此而談民國調和之失敗。民黨僅居被動之咎。司其樞者。厥惟政府。雖有百喙恐莫辯矣。

革命黨既敗。踴奔竄。而狹義之調和主義。仍未始不可行於國中。昨年五月。本誌初出。愚著政本一篇。卽爲之言曰。『國家者。非革命黨之國家也。革命黨可去。國家終不可去。雖曰國中一部分之聰明才智。勢將隨革命黨以去。但若其餘者。共矢其天良。同排其客氣。如上云云。而進行焉。國事亦奚不足爲理。』愚既著此說。旋復斷其無望。蓋以天演相排之理。推之。公仇既去。私鬪必興。展轉擠排。最後之操勝利者。乃在『竊用威福。頑鈍無恥。黷貨亂政。醇乎醇乎。數輩』也。今距爲之文時。又已年餘。其間黨人宣言。『先國家而後政治。先政治而後黨派。』意謂政治若良。黨人卽客死異邦。亦無所悔。國人外革命黨而獨立興國之時會。不可謂不安。究之國中政象之足與愚前文相發。

明者何如此。誠世人所親見。其中關節。不待指明。是吾國狹義調和之機。又如雲煙過眼。渺不可尋矣。

語云。物極必反。政理既絕。反動斯興。今之羣衆心理。果爲何種乎。愚前引南海康君論法蘭西山岳黨之語曰。『非羅伯士比之性特慘酷。乃事勢曲折導之使然。』斯言破的。宜無以易。故吾國當共和初成之日。革命黨人委曲遷就舊派之心跡。到處見之。今之抱持此意而無改者。固不乏人。而在激急過當之徒。則前此所爲。皆其追悔鑒戒之一紀念。暴民云者。前受之而迂。以爲惡證。今取以自號。謂爲佳名。其言曰。『使革命黨盡爲暴民。民國何至有今日。』（一）此類思想。吾人以和平人道爲幟。卽家置一口。日作萬言。明著其不可。而『事勢』所至。恐難挽回。今後所之。必且更甚。辛亥之役。吾家太炎聞陶煥卿之死。貽書張季直曰。『曩者武昌倡義。未盈百日。南紀已清。謂法蘭西山岳黨之禍。必不見於今日。然未敢斷言也。款款之愚。每以老子常善救人爲念。……何圖先事建義之人。尙蒙憎禍。彈丸剡注。布在市閭。所謂民多利器。國家滋昏者。其禍殆

非數年不解。』山岳黨之禍。彼時未敢斷言其不必見者。其度釀之數載。日進炎炎。今則敢斷言其必見矣。此在革命黨一方言之也。若非革命黨乎。其理想又復與前日大殊。北京某君來言於東京曰。『嘻。暴民胡乃不暴。』其意若曰。今之政局。勢如亂絲。非得暴者斬之。不可爲理。前此深惡痛恨革命黨者。今又歎息怨望於革命黨之不速興。縱或局於境地。不能發議。而旨趣明白。其飾彌章。吳君柳隅通訊於吾誌曰。『前人詩云。萬木無聲待雨來。今社會之現象。實一萬木無聲之現象。而其心理。則皆待雨來耳。』斯誠君房下筆。言語妙天下。由此推想大事可知。蒲徠士曰。『社會之情。一傷至此。久而久之。勢且成爲中堅。所有憂傷疾苦。環趨併發。羣體不裂。又復幾何。』嗚呼。吾徒試舉目曠觀。丁此時。會果有何道。使如蒲氏之談言。幸而不中也哉。

若是者何也。曰。其初有誰某焉。抱定大權。獨攬主義。一國之內。何事皆可犧牲。惟吾權不可讓。又有多數人焉。羣然謳歌斯人。以爲唯此足以已一時之亂。有以致然也。是之謂專制。愚固曩言。凡專制者。無不自以爲開明者也。而謳歌專制者。又無不想望其開明者也。故推原其朔。可曰。開明專制主義。誤之開明專制之誤國也如是。而今之賢士

大夫如汪君鳳瀛之流。猶頌言此物。以爲今日而治中國。外此莫可。淮南有言。『存國樂其所以存。亡國樂其所以亡。』吾聞存國之業。非賢莫舉。今果亡國之事。亦須賢者。僂力同德。以爲之也耶。

或者聞愚言而病之。以爲愚非開明專制。是將以至德要道。奉之民欲與偕亡之惡政府也。不智之事。莫或逾此。愚曰。惡是何言也。聞之王孫雒曰。『危事不可以爲安。死事不可以爲生。則無爲貴智矣。』政府果得吾說而存之。步步實踐以行焉。本可著其生死肉骨之效。且吾曹非國民之一部乎。得政府如此。翻然而改圖。徙義而修慝。有何不願。必曰不願。亦非人情。反而觀之。政府果自有其絕對之主張。吾人卽日日流涕長太息。爲之言之。亦必蒙耳而不聽。或不爲絕對。而稍稍遷就。時勢行其權謀。僞善陽爲改革。以欺天下矣。則亦未足以善其敗而轉以速其亡。前清之僞立憲。其明徵也。蓋惡政府者。固遲速必以惡敗。一旦自覺爲惡。而欲以補苴之術救之。敗乃愈急。蓋若而政府。旣倚惡以爲性命。惡根一搖。卽去顛覆決未遠也。 (一) 此如食鶯粟。然久食固死。不食

(二) 辛亥陽夏之師初起。愚在倫敦。見泰晤士報論之。追溯滿洲之僞立憲。卽詳著斯義。並引錄儒涂格維爾之言以實之。

亦死。或者懼愚說毗於教探而升木則誠慮其所不必慮者也。且開明專制之毒中之者亦不獨政府。前言政府之有今日乃多數崇信斯說者相與慫慂成之。今其人自晤陷人術中者固多。未晤者亦不爲少。其在他一面。前之服膺共和者亦爲反動之力所逼。繆以爲前此所信徒以優容而養奸。今後得所借手。非以大刀闊斧橫厲無前。不足摧陷羣邪。杜絕後禍。時局如斯。今日不保明日。勝廣頓足。大難立成。已見山岳黨之慘禍。懸夫眉睫。今之左右政局者。專制思想重一分。將來食其報者亦重一分。急激者專制思想重一分。將來以施於人而展轉食其報者亦重一分。報復相乘。禍患相繼。太炎先生憂其數年不解者。愚恐法蘭西八十九年之大亂。苟其列國不欲瓜分。任吾自爲蝸角之戰。必且無可幸免。我生不辰。逢天瘴怒。愚亦何必故作不祥之言。惟灼見爲危。不敢不告。怪哉。今之帝政運動方興未艾。而一部有力之說足買庸衆之歡心。而號爲識時當可者。又有若汪君鳳瀛之所云云。故總統世襲。民國立君諸謬論。爲其最新之方案。以愚觀之。此較之逕立君政。變換國號尤爲左道惑衆。至哉穆勒之言曰。『人言開明專制乎。余則寧取黑暗專制。蓋黑暗專制壓力橫施。由壓生抵。必且暴抗。而人民

出。見。天。日。之。期。或。猶。未。遠。若。開。明。專。制。本。其。可。居。之。名。以。行。無。道。之。實。陰。謀。柔。道。表。裏。兼。施。民。間。之。骨。力。全。廢。志。節。掃。地。肢。體。不。動。漸。成。疲。癱。自。是。以。後。更。立。自。由。之。政。非。所。堪。矣。』（二）夫穆勒所謂開明專制。以吾現制及所能想像者律之。已當望之若在天。上。提。以。並。論。本。非。其。倫。惟。其。所。著。之。凶。德。惡。報。有。以。絕。開。明。專。制。之。本。根。而。芟。夷。蘊。崇。之。是。知。所。謂。開。明。者。且。然。名。開。明。而。實。黑。暗。者。更。不。必。論。是。誠。宜。以。顧。亭。林。亡。天。下。之。旨。釋。之。而。凡。願。負。興。亡。之。責。者。所。不。厭。百。回。讀。者。矣。

自覺 三年八月

人類者政治之動物也。今之人儘曰。吾不談政治。政治無與於我。而其所行。要不越政治範圍。政治之良否。要與其所行有直接若間接之影響。是其避政治而不言者。非嘗試而失敗。流於偏激。則惡社會之汚濁。自矜高尚。否則知其無力。莫由自進。故爲飾詞。以自處耳。要其心理所歸。莫不以當今政象有所未安。其本心以爲當然。與實境之所逼。而至此者。決不相合。此則無論何人。諒未有否認斯言者也。究其實所謂未安者何。

（一）見代議政體論。屬稿倉卒。未核原書。詞句或帶出入。而意決無訛也。

在。所謂不合者何在。則又人人心目中確有此一境。至欲其按諸邏輯而表見之。立爲系統而指陳之。幾人人病於未能。非真未能也。感情之所傷。客氣之所中。俗論之所囿。見象之所局。據理斷事之勇氣。不生。憑虛證實之機會。絕罕。遂令所有思潮。失其條理。迷離恟恍。不可究窮。久而久之。社會中遂發生一種麻木不仁之象也。

愚論發端。乃欲爲安與合者求一究竟。此而不得。爲說萬千。皆爲廢料。此誠論政之大鍵也。讀者於此。請任執一人而問之。由何而安。由何而合。必且答曰。吾人所重者國家也。政事足以保持國家。則爲安。吾人日夜所希望。國家之和平而興盛也。政事而入於此途。則爲合。雖或其語未必逕直明爽若此。而窮其所之。罔不類是。是固可謂人心之所同矣。然國家果何由而保持也。又何由和平而興盛也。則其答案有可共見者曰。欲全國家。首當犧牲個人利益。欲措國家於上理。國民之義務。首當公爾忘私。此其說誠是矣。又爲吾人所習聞者矣。然若充此說而無所於限。所謂安者。果在是乎。所謂合者。果在是乎。卽其言而印以其心。愚又未見其必然也。以例證之。夫近世最足以亡人國者。莫外債若也。前清之季。吾國已困於此。無能自拔。有志者倡爲籌還國債會。擬募捐

以償之。此有當於犧牲之說者也。而應之者卒寡。深識之士竊議其無當。此何爲耶。民國既成。吾國之困於外債。無能自拔。更甚於昔。南京留守府倡爲國民捐以應政費。通電中有最沉痛之言曰。『將來殉債而致亡。毋寧此時毀家而紓難。況家未至毀。而可以救國不亡。亦何憾而不爲。』此有當於公爾忘私之說者也。而應之者卒寡。深識之士亦竊議其無當。此又何爲耶。苟誠無背於犧牲與夫公爾忘私之義。而應之者少。同時復宣揚其義以爲當守百喙而一致舉國而同聲。二者之是非曲直。茲且不論。而叩其心理。則必有其一。非爲本意之所存。昭昭然矣。是果犧牲說爲本意耶。抑非犧牲說耶。果公爾忘私說爲本意耶。抑非公爾忘私說耶。謂本意屬之前者。已證之於事實。而有未然。謂屬之後者。又拘於大義。而甚不可。於是倫理心理之間。有至難解決之問題。以爲之梗。國之廢興存亡。亙數千年中間。命世之英。無慮數百。知言之聖。亦且迭興。類皆略心理潛滋之勢。而崇倫理矜持之義。舉世習焉。而不敢以爲非。既不敢以爲非。而又無法以通其欲。公私不得其平。弛張一無所當。而國家根本問題。坐是無由了處。而真正之和平幸福。舉冥冥墮壞於名分經制詩書禮義之中。且民欲不以正通。必以變。

通。不。以。緩。通。必。以。急。通。而。吾。有。史。以。來。之。改。姓。易。朔。狐。火。篝。鳴。皆。可。由。此。點。窺。其。真。蘊。嘻。此。豈。細。事。也。哉。

愚嘗略求其故矣。吾人國家與君主之觀念。全然未明。以爲君者卽國之所寄也。報國之事。同於報君。爲君致身。無異以身許國。荀卿爲儒作詒。有曰。『儒者法先王。隆禮義。謹乎臣子。而致貴其上者也。』（一）夫曰致貴其上。則將自損其所有。或爲物質。或爲精神。悉以加於君焉。殆無疑義。儒家既以此垂爲大訓。歷世之獨夫民賊。復崇其說以取便於己。以是舉世之聰明才力。悉爲所禁制。而不敢一爲非常之思。荀卿所以歸美『大儒之效。』復敢稱引周公。大言欺世。謂其『兼制天下。立七十一國。姬姓獨居五十三人焉。周之子孫。苟不狂惑者。莫不爲天下之顯諸侯。而天下不稱偏焉。』古今人情。大抵不甚相遠。吾人試一平心思之。當時成周之人。果誠以周公宰割天下。一憑己私。而絕不一議其偏耶。抑有議其偏者。而格於儒術。不敢昌言。或則昌言之。且抗拒之。而屈於威力。旋見殲滅爲史家所不載耶。苟人類不無通感。愚知偏議不生。決無當於

事實也。本篇之職。本無事徵取古訓。而涉筆至此。乃在說明吾人立國本義。乃在損下而益上。其所以爲損益者。初出於力。漸納於儒。觀夫韓子作爲原道。至謂民不出粟米麻絲作器皿通貨財以事其上。則誅詞旨繆戾。不足以欺童子。而千年以還。名儒輩出。舉稱其薪傳所接。上及禹湯。世論之蠱。可以想見。惟君國同體之義。至最近十載。已有變更。由是損下益上之文。轉爲損私益公之訓。而尋其言之脈絡。仍未免爲儒術所拘。以致行私者。每得託爲公名。以相號召。抹殺民意。以行己姦毀棄民益。以崇己利。動假微言大義。以行事過帝王專制之實法律。上無可抗輿論。亦毫無能爲。如此而謂之國家。尙復成何意味。愚誠不肖。又安得不略貢所知。以哀告吾國人矣。

愚之取證。固不必訴之於極端之例也。凡圖建設國家。不究民心。至於徹底。而因其所各各欲得者。而利導之。使共同守此公約。而決無背畔。徒資假定。前有之說。緣飾誇張。以相鉗束。馴致民情不得。民志莫通。雖當局者之精白賢勞。有百倍於今日。而愚主義所在。亦當掎之。特今日政局所顯之象。迥非尋常。第三次革命之聲。洋洋盈耳。主之者唯謀以暴力易之。他非所計。駁之者亦徒謂無方法無目的之革命。萬無可贊成理。至

國家問題。究以何法而得解決。愚殊未之前聞。夫革命而無至高之鵠。釐然有愜於人心者。懸以爲招。則其事即成。亦等於政權之易位於國家前途。初未嘗有希望。則豈直三次革命無當而已。即充而至於十次百次。亦猶是也。反之排革命者。自以爲其說之穩健而可行。有逾於黨人。然可行者。亦未必即行之而當者也。丁君佛言。頗以代表斯派自任。其言曰。『吾人內察國情。外觀大勢。知非法之改革。徒以殘害人民。耗傷國力。仍不足收效於異日。但使不放棄國民之責任。堅定目的。踏實腳根。不爲利誘。不爲威屈。即有條件之平和改革。亦足以得國民之同情。而驅政府於憲政軌道之內。』(一)此其說頗近理矣。惟愚不解所謂責任作何義解。所謂目的。屬何範圍。所謂和平改革。其道何由。所謂國民同情。其緣安在。尤不可解者。所謂驅政府於軌道之內。作何驅法。在丁君特未明言。要不得謂其別無方略。妄爲忖度。殊非所宜。且其所以驅政府者。意在消極。抑在積極。果政府不服其驅。勢將委之他去。抑終出於革命之一途。亦非愚職所問。惟世俗所用政治名義誤解。二三歧解。六七甲曰。國家。乙曰。社會。概念既已不明。

方針安審所出。因之急激者。暴起。穩和者。盲進。無力者。自放。受禍者。自傷。如是而已。而真正之國家。直無從見。豈惟不見。且或永絕。此誠當世之奇阨。而今之君子。所不能不亟思審處者也。

國家者。一種之政治組織也。舉一國之人。悉範圍於此組織之內。則第一條件。乃在一國之人。盡同意於其所以爲組織者。縱難言。盡而亦必有最大多數相安無事。國家始有平和進步之可期。最少數之不同意者。其力亦容足感動多數使之屈服。至於何度。以應其需。已乃遷就。至於何度。以通其惑。此猶不以爲可。則惟有脫其羈轡。自求所之。國籍自由。正爲此設。此立國之本。則腐儒之所駭。而法家之所稱也。其故則人之處於一羣也。所有意見。情感。利益。希望。斷難一致。墨子所謂『遠土異國之民。是非利害之辯。不可一二而明知』。(一)其言近之。惟不可一二而明知。則當以國之文野爲判。在墨子之世。誠如所言。若夫代議之制已興。輿論之道大立。舟車廣通。職業交錯。國中是非利害之所在焉。有遁形誠無遁形矣。則所貴乎國家。亦在網羅此種是非利害使之。

相劇相切相和相讓而共覓一途以安之而已。果吾有所是非不足以盡吾分而有所利焉。強吾不得是其是。吾有所非非不足以盡吾分而強吾不得非其非。吾有所利所害非不足以盡吾分而強吾不得利其利害其害吾又安能忍而與此終古也。由是國家之義至此而終無政府之義自此而始何也。若而國家不成其爲國家亡之可也。若而政府不成其爲政府滅之可也。近世法家莫不言國家之存存乎公道公道者何。凡居一國中者無不各得其相當之分以去也。相當者何。吾盡吾分而有所是吾當守之。吾盡吾分而有所非吾當棄之。吾盡吾分而有所利吾當張之。吾盡吾分而有所害吾當屏之。是也。信如斯也。或則以爲人欲橫流其何能國。故墨子曰：『天下之人異義。是以一人一義十人十義百人百義。其人數茲衆。其所謂義者亦茲衆。是以人是其義而非人之義。故交相非也。內之父子兄弟作怨讐。皆有離散之心。不能相和合。至乎舍餘力不以相勞。隱匿良道不以相教。腐朽餘財不以相分。天下之亂也。至如禽獸然。無君臣上下長幼之節。父子兄弟之禮。是以天下亂焉。』惟是說也。愚滋惑焉。蓋墨子所持乃倫理之常談。非政治之要義。乃家族主義之所重。而國家主義之所輕。父子兄

弟不能相和。餘財積粟。不以濟衆。此社會通病。數當世文化最高之國。其病不僅不免。且又甚著。果墨子之所謂亂止於此而已乎。則生人之理亂殊未易有定評也。字以禽獸。此墨子根本觀念之異。而決無與於近世立國創憲之本經。所謂一人一義。十人十義。百人百義。無論人類通性不甚相差。宇宙事爲歧趨有限。其義之多。將不至如是其衆也。卽衆義紛呈有若此矣。而號爲國家當乎真理。亦決非無游刃有餘之地。使之自生自滅於其中也。

說者曰。吾請得奉子之言矣。惟人人自爲其是非。自爲其利害。以此形爲國家。羣然安之。必也其所以爲是非利害者。不相凌越而後可。而此則事實之不可能者也。果不可能終亦必亂而已矣。子又何說曰。此國家之所以賴有組織也。組織之起原。必也一羣之人。自認其固有之利而謀。所以保之。同時又認保之之法。莫如結爲一體。立爲規約。而共守之。以故國家之職務。一面在鞏固個人之私權。一面在維持社會之秩序。苟能以人權自由之理。與公安國利之道。互相調融。而無罅漏。則其國之文化已達於觀止之境。無可更高。惟欲圖此而人權自由之式。必求其與未有組織以前同出一轍。雖在

豎子有以知其未能苟人之所以異於禽獸在有政治覺念則凡政治事情所求於己而以爲公共和平之代價者決非不能自審其限度而在此限度以內當割之利卽割之當低之求卽低之此憲法之所由來而一國自有憲法以上初不虞其與此義或相背也憲法者何一國權利之規定書也其所規定必其協謀聚議斤斤計較已經相劑相質相和相緩而確爲一羣所能共守者由是人之是非利害如不與於政治之域則聽其人持一說家守一義可也若或與焉憲法以及他種別行諸法立爲定義設有大閑又何相畔相越之足憂也乎

凡有所陳乃在闡明爲國之道不在毀民之所有以集乎公而在致民之所有於相當之位斯而可致國已降興反是而行靡不腐敗故今茲舉國怨嗟民氣抑塞卽而察之亦人人失其所以相當者一語盡之矣政士以失其相當之地位無所行其志言論以失其相當之機關無所盡其說農賈失其相當之機會無所致其利推之財產生命全失其相當之保障予奪唯命生殺唯命萬民耗其生機社會成爲枯臘而當今政蠹猶且假託儒言肆爲顛預非曰國家必爲前提卽曰統一萬不可缺無論溝壑所委日有

幾何閭閻所苦已至何度而名分一日可假卽泰然而以自安至持論之家中流之士率皆困於久假不歸之說震於一時無對之威理想與實際二者皆無能抗實則所以不抗出於自然則亦已耳而叩其本懷則耳目接觸何者爲可傷何者爲極戾舉非漠然無所動於其心以是社會之感情日益損傷非入於銷沉卽流於偏宕正氣不生全力皆廢國本之撥蓋已成於不知不覺之中矣此又豈盡當局之咎耶愚今請正告天下曰民利不張國利胡有民力不堅國力胡生民求民利卽以利國民泮民力卽以衛國凡言毀民而崇國者皆僞國家主義也此種僞義無論倡之者動因何似吾人一例辭而闕之一切拘墟之詞籠罩之說荀子所謂以古持今以一持萬諸謬悠之談其在今日皆當絕其本根使無遺孽號稱國家凡隸其下者對於已有之利益已有之主張苟屬正當溫和利率自有其邏輯之位置應保持而不失若以國家之故而致兩者成爲蓋粉則必非國家本義如是而爲假藉國家以售其姦者之所僞託可以斷言於時吾之本意遵於常經其爲自矜抑爲自克一視事實都可不論苟或外境所接與此相反可一本乎主觀絕不朦於客感而以片言決之曰吾有心之所安國家當安吾所安吾

知理之所合。國家當合。吾所合。如其不然。則其國家已不成。爲適於人類之一組織。或存。或亡。了無關係。必議存之。吾人亦惟求其所以相當者而已矣。至求之之法如何。非本篇所能議求之。而卽得與否。亦無能預爲之說。惟確有應求之道。且一言求之人。或以國家主義。以及他種類。似之語來相問。執吾人可立批其僞絕。不以亂吾心。曲凡關於權利欲望之種種。主張直主。張之無所容。其囁嚅。無所容。其消阻。此則本篇之所三致意。而求國人之深喻其旨者也。誠或喻之。斯爲自覺。

時局痛言

四年五月九日 閩國恥紀念日

兩年以來。吾國方顛倒沉迷於權力萬能之下。政走絕端。人生狂想。以爲國命所託。不外於茲。以之對內。則舉國傾心。以之對外。則強鄰聽命。近凡武夫抗疏策士謝恩。類此之詞。纍纍不絕。神云武云。卽此種心理之所釀成。愚且佞者。固頌爲太平極盛之符。明且狡者。亦以謂十年無事之兆。蓋社會之情。昏惰兩臻。其極矣。

不謂酣歌恆舞之中。忽有所謂中日交涉者。發見日本所提條件。在在與家國存亡有關。北京之畫諾稍遲。江戶之角聲已動。威臨勢逼。莫敢誰何。雖經當局折衝。不遺餘力。

而其結局。則已成爲史中奇辱。非以若干年修養之力。數十萬同胞之血。層層磨洗。不能爲功。此一迅雷。忽轟於前舉昏情社會之上。其感覺爲何如乎。

昔瀏陽譚氏之論湘軍也。有曰。『中興諸公。正孟子所謂服上刑者。乃不以爲罪。反以爲功。湘人既挾以自驕。各省遂爭慕之。以爲可長恃以無敗。苟非牛莊一潰。中國之昏夢。將終天地無少蘇。』又曰。『中國之兵。固不足以禦外侮。而自屠割其民。則有餘。自屠割其民。而方受大爵。膺大賞。享大名。矜然驕居。自以爲大功。此吾所以至恥惡湘軍。不須臾忘也。……迨聞牛莊一役。不戰而潰。爲之奇喜。以爲吾民之智。此其猛進乎。』

瀏陽本文之所取義。非愚所論。以今之當局。持與中興諸公並論。亦非所圖。惟不以詞害意。觀其引爲深恥。在乎無力禦侮。而專務內競。則流涕讀之。不忍以爲非。是夫牛莊之役。尙能一戰。朝鮮之爭。未及本部。由今視之。已若唐虞三代之不可幾矣。人亦有良心。同此理。而謂此番交涉。猶不足以蘇中國之昏夢矣乎。猶不足以策吾民之智而猛進之矣乎。

所謂蘇與猛進云者。第一當知中國之不亡。乃列強均勢之賜。並非吾國本身有何能。

力致之。於是第二當知國人一味自殘。不復振作。放肆邪恥。無所不爲。即在均勢之下。所存一線生機。亦將轉瞬不見。第三當知立國於二十世紀。亦當稍顧國家原理。使國中利害情感。希望意見不同之點。得其調和。各方面優秀分子。戮力並進。不釀雞驚蚌鷁之勢。以臻和平進步之基。

今交涉案既起。國內頗倡主戰論。吁亦客氣耳。日人揚言吾國所有槍彈。莫供二十四小時戰線之用。彼出一師團。卽盡殲吾所有精兵而無不足。新聞家之滑稽者。恆謂對於毫無武力之支那。施其威嚇。乃強國之所恥爲。凡茲所言。吾蓋不能否認。果其能之。彼二十一條者。日本決不敢妄提。卽提。吾亦決不與之開議也。以勢推之。苟地球上。惟吾與日本獨存。則吾之四百餘州。必且直隸三島。如今之浪人所倡日支聯邦之議。猶嫌其迂。而彼不敢爲者。無他。列強盾其後耳。此種惡辣條件。不先不後。而獨見之於歐洲大戰之頃。亦卽此故。然歐戰雖劇。終有已時。日兵雖強。終有所忌。故交涉開始。以至於今日。使驕橫無所不至。中間偶經頓挫。少覺融和。亦賴有美政府之質問。與其同盟國之牽掣耳。日政府當議發最後通牒。元老與大臣意見不調。其第一因。則山縣松

方諸人兢兢以傷害歐美各國感情爲慮。此固非謂外交當局未嘗盡力。元首威信。全然失效。而持與第三國之潛勢力相較。終覺礙不於倫。由是以知吾國之存亡。由對外關係觀之。蓋不繫乎吾有何人。首出庶物之故。如倪嗣沖之流。謂有大總統在。強鄰不敢啓釁。(一)取證於此。殆未必然。或謂日本之要求。止於二十一條。正惟吾有強有力之政府。苟非此者。必且逾酷。此非倖幸。或者妄人不爲此言。夫吾兵不強。不能引爲外交之助。此亦不足以責政府。卽以民國四年之力。準吾輩理想之政。則以其所能周轉之力。整軍經武。驟逢茲變。亦不必大愈於今。故於外交失敗。徒乘客氣。不辨理由。以蔽罪。當軸乃吾輩之所不許。惟一國外交政府。旣全陷於無能之境。則其對外吾人卽不必歸以救亡之功。此非稱頌功德之卽足爲害。乃如此爲之。而必忘乎其所以然。將來國破家亡。尙不知病症何在之爲害也。

客曰。日本之爲此要求也。彼必已熟思審處。逆料吾國所以應付之道。不出己所規制之中。故暴戾恣睢。無所忌憚。最後通牒。無憚於發。夫所謂道。不外三途。一宣戰。二承認。

三不宣戰亦不承認。宣戰彼之所樂聞也。承認則本其所欲得。惟不宣戰亦不承認。則彼苦之。何以明其然也。日本之不敢併吞吾國。徒以有列強在耳。所有領土保全機會均等諸主義。尚非島人之力所能抹煞耳。苟吾不資以口實。使之有詞用兵。彼竟不顧公然侵略。則吾通告各國。布其理由。彼得曲名而犯衆怒。將無以善其後。果不訴之兵力。又別無對付之方。故知惟此足以苦之也。惜乎吾之當局。無其決心。惟恐日兵一入吾疆。輿情因而大擾。國內國外之不平分子。必且乘間突發。以致政府地位。瀕於危機。故明知爲良。不肯出此。日本於吾政情。洞若觀火。亦惟料及吾之不肯出此也。是以節節迫吾承認。無所於讓。是豈不爲政府之咎也乎。

愚曰。此應有之義。以此責備政府。誠不爲過。曩者歐戰初起。吾即宣告中立。日攻青島。向吾假塗。當時愚即主張不從其請。而聽其以兵強行通過。此其有傷獨立國之顏面。與從其所請。而以我之同意。侵我中立者。在事實上。不過五十步百步之差。況其後濰縣問題發生。彼並不遵協定之約。其結果與強行通過。全然無分乎。夫吾之國命。操於列強。正如有夫之婦。不得私有所遇。強姦與逼姦。固同爲其夫所深惡。然前者已全失。

其抵抗。力猶得。加人。以強暴之名。後者。已陽諾之人。且入吾。以同罪之律。吾之所謂劃分交戰區域。援引日俄戰爭之例。始終爲德所抗。未之肯承。將來吾被害者之何以自了。尙非今之意料所能及。然破甑不顧。傾乳不哭。及今補牢。或亦不遲。於是二十一條者出矣。前特尋一夕之歡。今乃欲挾之宵遁。此其迫我以萬不能諾之勢。五尺童子。可以具知。蓋其條件之利害關係。有在本身者。有在事後者。在本身者。不外所要過酷。與主權國體。直接相妨。然吾居今日。果有何力。可伸主權。更有何顏。覲言國體。譬猶孤露之女。已爲暴者所污。則亦聽其所爲而已。無奈此且不能得也。愚前言之。吾之國命。操於列強。正如有夫之婦。不得私有所遇。均勢者。吾夫也。有一國焉。從吾破。其均勢。卽外遇也。苟旣破矣。則人之欲我。誰不如彼。今雖有事。歐。亞。未遑顧及。一至回戈。東指。而吾之血肉。橫飛矣。人縱無識。不至並此不知。人縱無良。不至並此不恐。觀夫外交當局。與日使逐條磋商。不曰此與某國權利有關。吾不敢應。則曰此與何種條約相背。吾不敢承。卽或偶爾抗顏。謂與主權有傷。國體有礙。亦明示日人。盾乎主權國體之後。終無非某國權利何種條約云云。可見事後之險。吾人非無所見。舉凡自傷之詞。亡國之歎。今

俱無暇爲之。惟吾欲保存軀殼。努力向上。以圖獵取機會。他日可得列於世界國家之林。以上則今之條件之不能承認。乃如鐵案之不可移。不承認。奈何戰而已矣。戰又不能奈何。則如客言。不宣戰。亦不承認而已矣。

戰者兩國俱有交戰行爲之謂。苟甲國向乙國宣戰。而乙國不受。此不得謂之戰。國際法字之曰『不抵抗』。(一)大凡備戰不及。或武力凋傷。明知戰必無幸。而有待乎第三國之出爲周旋者。惟有採用此法。普法戰役之後。法人元氣蕩盡。不堪再戰。而德人相逼。迄無已時。至千八百七十五年。德岌岌有重開戰端之意。總統麥馬韓令其駐德大使向德宣言。果德兵駛入法境。法終不抗。後以折衝。卒乃無事。前兩年巴爾幹戰爭。保加利亞方敵土希。而羅馬尼亞復尋保贊。當是時。保決無力敵羅。羅與宣戰。不受其牒。駐羅保使亦不下旗。羅兵已入保境。保不抗之。後以調停。亦卒無事。今吾戰鬪力之消乏。較之當時之法保尤甚。不幸而遇外交生死關頭。則舍不抵抗外。更有何法矣乎。雖然。我行此法。亦有不能不顧慮者。二。一列強干涉之力。是否足以牽掣宣戰國。使於

用兵以後。而更服其調停也。一吾任敵兵入境。能否保國內不生內亂也。

列強之干涉力。斯時最爲薄弱。雖然。卽此薄弱之力。在日本終有所忌憚。果其用兵以後。列強竟無仲裁之餘地。則交涉之時。充日人野心之所至。條件將不止二十一。最後通牒亦將無讓步之可言。故第一層政府尙不深慮所慮者。內亂耳。夫內亂者。以內政爲範圍。一至外侮。全國無仇無友。宜同表敵愾。同仇之概。此國家之常經。而民族之正義也。今吾大敵當前。而惟內亂是憂。此常經正義云者。獨不適用於吾國。何以故。是豈政府行其萬惡之政。人民因而痛心疾首。倒行逆施而不顧也耶。抑人民毫無愛國之心。甘爲虎俵。卽有良政府。而亦倒之以爲快也耶。今且不深論。而吾之外交當局。其與人談判。始終橫一內亂之念。不敢折衝過甚。而日人公私兩面之以此相恫嚇。刺刺而不休。則事實具陳。不可爲諱。尤可怪者。數日前日政府正議哀的邁敦而未發。輿論促戰若狂。吾人之旅東者。不遑寧處。其新聞中之論調。則一致實好於吾國人。而以擾亂民國與夫破壞東亞和平之罪。推之袁總統。謂爲民國計。爲東亞計。支那國人宜與日人攜手。先行倒袁。再議長策。亡命之人。親聞此議於彼中學士大夫者。亦復不少。報知

新聞者人人知爲內閣之機關也。而其醜詆袁氏尤無所不至。所載袁爺小傳。今日尙未終篇。爲政府計。交涉幸而未決裂已。如其決裂。則討袁軍旗必且由日人代豎。此種怪相。向後思之。令人心寒。而顧何以至此。民國與彼何關。而爲起義師以正擾亂者之罪。獨立國之元首。他國人民對之宜表相當之敬意。胡乃彼中政府機關新聞於吾元首。敢於無禮辱罵。不留餘地。個人之自由思想。法當尊重。國際之間。宜愈有然。胡以此一人者。吾方尊之如帝天。而彼必強吾諡之爲蠹賊。卽逋亡之士。旅於其邦。反對政府之職。雖明借寇覆邦之舉。未必所欲。何以彼人借箸。竟假定吾人爲宋秉峻。李容九一流人物。而無所疑。凡此今亦不深論。惟吾屈服於最後通牒之下。原因雖多。而其畏內亂之竊發。則固政府必有之。成心與其必居之口實。昭哉可觀矣。

成事不說矣。今後當何如者。孟子曰。有孺子歌曰。滄浪之水清兮。可以濯我纓。滄浪之水濁兮。可以濯我足。孔子曰。小子聽之。清斯濯纓。濁斯濯足矣。自取之也。夫人必自侮。而後人侮之。家必自毀。而後人毀之。國必自伐。而後人伐之。至哉言乎。日之最後通牒。濁斯濯足也。政府懼內亂而莫與抗。國先自伐也。濁矣。今後當求所以清者。伐矣。今後

當求所以不伐者。此束髮小兒不復疑之其術何出。亦復反證。即得。愚既有言。立國於二十世紀。亦當稍顧國家原理。使國中利害情感。希望意見不同之點。得其調和。各方面優秀分子。戮力併進。不釀雞驚蚌鷸之勢。以臻和平進步之基。斯則一際危機。可得全國一致之捍禦。嗚呼。今者外交之辱。是誠當頭一棒矣。哀我國人。獨奈何不於此一。致思哉。

雖然。若此類者。二十年來。固已棒之不一棒也。而乃沉昏若素。以至今茲。欲知方來。可鑒既往。涉思及此。使人心驚。牛莊之敗。瀏陽所恃以蘇中國之昏夢者也。已則竭力蘇之。結果爲戊戌政變。自此以後。昏夢較甲午前有加。聯軍之役。又復蘇之。蘇之而昏夢復如故也。且其泄沓顛預。視庚子前尤甚。其後十年。亦有機會。時以小蘇之。而大蘇則在辛亥。以吾人惡蘇之性。且突進也。不足二年。而昏夢之態。又遠勝於光宣之間。瀏陽之言曰。『統政府臺諫九卿督撫司道之所朝夕孜孜不已者。不過力制四萬萬人。之動。繫其手足。塗塞其耳目。盡驅以入契乎一定不移之鄉愿格式。夫羣四萬萬之鄉愿以爲國。教安得不亡。種類安待而可保也。』然前清末年私人著述。新聞論說之反。

抗朝政。與夫留學生。政客之公然活動者。其範圍遠過於今。而精神何止數倍。且極其繫之塗塞之力。亦驅國人入於鄉愿而已。鄉愿尙有曲謹小廉之可稱。有良法律以推輓之。固不失爲近世善良國民。其國未必遽亡也。而今者繫之塗塞之力。一方使鄉愿且無側足之地。一方造出無量無邊無忌憚無廉恥之小人。是果有浩劫真不遠矣。不謂蠅營狗苟之中。忽有今番交涉出現。以善義解之。是仍所謂蘇我者也。然而屢蘇而屢昏。屢昏而屢蘇。昏量愈增。蘇機愈狹。日本維新五十餘年。始有今日。吾國自甲午敗後。發憤自立。急起而直追。國差可保。而乃蹉跎復蹉跎。冥頑無復省錄。以至於是所餘者。惟列國均勢一線之機。此機也。前已言之。亦將轉瞬不見。嗚呼。死期至矣。而仍不欲爲臨終之懺悔矣乎。

愚執筆至此。覺有一異常之感念。惟吾心曲。則交涉急迫。烽火告警之時。而墨客文人。且請開方略館。仿聖武記例。紀述蕩平內亂之盛德。以謂唐虞以來所未有云云也。夫如此之爲。求之史冊。豈乏其例。推其命意。吾豈得以自欺。讀者試遊目及於五年以遠。並自念所居爲二十紀之期。則所謂方略。不難得其眞解。吳稚暉有謂今之思想全走

曲。線。是。之。謂。矣。然。此。不。過。一。端。其。他。可。哀。可。痛。之。舉。何。可。勝。數。孟。子。曰。不。仁。者。可。與。言。哉。安。其。危。而。利。其。菑。樂。其。所。以。亡。者。不。仁。而。可。與。言。則。何。亡。國。敗。家。之。有。南。海。康。君。講。其。義。曰。『此。章。言。不。仁。之。自。樂。於。亡。言。之。深。痛。晉。陽。陷。而。請。再。獵。一。圍。江。都。亂。而。聞。好。頸。誰。斫。羣。盜。滿。山。而。以。太。平。諱。飾。偏。安。半。壁。而。以。歌。舞。權。娛。寢。於。薪。火。之。上。巢。於。覆。屋。之。下。而。鬻。官。黷。貨。偷。竊。鑽。營。以。樂。旦。夕。至。其。敗。亡。則。譙。周。慣。作。降。表。而。樂。不。思。蜀。馮。道。能。仕。累。代。而。不。失。三。公。者。皆。是。也。近。者。鳳。凰。城。破。而。傳。戲。稱。壽。不。休。台。灣。賠。割。而。泄。沓。怠。傲。如。故。此。非。人。之。來。伐。而。已。之。自。割。也。古。今。一。轍。不。知。覆。亡。之。不。旋。踵。也。哀。哉。』
 嗚。呼。愚。也。無。似。即。欲。論。事。何。以。加。茲。今。請。誦。之。以。卒。吾。篇。矣。

國民心理之反常 四年六月

愚。旅。居。東。京。晨。起。必。讀。新。聞。二。三。種。所。有。紀。載。其。能。使。愚。不。寒。而。慄。者。不。一。而。足。而。未。有。如。近。日。外。相。加。藤。氏。議。會。之。演。詞。者。也。

五。月。二。十。二。日。日。支。外。交。質。問。起。於。貴。族。院。仲。小。路。廉。氏。曰。『本。員。之。所。欲。問。者。通。牒。

之第五項是也。交涉之初。政府以提出支那之要求。通告英美各國。他條咸列。獨第五項祕而不宣。以此生友邦之疑。召支那之侮。此果事實否乎。』加藤外相答曰。『第五項之問題。決非對於訂盟國故示祕密。帝國之以對支交涉內容。通告英俄法美四國。特以好意爲之。決非義務。自第一項至第四項。乃帝國當然之要求。惟第五項。與諸項異。其性質。此不過我之希望。非當然。可以要求者也。故前四項通知。後項則信爲不必。非故祕之也。』(一)二十五日。仲小路廉氏復起質問曰。『本員二十二日詰問外務大臣。何故不以第五項通告各國。意謂此事對於支那。露出我之弱點。關於我國威信實多。外相答辯。謂帝國以交涉內容通知訂盟國。決非義務。此豈待言。本員所問。非問此也。本員以爲既通告矣。乃祕其內容之一部。有悖信義。失墜威信。使支那窺見吾隱。政府胡乃釀此不利益之舉。仍求外相說明。』加藤氏曰。『一項乃至四項。無論如何。必須貫徹。第五項。則無勉強貫徹之意。思故通牒略之。例如顧問傭聘。非我國所能強制貫徹之要求。明甚。仲小路氏。髣髴視第五項。較他四項。尤爲重要。余則不信。』(二)

一問答間此番交涉之真相畢露而吾憤憤者猶在夢中此誠所謂心死者也可勝哀哉。

所謂真相者何也。即日本提出條件之初規定所必貫徹者若干事而慮吾國之抗拒已非稍稍讓步不足以敷衍場面也。則以第五項加入此項本其所輕爲賓前四項爲其所重爲主而臚陳於一牒之中而一而二而三而四而五款款相銜節節緊湊務使受之者視之輕重賓主之勢得其反焉。私心自計此第五項者萬不可諾無論如何非以全力抗之不可。於是而外相之術售矣。惟此術以欺支那不可以欺訂盟諸國而本來輕重賓主之意又不可先時語人故其以對支條件通知友邦即隱第五項不告而已。一面通告各國一面恫喝吾外交當局謂宜嚴守秘密苟或洩漏其責支那負之云云。當事急時日本將發哀的邁敦書五項本爲陪賓早有成竹逕削之可矣而特故示其難元老大臣會議不決者累日卒以元老之豁達大度賣好感於吾人務使吾國當事有地迴旋以全顏面苟欲自欺且矜功能以加藤之明其講之精矣果也。運籌帷幄之中決勝萬里之外飛牒到京白宮作議而吾國名流競頌元首外交之能矣而報界

公會雙方交讓。東亞幸福之傳單滿街如蝴蝶矣。而封疆大吏祝電紛馳且頌言提燈行列開場慶賀矣。

夫吾之有此者何也。以惡意解之。時曰無恥。以善意解之。則誤視日本通牒第五項爲其強制貫徹之要求。吾以折衝樽俎之力。僅乃克之。縱不得謂前四項於國體無傷。而要不如五項之甚。兩害取輕。亦誠不幸之幸。此雖無識。姑亦許之。惟今聞日相自白之言。公等又當作何感想矣。日本初交涉時。果其棄五項不列。其餘諸項。仍以哀的邁敦之力行之。所得實在之利。與今無殊。惟所與吾國人之感想。將呈大異。何也。約書之彈性。未充與國之顏面。大壞狹路相逢。短兵相接。困獸猶鬪。而況於人轉或激起吾人敵愾。同仇之義。而彼驟難有以善其後也。日人審此。故爾弛之。弛之於我之原案。無損而彼且感我。卽不爾緩其國中鼓吹煽動之力。而履行新約之時。可以輕減其所以爲障礙者。亦何樂而不爲果也。蠢爾支那。毫不出控縱者之所料。頂門方被鐵鎚微感痛苦。尾後偶戕鞭影。輒又歡騰。此所謂名實未虧而喜怒爲用。狙公之術。白人屢用以待其殖民地諸蠻族者。誠不謂吾乃甘受之於人。而不辭嗚呼。人性至此。夫復何言。

孟子曰：人之所不學而能者，其良能也；所不慮而知者，其良知也。孩提之童，無不知愛其親也；及其長也，無不知敬其兄也。愚謂人之於國亦然。所謂愛國心者，即良知也。愛國之行爲，即良能也。國家之起，起於此；知此能。國家之存，存於此；知此能。此而不完，國必不國。而人能爲政治生活以上，宜無慮其不完。蓋以其爲不學之能，不慮之知也。易詞言之，是謂直覺。偶見英人師伯雷近著愛國心 (二) 一書，有專章證述此心爲直覺 (三) 之道甚詳，請徵其說。

謂愛國心不爲直覺，非妄則愚。愛國心之所表見，爲態不同，而要爲一絕強之動力。操縱人爲，形形色色之人，文文野野之衆，舉莫能外。是乃無形推進之力，自然發動之機。人之遵此而行，即見其與平日理論有違，亦莫自禁。縱國家平和已永，物質繁昌，刺激之性，潛久未用，一旦有變，其性之橫厲而無前，有如固然。如曰此學而能之者乎？則以自來教育之成績，綜而觀之，而謂將生如斯效果，吾滋未信。……愛國之行

(一) 韋羅貝所著國家本性論中，有國源篇首典。

(二) Spurrell, Patriotism, a Biological Study, 1911

(三) Patriotism as instinct 原書四頁以上。

爲犧牲之行爲也。其中有必死之道。死而將不爲人所知。愛國者見之甚灼。或謂人之愛國。視險如夷。乃逆料彼之所爲。將永爲國人紀念。此游談無根。毫不足稱。且此種行事。需力甚多。而恆有輟弱之子。不能勝衣。而倉皇聞變。決然以起。初不計前途結果。於彼云何。此謂非直覺之所感動。吾則不知有他說矣。

以例證之一國與他一國爲約而守之。此無所用其愛國心。以破約而求利。惟兩國之約。欲其有效。必也相互之利益。得其平衡。不然。一國以條約之力。強他一國。陷於不利益之地位。而冀其長守。而無變。愚之甚者也。何也。私人立契約。果以自殺爲其條件。法律不能迫之履行。則國際條約。欲一國踐言。而自毀。古今無是道也。(一)於斯愛國心起。而用事矣。愛國心者。無他。爲一國言之。則自衛之直覺也。爲小己言之。則殺身爲國救國。以保種之志願也。(二)欲察其相。亦自易。當前軍稍挫。警報傳來。則舉市驚皇。不遑寧處。衝突縱或極微。軍隊縱或極小。且郡邑之人。千中無一。曾與

(一) 此段在原書六三頁。今並錄於此。於原意無損也。

(二) 此數語見六二頁。乃前一段之前提。

前敵之兵相識。卽至撓敗。己身並無危險。私利亦不損傷。而其欲得軍中真相。視與己事無殊。日日望軍報至。滿載將軍之兵機。曉暢士卒之勇銳。無倫則色然喜而走相告。其爲態如故也。軍人以發揚國威爲職志。國人之視軍人。無論有覺無覺。皆復如是。此天性促之使然。無可掩也。

其在他一面。有人爲境遇所迫。爲恇怯所限。爲財賄所誘。爲種種個人私利所驅。因之愛國諸事。已莫爲役。此其抵抗自然心理之強力較之作一尋常不合本意之事。其難萬萬有加。或謂其人心殊未安。乃名譽不存。社會將起而責備所致。亦不盡然。儘有賣國之子。事祕世不得聞。徒以悔不可支。至激而出於自白。是觀夫不愛國者。懺悔之苦。益見愛國心之爲良。知沛然莫之能禦矣。

愚讀師氏之書。昧昧以思。異感叢生。莫知所出。愚其否認吾輩爲人類乎。是未可也。其否認中華民國爲國家乎。愚不當爲此言也。苟其屬於人類國家之林以上。胡乃師氏所作泛應曲當之談。而獨於吾不驗。果此次交涉。尙得稱爲相互平衡者乎。自非無目。不謂此也。胡乃吾之所謂愛國心者。不應之而起。不應之而起。乃消極之象。猶可言也。

胡乃積極主張外交勝利。(二)果主張者皆爲境遇所迫。爲恇怯所限。爲財賄所誘。爲種種個人私利以驅矣乎。愚未敢言也。胡乃一唱百和。恍若竟成輿論。嗚呼。知覺錯亂。黑白顛倒。屠者在門。猶自慰藉人心。至此尙何說矣。愚無以名之名之曰反常。傳曰。天反常爲災。物反常爲妖。又曰。國之將亡。必有妖孽。諸君諸君。頌詞好。自憶之。提燈好。自把之。平旦之氣亦復有時而至。愚馨香頂祝。唯願大好河山將來尙有彈丸乾淨之地。爲諸君懺悔時洗心之用矣。

國家與我

四年八月

近頃以來。政象日棼。人心日死。偕亡之歎。聞諸道途。暮氣之深。淪於無底。蓋國家將亡。國家將亡云者。今固已萬口同聲。有不期然而然者矣。

剖泮以來。國之亡者。江黃鄧柏不可紀矣。胡乃吾不追爲之悲。而獨悲吾國。當今之世。

(一)今日東京朝日新聞載北京專電曰、「國民之憤慨漸次下火。對於新條約著實之批評。今乃見之。無論何人一致主張今回之外交。支那不爲失敗。山東滿蒙。在事實不能不承認。山東條約。可謂滑稽的勝利。此誠不得不責外交當局之明云云。至第五項之協議延期。尤爲不悅。」是何譏言、謔笑四國、醜之極矣。

慘受亡國之禍者。波蘭猶太。亦可憐矣。胡乃吾不暇代爲之哀。而獨哀吾國。是無他。徒以我在耳。我生於斯。長於斯。族聚於斯。斯之不存。我卽無所傳。以自立於世耳。然則人非全無心。肝斷不至目覩其國之瀕於亡。如秦越人之互視其肥瘠。而無動於心焉。乃自然之理也。顧吾人果何如耶。

往者陳君獨秀。作愛國心與自覺心一文。揭於吾誌。侈言國不足愛之理。有曰。瓜分之局。何法可逃。亡國爲奴。何事可怖。又曰。國家國家。吾人誠無之不爲憂。有之不爲喜。斯言一出。讀者大病。愚獲詰問叱責之書。累十餘通。以爲不知愛國。寧復爲人。何物狂徒。敢爲是論。愚遜謝之。竊幸國中自奮之氣尙富。而亦不願作者談言之微中也。今距此事又數月矣。國中政事。足以使青年之士。意志沮喪。莫知所屆者。日進而未有已。愛國心之爲物。不幸卒如獨秀所言。漸次爲自覺心所排而去。甲乙遞染。如中惡疫。流行之廣。速於置郵。特獨秀爲汝南農雞。先登壇喚耳。最近梁任公。且以有國不優於無國之例。若干事。痛告國人。有曰。多數之心理。不期而與之相發。又曰。吾見夫舉國人睜睜作此想者。蓋十人而八九也。特不敢質言耳。(一) 夫任公。方以不作政談。宣言於衆者也。

勸人不爲煽誘激刺之論者也。今驟然與昨日之我挑戰其所爲驚人之鳴。竟至與舉世怪罵之獨秀合轍而詳盡。又乃過之。此固聖者因時制宜之道。然而謹厚者亦復如是。天下事可知矣。

吾國之大患。在不識國家爲何物。以謂國家神聖。理不可瀆。雖其釋與忠君同義。抑或視與今世愛國之旨齊科。仁智所見。不必劃一。而其拘墟膠柱之意太甚。無能自脫。則由今日而上溯之。其情遇事而見。昭哉可觀。昔者英人助中國蕩平洪楊。而其國有識之士。則謂當日不若縱其大亂。或有人出而整頓政紀。中國猶可渙然一新。不至如今日之因循不振。三故曾左胡李之徒。當其時不敢一萌斯念。其所以然。則僞國家主義誤之也。劉陽譚氏追論甲午之戰。謂聞牛莊一役不戰而潰。爲之奇喜。以爲吾民之智。此其猛進。其時國家之僞義已呈露於哲士。二人之胸。而當世之瞶瞶仍自若也。洎夫庚子以一胡婦之妄念。召聯軍八國之師。國之不亡。其間不能以寸。虜廷之當吐

(一) 大中華六期痛定罪言、

(二) 譚氏仁學述東方商埠紀要之實、

棄可一言決矣。而國人尊之如天。不異嗜。昔其後僞託新機。僂辱志士。倒行逆施。日甚一日。而賢豪長者之奔走於立憲運動其興。且若相引而彌長。凡此者皆僞國家主義。誤之也。今之政局亦復猶是。凡當路之所提挈。舉國之所風從。皆不出僞國家主義之一圈環之而走。舉步愈急。竭蹶愈甚。迴旋不已。則立僵耳。是非有及早回頭之思。臨崖勒馬之智。似此一瞑長往焉。有生死肉骨之功。斯思斯智。時曰自覺。

自覺者何說也。孟子曰。今王鼓樂於此。百姓聞王鐘鼓之聲。管籥之音。舉疾首蹙額而相告曰。吾王之好鼓樂。夫何使我至於此極也。父子不相見。兄弟妻子離散。今王田獵於此。百姓聞王車馬之音。見羽旄之美。舉疾首蹙額而相告曰。吾王之好田獵。夫何使我至於此極也。父子不相見。兄弟妻子離散。此之疾首蹙額不得謂非自覺之機。惟不能再進一步。曰使我至於此極。吾安用此王爲也。終不得謂眞覺。吾國惟無此眞覺。故數千年只有君史而無民史。展轉桎梏於獨夫民賊之下。至今日無少更東西洋政治之鴻溝。卽於此劃由斯以譚。所謂自覺者非徒政象與吾官能偶爾之接觸也。必以內籀歸納之術。推究種種政象的然昭晰其本根之所託。從而下一最終之判斷焉。始得。

號爲覺也。今之覺何等也。今言愛國。比於昔言忠君。疇昔疾首蹙額於君之所爲。而不敢言。無君。今有人尸國家之名。行暴亂之政。人之疾首蹙額於其所爲。乃敢倡言有國。不如無國。而梁任公告我倡之者。且十人而八九也。其殆庶幾能下最終之判斷者歟。覺矣。徒覺其又奚益。譬諸治疾。不見癥結。方術莫投。宜其不愈。今見之矣。望聞問切。人自許爲盧扁。所謂方術。將安出乎。吾將效摩西之出埃及。或清教徒之入新大陸矣。乎。則人稠而莫舉。當今之世。亦決無片地以相容也。吾將翻各色之降旛。迎海外之湯武。遠宗邦。昌近法。容九矣乎。則舉目曠觀。亡國森列。其馬牛溝壑之狀態。息以前例告余。苟非精神。瞽亂之極。或偶爾激刺之談。吾未見有心者。果能作此想也。然則所謂方術者。終不得不就吾本身自籌之矣。

今居政治絕望之時。人每易言亡國。以爲亡國後人民之苦痛。充其量亦不過如所受於今政府者。而公衆事業之日以展。普通教育之有可期。權利雖微而能守。法律縱酷而有定。猶非今政府所能望。梁任公所舉客問若干事。誠代表之說也。雖然。今之愚人爲強者欺。朦朧買弄鼓吹愛國之謬論。以爲之俚者。非此一針見血之語。誠不足以蘇其

冥。頑。惟。既。蘇。矣。或。本。昭。昭。而。無。取。蘇。之。允。宜。慎。用。其。感。情。勿。使。國。人。之。純。正。心。理。轉。而。趨。於。潦。倒。沉。廢。之。域。一。往。而。不。可。救。他。事。且。不。論。今。番。歐。洲。戰。役。全。世。界。殆。無。一。角。之。地。誰。氏。之。人。不。被。其。影。響。而。亡。國。之。慘。例。亦。卽。挾。以。俱。陳。波。蘭。三。分。於。俄。德。奧。德。奧。與。俄。以。毫。無。與。於。波。人。之。事。挺。刃。而。尋。仇。乃。各。首。驅。其。所。屬。之。波。人。以。爲。前。驅。哇。爾。蘇。一。帶。大。小。之。戰。無。慮。數。十。而。波。人。技。其。血。淚。抑。其。天。良。馬。一。前。而。趨。起。槍。一。發。而。顛。動。以。極。不。自。由。之。意。志。執。行。極。無。人。道。之。手。段。互。戕。其。同。胞。於。呼。天。搶。地。之。下。者。至。於。無。藝。猶。太。亦。然。猶。太。自。失。其。國。有。籍。於。英。者。焉。有。籍。於。法。者。焉。有。籍。於。俄。與。德。奧。者。焉。今。茲。各。服。其。兵。役。不。得。不。爲。機。械。之。行。動。以。戕。賊。其。同。種。諸。父。兄。弟。爭。剗。刃。焉。特。不。如。波。蘭。之。深。痛。耳。最。近。倫。敦。暴。民。毀。德。人。商。店。至。盡。其。中。之。爲。猶。太。產。者。實。至。夥。也。印。度。發。憤。執。爰。爲。王。前。驅。號。曰。效。忠。豈。其。本。志。凡。此。種。種。均。吾。人。腦。海。所。宜。大。書。深。刻。斯。須。不。忘。者。矣。聞。青。島。之。役。吾。之。達。官。貴。人。幾。幾。不。免。從。軍。雖。曰。勢。所。必。然。或。亦。當。時。改。籍。之。所。不。及。料。亡。國。之。痛。此。其。根。萌。逆。料。吾。國。之。亡。不。外。瓜。分。豆。剖。自。斯。以。往。吾。之。二。十。餘。省。息。息。可。爲。列。強。逐。鹿。之。場。吾。人。雖。欲。不。爲。波。人。之。自。戕。猶。太。之。互。慘。無。可。倖。免。印。度。朝。

鮮能舉一國之民附之一國。猶望之若天上矣。愚爲此言。其自命志士者。或且惡其不祥。起唾吾面。然事勢如此。詆譎奚爲。是以國不足愛。方爲流行有力之說。一方固可鞭笞政蠹。使不更倡。似是而非之愛國論。以逢迎社會弱點。而售其欺。一方苟不慎其所發。則又有眈眈逐逐者。掀髯於旁。其足以沉吾國於九幽。無以自拔。殆又甚也。

然則國不足愛之說。其卽破棄矣乎。而事實旣已若茲。吾卽欲破棄。而又胡能也。是亡國旣所不可愛。國亦所未安。吾人生今之世。果將何道之從小之。寄頓身心大之。福利民國也乎。曰。是有解散國家之說。倡之於盧梭。請得而略述之。

國家者。成於民約者也。約者何。人以一部分之自由。納之國民總意之下。而仰其制裁也。總意者何。薩威稜帖經一定之代表機關。明白宣示者也。時或暴者興焉。以其一人之意。與國民總意爲敵。則其所以抗壓薩威稜帖者。用力必多。用力多。一度國家之組織。隨而變更。一度久而久之。全國更無何人。可以其意與之相劑。而總意殲矣。夫立法權者。國家之心也。而行政爲腦。腦痺人猶可生。獨至心絕。則不可救。故國家之所賴以存者。非法也。立法權也。何以言之。昨日之法令。不必至今日而仍有效。其所以有效。則

立法機關不聞改訂而默容之也。易詞言之。薩威稜帖認爲不廢之法而許其流行也。故一言法而薩威稜帖之質卽同時存在。苟其國薩威稜帖見奪於一人而末由表見。則雖法令如毛與人民總意無涉而國家之道絕政治總體於焉解散矣。蓋人生而自由者也。唯服從己意決不服從他意。總意者仍己意也。故立於國家之下而義務生。惟若權奸僭竊劫吾總意強吾舍己意而唯他意之從。吾唯有回復新約以前之自由而重蹈入自然之境而已。故解散國家云者。破棄民約復其故我之謂也。盧氏之意大略如此。(一)今之昌言不愛國者其說得毋有合於此者歟。

吾人訴之盧梭。將以通吾狂惑。使於救國絕望之時。而匡吾亡國不正之念者也。今國家解散云云。其途仍與亡國爲鄰。究何益乎。曰。是固非徒解散之以自了也。解散之後。人人既復其自由。卽重謀所以建國之道。再造總意。復新約。此盧氏之本懷。一篇之中。所三致意。豈其消極自毀之談可比。興言及此。請進申民族之義。

人之恆言曰。民族國家。(二)以謂國家由於民族而立也。今之有申論民族之必要者。

見夫民族爲國家之基。國家不幸而至於解散矣。民族果隨之而解散焉否乎。聞之呂南（二）曰。『民族者。理也。理之見於精神而出於遠源。複性之歷史者也。民族者。一精神之家庭也。……無過去不成民族。而現在亦有一絕明之事實以章明之。是何也。乃同意也。乃願與續續共同生活之公約也。試爲譬之。民族之存存於全體之下。列比塞。不時行之。猶之人身之存存於周身血氣流通而無間也。』至哉言乎。詰民族者。蔑以加矣。卜列比塞。亶者國民總投票之義。於是人生之公約有兩種焉。一約爲民族一約爲國家。而其約之所以履行一致。以卜列比塞。亶之式出之。盧梭之意曰。國家之所恃以保持者。法也。法不得卜列比塞。亶續續認容之。則死法死而國家破矣。呂南之意曰。民族之所資以繫維者。精神也。精神不得卜列比塞。亶時時證明之。則散精神散而民族亡矣。今吾國人民於國家之一切法。已不能行其卜列比塞。亶之權。而法死國荒。已成事實。吾人亦既袒裼裸裎而還於民族之位矣。則其所謂續續共同生活之公約。仍願相與守之否乎。

此之疑問雖有一派持極端之見者謂國家無成實由民族卑劣國家既壞此等劣等民族亦惟聽其自生自滅可耳。搏沙不能成飯更搏又焉用之。然稍一沉思即覺其情感太甚。所見遠於正鵠。今之猶太波蘭雖亡其國而其維持民族之心猶不可已而況於吾。然則亡國與國家解散之別安在。曰維持民族之道終不外乎立國。國亡矣民族立國之權。(一)即隨之而俱亡。今之言猶太立國與夫波蘭立國(二)者亦不乏其人矣。誰則信其行且見諸事實。國家解散則不然。國家雖一時為強者所隱而立國之權猶操自我。我欲其國方也。方之我欲圓也。圓之易詞言之亡國亡於他人而國家解散仍解散於同族。雖驅逐他族之征服者與顛覆本族之僭暴者其事正同而以史例證之。由前勢難而逆。由後較易而順。故前者容或終古未有其期。後者遲速必見其效。是固不可同年語也。苟吾國已即於亡。吾知其難與逆之事猶且不可以已何也。人固未有願棄其族者也。故苟自棄其族不可也。即不自建其國不可也。苟不自建其國不可。

(1) Right of Nationality

(二) 今維意兩國頗偏波蘭復國之論、

也。卽舍其易且順者。不爲而待其難。且逆者之至。不可也。苟舍易以待難。舍順以待逆。不可也。卽居乎易且順之時。而日日唯恐難且逆者之不至。恍若後者。猶有愈於今焉。尤不可也。何也。人固未有不願與己族共同生活者也。

客曰。子所言國家解散。與夫民族建國之理。旣聞命矣。宜何道之由。而其的可達。曰。道在盡其在我也。已矣。人人盡其在我。斯其的達矣。

此其理至易明。大凡暴者之爲暴於天下也。非其一手足之所能爲力也。苟暴者以外之人。人不忘其我。而不或紓或逕以逢迎之。彼一人者。其何能爲。說者必曰。夫安得暴者以外之人。皆不忘其我也。則請小其範圍。苟讀書明理。號稱社會中堅之人。人不忘其我。而不或紓或逕以逢迎之。彼一人者。亦不敢爲。夫以讀書明理。號稱社會中堅之人。而責以不忘其我。似乎不爲過情。而若是其難者何也。曰。此自諉與自昧之爲害也。何謂自諉。彼以爲天下之善惡。其量過大。決非眇躬入之。所能爲加減焉。今我障於某事某事。欲入而未能。是不如其己。我卽不入。而入者當有三萬三千九百九十九萬九千九百九十九人。可保其無所損也。而不知人作是想。誰不如我。苟三萬三千九百

九十九萬九千九百九十九人。其不入均復猶是。是全國之人均失其我也。何謂自昧。彼以爲如我之才。車載而斗量。我卽入之。又焉益者。而不知國之須才。如貨棧之待貨。盡貨以入棧爲歸。盡才以入國爲的。雖微末所不辭也。其甚者。則自謂有大才。可以用世。而亦不入。何也。以無用我者也。昔蘇洵有言曰。『天之所以與我者。豈偶然哉。堯不得以與丹朱。舜不得以與商均。而瞽瞍不得奪諸舜。發於其心。出於其言。見於其事。確乎其不可易也。聖人不得以與人。父不得奪諸其子。於此見天之所以與我者。不偶然也。』此誠可謂有我者矣。而轉筆卽曰。『夫其所以與我者。必有以用我也。……而我不用我。不我用之罪也。……在我者。吾將盡吾力之所能爲者。以塞夫天之所以與我之意。而求免夫天下後世之譏。在人者。吾何知焉。』（一）夫蘇氏生乎八九百年前。局乎當時政象。其所言如是。良不足多怪。而今決非其時之比也。今者自用之時代。而決非待人用我之時代也。自諉也。旣若彼。而自昧也。復若此。宜乎羣天下之學士大夫。舉失其我而強者。乘之而起。遂無所不爲矣。

客曰。如何斯可謂之盡其在我矣。曰。有一定之主義。準此以行。而百折不離其宗。富貴不能淫。貧賤不能移。威武不能屈。以大丈夫自期。挾孟氏當今之世。舍我其誰之概者。上也。人品不必高。而無上宗旨。不必醇。而無疵。惟既有所信。而富於一種堅忍不拔之氣。能以苦戰奮鬪。力爭上游者。次也。無不待而興之能。與獨爲前驅之勇。或奉一職。或營一業。而蚤夜自思。覺有萬不可爲之事。卽謹守之不失。不以自欺。心力相應之時。於我之所能信者。加以援助。又其次也。上者。不可多得。得一二人次者。不可多得。得數十人。又次者。不可多得。得於讀書明理。號稱社會中堅之內。得一部分。則建國之事。思過半矣。

聞愚言者。易生二惑。一曰。建國之事。祇此數十百人而卽舉也。毋乃太易。一曰。吾國雖曰乏才。未必此區區數十百人而亦無之。胡乃百事莫舉。不知歷觀改革之事。無不以少數人握其機樞。愚嘗考英國憲政發達之史。其言論自由之所由確定。則韋克斯(一)一人之功最多。韋氏亦無他長。惟始終張其所信。不爲勢屈。新聞屢停版而筆仍不輟。

己身屢投獄而運動不已。卒之輿情感動。相率趨之。彼爲議員。巴力門四除其名。而同一選舉區四登其選。十八世紀之中葉。蓋惟韋氏一人爲民氣之王矣。卒之各種自由。咸以樹立。一人之奮力。比之全國之革命。功尤多焉。在吾三品之中。韋氏亦其次耳。而效且若此。說者奈何少之。至謂吾國不乏其人。如其有之。必與天下人以共見。舉目曠觀。衡論當世人物。若某某者。庶幾上選。若某某者。足當其次。若某某。抑亦又次之倫。乃若此之儔類。皆屈於淫威之下。蟄伏而不敢動。無賢無不肖。冶於一爐。是何說耶。愚聞全國屬望之某君。有人規其行事敗名而養奸。則曰。吾之某職。當徐徐辭之。吾於北京。當徐徐去之。夫曰徐徐。則孟子所譏攘雞紆臂之詞。其爲現勢所縛。不能證其有我。可以立見。最賢者猶且如此。遑論其他。故今之人。輒怨政府之暴冒。哀吾民之無自由矣。不知自由。本有代價。非能如明珠之無因。而至前也。今其所還之價。通國無一獨立之人。到處無一敢言之報人。人皆失其我。人人皆不須此物。則此物胡來。故有人曰。民質之劣。已至於此。此而不亡。世間安有可亡之國。卽而熟察。亦幾無可詆譭。瀏陽譚氏曰。觀中國人之體貌。亦有却象焉。今所謂却。恐不遠矣。由此以觀。客謂中國有人。

而事仍莫舉。實則不得謂之有人。何也。其人雖或與他人有形似之不同。而其無我則一也。

然則求其有我。將從誰起。梁任公曰。『夫我輩則多矣。欲盡人而自新。云胡可致。我勿問他人。問我而已。』（一）茲所謂我。果任公自謂乎。抑冀幸讀者之自謂乎。俱未可知。惟在愚文初哉。首基之我。則願今之昌言國不足愛。而國亡不足懼者。承之。蓋言國不足愛。愚亦不強其愛。惟請從盧梭之言。視國家爲已解散。民族之自由。已經回復。則第二步當復何如。以愚觀之。國家解散可矣。民族終不能解散。必欲解散。以大勢推之。非關吾不欲爲。抑亦人不見許。任公告我。『如其亡也。則一棺附身。萬事都已。吾儕舍蹈東海外。亦更有何事。』（二）此客氣之言。安見必成事實。卽一二賢者爲之。以魯連望之人。人如何可能。故知吾國卽亡。而收拾民族之責。仍然不了。既知終且不了。此時整理民族之事。卽抑塞千端。煩冤萬狀。亦不得不出。而任之而整理。民族終不外夫建國。

是國家由解散而卒入於建設之一途。故不愛國云者。前已解散之國家。不愛可也。今復建設之國家。不愛不可也。而欲愛之。決非徒然。愚爲徬徨求得解決之道。曰。盡其在我。故我之云者。請今之昌言國不足愛而國亡不足懼者。先尸之矣。

說憲

四年八月

千二百十五年六月十五日。英倫諸貴族及其人民代表。迫英王約翰。在倫尼米達署。名於一公文書。以屬於王權者若干事。讓之彼輩。所謂大憲章是也。此物一出。歐洲自由之勾萌。以次畢達。故號爲自由之祖。一曰自由之神。二及今已七百年矣。此七百年間。自由之花。逐年而恆開。皆此帕臘丁之所賜。此賜不獨英人享之。全世界均享之。故歐美各國。今於戎馬倥傯之餘。其政家學士。猶有於今年六月十五日。設爲專會。以紀念焉者。禮也。

而美人之理想派。或者非之。以爲大憲章之爭。年代湮遠。而史蹟茫昧。縱橫術數之士。

每利用人之不明真態也。則張皇其詞。以資鼓吹。郭克與柏克兩家者。皆英倫民權之先登也。一諡大憲章爲陪審制及一切人權之張本。一指爲代表制度切實有效之濫觴。而皆不免吞剝史料。遷就己說。質而言之。大憲章者無他。亦諸貴族假託民權。迫脅於王。以圖私利而已。後來權入貴族之手。民之苦之。與王約翰未必有殊。吾人雖不能以此斷其一切規定。於英倫政治發展。無大影響。而當今之世。科學昌明。平等自由。乃有定理。而必以搜神述異之意味。傳說古典。崇禮有加。甚無謂也。(二)

愚曰。不然。大憲章六十三條。首尾完具。如何爭得。如何施行。層級井然。斑斑可考。安得以茫昧神怪目之。特其史浩繁。今人不暇深考耳。若謂六十三條。不必與今之自由同撰。而今之自由。又或不載。則吾人之所以祝之者。亦以爲憲典之權輿。以示數典不忘其祖而已。並非以爲完全理想之憲典。可施於今日。如漢儒折獄。之以春秋王莽行政之學。周禮然也。即在數世紀前之英倫。亦初不以此物爲自由不二之保障。千六百二十七年之人權請願。即所以補千二百十五年之不足者也。厥後自由運動之進於是

者。又何可勝數。至謂大憲章之所利者。在貴族而非人民。亦無絕對之證。特其時貴族勢盛。所利者較人民爲多。乃事有必至耳。然今之問題。在王權宜否。有限若欲限之。必如何始可奏功。當時爲英民者。果越貴族一級。直接迫王。無論王將利用貴族。以共脅民。卽貴族馳壁上。觀不爲左右袒。稚弱之民焉。敵王者。故爲民計。亦惟與貴族聯先。傾王權。然後徐徐圖貴族耳。一步而登天。不可得之數也。英人政治之成功。卽在明察改革之級數。而踐履不紊。彼美人自始被服共和。或無其感也。愚謂今之持民權說。欲以一次摧陷廓清之功。竟其革命之業者。宜不忽此。

然則大憲章七百年祝典。毫無可議。且在斯時。歐美人之祝之。尤有深意存焉。蓋此次歐洲戰爭。英法人以爲強權與民權之戰爭也。全歐洲以爭自由與德意志戰。亦猶七百年前全英以爭自由與約翰戰也。美前國務卿洛德於阿板利之祝典會宣言曰。德意志者。人類自由之公敵也。彼不認國家負有道德上之責任。與個人同。故蹂躪比利時。轟我魯西丹尼亞。大憲章之精神。適居其反。彼其唯一職志。卽在課個人同認之道。德於國家者也。無論人民與政府間。國家與國家間。惟德義爲無上之法。則此之主義。

已發於七百年前。吾人今日表而出之。誠爲當務之急也。(一)由洛氏之言觀之。可以概想西人思古幽情之所託矣。

於斯猶有相隨紀念之一事。距今一百年前。千八百十五年六月十八日。英荷普各國聯軍。敗拿破崙於滑鐵廬。而歐洲之政局以定。今日之凱撒。當日之拿破崙也。英法聯軍之欲掎之。其情切於當日之英荷普也。於是自由之戰。七百年前爲前鋒。百年前爲中權。今日爲後勁。此又懷想大憲章者必有之心情矣。

顧在吾國則何如。孟子曰。由周而來。七百有餘歲矣。以其數則過矣。以其時考之則可矣。王充非之。以所劃分之時期爲無理。(二)茲不具論。惟取世界歷史而通觀之。以英吉利大憲章出世之年。爲孟子七百餘歲。履端之始。其爲無根。亦不過如論衡所刺而止。則知吾之人權自由。今乃數過而不驗。時可而不來矣。不獨不驗而驗者轉爲滅國會廢自治。不獨不來而來者反爲設五等作帝制。吁。何其醜也。愚請正告我國人。西方

(一)見本年六月二十三日紐約的 Outlook 週報、
(二)見論衡刺孟篇、

有。爲。七。百。年。自。由。紀。念。祭。者。爾。平。日。動。輒。自。咒。謂。程。度。不。足。程。度。不。足。望。今。日。歐。洲。之。文。明。而。却。步。焉。今。請。一。切。罷。棄。惟。欲。爾。追。蹤。七。百。年。前。之。陳。死。人。而。一。自。鏡。稍。稍。發。其。天。良。莫。背。人。道。使。吾。之。雲。仍。或。者。雲。仍。之。雲。仍。於。更。越。幾。何。年。之。後。追。思。曩。昔。略。有。可。懷。爾。其。以。爲。何。如。矣。

辜鴻銘近以英文著春秋大義（一）一書。痛論歐洲今日之戰禍。爲謨立大憲章所食之報。蓋大憲章者自由之大憲章（二）也。人人自由。以致其君若相。不能以意治其國。而盲從民志。以入於戰。爲今之計。歐人惟有毀壞一切憲法。取法於吾中國。奉孔子服從之教。爲神聖。將自由之大憲章。改爲效忠之大憲章（三）爲之民者。一任君若相之所爲。政之良惡。不論。決不以言論行爲。出而干與。則其國可治。而和平可期。是何邪。說而令歐人聞之。嗚乎。人之度量。相越。竟至此耶。

二

（1） the Spirit of Chinese People 今年出版、

（11） Magna Charta of Liberty

（111） Magna Charta of Loyalty

憲法者一國之根本大法也。作憲者立國之根本大事也。此其關乎全國人之生死利害宜何如。全國人之絞腦漿拼血淚以爭之者。又宜何如。善夫柏哲士之言曰。創立憲法。無論何國。必以根本改革之意行之。非能依現存之法序。平流而進者也。易詞言之。憲法者政治之事。歷史之事。而非純乎法律之事也。——此義似創。而精確實無可移。此可以律今日北京之議憲法起草矣。

今日之中國。無政府之國家也。何謂無政府。無法律也。本此立論。似覺離題太遠。姑假定中國爲有法律。則憲法者。亦不過細如牛毛。委若敝屣之一種耳。有何輕重之足云。故其偶爾興到。欲得此文明裝飾品以自娛也。總統之令一下。參政院準備委員。諾諾唯恐後焉。院內者幾人。院外者幾人。如搆宿題。一揮而就。惟恨歐美諸先進國。創此惡例。憲法必經若干手續。始爲完備。吾今欲塗飾外人耳目。故必待所謂國民會議。而召集。而交議。而通過。纔算了事。不然。我欲仁。斯仁至矣。中華民國之一切法本。不出口耳。四寸之間也。

本此立論。仍覺離題猶遠。姑發憤尊重民國法律。而以十分之善意解之。則憲法之事。彼亦欲如柏氏所言。依現存之法。序平流而進而已。不能使一毫政治改革之意。攙乎其間也。夫一國生命所託之大法。至不含有幾分政治歷史之素。徒以當塗之人。狐狸而狐搢焉。吾誠不知所以名之。充吾善意之所至。亦惟曰爾行爾法。與中華民國之國民。初不生何種關係已耳。果爾。今若執國人以責之曰。草憲何事。爾何不絞腦漿。拼血淚。以爭其所欲得。是不亦多事矣乎。

謂憲法與國民無關係。猶是一面之詞也。質而言之。此物與今之政府。亦無關係。聞者其勿駭愚言也。稍知中國國情者。莫不知權氛所至。自男女不能相易以外。蓋無不能其稍稍得以制限之者。亦祖先傳來之習慣及流俗所信之警說而已。與法律相去萬里也。中華民國之必有憲法。以免外人覬覦者。謂我蠻野不解法度已耳。非欲起而行之者也。欲驗將來可觀。既往約法者。號稱有憲法之效能者也。誰憶施行約法以來。曾有何事與之相軋。參政院以及各方相關之人。出而爭之。又誰見舉國之內。曾有何人尙憶約法共爲若干條。條爲何事。蓋天下共忘此物久矣。約法既寢忘之。又起憲法。是

誠朝三暮四之術。而謂後者功能必逾前者。誰則信之。故憲法者。純爲異教邪說。吾宗國魯先君莫之行。吾先君亦莫之行。苟非洋顧問外國公使偶來喧聒。謂爾共和立憲不立憲法。其名胡張。吾決無取戴此假面具爲也。

今請讓一步。謂當局之於憲法。頗有慎重執行之思。前事不論。自是以後。確欲將中華民國建之於憲典之上。愚亦何必訾其意之不誠。惟憲法之要義曰公。曰定。茲二義者。一切法之所同然。而憲法爲甚。蓋憲法者。一國所共守之法也。不公胡能共守。而所謂公者。非能一人首出翹一物以示於衆。漫曰公焉公焉而已也。必盡衡之一國之聰明才力。而舉曰公。斯爲可也。易詞言之。非舉一國之聰明才力。萃於一偶。而條列其利害疏通其感情。相劑相質。相和相調。不得謂之公也。管子之書曰。太史布憲。入籍於太府。考憲而有不合於太府之籍者。侈曰專制。不足曰虧令。罪死不赦。此施憲之嚴。古今無類。惟不了然於所謂憲者爲何物。則安知專制虧令。以至於死者。皆在百僚有司。自非革命。決不及於君身乎。是之謂不公。

(二) 憲法者國本之所託也。不可以輕改。故

定尙焉。而所謂定者。亦非自起草。至於公布。經過若何程敘。而卽曰定焉。定焉而已也。必全國之人。皆傾心於是以爲吾之生命財產。託於是而無恐。吾子子孫孫之生命財產。託於是而亦無恐。然後謂之定也。俄羅斯之根本法曰。一切宗教自由。凡俄人皆知此之自由。存乎俄皇之口。旦夕而可易。又曰。全俄羅斯之皇帝。獨裁而無對。凡俄人皆知此之無對。乃假定革命黨之無成功。是之謂不定。不公。不定。不足以言一切法。況憲法乎。

而談者必曰。憲法憲法。秋桐曰。此盧梭所謂最強者之權利耳。其地非所敢知也。盧梭曰。最強者欲永爲其強。非謀以權力化爲權利。服從化爲義務不可。(一)今之憲法。卽務爲此化者也。往古之時。蠻習未除。民智淺闇。強者以此爲治。未始無補於文化。柏哲士謂盧梭之言。爲國家所以起源之道。亦非無見。(二)惜今日非其時矣。他不具論。惟問此之權利。何法始能保持。其必然之答案曰。力也。盧梭曰。如權利可由力造。則果隨因變。彼爲後之有力者所倒。權利亦爲彼所承。於是人之暴力。足以相傾。彼卽傾之。而

無所虞。其違法。夫至最強者。恆擁其權利人之所爲。亦惟爲其最強者而已。一旦失其所以爲力。卽失其所以爲權利。此而謂之權利。果復成何意味乎。大凡以力服人者。當其服時。純乎由力。苟可不服。決無必服之觀念。驅之而行。是力之所止。義務卽隨而止。可見權利之爲物。以加於力。並於力毫無所增。故此而曰權利。亦一無義之詞而已。果斯言而有理。是知居今之世。而欲以力擁其最強之法。可謂不思之甚矣。法蘭西之憲法。第三共和以前。皆以力護之者也。其力朝失。法卽夕毀。其力夕失。法卽朝毀。百年之間。爲次逾十。平均計之。憲法之壽命。不足十年。傳曰。民之所欲。天必從之。又曰。國亡不過十年。數之紀也。夫天之所棄。不過其紀。(一)法蘭西之謂也。南海康氏曰。拿破崙第三立爲帝。法人聽之。(二)以愚所知。則法人俟其力壞而滅。其千八百五十二年自立之所謂憲法。已耳。安在其聽之也。吾爲憲法如何。不有鑒於法蘭西之亂例也耶。

愛國儲金 四年八月

上海神州日報。曾載愚與某君某君。於愛國儲金一事。頗持消極反對之調。猥承獎飾。

謂愚與某君某君之言論。默持一部分人之心理。因之儲金者頓起疑慮。趑趄不前。以致結果不若當初所計。吁。冤矣。甲寅數冊。節節可稽。自有此項儲金以來。愚何嘗有片言隻字之評論。表露於外。果愚先有建言。而袁兆以是而致。則愚誠庸劣。而其平昔敢於論列天下事。亦斷不止區區儲金之比。奚至此種事後之責。遽乃卸而不承。特愚自始未嘗言之。美固不欲掠。謗亦不願受耳。

然愚自始未嘗言之者。非不能言也。不欲言也。有人投函於上海字林西報。謂凡中國之眞愛國者。當設法阻止儲金之進行。愚意反之。凡事有其自然。果愛國儲金而無當於愛國也。儲之者必且徐徐自有所覺。果有當也。吾卽百口頌言其非。彼且漸明吾欺而益堅其志。故愚謂此事當任其遵彼邏輯之境。以行善也。聽之惡也。亦聽之。必俟實效已呈於吾前。而乃事後施其判斷。語曰。不經一事。不長一智。事未經而以爲言。雖辯不我信也。事已經而卽不言。得失猶彰彰也。此愚前此不論愛國儲金之所以也。易詞言之。愚於此事不欲以政家鼓吹之態。出其前而論之。而欲以史家冷靜之眼。從其後而觀之也。

今則其效可觀矣。當發起時。有某策士發議於政府。謂可得二萬萬元。政府曰。理想也。五千萬元。差近是。則預計五千萬元。而爲時數月。分局遍天下。領儲金團者。又皆達官貴人。巨紳名士。乃據七月二十七日東京朝日新聞所載上海電。認捐總數。不過六百餘萬元。已繳者未達二百萬元以上。是何濡滯。當爲首事者所萬不及料矣。果愛國儲金四字。聯屬成一名詞。而有意昧。則吾中華民國愛國心之全量。僅值二百萬元。而其值。又爲吾人之所自定。非由他人抑價賤酬者矣。嗚呼。是何說耶。

愚謂此事。於政府國民兩方。皆爲絕好之教訓。請得分言之。

政府夙以國民爲易欺。欺以剛時亦欺以柔。愛國美名也。以是而得錢。是猶終其背而獲之。人且不議其爲奪也。往者宣統初年。直隸商業研究所創爲籌還國債會。而失敗。以其時爲滿清。且外債非可驟還。有背夫生計之理。時賢如梁任公之流。起而反對之也。民國元年。南京留守黃克強提倡國民捐。而失敗。以其爲民黨所倡。懼其別有陰謀。吾不助之。凡國人之與吾同情者。皆不助之也。而今非其時矣。今以中華建國統一萬能之政府。當此國交垂破。外資斷絕之時機。以救國無上之名。博鉅萬億來之費。新聞

不患其不鼓吹。名流不患其不奔走。計執善於此者。於是買賣然而慫。慫之而斡旋之。而儲金之局。全國密如網矣。此之所爲。其爲飲酖解醒之計。明乎生計者。可以一覽而得。惟愚以爲政府中其毒螫。噬臍而無及者。將不在是。役進行之中。而在終局善後之事。蓋君子可欺以其方。政府既得其方矣。所事如其所期。亦情理之所可至。然人民所謂愛國之心。祇有此量。一摘而少。再摘而稀。三摘猶可。四摘抱蔓。國人之困於惡債。巧捐久矣。此次儲金。而卽有大效。亦已賭盡。三摘之機。夫旣國於天地。事有不恃人民之愛國心。而能國其國者。今苟悉其量而擢之。以後國與人民全然打成兩橛。無論政府之終將不免於欺也。卽開誠心布公道。又焉爲者。愚則恐其爲黎邱之鬼耳。黎邱之鬼。善似人。貌爲其人之姪。迫而呼救。人往救而審其欺。一旦眞姪迫而呼救。人竟聞而不往。故曰。蠅蠹一歲再收。非不利也。然而禁之者。爲其殘桑也。離先稻熟。而農夫耨之。不以小利傷大穫也。殘桑傷穫。中農猶且不爲。況爲國而可。『摧拉人民愛國心之萌蘖』也耶。嗚呼。誠不料愚之懷此。猶爲過慮。以今日之所謂儲金。用力不可謂不多。

爲時不可謂不久。而並未及一僅可之數。足充政府何項緩急之用。政府縱專以「偷錢」爲職務。若自始知其祇有此數。亦不肯胙篋探囊發匱以爲之。何也。彼不能妄意室中之藏之不足爲聖。慮爲莊生所竊笑也。夫政府欲竊民間之財。而不能斟量高度。有無必中者。亦不乏其例。如以查禁私烟之名。行督銷洋藥之實。卽官卽盜。撲朔迷離。其甘冒天下萬國之大不韙而決爲之者。以妄意其中有二十萬元之藏也。而不意兩月所收。僅六十萬。則大罾蔡乃煌之欺騙。揭參查辦之聲。不絕於耳。是猶樓頭小婦。忍恥夜度。所約纏頭百不得一。因乃詬詈醜聞鄉閭。然其失敗。愚猶以爲不若此次儲金之甚何也。以儲金居至美之名。處至順之勢。遠非遣弄臣。販毒藥。傷人心。害天理之比也。彼之失敗。不過忍恥此之失敗。竟至亡魂。是乃學爲黎邱之鬼。而始終無人往救。比之於農。亦初無桑可殘。亦未見何離可耨。見象惶惑。莫可究窮。嘻。爲政府者。自有此役。允宜收視返聽。頓晤向之所持。以爲顛倒。買弄國民情感之具者。今掃地盡矣。老聃曰。民不畏死。奈何以死懼之。今民不愛國。奈何以愛國劫之。嗚呼。可以返矣。

(一)偷錢。政府乃楊賢子所創之名。

(二)胙篋。本莊子胙篋篇。

爲國民者又何如。夫愛國心之爲物。八九主夫感情。而其中所能與辨理心並容者。爲地至狹。故明知某事之不必爲。且爲之而轉有害。而同情相成。同利相感。及一羣之人。大呼而起。已亦不自制其足之前行。相與共邁矣。是之謂羣衆心理。今者儲金之事。卽羣衆心理之作用也。當建議時。豪情熱辯。颺舉泉發。辨晰利害。親切無倫。人人懼吾爲波蘭。家家自薦爲卜式。以爲吾一出其一金二金之資。政府之德慧術知。卽增其十倍百倍之量。故初期所集。尙有可觀。雖然。政府之爲何種政府。公等之愛國心。究爲何種愛國心。此可以欺朦於一時。而莫容再度之思索。爲時愈久而進數愈微。是寧待言者。然以中國人口之衆。富者貧者。哀多而益寡。在理想卽得四萬萬元。亦宜不難。且人之好義。誰不如我。我儲何許。人亦必儲何許。惟其人人同儲何許。而我亦以何許益之。此種相益而成之數。在儲者之心目中。亦初不以爲小。而何至僅及二百萬元而止也。夫苟儲者。早知最後之數。不過如是。則必袖手不儲。蓋此種行爲。譬之集腋以成裘。不若捧土以填海。方其儲時。乃挾一人。人如我之覺念。而至以灼知。人人不如我。則我微末之資。奚益於事。以石投水。良不如其已也。故凡公衆募集。其自然之勢。在趨多而避寡。

果此。次。所。儲。一。蹴。而。達。於。二。千。萬。元。或。五。千。萬。元。也。則。求。爲。一。萬。萬。元。乃。至。四。萬。萬。元。疑。亦。不。難。以。爲。數。如。此。之。鉅。人。知。已。分。雖。微。而。彼。此。相。倚。爲。重。故。樂。得。而。附。益。之。也。今。止。於。二。百。萬。元。欲。人。之。繼。長。而。增。高。愚。恐。其。難。如。上。青。天。矣。於。斯。時。也。果。儲。金。章。程。著。有。明。條。逾。若。干。時。額。不。足。若。干。准。儲。者。自。行。收。回。原。額。愚。知。不。願。收。回。者。必。絕。無。而。僅。有。也。事。誠。如。此。其。將。謂。儲。者。之。愛。國。心。前。後。相。爲。矛。盾。矣。乎。曰。否。不。然。也。愛。國。心。者。一。族。之。公。心。非。數。十。百。人。所。得。而。私。有。也。一。國。之。人。舉。愛。其。國。則。此。數。十。百。人。亦。相。與。愛。其。國。一。國。之。人。舉。不。愛。其。國。則。此。數。十。百。人。亦。相。與。不。愛。其。國。世。固。有。一。國。之。人。舉。愛。其。國。而。數。十。百。人。獨。不。愛。之。一。國。之。人。舉。不。愛。其。國。而。數。十。百。人。獨。愛。之。者。然。此。乃。倫。理。道。德。偏。至。之。談。而。非。羣。衆。心。理。普。遍。之。象。若。以。羣。衆。心。理。律。之。愛。國。乃。猶。大。風。起。夫。茅。葦。東。之。則。盡。東。西。之。則。盡。西。良。不。誣。也。今。假。定。儲。金。爲。愛。國。二。百。萬。元。一。人。一。元。爲。二。百。萬。人。之。所。分。儲。是。吾。國。有。二。百。萬。人。之。愛。國。者。矣。然。此。二。百。萬。人。者。若。以。四。萬。萬。人。共。有。之。中。華。民。國。獨。責。彼。愛。而。他。人。皆。宣。言。不。愛。彼。必。不。愛。易。詞。言。之。愛。國。儲。金。獨。責。彼。儲。而。他。人。皆。不。之。儲。彼。必。不。儲。然。而。儲。之。者。何。也。亦。猶。曩。言。彼。蓋。挾。一。人。人。如。我。

之覺念而至也。或曰：人誦吾不愛國，而幸有此二百萬人存，洗少恥焉。愚曰：否，不然也。此二百萬人者，非能獨愛國也。前此有若愛國，以誤覺人，人不讓於彼，而致然也。其覺既誤，則其真實心理，即與其餘之三萬八千八百萬人同立於水平線上。以此方之愛，必賴他方之愛以成之。他方不存，此方即不能獨至。如布算然，以數乘零，無論其數大至何許，皆化爲零。故三萬八千八百萬人者，自始未嘗愛國；二百萬人者，亦自始未嘗愛國。或疑儲者之心，前後變易，非能觀其通者也。用此觀之，然則愛國儲金二百萬元一事，究其極也，惟以證明吾全國人皆無愛國心也。已此寧非大可警覺者哉？然則如之何而後可？曰：補救之道，厥在二事：一嚴爲國家與政府之分，一重造愛國心之界說。

前者義至易明。人爲一國之民，不能自立於國家以外。祖宗丘墓之鄉，飲食歌哭之地，尙曰不愛，豈復人情？國家之難，卽已難也。此而不救，亦誰肯認？然今茲之所招厭惡於國民而吐棄之者，政府耳。於國家無與也。故謂吾有國而不知愛，是謂大謬。謂吾於惡政府而亦宜愛，是謂大愚。昔人有言：君父至尊親，送其終也。有時而既。近世國家主義

政府之於人民。既無家長天然之親。尤乏天王明聖之義。是愛國可耳。決不能使此倚國爲崇之惡政府。並享吾愛也。譬若城有狐而社有鼠。人豈不愛城社。惟若吾用吾愛。唯狐鼠之是肥。而毫無益於城社。吾安能忍而與此終古也。故不愛國云者。嚴其格以求之。決非不愛國也不樂夫致吾愛而於國無與也。

造定義。又如何。愛國者。所愛者國也。非能如細人之爲。姑息。非能如婦寺之用。愚忠。是宜規其大者遠者焉。善夫蘇格蘭學者鮑生葵之詰愛國心曰。『凡一國家國民之具有常格者。感情必變爲忠愛。識解必周乎政治。且彼於一事。必深知之而深覺之。其事維何。則國家者。所以包涵國民寶愛之物。及國民之利益。而保證其安全者也。而國民寶愛之物。與利益云者。凡國民斟酌其對於公益之關係。所範成之各事業。皆是。故知其非各各離立。偶然混合於一處。而實與國民公益節節有緣。此種知覺。卽愛國心之精髓。愛國心之恰到好處。不過如此。而談者每易作逾分之詞。世俗所謂愛國之徒。半指絕大之犧牲者。殊不知此種犧牲。國家未嘗須之。質而言之。人能養成尋常習慣。以共同幸福爲實際上之目的。及人生之基礎。卽爲愛國。愛國心云云。雅不外此種尋常。

習慣也。」(二)透宗之談。不可易矣。果愚詮鮑氏之旨而不謬。則人立於一國。公私相與之際。有其相宜之位。置焉能保此相宜之位。置適如其量。即是愛國之道。故吾人亦爲其宜者而已矣。若不必爲其所宜。是無論稍稍分其日用飲食之資。以投於國之毫無益於實也。卽毀家紓難。亦何用者。故夫今人以愛國二字。與儲金連爲一名。謂不儲金者。卽不愛國焉。此誠細人婦寺之所謂愛。與近世立國之道。風馬牛不相及者也。英倫近有礦夫罷工之事。而海軍無煤。前敵之險莫狀。此其礦夫之無愛國心。在吾東方人聞之。必且舌橋三日而不能下。而英之政府。不能以愛國愛國。張皇號召。卽能返工於礦。而行所無事也。是有其相宜者焉。礦工之要挾也。以政府之待之失其所宜。及今補救。舍復其所宜以外。無他法矣。空談愛國。不與誦孝經以退黃巾同一故智也耶。

評梁任公之國體論 (二)

四年十月

梁任公號爲言論之母。今於國體論「甚囂塵上」。「八表同昏」之時。獨爲汝南晨雞。登壇以喚。形大而聲宏。本深而未茂。其所以定民志。邪衆說者至矣。顧其文不免有斧鑿

之痕。啓人疑慮。頗聞人言。梁任公草此文。凡數易稿。初稿之詞。最爲直切。親愛者以爲於時未可。點竄塗改。以成今形。茲雖於大體無病。而悠悠之口。乘間抵牾。肆其毀疵。是誠不可以不辨。或曰。庖人旣不治庖。復未引尸祝自助。而遽手薦鸞刀。漫之羶腥。不亦太可笑乎。曰。不然。梁任公之言。天下之公言也。愚爲言。辨非爲人。辨也。乃著其說於次。任公曰。『吾儕立憲黨之政論家。只問政體。不問國體。』又曰。『在甲種國體之下。爲政治活動。在乙種反對國體之下。仍爲同樣之政治活動。此不足成爲政治家之節操問題。』駁之者曰。善。吾今計謀變更國體。公可不問。俟吾改革畢事。仍請公爲其同樣之政治活動可耳。此不關夫節操也。充斯說也。設若此次變更國體之後。更有三次四次乃至五次六次之變更。任公所立之命題。仍可。不換。而駁者之答案。仍可不移。展轉相推。將見譙周之作降表。不足言。慣馮道之爲三公。不足言。屢此誠。不得以概鄉黨自好之士。而謂賢如梁先生。天下寧有若是之小人。妄以臆度者乎。顧讀任公之文。尋行而數墨。其結果將不得不使輕佻者推想至是。故其文初出。楊哲子卽聲言不駁。以爲國

體既非所問。駁之何庸。愚之所謂不可不辨者此也。

只問政體。不問國體。問之云者。卽英語之 question。以其事可疑而發爲問也。故問與論不同。論者可就其不疑之一面發揮之。問則非疑不啓也。國體者。不容致疑者也。傳曰。卜以決疑。不疑何卜。卜者。問之類也。既已不疑。何有於問。有自署破浪者。於茲有言曰。『任公此文。爲誰而作乎。』曰。爲國體問題而作也。爲國體問題而作文。乃爲根本取消之言。曰。國體問題。非政論家所當問。所能問。此可異者也。』(一)此蓋未明夫問與論之別也。法蘭西第一共和之憲法曰。共和國體。(二)不得以爲提議修改之題。此謂國體爲固定之事實。不當問也。非謂不當論也。若謂不當論。則本條之所由立。非論莫致。自後之解釋。辯護。非論莫成。是不可通也。涂格維爾者。法之政學宗匠也。魯意腓立之君主。憲法既定。彼宣言無人有此權力可變易之。此亦謂國體爲固定之事實。不當問也。非謂不當論也。若謂不當論。則彼所著書言憲法者。寧非羌無意識。是不可通也。人以任公不問國體。卽推定其論國體爲矛盾者。非知言者也。

(一)見九月十三日上海亞細亞報。(二)原文本言政體。(republic form of government)以其時國體政體之辨未明。在今日言之。宜指國體也。

此義既明。則問之云者。純屬諸能動觀念。謂國體之爲物。在我之主觀。爲無可疑。故不問耳。至若他人起而問之。則我應取何種態度。則非前此消極之說所能限。蓋此時已入於被動之域。非積極有所論列。則是前日不問。乃秦越相視。無動於中之類。豈政家之所爲。故前日之不問。今日之論其精神。仍一貫也。譬之美利堅立國。自始不欲與歐洲紛其交涉。因而開戰。此所謂們羅主義也。設若歐人必與美人紛其交涉。迫之不得不戰。美人亦唯有戰而已。不得謂今日之戰。與們羅主義相防也。豈僅不相防。且正所以相成也。

在甲種國體之下。爲政治活動。在乙種反對國體之下。仍爲同樣之政治活動。不足成爲政治家之節操問題。此必於所用甲乙兩字之範圍。先求確定。而後當否可得而論。茲之甲乙。果配分之甲乙乎。抑同體之甲乙乎。配分者。同類之物。任舉其一。欲甲甲之。欲乙乙之。同體則不然。甲者。某甲乙者。某乙。所代祇一。不可移也。由前則曩舉駁者之說。誠不得謂無邏輯可據之基。由後則否。以愚觀之。任公之意。由後而不由前。此不待甚智之夫。可以一思而得爲之詞者。喋喋利口。捷給果胡謂也。

用此以觀所謂甲種國體。滿洲君主國體而亦限於滿洲君主國體者也。乙種反對國體今日共和國體而亦限於今日共和國體者也。節操問題之生乃謂由滿洲以入民國前之曾從事於立憲運動者是否繼續而為同一之運動不至有貶節喪義之嫌不許竊取論點施之別案也。此其無損於節操在尋常官僚且猶有然。(二)何況富有主義之政家大黨其理章顯無待縷陳。(三)舉其最淺者言之君主國體為家天下民主國體為公天下自私而之公一也。滿洲季年立憲絕望易為共和而憲政確立在理宜。

(一)汪君風瀛致楊度書有曰、「今日在朝諸公、同非清室遺臣、止以國為民國、出而為國服務、初無更事二姓之嫌、風節稱臣之病、故一經勸駕、相率來歸耳、」此可推見一般心理、

(二)元年之冬、梁君在北京報界歡迎會演說、言此頗詳、請舉其詞如下、「世論或以鄙人曾主張君主立憲、在今共和國體之下、不應有發言權、……即籌畫中亦有疑於平昔所主張、與今日時勢不相應、會已從人、遂於貶節、因嘆喟而不敢盡言者、吾以為此皆謬誤也、無論前此吾黨所盡力於共和主義者何如、即以近年所主張、對於國體主維持現狀、對於政體、則雖一理想以求必達、此志固可饒然與天下共見、夫國體與政體、本不相礙、稍有政治常識者、類能知之矣、當去年九月以前、君主之存在、尚顯然為一種事實、而政治之敗壞已達極點、於是憂國之士、對於政界前途發展之方法、分為二派、其一派則希望政治現象日趨腐敗、俾君主府民怨而自速滅亡者、即所謂所謂苦肉計也、故於其失政、不屑復為救正、惟從事於秘密運動而已、其一派則不忍生靈之塗炭、願隨事補救、以立憲一名詞、蓋在滿政府

然二也。(一)苟政家之節操緣此二義而無傷則在同類變故之下政情稍與其義相背則所謂節操已零落瓦解而不可救而況適得其反者乎。(二)譙周馮道生於今時稍解政治粗諳憲典如此儉合苟容之事知其猶且不爲而况首倡民權大義如任公其人者乎是故兩事相比往往貌近而情大乖邏輯重倫類而有時不可通者此類是也。

右陳諸點灼灼甚明而世之抵排任公者仍噉噉不已而其說傾巧善陷一若足以動

頭上、使不得不設種種之法、定民選機關、爲民權之武器、得憑藉以與一戰、此二派所用手段、雖有不同、然何嘗不相輔相成、去年起義至今、無事不資兩派人士之協力、此其明證也、然則前此曾言君主立憲者、果何資於國民、在今日亦何嫌何疑、而不敢爲國宣力、至於強誣前此立憲派之人爲不嫌於共和、則更是無理取鬧、立憲派人、不爭國體而爭政體、其對於國體、主維持現狀、吾既屢言之、故於國體則承認現在之事實、於政體則求貫徹將來之理想、夫於前此障礙極多之君主國體、猶以其爲現存之事實而承認之、屈己以活動於此事實之下、豈有對於神聖高尙之共和國體、而反挾異議者、夫破壞國體、惟革命黨始出此手段耳、若立憲黨則從未聞有以搖動國體爲主義者也、故在今日擁護共和國體、實行立憲政體、此自論理上必然之結果、而何有節操問題之可言耶、(一)今之憲政不能確立、非共和之咎、此理宜明、(二)今之倡言君主、每以將來立憲爲詞、此誠謬所謂局顧者也、

獨君國體論中、已論及獨立君主、不能立憲、

庸衆之聽者何也。嗚呼如是者。有本有原。則任公入民國來一言一動。俱不免爲政局所束縛。立論每自相出入。持態每觚觚不寧。實有以致之然也。夫當共和立國之日。身爲輔導共和之人。而乃不恤指陳共和之非。其言又爲一時所矜重。豈有不爲人假借。遂其大欲之理。殆既見之。則又廢然。此四年間。觀其忽忽而入京。忽忽而辦報。忽忽而入閣。忽忽而解職。忽忽而倡言不作政談。忽忽而著論痛陳國體。恍若躬領大兵。不能策戰。敵東擊則東應。西擊則西應。蒼黃奔命。卒乃大疲。蓋已全然陷入四面楚歌之中。不能自動。而與其夙昔固有之主張相去蓋萬里矣。嗚呼補苴之術。豈可久長有謀而需。乃爲事賊。任公自處有所未當。八九歸諸社會之罪惡。卽過亦爲君子之過。誰肯以小人之心度之。惟以其人於中國之治亂興衰所關甚切。如是之舉棋不定。冥冥中墮壞國家之事。不知幾許。愚誠不能不附諸責備賢者之義。於排斥浮說之次。貢此數言。狂悖之罪。不敢辭卸。

讀嚴幾道民約平議 三年五月

嚴幾道近作民約平議一首。揭於天津庸言報。(二)以痛詆盧梭。大不滿意於自由平等之說。其言誠辯。而可以進論之處。究不爲少。愚輒忘其無似。而以此篇與商兌焉。惟先有一言以告讀者曰。愚非醉心於盧梭之共和說者也。且慮國人過信此物。馳於空想。而因襲其所以立國之基。恆爲稱述西哲名言。謂自專制以至共和。乃有共通要素。非此不足以圖存。而立憲之國。民意流通。有時且較之共和。愈形活潑。是故平等自由者。非共和國之特產。而盧梭之所能發明也。此立憲國有之。卽專制國亦不能謂其無有。(三)由是吾人之於盧梭。亦證其所持之理。爲何如耳。理有通於此不通於彼者。吾取此而舍彼。通於彼不通於此。吾取舍則反之。斯爲善讀古人之書。而不爲所苦。初不宜挾一先入之成見。硬坐盧梭之說。隣於盧誕。遂視爲洪水猛獸。而排之也。卽如天賦人權之說。得盧梭而始大張於世。法蘭西學者和之。此無足怪也。而德意志法家亦取其說。以爲一切法律之基。初不以其爲盧梭所倡之故。慮有妨於君主國體。廢而不講。

(一) 第二十五六期合本、

(二) 中國社會所存平等自由之實本甚多、特其意義不必如西人所云耳、

何耶。英吉利之作者亦然。又何耶。苟吾不能字英德之士爲狂易。則必有至理存乎其中矣。夫吾共和國也。而主張一說。必先爲之辨曰。此非共和之說也。斯誠可笑。惟今居反動時代。名爲共和。一切惟還乎專制是務。於是。有無論何國所不能不備之質。而以爲貌似共和。不免挾其雷霆萬鈞之力。以擠而去之者焉。此愚所爲讀嚴論而有感。先表而出之於此。讀者必諒斯意。而後觀愚所以駁嚴君之言。庶乎能得其平。

嚴君平議。號稱自造。然以愚觀之。蓋全出於赫胥黎「人類自然等差」一文（二）所列「民約之大經大法」三則。亦卽赫氏所舉。其比論郝伯思洛克兩家。與夫詮釋自由平等諸義。並皆本之。故對於嚴說。而加駁義。與直造赫室而抗辯焉。無或異也。夫赫氏爲生物專家。近世寡其輩流。豈不可敬。愚學於滬北淀大校。彼曾領該校總長之職。學風所被。愚亦爲私淑者之一人。豈有非薄先賢之理。然赫氏畢生精力。用於專科。特以天資妙敏。文詞慄慄。喜以刀圭餘暇。縱談教育社會諸務。揭諸雜誌。其文可誦者固多。而以拘墟於科學之律特甚。扞格不易通。且有時互相牴牾。而不自覺者。亦自不少。是故

（一）Huxley, On the Natural Inequality of Men. 見赫氏文集 Method and Results.

以言物理。赫氏誠爲宗工。以言政理。時乃馳於異教術業。專攻勢使然也。自有民約論以來。論者百家。名文林立。持說無論正負。要有不盡不竭之觀。嚴先生作爲平議。體亦大矣。乃皆外而不求。略而不論。獨取一生物學者之赫胥黎。先入以爲之主。卽其平日所最崇信。爛習之斯賓塞。徒以爲說。與赫氏不同。至此亦不欲引以自廣。惟以『治羣學者深知其說之不然』一語。渾括之焉。(一)愚誠頑鈍。乃不得不叩嚴先生之門。而請其說矣。

愚熟觀嚴論。而見其最爲惶惑者。則民約之所自起也。其言曰『草昧之民。其神明旣爲迷信之所深拘。其形骸又爲陰陽之所困阨。憂疑好殺。家相爲仇。是故初民號爲最苦。……盧梭之所謂民約。吾不知約於何世也』此卽生物學家所以窘盧梭者。實則初民相爭好殺之相。郝伯思立說已想像及之。並非生物學者之所剗論。卽在吾國。椰子厚作封建論。已能言其梗概。此先郝伯思又近千年矣。惟有當注意者。則二子之所推論。雖與生物學者約略相通。而後者以證民約之不可能。前者則轉以爲民約之

所由始。郝之言曰：「民之始猶禽獸也。離羣處獨，獐獍獲愚，人以其一而與其羣爲戰。當此之時，其小己之自由固甚大也。然而弱肉強食，晝夜喘喘，無一息之休居，不得已乃相約爲羣焉。」（一）是所謂約。卽約於弱肉強食之時也。柳之言曰：「彼其初與萬物皆生，草木榛榛，鹿豕狂狂，人不能搏噬，而且無毛羽，莫克自衛。荀卿有言，必將假物以爲用者也。夫假物者必爭，爭而巳，必就其能斷曲直者而聽命焉。其智而明者，所伏必衆，告之以直而不改，必痛之而後畏。由是君長刑政生焉。」茲雖未明言約而爭者皆願聽命於能斷曲直者，非有約，胡能是所謂約。卽約於假物相爭，爭而巳之時也。盧梭之所言約，質雖不同，而起源大率如是。嚴君嘗評郝說，而以爲似矣。顧乃不知盧梭之民約約於何世何耶。

愚知之矣。赫胥黎所刺取於盧梭，而以爲大經大法者，其首條曰：「民生而自由者也。於其羣爲平等，而皆善，處於自然，則常如此。」（二）是故自由平等而樂善者，其天賦之

（一）此依嚴譯、

（二）此處當作「處於自然、人口不增、爭存不烈、則常如此」，乃無誤解、觀後自明、

權利也。』嚴君必視盧言初民之性與郝伯思有殊。而因未能以郝說概之。殊不知盧梭此段乃指生民之始有此一境而非即據以爲民約之動因也。郝盧之於人性善惡誠各有其主張。然在邏輯不得謂發點既違由是而之焉。必無合轍之處。蓋言性爲一事言民約又爲一事。未可混也。是故攻盧梭者以爲初民無此境焉。是非暫不論。而要不得謂無的放矢。若夫執是爲推髻髻。盧梭曾謂人類自由平等而皆善。因相與爲約造爲一理想之社會焉。此攻之者閉門而造之。盧梭未爲是言也。不獨未爲是言。愚嘗勤攻而熟考見其所言且適得其反也。盧之言曰『自然之境人求自存久之而接觸日多。隨處而見障礙。且障礙之爲力足以直襲其求存之性。使之處於自然無計自保。苟非別求生存之法。則人類將無子遺。初民確至此一境而見其然焉。此吾敢斷言者也。』(一)之數語者。正以說明約之所由生。其所寫原始社會之狀態。衡之郝伯思而同質之生物學者。亦不必有異。(二)而毀盧梭者輒曰。上古者直一殘忍好殺之境也。胡

(一)見民約論一篇第四章、

(二)或謂盧梭言初民有善境、生物學家反之、此終是異點、愚曰然、惟生物學家謂初民無善境、其所以然則人以相仇而好殺也、其所以相仇而好殺、以人

得謂善。而不知殘忍好殺。實盧梭業已揣得之見象。筆之於書。與人共見。而人熟視無覩。轉執作武器而攻之焉。是誠近於頑童之所爲。而通人碩士。輒不免焉。何也。無他。感情之所中。成見之所封。不暇深求其書。而以道聽途說。自滿假也。英儒鮑生葵(一)嘗病盧梭之書。爲人妄解。爲之言曰。『凡偉人之意見。一入常人之口。其所留意。戒備。視爲不可犯者。輒犯之。不已甚。且假其名以行焉。』此誠慨乎其言之。而愚以爲深中學者之弊也。(二)是故目論之士。不加深察。以爲盧梭曾慮懸人生最初之善境。而因武斷其民約說。逕由此善境而生。初未經爭存互殺之一級。宜乎不知盧梭之所謂約。約於何世也。嚴君博通西籍。其亦偶爲道聽塗說所蔽也耶。

嚴君擠排民約。又發爲絕奇可駭之論曰。『今如有萬分一。一日神州之土地物產。其

口日多。實生之具。爲其所分。所應有者。日見不足。不得不使人之分而奪之也。然則人口未繁。實生各足之時。其不至相仇而好殺。可以推見。盧梭之所謂善。亦正於是時云爾。非至善之謂也。此與生物學者之言。不必有絕對不容之處。

(1) Bernard Bosanquet, 引語見所著國家哲理, *Philosophical Theory of the State* 一四頁。據一八九九年本。(2) 嚴亦嘗舉拉哈布 *La Harpe* 之言曰。『甚矣世俗讀書之不審也。俗嘗謂必民主而後有道德。猶之必君主而後有尊榮。此言出於孟德斯鳩。乃相與贊識其不審。不知孟氏原書具在。彼固未嘗爲此言也。』見嚴譯法意三卷三章。

宜歸吾人永保與否。聽大會之表決於海牙。異時之事不可知。或乃貿然以吾人爲篡。當此之時。公等將俯首帖耳。以爲此實民約之至平乎。』是說也。愚以爲兼犯二病。一曰遜詞。一曰誤解。何言乎遜詞也。大凡邏輯論法。首嚴範圍。本論之範圍。乃國家也。而國家含民族則無意味。故政家之恆言曰。民族國家。(一)夫民約者。何約爲國家也。約爲國家。則斷不出乎一民族以外。今吾中國尙不得稱爲民族建國乎。如其然矣。則如君言。爲約不爲於一國以內。而與他民族共爲之。至聽海牙大會之表決。豈非怪事。而君圖逞其詞鋒。不顧而作此譬。是民約言人與人之事。(二)而嚴先生以國與國之事。詰之使民約而能言。必不置答。其在邏輯病曰。『逸果倫楷』。逸果倫楷者。猶言忘其論點也。(三)今且置邏輯不論。從君之譬。以爲論思。而其所以釋民約者。亦屬誤解。何以言之。夫約者何。盧梭曰。約以意不以力。『屈於力者。乃勢之事。非意之事也。』(四)此其定義固甚明。而後之濫言民約者。則爲之推廣。謂凡兩造所立之契。無勢無意。皆

(1) Nation-State: 惟盧梭書中乃言市府國家。City-State: 意義稍別。本文針對嚴說。就吾國立論。故用之。
 (11) 盧梭嚴此別。觀民約論一篇。四章自明。
 (111) Ignoratio elenchii
 (112) Oeder a la force est un acte de necessite, non de volonte 見民約述一篇四章。

稱爲約。赫胥黎者。卽其一人也。其言曰。(二)

民約之理想。雖近於謔。然社會之結構。無論其爲何式。而分子之間。或隱或見。實有一種契約存焉。則又事實之不可掩者也。蓋社會全以武力維持者。既未曾有。亦不可能。如有人曰。黑奴之傭於其主。由約不由力。乍聞之似謬。而究含有真理。無容致疑。其約也。苟表而出之。當如下式。——奴。汝爲工若干。吾食汝衣。汝室。汝否。則殺汝。鞭。汝虐待汝。——奴視其約將無良於此者。乃忍而受之。又余苟遇盜於塗。創余立死。奪余貨以去。是以力盜余。名實不爽。惟或以鎗擬余。命與金。惟余所擇。余又寧舍金而取命。則余惟有獻金於盜。取其約中之輕。而能爲者爲之而已。於斯時也。苟余仍不免爲盜所殺。則人得從而斷之曰。彼既犯盜與殺。而又取得一違約之罪也。是故。專制政府大都。不過綜馭奴者。與路劫者之行。事而集其成。然治者與被治者之間。終含一種有意識之盟約。自專制以往。政府之式。遞進於良。其爲有約。更不俟論。夫約者。非他。乃兩造各就一定之條件。而制限其自由也。路賊舍去殺余之自由。而

(1) 見 Administrative Nihilism 文中。譯文參見 Method and Results。

以余之舍去財產自由爲條件。余舍去虐遇黑奴之自由。而以奴之舍去游惰自由爲條件。由是可見社會組織。或繁或簡。而精神基礎。要在所有分子在某方面各拋棄自由權。何許而以與他分子共同生活。所得之利益。以爲償。質而言之。若而憲法。若而律令。若而風俗。其所以明言默認某事。可爲某事。不可爲者。無往非成文或不成文之約也。

約既有此廣義。人遂以爲盧梭所言。卽屬如是。嚴君今以產業見奪於人。吾無力與之相抗。因俯首帖耳。從其條件。疑卽盧梭之所謂約。反詞以詰之。冀崇拜民約者無敢置對。詞窮而去。是殆先熟赫胥黎之論於胸。偶不加察。遂有此蔽也乎。愚今請得更誦盧梭之言曰。約以意不以力。『屈於力者。乃勢之事。非意之事也。』必明乎此。而後可言盧梭。

凡右所陳。意在指明嚴君所爲。在平反民約之說。而於民之所以爲約。與約字之義解。未能求之盧書。細加體會。故雖號曰攻盧。其實於盧無與。今且進辨其所以論盧梭經法者。

赫胥黎舉盧梭之原則共三條。第一爲天賦人權。其詞已前見。不更舉。夫盧梭曰。人生而自由者也。此特以示自由之性出於天生。不出人造。已耳。猶心學家之言良知言直覺言夙慧於生育之事無與也。今赫氏攻之曰。『吾爲醫。所見新生之孩爲不少矣。曩然塊肉。非有保赤之勤。爲之時其寒饑。歷十二時寡不死者是呱呱者。安得有自由之能力乎？』（一）是由天生之生轉入生育之生併爲一談以欺庸衆。（二）在邏輯論法謂之『媒語不明』。（三）不圖赫氏大家而犯此病。問嘗論之。良知之發見必始自孩提之童。直覺之來尤無定年。英儒穆勒號稱夙慧而亦六歲始受計學於其父。如赫氏言吾人悉以醫家之術即呱呱墮地之兒而驗其有無亦俱不外『曩然塊肉』而已。寧有他也。今質之嚴先生吾人因謂孟軻爲邪說約翰乃癡兒可乎。愚謂赫氏拘墟於科學之律特甚此也。

（一）語倣嚴譯、

（二）赫氏之詆盧梭本爲護情實本、冀勸備工之聽者、文中自言及之、

（三）三段論法、當作（1）人生而自由、（2）嬰兒生、（3）故嬰兒自由、此得結語不通、故赫胥黎以證盧說之謬、然須知生字凡兩見、謂之媒語、必意義相準、而後結語不謬、今兩生字形同而義異、名爲一字、實則兩字、兩字安能作媒語、故曰媒語不明、Ambiguity of middle term 亦曰四圓之謬、Fallacy of four terms 以論法祇取三圓、而今四圓故也、

赫氏之論平等。其說從體智身分而入。謂智愚強弱貴賤貧富之不同。自然而然而無法齊之。其言不爲無理。然當知此種不同。盧梭非無所見。且嘗標題著論。說明其所以不同之故矣。(一)然則以此間執盧梭。寧非無謂之尤。盧梭撰民約論。論產業終結。以一句語曰『吾今此語當用。以爲羣制之本源。是何也。是乃民之初約。在不違反天然平等之性。』(二)而以道德法律之平等。取體質之不平。等而代之以體質之不平。等乃造物以加於人。無可解免者也。由是民力民智縱或不齊。而以有約之故。其在法律乃享同等之權利。』是則智愚強弱之不一。盧梭已有說處。此至貴賤貧富之所由異。有時乃屬賢愚勤惰之結果。盧梭寧不知之。故其言曰『以言平等。其慎勿以爲若權。若富。吾人皆當保持同等之量。斯語之所謂。不外有權者不當使之爲暴。其行權也務準乎位。依於法。富者不當使之足以買人。反之貧不當使人不足自存。至於自鬻如斯而已。』(三)是盧梭所以配置貴賤貧富之道。亦不如俗論所云。彼於權位財產必芟夷蘊崇。

(一) 論題爲「人類胡爲不平等乎、不平等果合於自然法乎」Quelle est l'origine de l'inégalité parmi

les hommes, et si elle est autorisée par la loi naturelle? (二) 茲所謂天然平等(僅指無特權無高

位種種舊之、意在消極方面也。 (三) 民約論二章十一節、

絕其本根、然後快也。嗚乎！世人一耳盧梭之名、幾相驚以伯有矣。乃夷考其實言之、平正通達如此。且時戒人勿作極端之思焉。宜乎鮑生葵爲之太息也。

至盧梭謂人處於自然而善、赫氏以腦漿不結意影、無善不善可言駁之。此關乎心理生理兩科之鬭爭。範圍至闊、非本篇所能議。即吾國性善性惡之辨、亦聚訟至今。迄無定論。惟有可言者、盧梭追想初民而字之曰善、特指爭存好殺之前一境、猶吾言渾渾噩噩、並非至善之善也。且當知以此掊擊盧梭、首當其衝者、實爲吾邦之孟軻、又非可濫「以慘刻少恩、恣睢暴戾」加之者也。

嚴君又述赫氏之詞曰：『吾聞亞里士多德之言曰：人生而奴。此誠誠辭。願以比盧梭之言、猶近理耳。』此則盧梭已自爲答矣。曰：『亞里士多德之言、誠屬事實。雖然、彼倒果爲因。乃巨謬也。人苟生而爲奴、則終身爲奴。說之確鑿、無逾此者。奴既受梏、無復自主。卽欲逃亡、亦不可能……但如有天生之奴、在於今日、則必有非天生之奴、在於往時。蓋第一奴者、必其以力成之者也。惟其恆怯、無以自脫、遂奴奴相嬗、以有今形。』

以愚觀之。盧梭之言。甚平情而近理。赫胥黎圖其文之通俗而利己。所以攻盧者。乃至竊其題而沒其說。嚴君亦貿然而從之。竊有所未解也。

嚴說既宗赫胥黎。以天賦人權爲非。於是不得不有不然之斷語曰。『自由平等者。法律之所據以爲施。而非云民質之本如是也。』則請問嚴君曰。既云『所據』。必有所據。自由平等。非天賦矣。今之法律。據以爲施者。胡自而來。持論至此。惟有引英儒邊沁之語以相答曰。『一切權利皆政府所造者也。』夫政府造之。非法律無由見。是不啻曰。法律造之也。惟自由平等。既爲法律所造矣。而法律復據之以爲施。此種論法。得非丐詞。之尤者乎。斯賓塞擁護天賦人權最力者也。嘗排邊說而有言曰。

造有二義。一從無生。有一卽原有之物。而營構之。或謂卽以天主萬能之力。欲於無物之中。生物。恐亦未能至。人爲之政府。而謂其力足以勝此。尤決無是事。無已。所謂造者。亦惟曰。卽前有之物。政府從而範之而已。於斯問題起矣。前有之物。政府卽而

(一) 此依嚴譯、拉體諸文作 *Patio principii* 英文爲 *to beg the question* 凡一物尙待證明、而卽圖用、以爲證、旋求證彼、復以所證之物證之、謂之丐詞、如吾以老訓考、又以老訓考之類、彼此相求、故曰丐、

范之者果何物耶。明明有物。安得曰造。是之曰造。純乎丐詞。此可以欺。不求甚解者。流不足爲通人言也。曩者邊沁於立言作界。極其慎重。嘗著一書。指陳邏輯諸謬。(一)而於用字之妄。尤有專篇。而其妄也。至此乃躬自蹈之奇矣。(二)

嚴君慎於作界。又特致謹於丐詞。可稱吾國之邊沁。(三)而乃適同一病。得毋文字中有因緣乎。

嚴君又曰。「大抵治權之施。見諸事實。故明者著論。必以歷史之所發見者爲之本基。其抽取公例。必用內籀歸納之術。而後可存。若夫嚮壁虛造。用前有假如之術。立爲原則。而演繹之。及其終事。往往生害。」此其藏理之確。無待講明。惟非所論於天賦人權也。蓋駕馭此題。不幸所謂前有假如之術。嚴君自用之。而不覺而攻人之用斯術者。彼實非無史事以爲之基。斯賓塞羣學宗匠。曠代老儒。不得謂彼於史學無所知也。今請更以其說進。

吾觀於世界種族。有以知未有政府以前。人事悉準乎習慣。貝楚納人全統於久存

(1) Book of Fallacies

(11) 見 The man versus the State 八九頁

(12) 見 嚴君譯 種族名學 卷首

公認之俗。荷騰圖雖有首領。而不甚服之。有時行事。俗中不見先例。則以己之所謂善者行之。亞納坎利安所以爲治。古習默例以外。無他物焉。黠戛斯之酋長。聽訟一本俗情。撒拉瓦之土人。以俗爲法。違俗科金。大凡初民視俗。每不憶其所自來。其當奉信與否。決無人敢發斯問。政府後起。權力爲俗所縛。莫能自由。其在馬達加斯加。君所發命。惟在無法無俗無先例時。始得有效。爪哇亦然。證之蘇門答臘。君欲變例。民必不許。卽在阿商提。以變俗始。每以廢王終。夫所謂俗者。無他。卽所以認明個人權利者也。而所謂個人權利。又不外在於何種範圍。而能行動。主於何種事物。而運用也。卽或財產制度。未之萌芽。而武器用具飾品種種。亦必各有其主人。況夫社會繁複過於是者。往往而然也。北美之紅種。如斯雷克人。無所謂政府。而馬爲私有。齊蒲魏陽人。亦無所謂政府。而私阱所得之野禽獸。卽屬私產。此外關於草屋器具。與夫日用之品類。於是者。在埃斯奇摩。或巴西之紅人。以及其他土著之族。隨處見之。頗不勝述。恒見蠻族之慣例。墾地而種。穀視爲己有。而地則否。安達斯無政治組織。其所爲畜與地之別者亦然。阿拉呼拉之人。尊所有權特甚。非長官依祖宗之成例。

下以判斷。無論何人。不得處理其產。此固不僅未開化人然也。吾疑邊沁之徒。幾忘己國之通行法。全胚胎於習慣。蓋吾之所謂法。其能事。不過本固有者。而條理之而已也。於是邊沁之徒曰。財產者。法律所造者也。吾得以一語折之曰。有法以前。財產久已爲國人所公認矣。(一)

爲邊沁之言者。苟卽此而熟思之。已可廢然而返。然尙進而論之。邊沁曰。政府造權利以加諸人。信如斯也。各政府將各本其所欲造者。造之。假非有法。驅其所造者出於一途。則所謂權利者。行或因政府而異。其致雖然。此等權利實乃無乎不合也。凡屬政府。禁令大抵相類。社會上之要求。亦大抵從同。若故殺。若盜竊。若姦淫。皆習慣之所不許。社會愈進。個人之受保護者愈多。如違約。如誹謗。如僞證。欲取償焉。率有方術一言蔽之。法典條文。儘不一律。而本根數義。莫或外之。此由比較而知。異常確

(二) 此節所用種族各名。原語如下。貝楚納 Bechuanas 南非洲地。荷騰圖 Korannas Hottentots 喜望峯之土人。亞納坎利安 Araucanians 美洲土人。諾瓦斯 Kirghiz 俄羅斯游牧種。撒拉瓦 Sarawaks 在婆羅洲。阿蘭提 Asiant 非洲一王國。斯雷克 Strokes 齊浦魏陽 Chipeweyans 近密西西璧河。埃斯奇摩 Esquimaux 美洲北岸土人。安達斯 Todas 阿拉呼拉 Arduas

鑿然果何由而得此。謂爲偶然。不如是之巧也。平心思之。是乃人類生而爲羣。彼此相接。各有願欲。根於願欲。各有要求。既有要求。自不期而成。俗以交相主張。交相容許。勢出自然。無能牽強所造之法。云者。亦就於主張容許之事。規之文書。詮爲定義而已。非有他也。

(斯氏尙有二證以避尤未錄)……由斯而譚歷史之相詔者。可以顯人權之真理矣。吾敢斷言。凡社會現象。剖晰至於微芒。苟非導吾入乎人生自然之法。則爲無物。不反。之是法。而謂已了然於社會現象。是謂自欺。(二)

斯氏之言如此。此而護持天賦人權之說。人儘以他語攻之。究不得譏其缺於內籀歸納之功矣。昔者王安石論禮有曰。『禮始於天。而成於人。天則無是。而人欲爲之者。舉天下之物。吾蓋未之見也。』今以斯氏之言參之。自然之說。誠所謂放諸四海而準。又可爲吾儒喜者也。

惟於此有當注意者。斯賓塞用其天賦人權之說。以主張放任。而德意志學者用之。頗

偏於國家干涉之爲愚雖引斯氏以張人權而於其過於放任之處究不敢附和以故嚴君曰『今所急者非自由也而在人人減損自由而以利國善羣爲職志』斯語也愚不敢非之惟必舉例以實之何項自由宜減何項自由宜損然後有異點可商今茲一茫乎無畔岸之詞可否未易言也雖然愚有數言必以告讀者則利國善羣首重風俗吾國風俗之惡全球無對故政治之惡亦全球無對試觀今之政象雜出於聲色貨利賭博無賴之中即可概見其所以然則所得小己之自由過多而國家制裁之力未至。在文明諸國此種惡習雖不得言無而於社會風紀尙無大礙故彼中法家尊重社會秩序不輕以干涉爲言（一）而吾又寧在此例者吾之政客直爲博徒吾之勾欄卽爲政海他國寧有此耶他如廣置姬妾濫吸鴉片窮奢極侈縱欲敗度財賄公行棍騙滿地紀綱墮地廉恥蕩然他國寧有此耶愚嘗謂吾人治國首當以國家絕對之權整齊社會風習之事王制曰變衣服者其君流酒誥曰厥或誥曰羣飲汝勿佚盡執拘以

（二）參閱嚴譯穆勒羣己權界論篇五、惟其中有曰、「竊謂爲惡之人常有主從之分、今者狹邪之游、呼朋之博、彼躬爲此事者主也、而設勾欄、具場館者、則從而已矣、乃今之法不問其主、而獨嚴其從、其於理果爲平乎、」似穆氏於社會惡習、亦有拔本塞源之想、

歸於周。予其殺。王安石曰：『夫羣飲變衣服小罪也。流殺大刑也。加小罪以大刑。先王所以忍而不疑者。以爲不如是。不足以一天下之俗而成吾治。』又曰：『昔周之人拘羣飲而被之以殺刑者。以爲酒之末流生害。有至於死者衆矣。故重禁其禍之所自生。重禁其禍之所自生。故其施刑極省。而人之抵於禍敗者少矣。今朝廷之法。所尤重者。獨貪吏耳。重禁貪吏而輕奢靡之法。此所謂禁其末而弛其本。』（一）夫羣飲變衣服當禁與否。卽禁而加以流殺大刑與否。在今日已成問題。惟今之惡俗。萬倍於此。而未有已。愚不憚舉之。乃在證明羣俗之不可聽其自壞。而嚴君之用心良有可師耳。吾苟未能於此致謹。以國家束縛之力。大減人民之行己自由焉。恐國事未可言也。惟不審嚴君所謂減損自由。與此說亦有合否。

嚴君排斥平等。旋又曰：『須知國有疑問。以多數定其從違。要亦出於法之不得已。福利與否。必視公民之程度爲何如。』（二）此其爲說之精。顛撲莫破。惟須知平等之事。出占投票以外。尙有多端。自愚言之。資地平等。置爵授勛之制。宜除裁判平等。普通行。

（一）兩段俱見上仁宗言事書、

（二）語本蘇齊黎、見人類自然等差篇中、

政之別。宜廢信仰平等國教。不宜定婚姻平等。姬妾不宜。有凡類於此者。可以推知。以參政言。亦不得藉口於公民程度之低。而廢多數取決之制。吾人亦嚴定制限。使人民不得濫有選舉之權耳。此而尙疑國會議政之不可行。則愚敢言公民程度至此。立憲不能專制。亦將莫可無已。惟有從南海康氏迎他國人爲君主之「奇異說」稍變通之。而自儕於波蘭印度耳。又嚴君於此更徵一例。「謂少嘗干役海軍。稍知御舟之事。假使波興雲譎之際。集舟中水手。乃至廚役火工。使之議決輪帆針向之事。則此舟前路當爲何如。」（一）此說也。庸耳聽之。將以爲辯。惟稍一沉思。其僣不於倫。可以立見。蓋平等云者。乃言平時之法制。無與於變時之風雲。國家苟至存亡危急之秋。而不許政府以權便宜行事。自非狂易莫爲此言。讀者須知政府便宜行事。恆與平等之制風馬牛不相及也。如信仰平等婚姻平等云云。至以國有大故而廢除之。愚未之聞也。赫胥黎所舉之乙款。以攻盧梭者。則曰「天賦之權利皆同。無一焉有侵奪其餘之權利。是故公養之物。莫之能私。非人類以同認公許者。不得據之爲己有也。產業者皆篡

（一）此段亦本赫胥黎語。見人類自然等差篇中。惟赫未嘗謂其少嘗干役海軍耳。

而之者也。』所謂同認公許者，蓋盧梭理想中之民約，在組織國家之時，民各舉其所有納之薩威稜帖之下，再由薩威稜帖視其所須舉而畀之，於是人各自足，無有等差自非然者，則悉由豪強兼併，社會不平等之原，確由於此。其所言與吾國井田之說，互相發明，是乃偏於理想，非今日生計世界所能行，自不待論。然須知是乃盧梭依理立訓，使爲國者得其最正之準繩，以作法度，非必剷除社會已成之局，而以絕對之平等爲期也。故其言曰：『惡政府之法律，皆利富而害貧，於是所貴乎社會國家，務使人羣中無甚貧甚富之別。』是盧梭之於富，亦特惡其太甚而已。此觀於歐洲封建之弊，地主之橫，遽謂其說之不當，未免過當。故嚴君亦曰：『因時立義，各有苦心。』其在吾國封建之制久廢，資本之患未生，國中貧富之差，原不過遠，誠如嚴君所云，盧梭此說『懸而不論』可矣。

丙款曰：『羣之權利，以公約爲之基。征服者之權利，非權利也。凡物之以力而有者，義

(一) 末語勢繫盧梭竟不認有產業然者，此於赫意稍失，赫原語乃謂「產業由他道而得者皆羣也」，即產業非經人類同認公許而得之者曰羣。

(二) 社會國家爲一合成名詞，猶言基於社會公約之國家也，語見民約論一第九章。

當以力而奪之。』(二)嚴君駁之以爲征服者不得謂其無權利。欲明夫此當先就盧梭之書求之。盧之言曰。

以力服人者。自謂有權利矣。吾且暫認之以起吾說。惟吾曰。卽而求之。空無一物。如曰。有之。直夢。噫。已何以言之。如權利可由力造。則果隨因變。彼爲後之有力者所倒。權利亦彼所承。於是人之暴力足以相傾。彼卽傾之而無所虞。其違法夫至最強者。恆擁其權利人之所爲。亦惟爲其最強者而已。一旦失其所以爲力。卽失其所以爲權利。此而謂之權利。果復成何意味乎。(三)大凡以力服人者。當其服時。純乎由力。苟可不服。決無必服之觀念。驅之而行。是力之所止。義務卽隨而止。可見權利之爲物。以加於力。並於力毫無所增。故此而曰權利亦一無義之詞而已。(三)

盧梭所以說權利者如此。嚴君求反其說。論鋒似當向此。然彼擁護征服者之權利。首以湯武之征誅爲例。謂吾人將不得謂湯武革命。順天應人之事。其權利尙在不應得。

- (一) 語從嚴譯、惟征服嚴作戰勝、最以易生誤解、而赫胥黎原文、又爲 Right of conquest 故妄易之、
- (二) 法文權利 Droit 含有正義公道等意、在內、他國文字、無相當之辭譯之、
- (三) 民納論 一 篇 三 章、

之列。不知湯武之革命。可曰光復而不可曰征服。征服者以力服人之謂。非所論於湯武也。嚴君此言。又蹈『逸果倫楷』之弊矣。

欲明湯武征誅。在民約說之位置何似。首宜質之英儒洛克。蓋洛克理想中。有一自然之境。純浸於自由平等之中。然解釋自然法而施行之。其事絕難。且斷不盡如人意。民乃相與爲約。割其天賦之權若干。屬之首長。其未割者。即藉首長之力以保持之。茲約也。首長與焉。其不得有違。與平民等。如或所託人權。未之能保。則前約當然消失。而人民有權立復其原有之自由。重創政府。此洛克之大旨也。由斯而談。湯武征誅。乃正桀紂。違反民約。蹂躪人權之罪。而回復人民之自由。以創造新政府也。故曰順乎天而應乎人。順乎天。即本自然之法。以用事。應乎人。乃謂民意所歸。猶言約也。此與盧梭之所謂征服相去千里也。且又可以吾儒之說證之也。孟子曰。得乎丘民而爲天子。何謂得此如約。然得其同意也。天子不以約治其國。則民心失而約廢。人民恢復其自由。若而『變置』。若而『誅一夫』。惟所欲焉。此曰變置。曰誅。與盧梭之所謂征服相去千里也。宋蘇軾言於神宗曰。『……人主所恃者誰歟。書曰。予臨兆民。懷乎若朽索之馭六馬。

言天下莫危於人主也。聚則爲君臣。散則爲仇讎。聚散之間。不容毫釐。故天下歸往謂之王。人各有心。謂之獨夫。由此觀之。人主之所恃者。人心而已。此其說如前。曰聚乃相約。而聚曰散。乃毀約而散。意尤明顯。於是民散而仇讎其君。因顛覆之焉。此與盧梭之所謂征服相去千里也。

又赫胥黎曰。『假如商船忽逢海盜。船中有備。因而禽盜。並取其船。如盧梭言。將謂彼取此船者。乃以力不以約。所以爲不應得之權利也耶。』（一）沒收盜物。而以征服爲例。未免不倫。此其誤與前段所舉無異。推之國際。理亦相通。嚴君更舉兩國宣戰之條。茲不具論。

讀者當憶赫胥黎所舉兩款。共兩節。一曰征服者之權利。非權利也。二曰凡物之以力而有者。義得以力而奪之。嚴君駁其一而遺其二。卽以嚴君駁其一者推之。而知其於次節。不但無以爲駁。反爲之加一鐵證焉。此又思之最有趣味者也。夫所謂『以力而有』。原含兩義。一積極而有之。篡竊侵掠之類是也。一消極而有之。凡非以約而有或

先有約而後背棄之皆是也。由是桀紂顯違民意，用肆荼毒。雖承先業而所以承之者，大非其道。是與以力而有者同在一例。由是湯有諸侯三千，資以黜夏武有諸侯八百，資以勝殷。正所謂『義得以力而奪之』。光復舊物，正指此也。吾中華民國之所由來，亦惟此義足以自立。是嚴君湯武征誅之說，盧梭之所樂聞也。商舶之證亦然。盜之所，有皆爲不順商舶，禽而有之，義所在也。推之兩國相爭，權利致爲勝家所享。此種權利，亦待敗家回復其力以時奪之，無所謂『永享』。如嚴君所云也。然嚴君之言與盧梭相表裏者，猶不止此。彼既設譬以吾國土地受裁判於海牙而失之，旋謂『吾當制梃揭竿奮空拳竭餘力以爭一旦之命』。又謂『返本復原必以氣力爲斷』。是尙非義得以力而奪之之所有事耶？

愚駁嚴說既終，敢贅數言以自警。並以進諸讀者曰：大凡人著一書得享天下後世之大名，影響及於一二百年名儒碩學，篤信其說者，縣延至今而未有已。決非出於偶然。即欲攻之亦當慎所從事。昔斯賓塞縱論天賦人權之說，深慨英儒之淺嘗輒爲言以諷之曰：『倘吾英學者早知大陸法家其所主張與彼正成反對，則其發言或且較爲

矜慎。吾知德意志之法典。悉以天賦人權（一）爲之基。凡治彼邦哲學者。無論其所見何似。而決不能以浮淺目之。以德人爲學之勤。制思之密。凡爲學者。莫或逾之。則一說爲彼所共持。決不當視作泛常。不顧而唾」（二）此老之言。可以書諸紳矣。愚何人。寧謂於盧書有所心得。又寧敢妄於嚴著。肆其譏評。特以吾國方深學絕道喪之憂。謂當有以養其慎思明辨之趣。抹撥之論。無端崖之辭。非所宜也。嚴君持論。微偏於此。故愚輒忘其不肖。冀以狂悖易其教訓。因使讀者得自發其爲學之方焉。茲篇之所由作。如是焉而已。

愚草此論既終。以付手民。手民謂有餘白當補。乃更書此段於下。
嚴君引赫胥黎之說。以攻盧梭之民約。至謂其約不知約於何世。不知赫胥黎固非不認民約之說者。特其所謂約。不如盧梭作界之嚴耳。盧梭曰。約以意不以力。而赫胥黎則曰。無意無力。兩造相要。舉謂之約。此兩家不同之點。既已詳陳於上矣。然赫胥黎究非能堅守己說者。今更得其所以言約者一說曰。

(1) Natur-recht

(11) The man versus the State 八七頁

自羣事既興。人與人相與之際。必有所共守而不畔者。其羣始立。其守彌固。其羣彌堅。畔之或多。其羣乃潰。攻嶽疆弱之間。胥視此所共守者以爲斷。凡此之謂公道。泰西法律之家。其溯刑賞之原也。曰。民既合羣。必有羣約。且約以馭羣。豈唯民哉。彼狼之合從以逐鹿也。鷙逐羣。可謂暴矣。然必其不互相吞噬而後行。是亦約也。豈必載之簡書。懸之象魏哉。隤然默喻深信其爲公利而共守之已矣。民之初羣。其爲約也大類此。心之相喻爲先。而文字言說皆其後也。其約既立。有背者則合一羣共誅之。不背約而利羣者。亦合一羣共慶之。誅慶各以其羣。初未嘗有君公焉。臨之以貴勢尊位。制爲法令而強之使從也。故其爲約也。實自立而自守之。自諸而自責之。此約之所以爲公也。夫刑賞皆以其羣。而本衆民之好惡爲予奪。故雖不必盡善。而亦無由奮其私。私之奮也。必自刑賞之權。統於一尊始矣。尊者之約。非約也。令也。約行於平等。而令行於上下之間。羣之不約而有令也。由民之各私勢力。而小役大。弱役強也。無甯惟是羣日以益大矣。民日以益繁矣。智慧賢不肖之至不齊。政令之所以行。刑罪之所以施。勢不得家評而戶論也。則其權之日由多而趨寡。由分而入專者。勢也。且治化日進。而通功易事之局成。治人治於人不能求之一身而備也。矧文法日繁。國閒日富。非以爲專業者不暇給也。於是有業爲治人之人。號曰士君子。而是羣者。亦以其約託之。使之專其事而行之。而公出賦焉。酬其庸以爲之養。此古今萬國之通義也。後有霸者。乘便篡之。易一己奉羣之義。爲一國奉己之名。久假而不歸。烏知其非有乎。輓近數百年。歐羅巴君民之爭。大率坐此。幸今者民權日伸。公治日出。此歐洲政治。所以非餘洲

之所及也。雖然亦復其本所宜然而已。

右說者乃嚴君取赫胥黎之意而敷陳之以入乎所譯天演論者也。愚於斯說取數點焉。一曰民既合羣必有羣約。一曰其爲約也實自立而自守之自諾而自責之一曰尊者之約非約也約行於平等。一曰民權日伸公治日出亦復其本所宜然而已。茲數說者皆不啻爲盧梭之書下以鐵板註脚與赫胥黎他日之所以攻盧者其意決不符合以不符讀愚論終篇亦可得其大略。愚謂其文恆互相牴牾而不自覺者指此嚴君挾赫以排盧或亦忘懷於十年前所譯同一作者之論也耶。

甲寅日刊存稿

發端

民國六年一月廿八廿九兩日

(一)

愚不獲以文字與邦人諸友見者年餘。竊以爲更事多。積理富。大有可資商權者存也。相知者亦謬以相期。及料事選言。擲管自奮。前之所自信足資商權者。乃俱烏有。愚知斯文出世。前之相期者。必且動色相告曰。若某者。所言亦不過如是。又焉用彼言爲也。嘻。是何故歟。是何故歟。

愚常澄心思之。若是者有本有原。本原非一二語所能盡也。今請先標一義曰。薄今人與境相對者也。惟非常之人。能勝境焉。否則爲境所制。所制所惱。所拘攣。所戲弄。夫境者。現在之謂也。以是人每不能熟察現象。與以相當。應有之處。置惟覺當前之百無一人。至爲當前之境所制。所惱。所拘攣。所戲弄。則其心思。恆遊於境外。而不禁生其懷舊思古之情。當袁氏執政之時。每聞人言曰。何者何者。舉未若前清也。當今之時。亦聞人

言曰。袁氏之所不應出者。帝制耳。何者。何者。其舉措俱有愈於今之爲也。噫嘻。心理之偏至。抑何至於此極歟。無論新舊代謝。時序莫復。假若復之。而謂今之謳歌過去者。將擇而安於其所謳歌者焉。雖五尺之童。亦不能信。蓋過去者。卽當時之現在也。苟非當時至不滿於其所謂現在。而謀革命焉。有今日名實未虧而喜怒爲用。稍稍平情以思。當知所經苦痛之去人未遠。而感情用事之無益於人治也。夫政弊俗偷。在今已甚。爲愚言者。決非於現在有所曲庇。特以既見其弊。與偷之所在。當汲汲求所以藥之。而不當廢然爲歧想悲觀。所誤吾鄉有名士之女。嫁夫不文。憤而語其父曰。有壻如此。不如爲娼。此特與愚所謂薄今者同其情致耳。非真能爲娼者也。愚之轉語則曰。不能爲娼。卽當爲婦。不娼不婦。是爲自絕。今之人豈有真欲自絕者乎。胡爲一念之差。使其流弊乃至於斯也。

醫社會之病者。恆苦東扶而西倒。國家經一度劇急之改革。其症候之新發見。爲前此所未有者。豈得言無。不過新生者二三。革去者或爲五六。以二三爲五六之償價。豈猶有虧。駁者曰。二三五六。未爲的標。在予思之。或得其反。愚謂改革者。本非能驟見光明。

之事。卽如駁者言。亦舍尊。今別無良法。譬爲隧道。乘光入洞。入之愈遠。黑暗愈增。斯時也。果頻頻迴首。戀餘光而輟功乎。抑奮力前進。以求大通乎。

凡愚所言。在說明所謂今者爲吾人不可逃之一限。而又決非理想之域。其中情感利害意見。希望新舊相銜。錯綜百出。欲爬梳而條理之。所須調和質劑之功。至無涯量。而此者又斷非不可能之業。國家之事。邏輯中恆有境焉。納所有情感利害意見。希望於其中。各各到其好處。吾儒之所謂位育卽斯境也。謂治國者其功能將與斯境合體。誠爲欺人之言。然懸爲的標。息息而意之。期於不中不遠焉。則立憲之精義也。當今立憲各國。其政績足與於不中不遠者。且難言之。何有於吾國。故吾者不可因其難能而廢阻。尤不可不知難能之處。卽在爬梳條理所有情感利害意見。希望之中。爬梳條理所有情感利害意見。希望又俱爲準情酌理。平易近人之事。而欲爲準情酌理。平易近人之事。則以今日吾輩生斯長斯之社會爲之基礎。已恢恢乎其有餘。毋妄憶過去而流於悲觀。毋預計將來而蹈乎空想。腳踏實地。從所踏處做去。則今之國家庶有可矣。此本報之大願也。讀者若以卑之無甚高論相誚讓。則敬謝不敏。

(一)

愚昨推論舉世悲觀之原曰薄今茲請更著一義曰忘我。

人之恆言曰無辦法。無辦法。又曰舉國滔滔。我奚能爲。又曰天下之大。成事者何必在我。嘻。此真忘本之言也。蓋物與我爲對待。舍我而言物。物於何有。實屬不可思議之事。故無我。卽無國家。獨奈何。舍我而與人家國事。

忘我者有二蔽。一曰我爲善。無利於而國也。我可不爲。一曰我爲惡。無害於而國也。我不妨爲。爲此言者。大抵以治國之責。推之於人。或以國無可治。寧相與倒行而逆施之。不知人之能作是想。誰不如我。計我之於全國。固若稊米之在太倉。然九層之臺。起於累土。吾累是土。環吾而立者。又舉見其同累。是土也。而九層之臺成。乃至全國無一人矣。今之現象。毋乃類是。

愚嘗推原其弊。蓋中於未明我義。凡人自始生以至終老。蓋有必盡之義務焉。所謂義務。範圍之廣。狹。實行之難。易。儘各不同。而邏輯上必有其相當之域。恰與若人身分智識境遇相稱。冥冥中促之。不得不準。是而行者。則無疑也。是之謂本體。本體者。乃真我。

也。眞我爲玄名。精理非附於人。無由表見。由是以分界。張甲李乙而張甲李乙羣得我名焉。夫張甲李乙固各自有其我境。而要能以能舉本體爲歸。不然者。卽不得謂之有我。於時張甲自稱曰我。未敢許之爲我也。李乙自稱曰我。亦未敢許之爲我也。必欲我之。此亦張甲李乙久假未歸之我。非眞我也。眞我者。律之人人而準。非張甲李乙所得而私也。往者讀公孫龍子有白馬非馬。黃馬非馬之義。以爲難解。由今思之。有何不明。蓋亦謂馬者。邏輯上有其本體。初不待黃白諸色而立。黃之白之意存乎黃白。非能舉馬之實耳。與愚頃所談我義蓋相通也。

讀者果不以斯義爲謬。則凡自命爲我者。宜時時不忘其義務。以求合乎邏輯上之本體焉。此其義務效用。初不出乎一己。蓋如是始成爲我。不如是則不成爲我。我者人也。故易而言之。如是始成爲人。不如是則不成爲人也。由是我完我職與否。爲己身人禽舜跖問題。至其及於國家之影響。乃第二步事。人曰我爲善於國爲何如也。我爲惡於國爲何如也。似猶未免早計。雖然。一國之內。張甲李乙何止萬千。果張甲李乙羣居。如沙點之相聚也。則一沙點之爲善爲惡。誠無所關係。乃甲乙有其公我焉。張甲爲善。固

無益於公。我而公。我可得藉此以自見其本體。李乙爲惡。固無損於公。我而公。我不幸以此不見其本體。公我之一見一隱。所關於世道人心者。至巨。蓋公我者。光明也。其見也有若光明之發於黑暗。羣欲得光者。舉至此而接焉。語曰。己立立人。己達達人。所謂己公我也。光明也。立云達云。傳光之謂也。斯則盡其在我之爲效於國家。果何若哉。故人葆其真。我爲國家之所利賴。反之其害中於國家。無待言也。

眞我何在。亦易辨之乎。曰。易辨葆之亦易爲功乎。曰。易爲功。大學有曰。小人閒居爲不善。無所不至。見君子而後厭然。揜其不善而著其善。當其厭然之時。卽能辨其眞我之所在矣。此小人且能之。何論於中人以上乎。孟子曰。人能充無欲害人之心。而仁不可勝用也。充無穿窬之心。而義不可勝用也。是在能充其類而已矣。充其類者。卽葆之道也。孔子曰。我欲仁。斯仁至矣。夫仁者人也。人者我也。故不啻曰。我欲我斯我至矣。是第恐不爲耳。何不能之有哉。

我義旣明。則其中明明有邏輯之境途。不可不遵之。而往。愚曰。忘我。非恐張甲自忘其爲。張甲李乙自忘其爲。李乙乃恐甲乙忘此邏輯之境途也。故張甲李乙亦惟有周察。

四圍境遇認明。一己正當之地位。本大無畏之精神。行其良知能之所覺驗而已。一切悲觀之談。自暴自棄之事。舉無地足以容之也。方今人欲橫行。民彝墜地。世之君子。不以愚說爲迂遠而存之。於言治或不無小補也。

論通信祕密

二月二日

前日憲法會議二讀會。討論通信祕密一條。正負表決。俱無結果。遂致重付審議。以此了無疑義之條文。紛擾特甚。廢時損望。甚可惜也。

原案第七條爲「中華民國人民通信之祕密。非依法律不受侵犯。」提修正案者。謂他條皆明標自由。何此獨無。是宜曰「中華民國人民。有通信祕密之自由。非依法律不受限制。」或曰「中華民國人民通信之自由。及其祕密。非依法律不受侵犯。」驟聞之。似亦持理甚正。實則不然。蓋此種條文。有廣義之規定。法有狹義之規定。法任取何法。皆可惟兩取而駢立之。則不詞也。

所謂廣義者。以通信自由。含祕密別無意義。世斷無信件被人啓閱而仍詡言通信自由者。故一言通信自由。即當然含有祕密不受侵犯之意。論英憲者。且以通信自由。納

之言論自由之下。觀戴雪諸書。詳論私人權利。並無置重通信之點。誠以言論自由。可以包括通信自由。在內是又取義廣之又廣者也。吾人制憲。求其條分明晰。雖不必高談英憲而通信自由之普通含義允宜認之。故愚意修正案主標自由。卽自由二字已足。如「通信秘密之自由」。「通信之自由及其秘密」云云。其詞贅。非大法之所宜著也。

所謂狹義。則適得廣義之反序。蓋廣義以言論自由。包涵通信自由。以通信自由。包涵通信秘密。而狹義則以通信秘密推知通信自由。以通信自由推知言論自由。故條文中已有秘密字。則不必更加自由字。查臨時約法第七條。原爲國民有書信秘密之自由。草案易爲通信之秘密。當時所持之理由如何。愚未暇深考。而爲文字上之一大進步。則毫無可疑。比利時憲法第二十二條第一項曰。通信之秘密。不受侵犯。The Privacy of Correspondence is inviolable 其形式正與吾草案同。若必以自由字譯入。如吾修正案所爲。在歐文當爲 Freedom of the Privacy of Correspondence 邏輯上之不可通。稍沉思而卽得也。蓋自由者正面之詞。負面爲不自由。必有不由之時。

而後自由爲有意味。如規定居住自由。是知居住有不由者矣。選擇職業自由。是知選擇職業有不由者矣。若言某事祕密。則異乎是。此吾欲祕密。則祕密之全由本人心理之作用。決無他力爲之牽掣。是祕密本身有何不由之有。若曰。吾欲以此祕密達之某甲。有力從而阻之。故不自由。是明明達之之不由。非祕密之不由也。若曰。吾以此祕密達之某甲。中途爲人漏洩。欲不自由。是亦達之之不由。非祕密之不由也。故通信之自由。及其祕密云者。尙不過文字上重牀疊架。若通信祕密之自由一語。且有意義上之紕點也。信是。則取狹義標祕密字。時自由字。不可不省。

然則今日審議會宜取廣義乎。抑取狹義乎。愚謂求條文之明顯。以取狹義爲得易而言之。以維持原案爲得。蓋原案第十條。別有言論著作及刊行之自由之規定。所謂言論自由。卽廣義之通信自由。是通信自由已有歸宿。今欲另標通信一條。必主狹義。義始不複。夫主張修正者。特慮自由二字之無著耳。參觀十條。並無是慮。故維持原案。本無旣形簡貴而取他條互證義更隱括無遺誠爲一舉兩善之事。不然將致憲法上留一大費解釋之點。不足以示後也。

國教問題 二月五日

國教問題。爭執數月。迄不得所以解決之道。今已短兵相接於議場矣。若終不得兩方心理差足自安之一點。以爲歸宿。必至有礙制憲之進程。甚可憂也。

然則所謂兩方心理差足自安之一點。究竟有之否乎。曰。邏輯上必有一境。以位斯點。惟是。否。心。誠。求。之。與。求。之。是。否。即。得。爲。不。可。知。耳。茲。篇。制。論。意。在。欲。求。斯。點。其。即。與。邏。輯。應。有。之。境。合。轍。矣。乎。愚。何。敢。言。特。由。今。觀。之。舍。是。將。別。無。他。道。斷。可。知。也。

邏輯者美名也。邏輯中所具之境。驟聞之必且以爲至優極粹。愜心貴當。此又不然。愚前言之。斯境者兩方心理差足相安之一點也。既曰差足。則對於斯境相安之態。必與對於原境者有差。昔英儒莫烈著調和論。有曰。調和之義。蓋即兩端而執其中。其鮮明之色。蓬勃之氣。足以自激。激人者。均去原義遠甚。至哉莫烈之言。人每豔稱調和之名。渾忘調和之實。遇實至而以爲未副。其名或審其已副。而於實終無所取。如葉公之好龍。然無怪乎。日言調和。而與調和。倏馳日甚也。

憲法者百年大計也。談憲之家。每謂必具遠矚百年之眼光。而後制作可垂久遠。是說

也。無以難之。然愚則謂千里之行。起於足下。明日適越。不得謂今日爲已至。是故所謂百年。決不能外於今年。而從明年起算。且泥近忘遠者。人情之常。今年雖祇占預計年度百分之二。而當時情感利害之亟求。表現於憲法者。較之預計將來之情感利害。並望其同時表現。其重量豈僅非一與九十九之可比。或且逾半量而未有已焉。是今年一年。在百年中。其領分至爲龐大。於斯而欲抹煞一時之現象。動曰憲法非如此理想。未叶也。非如彼法理不通也。愚疑其於制憲之眞作用。有未明焉矣。

既曉然於調和之爲境。本遠遜於理想。復洞見憲法之爲物。不得不置重當時之情感利害。而後國教問題一言可決。

孔子之不得爲教夫人而知之。而昌言孔教者。則自信彌篤。夫以不可通之理。信之者。居然有人。而其人又屬讀書談道之士。且人數並不爲少。則其理之將以一種方式。覓其途以入於憲法。反對孔教者。宜認是之反之。而昌言孔教者。亦宜於對面有所認是。相質相劑。相取相與。而所謂兩方心理差足自安之點出焉。憲法草案第十一條規定信教自由。而於十九條第二項。規定國民教育。以孔子之道爲修身大本。愚謂於斯點。

庶乎近之於斯點庶乎近之

此兩種規定之有矛盾性。憲法之不應干與教育方針。與將來教育違憲問題之費解。釋。俱爲缺點。而在昌言孔教之一方。又且以不著孔教二字爲不滿志。愚固言之。調和者。非理想也。以理想詰調和斯誠大謬。以調和言調和能維持原案亦足矣。同人其詳審之。

一院制之主張 二月十六日

今日憲法會議將有一極大之修正案發現。即劉君崇佑主張刪除憲法草案第二十一條「國會以參議院衆議院構成之」是也。果此案而得通過。則國會將由兩院制變爲一院制。此其影響於憲法及國會之本身者至巨。兩方爭論必甚急切。故愚亦亟欲貢其一得。以資商榷焉。

愚在前清資政院時代。即主一院制。南京參議院時代。復主之。參議院北遷。復主之。而皆不爲時流所許。愚溯觀前著。自審尙不失爲知言。故重復主之。至採取與否。同人自有公議。惟就主一院制者之言論。而與以相當之評駁。則憲法之幸也。

主一院制者。有曰中國無特別階級。無取乎有上院如英日。中國非聯邦。無取乎有「
院如德美。此既熟聞之矣。而主兩院制者。亦於茲無異議。於是設立兩院。其理由純集
於兩院邏輯上之作用。或曰兩院所以防國會之專制也。此愚前論之謂爲誤。在以團
體之公意與個人之專欲視同一物。蓋個人之專欲。乃由己身直截主之欲。東則東欲
西則西以專制意念之本體言之。將無施而不可。若代表團體則有種種不同之意見。
雜陳於其中。必此種種意見相攻而相錯。而最後之公共意見始出。縱或意見壟斷於
多數黨而少數黨始終張其旗鼓決不輕聽多數黨意見之流行而多數黨尊重政治
道德或鑒於其他利害亦必爲相當之讓步。此代議政體之所以爲良觀於吾憲法會
議之於國教問題而即可證者也。烏得與個人之專欲同日而語。如必以多數黨之意
見爲政治罪惡則一黨容或控制兩院之多數一院之專橫以兩院救之兩院之專橫
又以若干院救之乎。是防國會專制之說未足爲兩院制之保障亦可見矣。劉君崇佑
意見書中所舉調節紛爭一層與此相類。卽不復論。

或曰兩院所以防立法之輕率也。此愚亦曾論之。必假定上院之德智優於下院。然後

於理可通。今兩院議員皆出於選舉。是無異使人民舉其次優之人物於下院。以爲其直接代表。而留其最優之人物不舉。儲爲間接之代表也。有是理乎？若曰德智儘同意見。容或不一。各國立法儘有以乙院之立異。促甲院之反省者。愚謂意見二字更無標準可言。果其人德智俱同意見。亦必相去不遠。吾憲法會議乃合兩院而成之。其所發立法上輕率之主張。初無間於發者之屬於何院。此可見輕率之未易以兩院救矣。劉君意見書中有謂重大法案。往往與地方情形及人民利害相關。多由政府提出。在政府提出此案之先。必經幾許之調查。而後由專門人才起草。又經專門學者斟酌損益。大體業已完善。不過由國會修正議決而已。故立法精詳。在提案者之是否慎重。不在國會之爲兩院抑一院。此其爲說。愚亦謂然。

平情論之主兩院制者。誠亦不能無相當之理由。前所舉防專制節紛爭。慎重立法種種。如得兩院邏輯上之作用。誠亦可收幾許效力。但愚意其弊太甚。非兩院所能救之。其弊不甚不必以兩院救之。故愚終不肯放棄前日之主張。而不辭覲縷爲同人陳之也。

頗聞人言主一院制者。別有用心。是殆將剷除省議會之職權。進一步即廢省議會。更進一步即廢省。愚謂此爲論點外之猜度。不當有之。愚主張省自治最力者也。往年著甲寅雜誌。且痛陳吾國之宜取聯邦法度。論者必以爲聯邦與兩院制。相因而生。愚乃既主聯邦。反攻兩院。豈非矛盾。愚則不覺。聯邦與兩院。必有邏輯上之關連。德美聯邦之必有上院者。一以各邦幅員人口大小多寡之不均。在法律宜使均之一。以各邦習俗法律之各異。宜設特別代表以障之。而吾俱無是。吾即採聯邦制。亦較普通之地方自治深其程度而已。與法德美之由各獨立國聯成一國者迥異其趣也。其趣既異。即不必捧心而效其顰。愚之主一院制。不因地方制之觀念變更者。此也。以愚好爲龐大之地方自治論。而無嫌於一院制。則凡慮一院制之有妨於地方自治者。愚俱以爲過慮。蓋省議會自具其獨立應有之職權。較之選舉參議員其重要何啻倍蓰。此種選舉特不過職權之附屬者耳。人若慮不舉參議員。省議會即屬可廢。此其自治論。豈尙有一顧之價值哉。若曰主一院制者。將借一院以廢省議會。乃爲事實之不可諱。愚則謂此事實而誠然也。彼之欲廢省議會。可借之端甚多。初不必咬文嚼字而爲一院兩院。

之爭論。故爲法律上之論議。祇當就本題着想。旁及他點。是徒自惱耳。以上所舉。不盡愚意之百一。以今日憲法會議討論是題。愚姑爲短篇。以爲連署劉君修正案之證。

理想之一院制 二月十九日

吾國向無所謂憲政。茲番之憲法會議。乃民國開宗明義之造法機關。故新國家之組織。非昨日而已。然實自今日而方始。譬諸繪事。吾國爲一質地光潔之白紙。設色布景。訴諸匠心。非如各國有憲政之歷史。有重疊之機關。有階級把持之隱憂。有地方特殊之利害。每議改革。動爲現狀所束縛。譬諸繪事。紙上已設有色。已布有景。重設重布。極不易易也。以此之故。吾國憲政程度。雖甚幼稚。容可取歐美政治學者最新之理想行之。無所於滯。此誠千載一時之機。不可失也。

愚主一院制。卽根諸上舉理由。蓋謂人之有兩院。實有歷史上不得已之故。初非就國會本身之作用。而權度之善善從長。因取兩院。殆歷史上之事。實形諸國憲。不可驟去。乃不可不覓相當之理由。以遮護之。天下事利害相生。凡成一制。亦斷不至有害而絕無利。政治家者。從而導揚其利。而政治原則成焉。法儒涂格維爾。所謂政治學中之格。

言。成。於。偶。然。之。事。實。者。此。也。今。吾。國。議。會。組。織。果。有。歷。史。上。不。得。已。之。故。橫。於。吾。前。者。乎。無。有。也。既。無。有。矣。而。必。以。人。後。加。之。說。辭。爲。吾。先。天。之。根。據。毋。乃。失。之。不。智。方。今。兩。院。之。勢。漸。成。弩。末。嘗。論。人。二。十。世。紀。世。界。思。想。有。兩。新。趨。一。爲。聯。邦。一。爲。一。院。制。而。兩。種。思。想。俱。發。於。憲。政。祖。國。之。英。倫。自。愛。爾。蘭。自。治。案。出。而。聯。邦。之。趣。意。生。自。千。九。百。十。一。年。巴。力。門。案。成。而。一。院。制。之。精。神。勝。是。人。方。視。其。物。爲。憲。政。上。之。大。障。礙。吾。乃。寶。其。敝。屣。鏤。不。肯。捨。夫。亦。可。以。不。必。矣。

主。兩。院。制。者。謂。防。止。專。橫。慎。重。立。法。種。種。固。自。有。其。理。由。然。防。止。專。橫。如。輿。論。監。督。政。府。解。散。反。對。黨。堅。持。未。始。無。相。當。効。力。慎。重。立。法。有。專。門。名。家。之。起。草。有。審。查。三。讀。之。手續。其。保。障。亦。至。充。分。若。於。此。而。猶。慮。有。專。制。輕。率。之。慮。則。國。會。本。身。存。在。之。價。值。已。有。可。疑。防。之。豈。勝。防。者。萬。一。加。一。院。而。仍。專。制。如。一。黨。同。控。兩。院。多。數。時。加。一。院。而。仍。輕。率。如。吾。兩。院。聯。合。而。仍。通。過。所。謂。憲。政。原。則。案。時。又。如。之。何。是。故。國。會。之。弊。太。甚。非。兩。院。所。能。救。不。甚。則。不。必。以。兩。院。救。之。愚。自。信。茲。爲。破。的。之。言。決。難。驟。易。其。有。較。強。之。說。足。爲。兩。院。後。盾。且。有。多。數。人。主。張。之。者。則。國。內。激。進。保。守。兩。種。勢。力。宜。分。爲。兩。院。代。

表之下院代表比較的激進派。上院代表比較的保守派。故今之參議院必當改組。而以退職正副總統、國務總理、特任行政官、退職海陸軍大將、特簡任法官、以及大使公使等加入之。此說誠近似矣。然說者果將據是以創造參議院乎？抑因已有參議院憂其瓠落無所容，乃爲增加色彩，謀以示別乎？是不待問而知爲後之說矣。果爾，是吾本無保守階級而必設法創之以求合乎世界所謂上院之習慣焉。且無論將來新舊之爭，或且因是而愈烈，爲是說者之將噬臍而無及，卽以增造保守階級本事而論，寧得免於捧心效顰之譏乎？愚爲此言，並非謂吾特殊勢力之不當代表於國會也。特以爲吾國政治正軌，當求納舊勢力於新勢力之中而融和之，不當使舊勢力異軍蒼頭，特起平分議法大權，以致釀成新舊交閔之局。以愚思之，欲求此種勢力之得代表於國會，卽一院並非無道，何必兩院乎？請言其略。

十九世紀以還，歐洲政治學者發見選舉制度之不公，少數黨之廢票太夥，因之國會中代表之多寡，不與民意之部分成其適當之比例焉。於是有比例選舉之說出，世試以例證之。子丑寅三區選民各二千人，甲黨候補者各區之票爲一千一百，乙黨候補

者。各區之票爲九百。於是甲黨三候補者皆當選。乙黨三候補者皆落選。合而計之。三千三百票。與二千七百票之差。不爲太甚。而結果懸殊如此。其爲不公甚明。吾國前由省議會選舉參議員。卽微有此象。今假定省議會百票。甲黨七十票。乙黨三十票。而選舉法非三分之一之票數不能當選。於是乙黨以短少四票之故。參議院十人中。竟可不得一人。若律以比例選舉之精神。則乙黨應得三人矣。此比例選舉之所以爲良也。吾國選舉之弊。尙無深固不可破之陋習。他國明知此法之善。鼓吹若干年而不能行者。吾國可於登台初步。毅然行之。惟行此制。愚意投票法可以略爲變通。則投票者。不投人名。而投黨籍是也。同人驟聞是言。或以爲怪。不知比例選舉之要義。在票無虛投。若人名固定。將仍有虛投之弊。故英國赫爾所創之比例選舉法。投票者駢列七名。第一人不足之票。或有餘之票。歸諸第二。第二人不足之票。或有餘之票。歸諸第三。以次類推。法國所創之比較選舉法。且於票中明標黨籍。夫旣選舉。不可無黨。而投票者。又不能專投一人。故愚以爲不如再進一步。不投人名。而僅投黨籍。而以全國爲一大選舉區。以黨執政。焉。其法由各選舉區將票數彙寄本黨。本黨計其總額。定爲本黨得票

之全數。甲黨如是。乙黨內黨亦如是。於是。以各黨票數之總和。按照議員名額而均之。卽定爲每名議員當選應得之票。例如議員三百名。甲黨票十五萬。乙黨十萬。丙黨五萬。是知當選票數爲一千。而甲黨出議員百五十。乙黨百。丙黨五十。名額旣定。再由本黨將應選人名與本選舉區協商定之。報告政府。謂本黨共出議員若干。如是者。各黨均得其相當之代表。而全國無一廢票矣。然其利更有數端可言。選民識低。抉擇非人之弊。可免。一也。妄人運動選舉之弊。可免。二也。下驕濫竽之弊。可免。三也。黨中領袖人物。優秀分子。可以從容配布。四也。以有第四利之故。今之求改組參議院。以表現特種勢力。如行政家。外交家。法學家。教育家。種種俱迎刃而解矣。斯誠理想之最上乘。愚意宜酌行之。

然行此有一前提。則認政黨爲國家之公機關是也。夫政黨旣爲運用憲政不可少之物。而法律又默認之。茲承爲公機關使形式上選舉由之而出。實爲理勢兩順之事。夫憲政上之習慣漸次凝爲國憲。以昭法守者多矣。如國務員對國會負責之類是也。研求英倫憲法者。每怪國務總理之一名詞。未嘗一見於法律。此則不文憲法之國爲然。

他國異是。若政黨者在。政習慣中。尤爲著稱。而法律上。不予相當之承認。論者且或以承認爲不然。是之謂不知類。此其說美國學者倡之。非愚之創論也。

如上所舉。吾國國會。將以世界上。嶄新銳進之理想。成之代表。既極平均。賢才可以競進。而又爲完全民意。純粹高潔之唯一立法團體。足以排斥其他。不倫不類之機關。使無存立餘地。前劉君崇佑所提修正案意見書中。謂於國會之外。別設機關。卽名曰參議院。或曰參事會。以國會職權之一部分。如制限行政權者付之。在國會閉會期間。若有緊急處分。以及同意國務總理之事發生。此機關卽可代行國會職權云云。愚雖與劉君同主一院制。而於此點。不敢附和。蓋國會雖閉。會胡乃不能臨時召集。而必求之別一機關。國務員同意權。在北美付之元老院。倘此權當行於國會閉會之時。大總統可以臨時召集一院。愚意吾國正當仿行其意。而將開會法定額數減至三分之一。卽斷無不能咄嗟立集之虞。何必更作駢枝。以傷國憲。總之愚所主張。自信爲高尙。充滿之民權論。所心醉者。乃純理之一院制。而凡非驢非馬。依傍國會之參事會。與夫特設階級。削足適履之參議院。俱所反對。竊怪自來持民權論者。遇有輕薄可喜之談。每紛

焉。而鼓。掌。獨。至。徹。上。徹。下。新。穎。精。當。之。議。論。真。有。大。造。於。民。權。者。轉。充。耳。而。不。聞。甚。矣。好。真。龍。者。之。不。可。多。得。也。愚。曩。在。上。海。民。立。報。論。一。院。制。有。曰。『夫中華民國之龐大。爲世界冠。有所建設。頗足影響於世界之今制。并遷移歷來政治學之故道。使成一新流。倫。吾。一。一。爲。各。國。政。治。現。象。所。局。陳。陳。相。因。而。勦。襲。焉。則。吾。實。辜。負。一。絕。好。之。政。治。舞。臺。且。貽。後。世。無。窮。之。戚。』愚。於。茲。論。亦。云。

議會之品格 三月八日

昨日憲法會議參議院改組問題。復無結果。原案以不足十餘票。仍遭否決。論者病之。以爲少數人應犧牲其所見。以服從多數。愚意特以爲不然。

夫議會之人數太多。必需減少。殆已成爲極普通正當之輿論。即議會諸君。立於會場之外。其所持論。亦多以減少爲然。獨至一入議席。即堅持名額不當。規定之論。此乃羣衆心理之惡徵。愚意對於此種心理。若不加。以。征。伐。不。足。以。當。編。製。大。法。之。任。故。此。少。數。者。之。意。見。他。人。愚。不。敢。言。在。愚。決。不。肯。犧。牲。

且多數者。力犯極普通正當之輿論。而有所不恤。不得不使人疑及議員諸君。有護持。

本。身。利。益。之。私。心。由。此。推。見。以。議。員。而。議。關。於。議。員。之。法。實。有。未。當。而。憲。法。會。議。之。威。信。及。其。品。格。因。兩。俱。有。傷。民。國。二。年。之。議。會。以。歲。費。問。題。至。今。爲。人。詬。病。今。復。以。爭。名。額。之。故。致。憲。法。不。能。進。行。此。神。聖。莊。嚴。之。議。會。果。將。何。以。示。後。哉。愚。論。本。無。價。值。何。敢。強。諸。君。以。傾。聽。唯。望。此。區。區。數。十。百。字。不。爲。將。來。民。國。憲。法。史。中。之。一。紀。念。物。則。幸。甚。矣。

參議院減少名額之主張 三月九日

愚昨著議會之品格短評一則。魏君鴻翼發函正之。其言甚辯。愚既感魏君辱與之意。復存孔氏盍各之思。請得續有所陳焉。魏君謂愚前次在議場所發規定上院名額之論。所舉之例。皆屬小國。不足以概吾國之大。若吾國之大。二百數十人宜不嫌多。而轉嫌少。此似魏君未深觀愚意之所在。愚前次在憲法會議所表意見。曾載三月一號本報。請復錄之。

統觀各先進國上院之所由立。不外兩種主義。一爲代表地方。一爲慎重立法。此固不能絕對無所出入。有時取代地方主義者。其中亦含有多少作用。使對於下院

而爲第二院。類按其所編訂移付之各法案。以期臻於完密焉。然在大體上言之。性質固有所偏重。如美、德、瑞士、巴西。其國皆聯邦。此誠代表地方主義之極則也。故其上院精神。完全爲此主義所壟斷。至於荷蘭固非聯邦。而上院議員。出於地方議會。亦可謂代表地方主義者。此一類也。他如英、法、匈、奧諸國之上院。卽無所謂代表地方主義。而專爲慎重立法起見。此又一類也。兩類之分野。略定吾人從而歸納。因發見一極有趣味之事實。爲其事維何。卽凡取代表地方主義者。上院之名額。少凡取慎重立法主義者。上院之名額。多是也。例如美國上院總額九十二名。德國總額五十八名。瑞士總額四十四名。巴西總額六十三名。荷蘭總額五十名。此皆取代表地方主義者。他如法國上院總額三百名。西班牙總額三百六十名。意大利總額三百二十八名。種種。此皆取慎重立法主義者。彙觀各國之上院組織。以此標準試之。歷不爽。天下固無如是偶合之事實。故知其中必伏有一極大之原則焉。本席閒嘗研究以爲。凡取代表地方主義者。其代表方法。每一地方之代表。不容有兩個意思之存在。德國且至以每邦議員投票。必須一致。著之憲典。他國雖無此明文。而上院

中投票同一地方之議員正負兩歧者絕少。蓋凡關於地方利益之特別事件該地方之出身者主張必須從同。若不從同將不足以保障其利益。非如慎重立法可以個人自由發表意見從長計議也。以故慎重立法人數利於多。代表地方人數利於少。以純理言之人數少至一人意思將不求統一而自統一。故理想上之地方代表祇一人而已足。然一人在世俗之眼光似乎太少。故北美上院取各州兩人之制本席以爲近乎理想。可以取法者也。吾國參議院究竟取何種主義乎。從前討論院制時固曾有人以慎重立法爲言。然一致最強之主張則謂參議院純爲代表地方。既爲代表地方本席以爲卽宜舉行代表地方之實。而使各地方之意思不至歧而爲二。換而言之。人數卽宜其少而不宜其多。實則多少本無一定標準。究竟何者爲多何者爲少。在本席主觀以爲。每省兩人最爲適當。然恐由十名減至此數未免太相懸殊。故韓君六人之議本席亦甚贊成……

由右觀之。愚所討論在上院之一機關。必如何運用始得與其所採之主義相符。苟其機關宜乎人多也。則多之宜乎人少也。則少之。魏君不於此致辨而徒曰愚所舉例皆

爲小國。無論德美。初不爲小。卽小矣。其立法。果善。何害於取。則若曰。吾國大於他國。議員名額。卽宜多於他國。初不問機關之如何運用。則英國小於吾十倍者也。其內閣會議之人數。達於二十。而吾國僅得半焉。是以僅得他國半數之小內閣。而治十倍於人之大國家。論者其將何以自解。是故不從機關著想。而徒拘墟於土地戶口大小多寡之比例。多見其自尋荆棘。未足以入於邏輯之論議也。且如魏君之言。似忘其所討論者。爲上院。蓋比例人口而定議員名額之多寡。在下院代表民意。義誠有取。若上院者。其要義全在機關之運用。如何。魏君併爲一談。宜乎所見如彼。愚前主張一院制時。曾言現時兩院性質無別。駁者頌言有之。今知言如魏君。猶有此觀念。不明之論。足見兩院制之未易言矣。總之魏君如欲賜教。宜針對愚所持之主旨。加以非難。今茲所規足。以動庸衆。未足以盡名理也。

至少數服從多數。誠爲國會之通則。然國會絕少全場一致之案。是議員中自信其主張精確。堅持到底者。必自有人。且。不。有。若。而。人。不。足。以。見。立。憲。之。精。意。愚所持論。特謂愚當勉爲是人。初無意牽掣何案。使不通過。故願寄語魏君及同會諸君。各尊其所見。

使憲政平流而進。則憲政之幸也。

魏君謂規定名額。可讓諸普通法律。愚意國會組織。本爲根本大法。各國憲法。類規定之。今吾編製憲法。而於此點不圖爲根本上之解決。是乃社會苟且之心理。愚期期不敢贊同。

若謂憲法停滯。因歸咎於少數者之所見。他人愚不敢知。在愚決不肯以此負咎。蓋政見之分野。當論量不當論數。律以孟子雖千萬人吾往之義。在自信甚篤者。儘可以一人之見視爲足抗全場之總意。而有餘故。愚意此事以平心研究爲得。毋爲多少數所鈴束也。

論解散權與不信任投票 三月二十三日

凡人作事。最忌打成兩橛。愚謂制憲亦然。本草案之精神。政制趨重內閣。此議員一致之心理也。顧有舉行內閣制必要之條件。每以一時之政治對象打消之。於義無取。於制不便。如議員兼國務員。卽其例也。此其自相鑿枘之主張。行見將憲法「打成兩橛」。愚滋懼焉。因貢斯說。

內閣制之要義。在乎政治運用之圓活。其所以能臻圓活。則在閣會之相軼相衡。因是賦內閣以武器也。亦必以相對之武器賦國會焉。其賦國會以武器也。內閣之必得所賦。亦然緩之則兩兩相持。而收質劑之功能。急之則兩兩無所戀。惟恃國民之公判。此誠內閣制之特彩。較之總統制中之行政長官與夫國會議員其被任也。一不以能而以歷。一歷爲白芝浩所言苟任期不滿。而又不死。無論失職。何似均無如何者。其死活通滯之度。蓋未可以道里計也。

由右觀之。解散權之與不信任投票。在內閣制中。如鳥之兩翼。車之兩驂。闕一而不可論者。謂解散權在民國爲不可有。愚以爲何制爲民國所應有。何制爲不應有。苟非訴之成心偏見。初無一定之標準。所有最辯之論。宜莫若王君亮疇。彼謂持解散論者。是舍已知之民意。而求未知之民意。愚意不然。夫國會是否確能代表民意。從來學者未敢斷言。藉曰能之。亦在初選時爲然耳。善夫英倫學者魯西烈之言曰。『自總選舉數月之後。無論何時。不敢謂國會仍能代表選民多數之意。故當總理提議解散以前。國會之代表性。容或久已喪失。在選舉區中。各政黨之趨勢。久已變遷。而在國會。除間由

補缺選舉稍易色彩外。其餘容或未變。是故爲總理者。號爲控制國會之多數。而在一時期中。實能反抗輿論以行其政。且所謂時期。卽延至若干年。亦未可知。自非總理假國民以機會。復行選舉。民間蓋無直接有力之方法。使政府得覺其意矣。一由魯氏之言觀之。王君所稱已知之民意。總選舉數月以後。卽不敢言。此在邏輯爲然也。若云事實。又或國會之意與民間之意顯然背馳。不難共見。王君所謂已知。轉將在此而不在彼。然則已知未知之說。豈足爲定論乎。

其次則解散權之加制限。愚意亦不謂然。蓋一制有一制之精神。苟鈴束之。使其精神不可得見。則其制等諸無有。試設解散之實例思之。

(一) 政府受不信任投票。或預算及重要政策被否決時。政府號稱以政策訴之國民。可得解散國會。但以參議院不同意。不得解散。而內閣當應時辭職。夫參議院之不同意。云者。有以明兩院之多數非同黨派。卽俱爲與黨。苟若而黨勢相持。兩三年不變。此實政策中恆有之點將見兩三年內倒閣無數次。而內閣卽灼見民意未必贊成國會。而以無法往訴。唯相與次第倒斃而已。此內之釀政象之混沌外之起民。

志之激昂。政象失之太剛。勢窮不可得濟。莫此爲甚。

(二)又假定內閣與衆議院之多數爲連在參議院則否。而有重要法案不得通過於參議院。又非得該案通過。政莫能行。所有憲法上迫脅參議院之法。俱已用罄。而終不得當。則惟有解散衆議院以再度之民意要之而已。英倫愛斯葵斯內閣。千九百十年與十一年兩度解散下院。卽爲此也。茲爲憲政上最近最有趣之良例。不能料吾國之必不有倘解散以參議院同意爲前提。則全體死矣。

(三)又或國家有絕重要之政策。與國家存亡有關。無論國會通過與否。勢在必行。如斯而被否決。政府以存亡呼吸。亦未便以辭職卸其責任。是唯一救濟之途。不出解散國會而已。倘或不得參議院之同意。而在時勢又不得不解散。或且釀成苛疊達之機會。國會終以違憲之解散而亡。試迴思前次段總理。以外交政策徵求國會同意時。以約法無解散國會之規定。談者卽微有此懼。此之不可不察也。以此種種理由。愚主張解散權。不加制限。有慮不加制限。在今日政情之下。政府將利用之以培克國會。同時施用不正之手腕。擾亂選區。而國會再度之選舉。決難望勝利。

者此其爲慮誠不爲過。然若政府如是爲惡。則衆議員三年一任耳。此類不正之手腕。可以間三年而一行。夫三年一行。與一年或二年一行。不過百步五十步之差。且彼一度行之三年之中。議員保能俯首戢尾聽命。唯謹將不至重勞政府之處理。吾輩曉曉就此討議。且爲多事矣。是故憲法爲進步的。須先假定一定之政治程度。以爲基礎。不當專就黑暗面著想。若拘墟此焉。則步步自封。又豈僅解散權之當。斬予乎。且愚意政制以試驗頻繁而改善。而試驗之中。屢屢發見不期之果。相反之效。所謂山窮水盡疑無路。柳暗花明又一村者。此情此景。政治家往往遇之。今之論者以爲解散太易。將爲政府利用。愚之觀察則若政情不更較。今加惡以後。運用憲政。或卽以此而形其圓活。內閣竟得以總選舉之方式倒之焉。亦未可知。

且愚更有進者。政家有恆言。解散者內閣所以罰國會也。英之史家巴爾有雅諺曰。『凡議員投票反抗政府。如其成功。不得不自承數百鎊之罰金也。』言雖滑稽。乃有至理。蓋凡行事不可不有忌憚。而忌憚之最切深者。莫如己身可得可失之利益。苟任其所爲。而於己終無所損焉。不僅受者有所不堪。而施者之價值聲威。俱將掃地以盡。以

此之故國會既擁有時時倒閣之權則其權萬不可使之不負責任而濫施之在今日人類社會之中以無制限之解散權納之政府因以選舉運動費之一數百鎊一爲其負責任之標的乃至善之法也

愚一方論解散權至此他一方之於不信任投票認爲萬不可少從可知矣有曰此憲政之習慣可不規之憲法其論誠通惟在吾憲政初萌之國凡政府之所爲絕不易引之入於正軌有此巨棒以當其頭並鄭重規定使不得不準之而趨實爲因勢利導之要著未可以在他國僅爲憲例吾乃漫棄置之也由此設思草案此條所規定之結果迫內閣使不得不辭職否則解散國會者并亦不當刪去蓋向後政象之中所最懼者卽爲政府與國會兩相背馳一方不顧國會意向之如何行爲之如何而彼漠然不爲動卽或不信任之決議已經通過彼仍抗不去位一掃政治上之名譽律而空之在他一方一味抵抗政府今日言彈劾明日言不信任而發議而附議而討論而起立而通過不問其鎗是否實彈惟質貿然伸臂閉目而發焉此其政局誠大殲矣故愚主張無制限之解散權與有結果之不信任投票相輔而行也

國務總理之任免與副署問題

四月四日

國務員副署之規定。在本日憲法會議爲一重要問題。大體上無可討論。所當研究者。則大總統任免國務總理是否仍須國務員副署而已。

大總統在法律上不負責任。凡有命令皆由國務員副署。此實全稱命題不當發生疑問。謂在何時期有何事件是否必須副署。況任免國務總理爲大總統行使特權之最著稱者。此而可不副署。其政治上之弊害姑且不論。而法律上之解釋如何能安。故法蘭西之慣例。凡後任內閣總理之任命。皆由前任內閣總理副署。其餘閣員之任命。則由新任總理副署。法蘭西憲法所定。凡大總統之公文書。須一國務員之副署。此種慣例。爲該條文當然之結果。故其深得法意。宜可法也。

而在英國則不然。當內閣更迭之際。英王物色繼任之人已定。即行召見。謂以組織內閣之權假之。而繼任者握王手摺之。在形式上即爲受任。無命令之發布及由何人副署也。而英之慣例如此者。蓋以內閣總理之一名詞。從不見於法令之內。閣總理一職。法律上無其地位。政治上之作用。雖云絕大。而由法律窺之。不過一國務之周旋人。

而已。且因內閣總理不含法意。例兼充財政第一總長。而其署名。每以財政長官之資格。如英王任命工務總長。由財政兩總長副署是也。英憲爲不成文。故有此特殊之慣例。強欲倣之。恐不免於東施捧心之譏矣。

雖然。步武法蘭西。在吾憲政初萌之國。亦有大困難焉。蓋凡責任內閣之精神。內閣無不以國會與黨之多少爲進退。失國會之多數而不退者。絕無而僅有也。其在法國。國會有不滿意於內閣之質問。或不信任之動議。不待表決而內閣請退者。四十年間。達於十次以上焉。此其閣員之重視名譽。律遵守政治道德。斷非吾之所敢望。則試假定吾國國會。偶或對於內閣表示不信任。而有決議其結果非解散衆議院。卽國務員辭職。又假定解散之事。以不得通過於大總統及其他原因。不能實行。勢惟出於免國務總理之職。一途時則此項免狀。總理及國務員以不肯遽退之故。均拒絕副署。更進推之。國務總理自願退職矣。而於繼任之人。多方挑剔。於此項任狀。亦復拒絕副署。此豈非憲法上之一大死症乎。

且尤有事實上之障礙。欲前總理副署於後總理之任狀。未必時時可能。例如民國元

年唐少川赴津不返。趙智庵繼任之任狀焉。有唐名。又如此次段總理被任。而其前乃無總理。無從覓人副署。此其流弊。非缺而不署。即被任者。自署前者於法爲不完。後者於義爲無取。於此而欲求一變通適當之道。亦不得謂非題中應有之義也。

有曰國務總理之任免。宜全不須副署者。此亦有可慮。蓋大總統擁此無限之特權。見有總理。不便於己者。無論國會之意向如何。或不免有突如其來之免職。此其發生政治。上之紛擾。決非尋常。愚嘗思之法蘭西之成例。信爲憲政上之正軌。吾既不足望此。而求應今日之變。又不至釀將來之憂。則規定國務總理之任免。不須副署。惟限於國會。有不信任決議時。庶幾近之。

論行政裁判

四月六日

行政裁判問題。前日憲法會議之二讀會。已開始討論。本日之論潮當益烈。因就鄙見略敷陳之。以供同人參考焉。

愚於本題。自民國初元以來。時有論列。如以譚陋所及知。依序陳述。非此短篇所容。茲請就前日會議中。同人所提諸點。一辯解之。

一、行政獨立說。論者曰：三權分立，行政與司法各有領域，今以行政裁判隸於司法，是司法侵犯行政，不可通也。(一)愚今請問行政裁判是否爲一種裁判，裁判之所由生，是否基於人民之權利有所損失，果如是也，則司法所司何物，由一面言之，人民有一般損失權利之事，而司法不問是爲自喪其獨立，同時由他一面言之，人民有某種損失權利之事，而司法問之轉爲侵犯他人之獨立，邏輯果何存乎？夫所謂一般某種者，特客觀之區別耳，就權利之主觀言之，則一致也。蓋買賣者有物求售，平民購之，而其值如是，官吏購之，而其值亦如是，平民虧其值爲損，其權利官吏虧其值亦爲損，其權利民損其權利，當受裁判於法廷，官吏損其權利，自亦當受裁判於法廷。今其言曰：官吏之受裁判於普通法廷也，有妨行政之獨立，邏輯又何存乎？善夫甄克思之言曰：「吾英固有分權之說，惟其所謂分權，在法廷獨立，不受行政部之節制，而大陸政家之分權云者，乃行政官吏脫離法廷，不受其制裁，其見解之謬如此。」是侵犯行政之說之無據，可不煩言而解矣。

二官吏特權說。論者曰：官吏以施行行政處分而有損於人民之權利。此其資格當然與私人不同。故宜設特別法廷理之。(一)此其說尤爲大謬。蓋國家者至善也。故國家不能爲惡。國家之一切機關均不能爲惡。一切官吏均不能爲惡。苟或認容其爲惡。則所以構成國家之機體立解。而於人類社會所賴有國家之理摧滅無餘。故凡世俗所謂機關之爲惡者。非機關之能爲惡。乃官吏假機關以爲惡也。官吏假機關以爲惡。乃以其私人資格。非以其公人資格也。故凡行政處分無不當也。有一不當。因損害人民之權利。其責宜課之官吏之私人。今曰官吏宜有特權云云。是直與立國之本旨相背矣。

三審判便宜說。論者曰：行政訴訟含有行政之性質甚多。非習於行政者不易了解。自來民刑分庭。以民庭推事審理刑事。或以刑庭推事審理民事。且虞其扞格不通。今以行政訴訟納之普通裁判之下。又焉有當。故平政院者爲審判便宜計。亦不得不設。此院之設。殆亦猶海法軍法之特置裁判耳。無他意也。(二)此說甚辯。而實不

然。蓋法律中有所謂一類之法。其法規之施。受僅及於一類之人。而與普通人民無與。所謂海法軍法俱是也。以軍法言。意義所及止於軍人在軍事範圍內犯罪懲罰而已。非謂軍人犯普通刑律亦能藉口於軍事裁判不到普通法廷也。(一)夫行政法者。其中固規定官吏與官吏之關係。而官吏與人民之關係亦復規定。而其精要復在後而不在前。世謂英美無行政法。實則規定官吏與官吏之關係所謂行政官規焉。得無之其與大陸法系不同者亦官吏與人民之關係不爲特別規定耳。由斯以談。論者之擬行政法於海法軍法。僅得擬行政法中關於行政官規之一部以概其全。未免不倫。且此一部之法規亦決不繁重。憲法確立。循規而行。緣此而涉訟。如吾國內務交通兩部停職人員。依據文官保障法。控其總長者。蓋絕無而僅有。果其有之。判斷此事亦決不需何種專門學識經驗。如民刑兩法之各有領域。未易相通。然此而不能由普通法庭理之。愚不識其理由何在也。

四。人民程度說。

論者曰。行政法系爲特權法系。非行政法系爲平等法系。以法系論。

(一)前日會議某君謂軍人當受特別待遇。何至行政官並一兵卒之不如。此語離奇。可不必論。

平等自優於特權。惟若國民之程度不及。則特權法系。或亦較爲適用。吾國人民。向祇知有行政官之司法。而不知有司法官之司法。今特設行政裁判。於人民心理最合。訟獄必且易歸。(二)此又不然。愚在甲寅雜誌答某君書有曰：「所貴乎國民程度者。乃在民力自動之時。而非在民權被控之際。乃爲人民參政而言。非爲國家執法而語也。國家執法。以施之民。應以何種形式出之。此法制優劣問題。而非民智高下問題。廢除行政裁判。誠有取於官民平等之義。而謂在法律眼光之下。民智高者。官民當平等。民智低者。官民不當平等。此種論法。恐有未安。吾國治法。夙持民可使由。不可使知之義。是民智絕下。乃吾人已定之前提也。而在法律。且官民向無歧視。官至極品。罪無論爲公爲私。均一律下刑部獄。初不聞行政事項。當別設獄以待之也。然則法律上平等之待遇。與國民程度問題。又胡來直接之關係。」若曰民習於所赴訴者爲官。此在昔誠然。今後未必仍爾。卽或仍爾。亦於民刑訟事爲然。至其關係上連於官。必且以爲官官相護。控訴無益。自來民欺於官之案之隱忍而寢者。蓋

不知凡幾也。今若假施行憲法之力，使了解於司法獨立之意味，而知有別於官吏之獨立審判機關，則民敢於控官，官因不敢欺民，其現象或且遠愈於昔日，而何訟獄不歸之爲慮乎？即不歸矣，猶當設法以致之不得藉此以弛其主張，況夫不必不歸者乎？

以上四說，特就前日所得聞於會場者，一爲辯之，其詳未暇陳也。總之吾國官吏萬能司法毫無意味，人民權利之損失，積若邱山，行政裁判最良之辯護，亦祇得曰：「行政管轄事務性質複雜，普通裁判官無各項專門知識，技術不精，難保無拘文牽義，昧於事實之武斷。」（一）已耳，不得謂人民權利不因此而受損也。夫在德法官律嚴明，吏治稱最，其施行行政裁判，容或得足償失，而在吾國果何望者？大抵知識愈高者，舞弊愈甚，技術愈精者，欺民愈勇，無論官吏損害人民權利事件，所需知識技術不必多也。如在鐵路，人民不服官吏強收其土地，以致涉訟，斷此案也，與鐵道之技術無關，何必特設鐵路裁判，即需知識技術多矣，而爲今日扶持司法精神起見，亦當放任於此圖。

（一）此黃君雲鵬在憲法起草委員會第十六次會議所云。

償。於。彼。奈。何。懼。官。吏。虎。狼。之。性。之。猶。未。鑒。轉。設。淫。詞。而。助。之。攻。乎。

凡此乃指厲行行政裁判之主旨而言也。而以最近之現象推之。其所謂行政裁判之設置或完全爲一麻木不仁之機械院長蹣跚以行評事施施而游大力者手指東則奔東手指北則奔北除此偶爾無意識之跳盪外平日蠢然無所事事如今日之北京平政院者亦未可知。試觀平政院設立以來。幾曾見一差強人意之事。足供吾人考憶。有之亦惟袁世凱時代之王治馨案。南京八釐公債案。及最近內務部案數者而已。前者有類十常侍之北寺魏忠賢之東廠後者有類英倫十六世紀之星院。其中所含法院之性質絕少。吾人卽此而論其利弊更與本題有若風馬牛之不相及。推言至此。愚蓋益不知所以置辭矣。

論同意權

五月一日

愚前以事離京。兩旬之中。未能以文字與讀者相見。比昨返京。偶與二三友人接談。及循覽數日間之報紙。覺其中櫛比待論者。不可一二數。而財政總長問題。今日適移付於參議院。就詢愚意者尤多。茲特於此略述鄙懷焉。

愚論此題。着眼在憲法之當如何運用。而於本人之臧否能鄙。不甚措意焉。當本報未出版之先。有內務總長張君國淦被否決於參議院一事。愚曾於憲法公言著有一論。略謂「憲法上之規定。如同意權種種。乃濟變之途。而非必由之路。號爲濟變。則必有非常之局迫之。行之。行之之後。憲法上將特生異彩。然後於義不謬。以此之故。若而條文。非至萬不得已。知政者恆避而莫敢撓。亦特留此最後一步。而凡政客之所爲。舉在未達此步之範圍以內。以相盤旋。以相質劑。使見制憲者之妙用耳。不可視爲日用飲食。數數用之也。試觀同意權之設。濫觴北美。幾曾見康格雷濫用斯權。是故憲法貴有彈性。運用憲法者。尤貴保有其彈性。此類是也。」愚重按之。終以其言爲不可易。故述之。

愚前論內務總長案。猶有一節。略謂「是案所生之影響。凡三一激增各方厭惡國會之心理。一創開上下兩院相抗之惡例。一釀成政治麻木之現象。第一項證迹顯然。不言可喻。以第二項言之。下院之所表決。非有特別理由。不容輕予反對。此憲政之常軌。不可不守者也。今一總長同意案決。非有不得已之故。必開兩院交關之端。悍然爲之。

何以示後。以第三項言之。在憲政可稱破產。蓋以內閣總理所提出之人而一再不得通過於國會。其效果應與不信任投票相等。乃施受兩方若俱夷然。一貿貿焉提之一貿貿焉抗之初不計此種行動之作何意味。可謂不仁之極者矣。是說也。或亦足供參考焉。

間嘗論之。近年中國政治之日趨腐朽。日益紛糾不可理。皆由人的問題。是故打破現狀力求進步。當開闢一新方面。使人的問題漸易而爲法的問題。若曰吾易而人不易。又如之何。則吾爲政治道德之最先犧牲者。以求博最後之勝利。亦何不可之有。

憲法問題

五月二十六日

憲法蓋既垂成矣。爲兩派所爭執者。不過二三問題。而此二三問題。在法理政治兩方。又俱非不可讓步之物。徒以平日疎通未得其方。武人又從中干涉。感情以盛。融洽愈難。平情思之。凡此皆客感所乘。非政家質直純潔之態也。吾人所當從事者。亦兩方之持理。何如耳。以愚觀之。解散權。若加他一院同意之制限。事實上等於無有。此觀法蘭西可知也。但全無制限。又恐蹈於日本濫用解散權之險象。於是嚴定場合。有若不信。

任決議。有若預算案。否決。有若重要外交案。否決。斯亦可謂平情而近理矣。有不以後二項爲然者。不知否決預算案。卽爲不信任政府最大之表徵。此而不能解散國會。國會恆得避去形式上之不信任決議。而以否決預算之方達其安全倒閣之目的。期期以爲未可也。至重要外交案之否決。其有解散國會之必要。證以今事。其理甚明。故愚意研究會之主張。如此在政理上大有存在之價值。決無黨派之成見。屬入其中。

決議案與法律同效一條。其必當刪除。可不煩言。而解爲問。所謂決議案者。以範圍言乎。以手續言乎。如曰範圍。凡國會所議之案。都應以法律爲準。若踰法而涉於政焉。則國會所當議及者。似乃太無垠量。如曰手續。則凡不經讀會兩院未俱通過之案。而亦可與法律同效。則法院豈非虛設。由此設想。義總有所不安。若其範圍未越於法乎。而手續又與他案之通過無異。是亦一法案而已矣。何必別標決議案乎。

至地方制度。研究會所主者爲緩議。此無持論當否之可言。但緩議之理由。愚亦謂其甚足。蓋省爲吾國之特別國情問題。異常複雜。無論何人皆不能有圓滿解決之提案。而憲法又爲經世大業一成未易變更。審慎周詳。談何容易。況乎憲法會議之精神。已

同弩末而國人望憲法之成立有若雲霓當此國論紛紜之際布憲急切之秋既乏審議之時間復中以苟簡之心理以此付諸緩議又何疑焉

右研究會之三大主張愚從理論推之覺其均可贊成此外更有政治上之理由二願得一終述焉

研究會在憲法會議爲少數派所有憲法上之主張從來不能貫徹凡經二讀會所通過之各條文研究會所引爲病者蓋不知凡幾而乃隱忍無可隱忍卒至出於最後之抗爭並聲言如不得請彼派議員俱將辭職以去夫苟其要求爲至無理也吾爲百年大法計何惜深閉而固拒之若其要求於理僅得其半乎而憲法本非一黨一派所能包舉之物吾猶將稍稍犧牲所見以屈從之至其要求於理無所背者愚敢一言自督其良心曰讓步而已矣愚恆爲同人言少數服從多數固爲政治之常軌而多數容納少數之意見亦爲政治道德之所必不可無今更瀆陳是言矣此其一也

研究會者進步系優秀之代表也而與之相對者爲國民系此次憲法上之衝突儼然爲國民進步兩系之爭衡愚嘗攷兩系離合之歷史而決其於國家之安危有至密切

之。關。係。焉。辛。亥。之。役。兩。派。聯。合。運。動。而。大。功。成。民。國。二。年。不。幸。而。分。途。乃。次。第。斃。於。袁。氏。鐵。腕。之。下。而。清。流。之。政。治。生。涯。中。絕。洎。護。國。軍。興。蔡。唐。岑。梁。并。起。僂。力。而。帝。制。以。倒。此。數。月。來。兩。派。之。精。神。又。稍。稍。離。矣。悲。歎。不。平。之。聲。輒。復。潛。起。此。乃。政。界。之。大。悲。觀。愚。誠。私。心。竊。痛。者。也。憲。法。問。題。生。此。紛。擾。明。明。爲。兩。派。未。能。推。誠。協。商。之。證。迹。過。此。以。往。兩。派。將。益。無。調。和。之。機。前。路。險。巇。乃。不。可。量。故。討。論。憲。法。愚。亟。望。同。人。注。意。黨。派。離。合。家。國。安。危。之。故。對。於。研。究。會。之。主。張。爲。圓。滿。的。讓。步。爲。吾。國。政。黨。史。上。開。一。新。紀。元。焉。此。其。二。也。

本斯二者。益以憲法上固有之理由。愚雖無似。願得爲憲法請命矣。

加入歐戰問題之意見 二月十日

凡。爲。一。事。萬。不。可。忘。却。已。身。本。來。之。地。位。吾。國。弱。國。也。原。無。力。足。以。自。存。其。至。今。日。尙。得。列。於。國。家。之。林。皆。食。機。會。均。等。主。義。之。賜。自。今。以。往。吾。國。必。以。己。力。振。其。國。勢。固。爲。吾。人。之。所。企。圖。然。其。所。已。食。之。賜。不。得。不。求。而。更。食。之。也。亦。無。疑。義。前。提。既。定。則。凡。有。一。時。機。將。陷。吾。國。於。旋。渦。以。至。機。會。均。等。主。義。不。能。爲。吾。保。障。乃。爲。吾。所。必。避。此。邏。輯。

應有之斷案也。

當歐戰發生之時。吾人有一普通理想。謂必德意志不至全敗。而後均勢不破。吾國可卽於苟安。不然。協約國以席捲歐洲之餘力。轉而解決東方問題。則結果未易言矣。果此種理想。在前日爲不謬者。今日中於感情。貿然拋棄。殊爲不智。

吾之不利德意志之全敗。蓋欲其於將來會議中。以兩種對抗之力。維持東方現狀。吾得於連鷄不棲之勢之下。以圖苟活也。今議吾國加入協約國。是與協約國同其利害。非欲陷德之該撒於千八百十五年拿破崙第一之地位。是吾之舉動。爲無意識。果陷之焉。則吾前日所慮人乘餘威以傾我者。將不免於實現。斯不亦進退失據矣乎。或曰。吾雖加入協約國。於歐戰不必有所影響。將來德之不敗。仍在意中。是則徒買德人之惡感。以至和平會議中失去一中分。和議之與國。則又與於不智之甚者也。

此猶預計議和時之現象也。然歐戰何時可了。無人能言之。吾國加入協約國之後。且恐不至議和時期。吾國情形。已不堪問。蓋加入非可徒言也。必負相當之義務。而其義務類非吾所能勝。吾不能勝。必且有一國起而代勝之者。平時一國對吾。伸其野望。無

形中。固有二三國。從旁瞰之。因得紓其禍。若干。今則向之從旁瞰之者。以彼一國與之。同其利害。得以證其所爲。爲必不少之舉。俱將不敢有所聲言。則吾國當居何等。豈堪說乎。

凡此皆言東方均勢之不可破。一破之後。必至不可收拾。主加入者。謂將來議和。吾國取得發言權。乃爲大利。愚謂東方均勢不破。吾即無發言權。兩方爲維持其主義起見。其所爭。亦必間接有利於吾。若破矣。必有一國圖獲其較大之犧牲。衝鋒陷陣而前。爲他國所不敢阻。吾即發言亦無效力。甚且彼將設法制吾。使不得言。又何益乎。

或謂愚所慮於他國無理之要求。即不加入協約國。恐亦難免。曰。是尙有國際上之名譽律。足以制限幾分。且吾無隙以授之。亦必不肯驟發。若加入矣。則不僅無名譽律之作用。或且即以其所要求爲名譽。此不可不辯也。

總之。吾國既生存於東方均勢主義之下。此主義終當保持。不可使人有破之之機會。使人破之。且不可。何況自破以迎人。須知日伺吾旁。謀破此物者。固大有人矣。獨奈何。熟視而無所覩乎。

反對政府外交政策者應有之覺悟 二月十五日

政府此次決定對德之政策。未免失之輕率。無可諱言。持反對論者之所焦慮。愚亦認為適當。蓋愚即懷疑派中之一人也。顧吾等雖屬懷疑。事前亦未嘗向當局有何種堅決之表示。惟見當日政府為主加入論所包圍。而吾徒之表裏附和其說者。隨在皆是。故果此政策而失敗。所謂輕率之咎。朝野兩方俱當任之。而吾儕之未能於事前積極反抗。使政府有所覺悟。亦焉能辭其責也。況此等方針。關於國家存亡者。至鉅。豈能朝令夕改。愛國之士。縱明知其不可。亦當披髮纓冠而赴其難。決無餘地可容小丈夫倖之。為其有尙能為亡羊補牢之計者。未始不可逆於政府。意旨有所主張。然祇立於補救地位。而非立於對抗地位。若根本上無益非難。甚至藉此以快其攻詰。政府之意者。愚期期以為未當也。若曰誰發者誰收之。吾不主其事。即不欲負其責。所謂披髮纓冠亡羊補牢種種。俱不肯為。則士各有志。無容相強。亦惟引身而退。絕口不談此事而已。終不宜妄有所論議。致政府正當之進行。偶被其說之惡影響。因之危害中於國家也。

當歐戰發生以前。英倫內閣。有主戰主和兩派。卒之主戰論勝。而主和之莫烈柏仁士兩氏。從容下野。決未聞兩氏有何言論。動作致礙於戰事之絲毫。莫烈者以學者出爲政家。愚讀其書。最爲傾服者也。特翹是以爲言。竊願人師其意而廣其例矣。

臨崖勒馬之外交 二月二十六日

當對德問題發生之時。愚曾發爲危言。謂此舉將陷中國於大不利之地位。冀以懲朝野上下之聽聞。使其勿飲狂泉。自蹙國命。不幸政府決定方針。微形急切。竟無機會。容許國中正當輿論之流行。惟國家行動。匪能出之兒戲。政府既已強硬通牒以上。愛國者卽不當言說長短。以致閱牆無已。禦侮寡方。愚亦曾本此旨。著爲論說。以促反對政府外交政策者之反省。當爲讀者所能憶也。其時之所懷想。蓋惟恐德人置之不答。或答而以硬態出之。吾國非出於決裂一途。必且無自存之餘地。故吾人不得不同仇敵愾。以最後自期。今幸天不絕吾。使吾終有回旋自救之一策。則德政府答語溫和。不願中德邦交之破裂。是也。據本紙之所知。德政府雖稱封鎖計畫。不能全部取銷。而關係船隻入於該特別區域以內。儘可從長商辦。夫海上之利益。在吾本爲絕無僅有。以關

係較吾深切數倍乃至數十倍之中立各國。如荷蘭瑞典丹麥西班牙種種。且不步美國之後塵。向德爲最後通牒之示威運動。而吾以東方不關痛癢之倨國。張脈憤興。不計利害而爲之。凡吾所應被懲創之程度。正不可計。乃於此際忽來國交不至斷絕之福音。所謂臨崖勒馬。此誠千載一時之好機。稍縱即逝。不可忽也。聞顏公使傳述德政府意向一電。二十二日已達國務院。而政府數日不見動靜。意其自覺責任之重大。且爲方針轉變之關頭。必且非常凝議。夫吾儕在野之士。固不能效尸祝越俎之所爲。然一念棟折榱崩。舉國同壓。因代表國中純正之心理。瀝誠哀告。使於可以徼倖自拔之時。勿更爲庸人自擾之舉。匹夫之責。亦自信所不可逃。因撰本篇。以當師瞽。明知失著以後。外交頭緒已紛。協約國之相逼而來。當局之應付。極感困難。然當斷不斷。反受其亂。立身如此。何況當國。且吾之對德通牒。號稱與美一致行動。今美德國交。尙且不必即斷。何協約國之能強吾。若曰。吾不能抗姑順之焉。則向後機局愈益紛糾。刀俎魚肉之境。又寧有底止。如此設想。更爲寒心。故愚謂此爲生死轉關。不可不爭。况理與勢又俱能佐吾乎。

愚之外交政策觀 三月十日

凡論事有抱定一己之主觀者。有周察四圍之現象者。此其結論之出入。蓋未易量焉。愚於政府所定外交政策。始終爲懷疑之一人。累次論著。均表褻於本報。此一己之主觀然也。此自貢其主見。以供政府事前之採擇。取態亦宜爾也。雖然國際間之機局。不可以一面觀。吾人之所持論。俱屬諸常識範圍。在政府亦決非無見而所向。卒與吾人。僭馳者。其斟酌慎審之苦心。或爲局外人所未盡喻。且外交方針。關乎國命。一經決定。閱牆禦侮之訓。卽宜爲愛國者之所服膺。是故一己之主觀。有時不能不囿四圍現象。而有所遷變。此本論之所由來也。

今之論外交者。以愚之所探索。約有三派。一採廣義的均勢主義。斷定對德絕交。爲不當。一採狹義的均勢主義。以爲對德絕交之策。既定。卽當與協約國聯同一氣。不使一國獨占遠東霸權。因陷吾國於孤立被動之域。一採獨立自主主義。謂當始終與美一致行動。雖對德絕交。並無需加入協約。今請就三派分別論之。

愚夙持第一說者也。在二月十號之本報。曾有一文詳論及此。及至通牒以後。政府得

有德國緩和之答覆。愚尙以懸崖勒馬爲言。卽至今愚且以爲此上策也。然而上策實不易行。當政府之對德警告也。原爲國家獨立爭人格起見。並未與各國先期協商。且逆料某國之態度。不必贊同吾國之所爲。而乃大謬不然。數日之間。各協約國先後勸告。以同一行動相要。且其意甚誠。所談大抵比較有利於吾國。斯時德奧之情意。既傷美利堅遠處太平洋未足引以抵制。最近有力之國而協約諸邦之殷勤勸誘。爲國家前途之利害。委細計較。拒之將釀成目前絕大之恐慌。夫吾國之國力未充。當此危機一髮之時。外交方針。非此卽彼。實無中立游移之地。於是政府不得不向各協約國表示堅決之態度。因進一步更不得。不有種種條件之磋商。時則與美一致行動。與否德國之答覆如何。已不爲決定外交政策之標準。而其主趣全在加入協約與否之一問題。在政府將問題引至此步。亦非鹵莽無策者。比愚前所謂狹義的均勢主義。不使吾國陷於孤立被動之域。殆卽其理由也。此第二說也。愚謂上策不行。此說尙不失爲中策。若曰步美後塵。既絕德奧復傷各協約國之感情。如第三說所爲。將至第二說之慮者。一一見之實象。則誠策之最下者矣。

愚謂懷疑派應取之態度。在理論誠不必拋棄其主張。惟若鑒於事勢之變遷。政府決策之有苦心。與其辦法之非無條理。又了然於外交關係之重大。不能出爾反爾。料定此案。不得通過於國會。舍舉行苛疊搖撼憲法之基礎。外政府或無其他救濟之方。即方今政府所採之中策。允宜加以贊助。愚本爲懷疑者之一。今願犧牲其所見。轉爲贊助政府之一人。並藉國務總理出席國會之機會。以此意著之。左方凡我同人。以覽觀焉。

外交問題

四月四日

凡爲一事。必料定。必至之勢。而後能著手。當對德抗議之時。吾國獨異於歐洲他中立國之平和忠告。而必贅斷絕國交之詞於紙尾者。雖三尺之童。有以明其爲準備宣戰之行。爲是宣戰者。本吾抗議。當然必至之程。敘一步。二步。三步。云云。特依權變爲之詞。非能以之影響於外交之主旨也。故在理論。凡曾贊成第一步者。即已不能不贊成第二步。况二步。三步之間。首尾相銜。在事實。幾不得有所區別。而乃能取其一而廢其二乎。

愚反對第一步者也。其理由曾揭載於本報讀者或能憶之。其後易反對而爲相對之維持。則以茲事爲國家存亡所關。政府既已決定方針。布達中外。一愛國之士。縱明知其不可。亦當披髮纓冠而赴其難。決無餘地可容小丈夫悻悻之爲。其有尙能爲亡羊補牢之計者。未始不可逆於政府意旨。有所主張。然祇立於補救地位。而非立於對抗地位。若根本上無益非難。甚至藉此以快其攻訐政府之意者。愚期期以爲未當也。一

此二月十五號本報之言

故論愚之本意對於政府之外交方針全部反對無分於二步三步。惟若

爲國家前途設想。卽亦不肯固執己見。人縱相貽以埴。擿之誚。亦所不辭。

惟愚有於政府之所爲。大不滿意者。則自外交問題發生以來。反對派之意見逐漸顯著。無京。無外。無軍。民。長官。無政黨。首領。無商。無工。類有浮翳障之不能與政府表示同情。而又有醉於二三策士逢迎顛預之言。以爲悠悠之口。無足輕重也。自二月中旬。以至於今三月之久。竟於調和疏通之道。絲毫未嘗措意。試舉一例言之。中國雖無所謂元老政治。而爲社會中心之康南海。孫中山。岑西林。唐少川。諸人政府以其爲異己也。始終未嘗一移商榷之書。偶遣招邀之使。使之獲聞國家大故。熟聞此諸老者。本其憂

國之誠盛倡。不然之論黨徒奔走動色相戒政府聆其言充耳如不之聞接其人熟視若未之覩坐使脈絡貫通於國會語言流播於道途致令輿論囂然空氣沉鬱本可平流而進之事徒以政府不能推誠相與力爲舉國一致之圖遂乃枝節橫生儼焉不可終日至今之反對外交者果反對方針歟抑反對政府之辦法歟殊爲疑問兩月以來愚屢以私人資格忠告當道謂天下事與天下共之如斯大業爲全國身家性命所關與尋常內政不同斷無由一黨一派把持專斷之理當局雖無其心似有其迹倘其心不盡爲人所諒釀成內訌語云蟻穴尚可潰堤則禦侮於閭牆之時天下事豈復堪問云云不幸其言未能見採馴至茫無辦法之時不得不借重於倪嗣冲輩之代表民意巧避軍人干政之名冀爲容頭過身之計此誠不得不長太息者矣

約法上宣戰同意之解釋

對德問題方針既定。約法上乃發生一問題。即斷絕國交是否包含在宣戰範圍以內是也。其在事實誠有斷絕國交後若干時不宣戰者。然斷絕國交後時時在宣戰狀況之內。遇有相當之時與地。即行開始攻擊。又爲事實之所不可逃。故二者之關係不可

脫離了無疑義因之法律上之解釋不得不認斷絕國交爲宣戰中之一步。苟國會宣戰之同意爲約法所規定則斷絕國交之時當然先徵國會意見所當研究者則第一次同意果卽付政府以宣戰之權抑至宣戰時尙須經過同意之形式耳以愚思之宣戰爲斷絕國交必至之序而事實上又息息可以兵戎相見則當同意斷絕國交之時國會不可不卽付政府臨機宣戰之權雖宣戰時形式上仍須先通過國會惟若政府不及出席國會而在國防上已不得不有宣戰之實則同意易爲追認亦無不可由此以推斷絕國交之必納入宣戰範圍以內其義甚明。

茲請徵美國之例以實之紐約二月二號電總統威爾遜開國務會議討論潛水艇案散會之後威總統卽往晤元老院外交委員會長師統先是師統曾通告威爾遜在美國與德國斷絕國交以前必與該委員會協商至是會商師統及其他元老以爲絕交時期尙早華盛頓同月七號電則稱元老院以七十票對五票之多數批准與德斷絕國交案此其中政府國會兩面由協商而至同意其蹊徑頗有可尋及實行絕交以後總統出席國會爲宣戰準備要求同意之電仍時有所見是在美國國會履行宣戰同

意之權。其手續實不止一次。雖國會承認斷絕國交。與承認宣戰終爲兩事。而國會可以對於斷絕國交表示贊否。其權實根於宣戰同意而來。故知以斷絕國交釋爲宣戰中事。其理乃至當也。

論段總理辭職事 三月六日

日來北京政海。發見一最不安之象。卽段總理卒爾辭職赴津是也。在段總理之爲此。其必有不得已之苦衷。自爲吾人所共諒。而爲自明責任起見。斷然出於最後之表示。亦不失爲大政治家之所爲。雖然。當此存亡危急之秋。以寄託最重之身。忽爲飄然遠引之舉。此於自計誠得。而爲國家大局設想。似不得謂絕無再思之途。且段總理以責任內閣相標榜。而其舉動律之責任二字。亦僅爲得半近似。此誠不得不爲總理惜者也。今請就第二點約略陳之。

夫所謂責任內閣。果對於誰而負責任乎。此不待問而知爲國會也。夫吾國憲政。初在萌芽。國會課責之法。多有未備。平日政府之所爲。其所含責任之意味蓋渺。是乃運用憲政未臻純熟。愚於兩方俱無責焉。惟以意義淺薄之責任二字。時時不斷於政客之

口而內閣雖不必置重此點乃至與元首發生異議時轉訴諸此以爲武器焉則吾人不能不借此機會以確立責任內閣之義而況解此大紛舍此更無他法乎

按立憲國之先例凡內閣以能實行其自定之政策爲原則倘或所定政策與元首所見有差閣員自應爲相當之讓步惟若閣員認爲不能讓步則視其所持政策是否爲國會之所護持苟國會主張一致元首卽不能不屈己以從於斯元首猶或堅持是謂憲政自殺此吾人不當推測之一境也反之內閣不得當於元首同時復不獲多數於國會而其問題又爲國命所關不能拋棄則形式上尙須以是否解散國會請命於元首時或國法未賦元首以解散之權元首不欲舉行苛疊達又或元首有權解散而始終不贊同內閣之所爲則內閣唯有辭職而已苟至此而仍不辭職是爲無責任之內閣苟先於此而辭職是爲不盡責任之內閣愚立此義以衡段內閣欲其免於後者之譏未易言也何也國會之意思何在彼尙未得有形式之證明也

聞總理與總統相持時總理頻以內閣責任爲言又聞總統與總理所見不同之點一在徵求民意一在暫時不必果爾則解決是題本極易易愚曾論斷絕國交本爲宣戰

之一步。苟絕交之政策一定。內閣即當徵取國會同意。而求國會付以臨機宣戰之權。今府院之意見。既不一致。而外交方針。復已決定。遲速非得國會同意不可。且內閣以責任相號召。而責任又舍國會。即爲不詞。爲段總理者。即應仰體元首。徵求民意之意。折而報告國會。詳陳始末利害。而以贊助相要。以大勢觀之。國會與內閣之所見。無多出入。總理苟挾國會之同意。以復命於元首。在元首屢屢聲明。尊重民意。決不至更於閣議有所非難。若不幸而國會不表贊同。吾國國會能否解散。爲別一問題。而內閣至斯全體辭職。既可以告無罪於天下。而於責任之道。亦恰到好處。惜乎段總理未見及此。拂衣而去。處國家於險途。壞憲政之先例。此於表同情於總理之餘。不得不貢其責備。賢者之愚者也。

然則如之何而可。苟愚所論爲不謬。愚謂轉圜之機樞。仍在國會。願憂國之士。詳求其方焉。

段總理應取之態度

段總理日前離職赴津。社會中頓生一種不安之象。昨晚總理復由津返京。所謂不安

之象。必且消除若干分。此固最可欣幸者也。雖然其能完全消除。無礙於憲政之前途與否。則必視總理所取之態度如何。始有可言。

今總理忽去忽來。在憲政上。果當作何種解釋乎。說者謂總理之去。以與總統相持。不得行其志。因自明其責任而引去。其來也。則總統予以相當之保證。使其志得行。此說是否符於真相。姑不具論。假令如是。則十八世紀以前。宮廷陰謀史中之所有事。與今日之憲政相去。萬里矣。

愚昨論之內閣責任者。對於國會負之者也。總理所挾政策。自覺與元首不能相容。當立時折而出席國會。詳陳始末利害。而以贊助相要。乃總理不知出此。遽爾拂衣而去。此於運用憲政。實大失其軌道。今已去而復來。則何所聞而去。何所見而來。不得不於憲政上。採取一定之立腳點。夫赴津一層。付諸成事不說矣。今茲之來。以憲政之義律。之惟有認爲自覺責任之所在。而下車之始。即當首赴國會。將外交方針。委細報告。請求信任。狀以爲實行該政策之符。以大勢揣之。當不至請而不得。果其不得。則國中已造成一舉。行苛疊達之機會。結果如何。非吾人今日之所敢言。幸而得之。則內閣已得。

國。會。之。擁。護。在。尊。崇。民。意。之。元。首。寧。復。有。何。違。言。是。樹。憲。政。之。楷。模。定。國。家。之。大。計。實。於。此。舉。是。賴。願。總。理。其。審。之。若。遲。遲。不。求。解。決。於。國。會。徒。逶。迤。於。新。華。門。之。內。今。日。鬬。一。口。明。日。鬧。一。氣。此。誠。與。所。謂。宮。廷。陰。謀。相。近。翹。首。二。十。世。紀。正。正。堂。堂。之。憲。政。果。將。何。日。得。其。髮。髻。哉。

本來段總理表示態度。於與德斷絕國交以前。必至國會請求同意。是總理遲速必出席於國會。何必亟亟。是乃不然。在法律上之嚴格解釋。斷絕國交。與宣戰爲二事。宣戰當經國會同意。而斷絕國交則否。然斷絕國交之必徵取國會意思者。誠以斷絕國交。卽入交戰狀況。時時可開始攻擊。若不先得同意。在便宜上不得不戰。卽發生違憲問題。且萬一開戰。一層臨時不得通過。則憲政立瀕於絕地也。果如是者。則推之實行。斷絕國交之時。恐國會忽持異議。將至禍生不測。又何如決定斷絕國交政策之時。先求國會議思之所在。轉較有伸縮之餘地乎。若曰決定斷絕國交政策之時。卽不容國會有異議。則遲速之果一而已矣。何必不速。况人情上速商則情感易調。遲商則成見轉盛。利害得失。又顯而易見哉。

創設特別國務會議增造不管部之國務員議 三月十二日

政府外交政策已得兩院之同意。此後將以舉國一致之名義。本其所定之政策。著實行。而負責行之責者。厥惟今之內閣。雖然。愚於此發見大缺陷焉。請得舉之於下。

(一)今內閣自段總理外。殊乏足以代表各種特別勢力之首領人物。以當國家大事。其所決策。不足以堅社會之信用。且以後交涉事件。將益繁重。社會之責難。將益苛嚴。內閣行事。偶或不鑒衆望。恐無力鎮壓紛擾。貫徹主張。

(二)今之國務員。皆管有專部。部務之繁簡。雖有不同。大抵盡心處理。國務之時間。甚少。充其弊計。畫不易周。匝決議。每嫌遲滯。以應瞬息千變艱危萬狀之時局。頗不相宜。

(三)以上二種理由。雖無人肯爲發覆。而事實上則已默認之。蓋以內閣人物分量較輕之故。因有梁任公參與機要之事。以兼管部務之國務員。無暇研究外交情實。因有外交委員會之設置。此在今日之政局。不得不認爲補偏濟變之方。然約法上無根據。每以對人感情。易生誤會。攻詰之弊。於是在事者欲負責任於名義。

爲有嫌不責任在實際爲不可公私兩損莫逾於此

(四) 吾國所謂國務員例管一定之專部而參謀總長因不得列席於國務會議當此外外交軍事聯鎖極密之時長此以往如何而可

由右觀之今內閣進行之困難可以了然然則其改組內閣乎此著之不易行本報已屢次論列愚迴環思索惟一救弊之法在創置特別國務會議增造不管部之國務員此種較爲新穎之論尙未見於吾國之論壇聞者或以爲可駭不知他國富有先例理致亦極平常願得平心思之

夫國務與部務在邏輯本爲兩物長部務者之必爲國務員與不長部務者之不得與聞國務均非深合邏輯之談在吾國約法規定國務員之權責頗詳至國務員之卽爲各部總長與否則別待解釋故今增造不管部務之國務員於約法全無不合之處至徵之他國英法均設有此項不管專部之國務員或爲調和黨派之所宜然或爲研究政務之所必要久已成爲慣例而英倫最近政治尤有足以供吾取法者則自開戰以來以閣員之龐雜議事極感不便昨歲之冬軍需總長雷德佐治商之總理愛斯麥斯

擬別設一軍事委員會。以四人爲之。凡所決議。內閣必須通過。愛氏難之。雷德佐治卽毅然辭職而去。雷德氏者。愛氏之靈魂也。愛氏以失其靈魂。亦卽下野。而以重組內閣之任。付之雷德氏。雷德氏得所藉手。卽本其軍事委員會之計畫。將內閣擘爲兩部。一普通內閣。一特設內閣。普通內閣。仍以新舊各閣員之管部及不管部者充之。至特設內閣。則限於五人焉。

(一) 己身 總理 自由黨

(二) 龐納魯 財政總長 統一黨

(三) 伯爵克山 樞密院長 統一黨

(四) 子爵米勒 不管部 統一黨

(五) 韓德森 不管部 工黨

此特設內閣。專議一切軍國大計。普通閣員。不列席焉。惟有與何員之關係事件發生。亦招與議。自有此組織。以後英國之軍事計畫。乃形敏捷。雷德佐治以雄才大略運之。尤見奇功。此誠最近可法之一良例也矣。

愚意吾國際此時變宜倣英倫小內閣之法創設特別國務會議以足以代表社會勢力之中心人物如段總理梁任公唐少川岑西林諸人組織之而參謀總長王士珍亦應加入是五人者除段總理本爲國務員外梁唐岑王俱宜由總理以國務員資格提出國會同意再由大總統任命此專爲討論軍國要政之閣員除王君管領參謀部外餘均不管部凡有軍國重政悉在此中討議其餘閣員非有臨時關涉之事不必加入經此會決定之後再行報告普通國務會議使贊同焉至普通國務會議除段總理兼爲普通國務員外特別國務員概不列席如是爲之段王代表北洋以梁代表進步系以唐代表國民系以岑代表西南由此五公以其本身之資格及約法付與之權能擬議天下大計定爲國是布之全國無論何派均不至有違言所謂舉國一致至此方有希望而又人少事專運用極便雖不敢謂無遺算而較今日所爲之有系統慮易周而事易集則可斷言今之憂國君子有認許此策爲切要可行者乎願得細論其實行之方法也謹議